



BIBLIOTECA NAZ.
Vittorio Emanuele III

XXIII

C

38

NAPOLI

ICC

o

ol

x

291
o
mo

EDUARDI CORSINI
INSTITUTIONES
PHILOSOPHICÆ
AC
MATHEMATICÆ

In sex Tomos distributæ.



16.
INSTITUTIONES
PHILOSOPHICÆ

A C
MATHEMATICÆ

AD USUM
SCHOLARUM PIARUM
TOMUS PRIMUS.



FLORENTIÆ MDCCXXXI.
Typis Bernardi Paperini.

Sub Signo Palladis, & Herculis
CUM APPROBATIONE.



Φιλοσοφίαν δὲ, ἢ τὴν Στωϊκὴν λέγω,
ἢ δὲ τὴν Πλατωνικὴν, ἢ τὴν Ἐπι-
κυρικήν τε, καὶ Ἀριστοτελικὴν· ἀλλ'
ὅσα ἤρηναι παρ' ἐκάστη τῶν Αἱρέσεων
ἰστών καλῶς, δικαιοσύνην μὲν εὖ-
σεβῆς ἐπισημῆς ἐκδιδάσκοντα, ἵστο
σύμψαν τὸ ἐκλεκτικὸν Φιλοσοφίαν
φημί.

Κλημ. Αλε. Στρωμ. Α.



*Philosophiam autem non Stoicam dico, nec
Platonicam, aut Epicuream, & Aristo-
telicam; sed quaecunque ab his Sectis
rectè dicta sunt, quæ docent justitiam
cum piâ scientiâ, hoc totum selectum
dico Philosophiam.*

Clem. Alex. Strom. I:



SANCTISSIMO DOM. NOSTRO
CLEMENTI XII.
PONT. OPT. MAX.

EDUARDUS CORSINI
CL. REG. SCHOL. PIAR.



I cui fortasse mi-
rum videbitur, quod Phi-

tas , atque conjunctio :
 tanta in eos , qui libera-
 les artes profitentur , hu-
 manitas : tanta denique sa-
 pientiæ , maximarumque
 virtutum gloria , quibus
 omnium amorem , & com-
 munem Orbis veneratio-
 nem semper TIBI mirifi-
 cè peperisti , ut quidquid
 in aliquo studiorum ge-
 nere publicam lucem ad-
 spexerit , id in sinum Tuum
 videatur sponte quadam
 suâ convolare . Quis e-
 nim nesciat inter illustria
 Generis Tui ornamenta

illud inprimis meritò recenferi, quod ab antiquiffimis ufque temporibus præclariffimi in illâ Viri floruerint, qui omni fapientię gloriâ commendati literarum ftudia, bonasque artes induftriâ, auſpicio, beneficiâ fuâ decoraverint? Vivunt adhuc, atque omnium orâ pervolitant immortalia. Majorum Tuorum nomina; & ANDREÆ, qui cùm ſingulari, ac divino propemodum fapientię ſplendore non Fæfulanam modò

dò Ecclesiam , cui divinitus Pastor contigerat , sed omnem ferè Italiam , profligatis erroribus , illustrasset , ad eximiam morum sanctitatem , quam ad ipsius aras provoluti nunc veneramus , maximam quoque , doctrinæ , prudentiæ , sapientiæque gloriam adjunxit : & AMERICI , qui ob egregiam virtutum laudem primus Florentinæ Ecclesiæ Archiepiscopus est renunciatus : & OCTAVII Tharsensis Archiepi-

sco-

scopi , qui exterarum quo-
que gentium iudicio omni
genere disciplinarum in-
structissimus habebatur: &
THOMÆ, & PHILIPPI, & NE-
REI Cardinalis , & PHILIPPI
demum Germani Tui : ne-
que interitum verebuntur
eximia monumenta , quæ
hanc avitam Gentis Tuæ
gloriam publicis etiam
Patriæ Decretis æternitati
consecrarunt . Qui verò
ceteris præluxisse , atque
illustriùs etiam de Patriâ,
de literis , nobisque omni-
bus meruisse videtur , is
cer-

certè fuit PETRUS ille, qui
 URBANO V. Pont. Max. in
 Germaniam, atque Hunga-
 riam Legatus, florentissi-
 mas Provincias intestinis
 bellis discerptas compo-
 suit, easdemque CAROLO IV.
 Cæsari tranquillas, paca-
 tasque restituit; quo per-
 illustri factò etsi Romanæ
 Purpuræ ornamentum ab
 egregii Pontificis benefi-
 centiâ, & S. R. I. Princi-
 patûs insignia sibi, cete-
 risque Florentinæ Ecclesiæ
 Præsulibus a benemeren-
 tissimo Imperatore obti-
 nuif.

nuisset, nihil tamen antiquius habuit, quàm ut ejusdem CAROLI auctoritate, & auspicio Scientiarum omnium Lycæum, perenni Civium suorum commodo in patriâ hac Urbe institueret, optimis legibus confirmaret, effusâ denique, ac regiâ propemodum munificentîâ exornaret. Nemo itaque unus, CLEMENS PONTIFEX MAXIME, dubitare unquam potest, quin artes omnes, & studia, quibus hæc Civitas illustratur,

Gen-

Gentilibus Tuis, TIBI-
 que plurimùm debeant,
 qui cùm Majorum Tuo-
 rum gloriam hæreditario
 veluti munere in TE fe-
 liciter derivatam supera-
 veris, publico literarum
 bono, ac felicitati natus
 unâ omnium voce cen-
 seris. Quod si communi-
 bus argumentis privata
 etiam conferam, atque
 oculos in me, Ordinem-
 que meum conjiciam, in-
 telligo sanè, ac propemo-
 dum sentio, nihil opta-
 bilius mihi contingere

po-

potuisse , quàm ut hæc
 Nomini Tuo supplex ,
 & veneratione , quâ decet
 maximâ , consecrarem .
 Altè siquidem animo infi-
 det , atque omnium ocu-
 lis obversatur singularis
 ardor , ac studium , quo
 nos humaniter complecti ,
 operis , & Instituti nostri
 causam fovere , ipsius de-
 cori , & ornamento con-
 sulere consuevisti , ut jam-
 pridem de universo Scho-
 larum Piarum Ordine
 quàm qui maximè mere-
 reris . Atque ejusmodi qui-
 dem

dem beneficentiæ genus tantum abest, ut temporis diuturnitas, aut novæ Dignitatis splendor extinxerit, ut inde potiùs illustriùs, atque uberiùs illud effulgeat. Etenim vix summo populorum plausu, atque incredibili Orbis lætitiâ ad supremum Ecclesiæ Sacerdotium vocatus nova subinde, ac majora semper amoris in nos Tui argumenta ostendisti, quibus Scholarum Piarum splendori, incremento, incolumitati ita prospicere

voluisti , ut immortalis
certè sit in nobis futura
meritorum Tuorum , ac
jucundissima recordatio .
Quem quidem memoris ,
Tibique omnia debentis
animi sensum , etsi pro vi-
ribus semper quàm privatis ,
quàm publicis significatio-
nibus universus hic Ordo
testari studuit , hoc etiam
obsequii in TE nostri spe-
cimen , ac monumentum
extare nunc cupit , ut In-
stitutiones ejusmodi Tuo
inscriptæ gloriosissimo No-
mini proferantur ; ex quo

omnes

omnes intelligant, quod
 si beneficiis hisce Tuis nos
 ad sapientiæ amorem, lite-
 rarumque studia, quæ pro-
 fitemur, vehementiùs ex-
 citasti, nos voluntatem—
 hanc Tuam meliori, quo
 possumus, virium conatu
 sic æmulari studemus, ut
 hoc singulare Clementiæ
 Tuæ patrocinium aliquâ
 saltèm ex parte mereri vi-
 deamur. Atque utinam is
 ego forem, qui communi
 huic Ordinis mei desiderio
 respondere, atque adeo
 pro rei dignitate eximium

aliquod, ac perillustre munus beneficentissimo, sapientissimoque Principi offerre possem! Quandoquidem verò neque tennes ingenii mei vires, neque ipsa temporis, ætatisque conditio patitur, ut aliud hætenus officii genus, vel observantiæ monumentum suppetat; quo devinctissimum TIBI Scholarum Piarum Ordinem plenius possim, uberiùsque testari, hanc ipsam levem, primamque studiorum meorum partem

TIBI

TIBI libentissimè nuncu-
pavi; confidens fore, ut
illam lætâ, serenâque fron-
te, quâ cetera complecti
soles, excipiens, non ex
ipsâ muneris tenuitate,
sed ex offerentis obsequio,
ac voluntate, memorem,
gratumque animum no-
strum intelligas. Quod
ubi pro summâ, ac sin-
gulari prorsus humanita-
te in nos Tuâ præstiteris,
CLEMENS OPTIME MAXIME,
non, mecum dumtaxat,
aut cum solo Scholarum
Piarum Ordine liberali-

ter factum gloriabor ;
 sed florentissimis etiam
 Urbibus , omnium bo-
 narum artium studiosis ,
 atque Reipublicæ , popu-
 lorumque faustitati præ-
 clarè consultum esse læta-
 bor . Si etenim beatissi-
 mas dicebat Plato futu-
 ras esse Respublicas , si
 aut Philosophi dominan-
 tur , aut qui gubernant
 divinâ quadam sorte phi-
 losophentur : eodemque
 Syracusis regio in curru
 perhonorificè excepto , ci-
 ves omnes ingenuo lau-
 dis

dis amore incensi ad hæc
 severiora Philosophiæ stu-
 dia frequentes adeo con-
 volarunt, ut nihil tam
 vulgare foret, quàm sape-
 re; auream certè litera-
 rum ætatem, atque Im-
 perii gloriam, TE sapien-
 tissimo Principe, TE libe-
 ralium artium fautore,
 TE literatorum vindice,
 TE facem denique ad hanc
 amplissimam sapientiæ lau-
 dem præferente universo
 liceat mortalium gene-
 ri gratulari. Nos certè,
 qui Adolescentibus omni

disciplinarum, ac Scientiarum lumine erudiendis, iisdemque morum honestate informandis ex veteri instituto, solenni-que religione omnes semper ingenii vires, atque operam addiximus; id facile fieri, atque sperari posse confidimus; ut egregii Juvenes, & ad virtutis indolem planè facti, quos hæc præsertim Civitas semper aluit, ad hæc ipsa sapientiæ studia, optimarumque disciplinarum præstantiam vehementiùs

in-

incendantur, ubi hæc No-
mine Tuo decorari, orna-
ri auspiciis, munificentia,
& amore probari intelle-
xerint; ubi denique ex
amplissimo honoris, Di-
gnitatisque Tuæ lumine
plurimus illis, immensus-
que laudis, & gloriæ splen-
dor accesserit. Maximas
itaque, & immortales gra-
tias amoris, ac beneficen-
tiæ in nos Tuæ, CLEMENS
PONTIFEX MAXIME, no-
stro primùm, & patriæ hu-
jus Urbis Tuæ, exterarum
deinde Gentium nomine,

quas inter hic Scholarum
 Piarum Ordo longè, latè-
 que diffunditur, habere
 nos decet, quòd ad hanc
 ipsam studiorum ratio-
 nem, quam nobis maxi-
 mè, & unicè cordi esse in-
 telligis, mirificè nos con-
 firmaveris, quòd exiguum
 istud illorum specimen
 perhumaniter excipiens,
 auspicio Tuo decorave-
 ris, quòd denique ad am-
 pliora, quæ remanent, vi-
 res, atque animum addi-
 deris; ut quidquid proinde
 faustum, fortunatumque

ori-

oriri inde possit, id omne
 benignitati in nos Tuæ
 acceptum : Urbes omnes
 intelligant, ac jucundissi-
 mè gratulentur. Id unum
 superest, quod omnium
 votis a Deo enixè peti-
 mus, obtestamurque, ut
 immortalitèr quidem; si
 fieri possit; aut diutissi-
 mè saltèm Ecclesiæ bo-
 no, Reipublicæ felicitati,
 patriæ hujus Urbis orna-
 mento, bonarum artium
 splendori, Ordinis etiam
 mei decori, & incremen-
 to incolumis vivas; Cœ-
 loque

loque proximam Dignitatem, compositis imperii rebus, pacato diffidiorum æstu, difficillimisque temporum conditionibus superatis, in tranquillissimâ pace conerves, quam sibi meritò ex admirabili prudentiâ, sollicitudine, dexteritate, assiduisque laboribus Tuis Orbis universus pollicetur.





AUCTOR
LECTORI
S U O.



NON est cur, optime, & amice Lector, te pluribus modò velim; aut cum perhumaniter oculos in hanc primam Operis mei partem conjicere meditaris, studium, vel benevolentiam hanc in me tuam diutius morer. Ipsa nimirum Libri frons aperte satis ostendit, quid ex veteri, receptâque Scholarum consuetudine hac primâ Philosophiæ parte complexus fuerim; accurata deinde Caput, rerumque series consultò adjecta universum Operis hujus ordinem,
ac

ac methodum exhibet; exigua denique Libri moles facile patitur, ut haec omnia, si libeat, levi, neque dolendâ temporis jacturâ, deprehendas. Nonnulla tamen sunt, quae in ipso ferè limine monendum te duxi; non solum quòd haec ipse per te conjicere fortasse vix poteras; verùm etiam quòd, etsi facile haec omnia intellexeres, praestare tamen vel maxime videbatur, ut ea ingenuè potius a me tibi exponerentur, quàm ut ingenio, diligentiaeque tuae scrutanda, vel divinanda committerem.

Ac primò, quod ad Operis hujus consilium pertinet, erit fortasse cui mirum videatur, quod hoc praesertim tempore, & loco de Philosophicis Institutionibus edendis cogitaverim, quo sapientissimi viri, quibuscum certè neque aetate, ut ille agebat, neque ingenio, neque diuturnâ exercitatione sim comparandus, hanc ipsam provinciam susceperint, eorumque labore, & industriâ Adolescentium commodo, & sapientiae studiosis praeclarè adeo, atque abundè consultum fuerit, ut illorum Opera omnium manibus terantur, omniumque voce meritò commendentur. Cui quidem reprehensioni facturus satis, si communem hanc esse dixerim, omnibusque liberam scribendi licentiam, comparandaeque laudis

dis amorem, abutar olio, ac patientiâ tuâ, Lector optime; atque, ut ingenue dicam quod sentio, stultissimè ineptiam, ac demens sim. Quid enim magis alienum, quàm ut in tantâ Librorum satietate, quibus in dies non animi solum, sed oculi quoque miserrimè distrabuntur, gravi, diuturnoque labore, ac vigiliis alios, atque alios congeramus eo demum in pretio futuros, quo rivulus aliquis, dum superatis montium, valliumque spatii oceano illabitur, haberi solet? Itaque neque temere, neque inutiliter, neque dissentienti studio, neque vano novitatis, gloriaeque amore, sed meliori certè, saniorique consilio factum est, ut sapientissimis iisdem viris facem quasi praeferebantur, novas & ipse Philosophicas Institutiones adornaverim; ex quibus novam, &, quae facile in ceteris optari poterat, utilitatem, & fructum oriri posse considerem.

Vix enim superioribus annis, primâque aetate Philosophiae studia, primoribus, ut ajunt, labris delibaveram Peripateticis castris nomen daturus, cum Academicas Ciceronis Quaestiones, aliosque id genus eloquentissimi Philosophi libros jucundissimè relegens tacitâ illâ quidem, sed vehementi prorsus vi, ac veluti pendere in Academiam ipsam paulatim

latim delabi me sensi, videbarque prope-
modum is ego fore, quem inter innume-
ras opinionum, Sectarumque ambages fors,
ac fortuna in Peripateticae Disciplinae
scopulum, ut cum Tullio loquar, impu-
lisset; unde quemadmodum Augustinus le-
cto Ciceronis ejusdem Hortensio ad Phi-
losophiae libertatem excitatum se testaba-
tur, ita gravissimis demum Tullii ratio-
nibus & ipse impulsus Academicam discen-
di methodum impensius colere, & amare
coepi: nullamque deinde Philosophiae ra-
tionem, aut jucundiores, aut ingenuo
Juveni, bonasque artes proficenti utilio-
rem, aut inquirendae veritati, eruditio-
ni, gloriaeque comparandae aptiorem pu-
tavi, quàm quae de singulis Philosopho-
rum omnium opinionibus copiosè posset,
ornatèque differere. Quae quidem opi-
nio sic animo concepta, altiùs adhuc in-
sedet, cum nobiliorum Poëtarum carmi-
na, qui vel superiori, vel nostrâ hac ae-
tate latinas, etruscasque literas illustra-
runt, ex more volutans, plura subinde in
iis offenderem, quae, cum ex penitioribus
partim Platonicae, partim Stoicae, par-
tim Epicureae, partim denique Pythago-
ricae Sapientiae fontibus sint derivata,
aegrè intelligi, atque explicari posse vi-
debam, nisi Peripateticae Disciplinae lu-
mi-

minibus, aliorum quoque Philosophorum lectio, & accurata sententiarum omnium cognitio accederet. Quod verò tunc temporis in me non sine aliquà certè verecundiâ experiebar, frequentius adhuc in ceteris observare deinde licuit; iis nimirum, qui, cum singularem aliquam Sectam profiterentur, atque praeclarè singula Aristotelis, Cartesii, alteriusve Philosophi placita didicissent, Scholarum limen egressi, atque de Platonis, aut Epicuri sententiâ interrogati, vel turpiter haerere, vel temere ea negare, aut asserere cogerentur, quae nunquam attigissent. Illud etiam ab ingenuo, honestoque veritatis amore quammaximè alienum esse sentiebam, quod plures offenderem, qui data opera, scriptisque editis Philosophi illius sententiam diluere, atque evertere conarentur, quem nunquam noverant, vel leviter solùm, perfunctoriè, ac oscitanter a primo, ut ajunt, limine, salutaverant; quod exemplis additis ostendere hìc possem, nisi illorum nominibus hac etiam de causâ parcendum ducerem, quod omnium manibus illorum Opera, oculisque versentur. Illud itaque mihi ab eo usque tempore quammaximè persuasum est, quod etiamsi Philosophorum aliquis veritatem semper, & constantissimè fuerit assècutus,

ac

ac veritas ipsa in unâ dumtaxat Sectâ feliciter reperiatur, operae tamen pretium, ac necessarium omnino est in ceteras etiam Sectas veluti transfuga excurre-re, aliorumque Philosophorum placita in-quirere; tum ut amplioris eruditionis pe-nus comparetur; tum ut omnes Sectarum omnium libri intelligantur, atque ingenuè exponantur; tum denique ut veritas ipsa clariùs possit, certiusque defendi: eâdem ferè ratione, ut praeclare monuit Augu-stinus, quâ etsi una sit Catholica Religio, quae divinitus inspirata, ac vera cense-ri, constantissimèque propugnari debeat, alia-rum tamen Religionum Dogmata, quae nos haereses dicimus, sunt addiscenda, ut Catholicae veritas contra aliarum so-phismata defendatur, earumque falsitas demonstretur. Quid verò, si nemo unquam Philosophorum, vel sapientissimus, afferri possit, qui non saepissime erraverit; si nulla Secta sit, hactenus excogitata, in quâ plurima absurda, inutilia, falsa non doceantur; si denique veritas nulli Philosopho, vel certae Philosophorum Se-ctae se addixerit, sed per omnes diffusa, divisa, ac ferè discerpta subinde efful-geat? Plus nimio certè, ac nonnisi te-mere, & impudenter, ut arbitror, ita Phi-losophorum aliquem amaremus, ut omnia
il.

illius dogmata amplecteremur; nimirumque etiam sapientissimis viris, quibus eadem doctrinae gloria, laudisque pars debeatur, injurii essemus, si uni solum perditè addicti, ceteros omnes indictâ causâ reiiceremus. Quod si caecus ille partium amor, qui in plerisque hominum serpit, tacitèque adolescit, nos ita abriperet, ut unam tantum Sectam, unumque Philosophum amplecti velimus, eumque, ut par est, qui alios ingenio, sententiarum gloriâ, explicandique felicitate antecellat, fierine posse putabimus, ut melior ex ceteris eligatur, nisi argumenta cum argumentis accuratissimè comparemus, adeoque nisi prius singulorum opiniones optimè teneamus? Solenniter itaque, ut ego opinor, Philosophi nomine is abutetur, aut frustra ingenuo veritatis amore se incendi gloriabitur, qui ita se uni Philosopho, vel optimo, vel sapientissimo mancipaverit, ut ceteros negligat; neque prius eâdem ingenii vi, eodemque studio, & industriâ singulas aliorum omnium opiniones excutiat, ut illam deinde liberè complectatur, in quâ uberior veritatis splendor effulserit.

Haec itaque sunt, amice Lector, quae me vehementer impulere, ut id Philosophiae genus amaverim, & praë ceteris

††

sem-

semper ita complexus fuerim, ut in illustrioribus Philosophorum omnium sententiis addiscendis omnem, quaecunque in me est, ingenii vim collocaverim. Neque aliud certè animo, atque oculis obversabatur, ubi Philosophicis praelectionibus habendis in florentissimâ hac Urbe omnium opipidò bonarum artium, praesertim verò Philosophiae laude mirificè commendatâ ex pluribus, qui id operis, provinciaeque pro rei dignitate, summâque cum gloriâ obire poterant, designari me contigit. Nihil etenim antiquius habui, quàm ut egregiis Adolescentibus, quos erudiendos acceperam, hanc Philosophiae methodum demonstrarem: ipsisque semper auctor fui, ut ne Peripateticorum, Cartesianorum, Gassendistarumve nomine delectarentur, si-bique maximè persuasum vellent nobilius quiddam, atque illustrius esse Philosophi nomen, quod singulas omnium Sectarum opiniones, omniumque gloriam jure quodam suo complectatur.

Quod quidem, etsi gravissimis ego rationibus, quas partim superiori loco exposui, partim etiam inferiùs sum aliquando prosequuturus, liberè, ac publicè profiterer, libentiùs tamen, atque alacriùs eâ quoque de causâ movebar, quòd intelligerem hanc ipsam docendi methodum, atque Eclecticae, ut
in-

inquiunt, Philosophiae genus, tum ad Institutum nostri rationem, tum ad optimi, sapientissimique Viri JOSEPHI CALASANTII, quem Scholarum Piarum Ordo Auctorem suum, ac Parentem veneratur, mentem accedere. Is etenim cum erudiendis Adolescentibus, omnique disciplinarum genere informandis seque, suique Ordinis alumnos novo quodam, ac inusitato amoris genere devovisset, certamque studiorum methodum iis, ut par erat, ostendere, optimisque legibus sancire cuperet, quâ erat maximâ, ac singulari prorsus ingenii, sapientiaeque gloriâ, apprime novit, ab hoc ingenio eruditionis amore, ab hac pacatâ, modestâ, & quae pietatis assertores maximè deceat, discendi, docendique ratione plurimum abhorrere, si in Sectam aliquam temere, & inconsultò juraremus; si perveraci partium studio abrepti nosque, auditoresque nostros aeternis dissidentium Philosophorum jurgiis implicaremus; si denique cereos quamcumque in partem flecti Adolescentium animos invadentes, ingeniorum domini, ut cum Senecâ loquar, non duces haberi vellemus: neque aliam proinde studiorum rationem, legem, & ordinem felicius a nobis adhiberi posse putavit quàm qui dilucidè, breviter, accuratè peritiores, meliorisque notae Scriptores liberè, mo-

destèque amplecteretur, siue quae ex optimis meliora seligeret. Quoniam ve-
 Par. II. rò, *inquit ille, in tradendâ quâvis Scien-*
 Const. tiâ ad discipulorum utilitatem plurimùm
 c. ult. confert, si aliquâ facili, utili, & quoad fieri poterit, brevi methodo Magistri omnes utantur, operae pretium erit, ut ex peritissimis, expertisque in eâ Facultate viris, qui optimus fuerit, seligatur. Quod certè, si in reliquis disciplinis omnibus optimè, sapientissimèque institutum est, meliori sanè ratione in gravioribus Philosophiae studiis praestasse juverit, quam tranquillè, modestèque tractandam esse testatur Seneca, in quâ plurima subinde Veteribus prorsus incognita deteguntur, & in quâ nullus unquam Philosophus, vel nulla Philosophorum Secta hactenus prodit, vel unquam prodire fortasse poterit, quae omni ex parte probari, constantissimèque defendi possit. Id unum tamen votis, consilioque huic meo opponi maximè videbatur, quod haec opinionum varietas suis ex fontibus, ex ipsis nimirum Philosophorum omnium Operibus hauienda, non sinè maximo labore, industriâ, temporisque jacturâ comparari posset; neque tamen Authores ipsi omnibus suppeterent, quibus hoc in novo, sic etenim loquar, Philosophiae genere uterentur.

Plu-

Plures siquidem doctissimi Viri Institutiones, & Elementa Philosophiae Adolescentium commode conscribere; quos inter, & bonoris, & grati animi causâ, quippe qui plurima ab illis accepisse me ingenuè fatear, libentissimè nomino Purchotium, Hamelium, Regium, Bernerium, Baelium, Clericum, Antonium Le Grand; quis etenim possit Mailathum, Lermam, Semery, Maurum, & qui ceteros omnes, novissimis praesertim editionibus, gratiâ, perspicuitate, dictionisque nitore faciliè antecellit, Goudinum, aliosque sexcentos recensere, qui varias Peripateticorum Scholas illustrarunt? Cùm tamen illorum singuli in Sectam aliquam juraverint, cujus opiniones, & dogmata exponerent, banc quidem praeclarè, impensè, uberrimè adornarunt, ceteras autem, vel faciliè omnino praeteriere, vel leviter attigerunt; ut non universae quidem Philosophiae, ut ego opinor, sed Cartesianaë solùm, aut Peripateticaë doctrinaë Elementa, Institutionesque tradere, ac inscribere posse viderentur: nisi fortasse temere existimaverint Philosophiam ipsam unius Peripateticaë, aut Cartesianaë doctrinaë finibus contineri. Itaque plura, quae ex variâ Auctorum lectione adnotaveram, atque fortuitò in

adversaria congefferam, Auditoribus meis distribuere cœpi; cùmque jam plus aequo illorum moles, & copia excrevisset, omnia in varia veluti Capita, certasque classes ita digerere, atque disponere institui, ut singulas Philosophiæ partes complecterer, quas in publicis deinde lectionibus Adolescentes ipsi de more exciperent. Verùm ne maximâ, & incredibili temporis jacturâ, gravique molestiâ, atque alterius etiam oculi detrimento singula exscribere cogerentur; atque ut nitidior hic Philosophiæ Cursus, & ab innumeris, quæ in exscribendo irrepere plerumque solent, lacunis, & mendis immunior per manus traderetur, publicum hunc laborem, neque meis solùm, sed exteris etiam Auditoribus communem reddere decrevi; quod ita jam præstiti, ut hanc primam Philosophiæ partem, quæ tibi nunc sistitur, ceteræ brevi, nulloque temporis intervallo sint secuturæ.

Ceterùm an suscepti consilii partes impleverim, & Philosophiæ universæ Institutiones pro rei dignitate, ac votis adornaverim, alii viderint. Id unum certè gratulari posse mihi ipse videor, studiosisque Adolescentibus ingenuè polliceri, nullam ex illustrioribus, utilioribusque veterum, recentiorumque Philosophorum
sen-

sententiam esse, quae ingenuè, dilucidè, accuratèque exposita, illustrata, suisque argumentis confirmata non fuerit: quod non ex Logica quidem, quae banc variam eruditionem, doctrinaeque genus minimè patiebatur, sed ex ceteris Philosophiae partibus faciliè deprehendi poterit. Quod si non omnia, quae ab Auctoribus ipsis afferuntur, complexus fuerim (neque enim proposita ferebat brevitatis, aut ejusmodi Institutionum genus, ut omnium omnia ego prosequerer) selectiora tamen, & illustriora, eaque certè, quibus maxima vis inerat, palam feci; & numeris margini adjectis Scriptorum loca adnotavi, ex quibus illa desumpseram; ut si qui fortasse ea conferre, vel uberius tractata suis in fontibus haurire cuperet, id nullo negotio assequeretur. Eà quoque de causâ ipsa subinde Scriptorum verba sic textui inserui, ut diversâ quidem characterum formâ, & adjectâ notâ a ceteris faciliè distinguerentur, sic tamen apta, connexaque forent, ut integra sermonis series sibi constaret, neque diffunderet oratio, sed aequabili, nativoque ordine laberetur. Non erit itaque cur paullo delicatiores aliqui, quos hoc eruditionis genere minimè delectari intelligo, mihi succenseant; iis etenim integrum, liberum-

que est characterum varietatem, notasque margini illitas negligere; neque aliter Ciceronis, alteriusve Scriptoris verba legere, quam si a me solum concepta, eodemque characterum genere descripta forent. Aliquo tamen in pretio apud politiores viros, qui eruditionis amore ducuntur, haec esse scio, tum quod Auctorum sententiae suis ferè coloribus, ac verbis expressae legantur; tum etiam quòd uno, eodemque tempore opinio quaedam, siue sententia exponitur, eximique Philosophi verbis confirmatur, unde sermoni gravitas quaedam, splendor, elegantia, & robur accedit; quemadmodum hoc ferè sensu docuit, exemploque suo confirmavit eloquentissimus Cicero: Genus hoc, inquit, sermonum positum in hominum veterum auctoritate, & eorum illustrium plus nescio quo pacto videtur habere gravitatis; Itaque ipse mea legens sic afficior interdum, ut Catonem, non me loqui existimem. in Lal. de Amic.

Ciceronis etiam, Aristotelis, Gassendi, aliorumque exemplo perpetuà oratione, & quâ potui, puriori, nitidiorique uti malui, quàm variis interrogationibus, ut olim Plato, nuperque Galileus, rem conficere, vel ex solenni Scholarum ritu conclusiones, probationes, objectiones, in-
stan-

stantias distinguere; tum quòd ejusmodi perpetuae orationis genus non Ketborum modò, sed Philosophi etiam esse, neque aliter homines, aliter Philosophos loqui oportere certissimè noveram; tum etiam, quod è re futurum maximè videbatur, si egregii Juvenes, qui a mitioribus Eloquentiae studiis ad haec severiora Philosophiae convolant, hoc rudi, incompertoque orationis cultu, & vocum barbarie deterriti novum hoc studiorum genus minimè aspernarentur; tum denique quòd Adolescentes ipsi assuescere facile possunt, ut ex opinionibus, rationibusque fusiùs expositis, quod & in Historicis, Juris-Consultis, Oratoribusque legendis praestandum est, illarum vim, ac veluti nervos brevissimè inquirant, & ad exactam, si libeat, syllogisticae formae normam traducant: longè nimirum facilius est ex uberiori, longiorique Oratione sensum elicere, quàm brevem, concisamque fusiùs exponere.

Atque ista quidem de Operis hujus occasione, consilio, ac methodo monitum te, Lector, certioremq; volui. Quod verò ad divisionem pertinet, Philosophicas Institutiones hasce in quinque Tomos distribui, quorum primus Historiam Philosophicam, Logicam, & Metaphysicam complectetur: Alter Physicam Generalem: Tertius Tra-

*Etatum de Coelo, & Mundo, sive de Corporibus inanimatis: Quartus de Animâ, ubi etiam illustriora Pythagoricae, Platonicae, Chaldaicae, Egyptiaeque disciplinae dogmata, & mysteria, sive Ethnicae Theologiae lumina proponuntur: Quintus denique Ethicam sive morum doctrinam continebit. Quandoquidem verò plurima, quae in Physicâ demonstrantur ex variis Geometriae fontibus, sive Geometrarum libris repetenda sunt, ne tyrones Philosophi varios Auctores consulere cogerentur, aut haec ab aliis demonstrata supponere, Philosophicis Institutionibus Mathematicas etiam addere decrevi, quibus novâ, clariori, breviorique methodo, quàm hactenus alii praestiterint, utiliora, ac nobiliora Geometriae elementa ex Euclide, Apollonio, Archimede, Hugenio, Torricellio, aliisque compluribus selegi, ac demonstravi. Cui quidem Mathematicarum Institutionum Libello distinctum, sextumque locum concessi; perinde erit tamen, si ille cum Historiâ Philosophicâ, & Logicâ in primo Tomo jungatur; ut Metaphysica, & Ethnicae Theologiae Dogmata a quarto Tomo sejuncta, Metaphysicaeque unita Tomum sextum efficiant. Ceterum in singulis Philosophiae Partibus cautum maximè, curatumque est, ut nitidae adeo prodirent, ut in
ipsis*

ipsis neque typorum elegantiam, neque characterum formam, neque in corrigendis erroribus diligentiam, neque Tabularum aere incisurum nitorem, claritatemque desiderares. Quae quidem singula etsi non absque mediocri certè labore, atque industriâ curaverim, alacri tamen, serenoque animo praestiti; cum praesertim ingenuus, ac vehemens quidam amoris, gratique animi sensus, quo Ordinem hunc meum, & Urbem hanc praestantissimam complector, vires adderet, ac fortius adhuc incenderet. Maximo siquidem, atque optimo jure omni virium conatu mihi enitendum esse sentiebam, ut aliquâ saltem ex parte, meliorique, quâ hactenus poterat, ratione Ordinis ejus decori, & incremento consulerem, qui me a primâ aetate omni semper studiorum cultu, doctissimorumque Praeceptorum institutione ad eam sapientiae laudem, quam in ipso singuli profitentur, ita aluit, excitavitque, ut quidquid sum, id omne propemodum ipsi, amantissimisque Praeceptoribus meis deberi intelligam: ac meritò certè reprehendi posse videbar, nisi memorem hunc, gratumque animum meum sic palam profiterer, ut dum Collegae mei tum Graecis, Latinisque literis illustrandis, tum Fidelium cordibus ad virtutis amorem,

mo-

*morumque sanctitatem divini Verbi praecō-
nio excitandis, praesertim verò Juventuti
bonis artibus, omniumque Scientiarum lu-
mine erudiendae sedulam, laudatamque
operam impendentes de re literariâ prae-
clarè merentur, ipse etiam illorum exemplo
incitatus hanc Spartam, quae mihi conti-
gerat, pro viribus adornarem. Plurimum
quoque florentissimae huic Urbi, praestan-
tissimisque Civibus debere me sentio, quòd
me eximiâ semper, ac singulari propemo-
dum benevolentia, & amore sint prosecuti,
quòd nobili, ac frequentissimâ Auditorum
coronâ, iisque significationibus maximè,
cumulatèque devinxerint, quarum immorta-
lis certè futura est in me recordatio, quasque
uberius hìc etiam testarer, nisi cum aliquâ
mei laude conjunctae eadem quodammodo
viderentur. Omnes itaque hinc faciliè intel-
ligent, quòd, etsi publico primùm Philoso-
phorum omnium, deinde verò domestico
Scholarum Piarum, quae ubique Gentium
jam florent, commòdo Institutiones hujus-
modi consecravi; eas tamen praecipuo
quodam amoris titulo Florentinis Ado-
lescentibus Auditoribus meis, quorum
cura, atque eruditio mihi demanda-
ta est, pro injuncto munere destinaverim.
Hoc unum superest, optime, & amice,
Lector, ut industriam, consiliumque hoc
meum*

meum equi bonique consulas: tibi que maxime persuasum velis, nihil mihi, aut optabilius, aut jucundius, vel honorificentius accidere unquam posse, quàm si ex Philosophicis hisce Institutionibus uberem illum eruditionis, scientiaeque fructum consequaris, quem in iis adornandis prae oculis, atque in votis habui; sin verd aut partium studio, aut diverso Philosophiae genere, aut meliori denique, & largiori fonte delectaris, Librum hunc quidem, Auctoremque suum valere sinas; sed voluntatem hanc in te meam, ingenuumque consulendi tibi animum, perhumaniter complectaris.





INDEX CAPITUM.
PHILOSOPHIÆ
PARS PRIMA
SIVE LOGICA.



De Origine, incremento, nomine, præstantiâ, objecto, naturâ, & partibus Logica. Præfatio. pag. 73.

Logicæ Pars Prima.

- De Perceptione, Ideis, & Vocibus. pag. 91.*
 Caput I. *De variâ Perceptionis specie, & origine. pag. 91.*
 Cap. II. *De Idearum naturâ, & origine. 98.*
 Cap. III. *De Ideis ad objecta relatis. pag. 109.*
 Cap. IV. *De Ideis simplicibus, atque compositis; ac de Præcisione. pag. 113.*
 Cap. V.

INDEX CAPITUM. XLVII.

- Cap. V. De Idearum Singularitate, & Universalitate, & Abstractione. pag. 117.
 Cap. VI. De Quinque Universalibus. pag. 126.
 Cap. VII. De Idearum claritate, & distinctione. pag. 132.
 Cap. VIII. De Categoriis, sive Entium generibus. pag. 137.
 Cap. IX. De Idearum Signis, ac de Vocibus. 144.
 Cap. X. De Proprietatibus, ac speciebus Vocum. 149.

Logicæ Pars Secunda.

- De Judicio, & Propositionibus. pag. 156.
 Caput I. De Judicio, ejusque defectibus, atque remediis. pag. 157.
 Cap. II. De Propositionis naturâ, ejusque divisione. pag. 168.
 Cap. III. De divisione Propositionis ratione materiae. pag. 173.
 Cap. IV. De Propositionibus Compositis, earumque speciebus. pag. 176.
 Cap. V. De Propositionibus Complexis, & Incidentibus. pag. 181.
 Cap. VI. De divisione Propositionis ratione Quantitatis. pag. 186.
 Cap. VII. De divisione Propositionis ratione Qualitatis. pag. 189.
 Cap. VIII. De Oppositione Propositionum. 196.
 Cap. IX. De Conversione, & Equipollentiâ Propositionum. pag. 199.
 Cap. X. De Definitione. pag. 201.
 Cap. XI. De Divisione. pag. 207.

Logi-

XLVIII INDEX CAPITUM.

Logicæ Pars Tertia.

<i>De Discursu, & Argumentatione.</i>	pag. 211.
Cap. I. <i>De Discursûs, & Argumentationis naturâ.</i>	pag. 212.
Cap. II. <i>De variis Argumentationis speciebus.</i>	215.
Cap. III. <i>De Syllogismo, ejusque speciebus.</i>	219.
Cap. IV. <i>De Figuris Syllogisticis.</i>	pag. 223.
Cap. V. <i>De Modis Syllogisticis.</i>	pag. 229.
Cap. VI. <i>De singulis Syllogismorum figuris, earumque Regulis.</i>	pag. 233.
Cap. VII. <i>De Reductione, & Probatione Syllogismi.</i>	pag. 241.
Cap. VIII. <i>De Syllogismis Simplicibus, Complexis, & Conjunctivis.</i>	pag. 244.
Cap. IX. <i>De Inventione medii, & Locis Topicis.</i>	pag. 251.

Logicæ Pars Quarta.

<i>De Methodo.</i>	pag. 261.
Cap. I. <i>De Methodi naturâ, ac divisione.</i>	263.
Cap. II. <i>De Methodi legibus.</i>	pag. 268.
Cap. III. <i>De Fallaciis, qua contra Methodi leges committi solent.</i>	pag. 271.
Cap. IV. <i>De Fallaciis, qua oriuntur a Voluntate.</i>	pag. 283.
Cap. V. <i>De Methodo circa auctoritatem.</i>	pag. 292.
Cap. VI. <i>De Veritate, & Scientiâ.</i>	pag. 307.
Cap. VII. <i>De Veritatis Criterio.</i>	pag. 313.



APPROBATIONES.



Domino Abbati Moniglia, ut videat has *Institutiones Philosophicas, & Mathematicas*, ac referat.

Datum in Archiepiscopali Palatio die 12. Januarii 1730. ab Inc.

Joseph Maria Archiepisc. Florent.

MAndante Illustrissimo, ac Reverendissimo Domino Archiepiscopo nostro Florentino, Cl. Viri Eduardi Corsini ex Cler. Reg. Scholarum Piarum *Institutiones Philosophicas, & Mathematicas* summo gaudio perlegi: eodemque gaudio, quod ipse percepi, perfusum iri non dubito unumquemque, qui has eruditissimas Institutiones perlustraverit; quum in iis sana, ac vera doctrina contineatur, ad quam bonis omnibus erat in votis, ut Adolescentes nostri, tandem feliciter pervenirent. In quibus quidem a me diligenti studio perlectis nihil offendi, quod, aut Fidei Orthodoxæ vel minimùm adversetur; aut probis moribus minùs consentaneum videatur: quin immo reperi singula verba, singulasque sententias, opinionesque ab eo cl. Auctore derivari, cujus ingenuam Sapientiam æquè ac integram Pietatem semper sum admiratus. Quamobrem non solum non est, cur hujusmodi optimum Opus in publicam lucem non exeat; sed quò citiùs exire illud contigerit, eò gratius erit omnibus, qui
fin.

L APPROBATIONES.

sinceram, & non fucatam Philosophiam amant, & consecretantur. Ita ego censeo

Ex Ædibus meis XIII. Kal. Februarii MDCCXXX.
ab Incarn.

*Josephus Cajetanus Moniglia, in Florentinâ
Studiorum Universitate Institutionum Casa-
rearum publicus Lector, & in Florentinâ
Nobilium Academiâ Juris Canonici, ac Ci-
vilis, nec non Philosophia Moralis Professor.*

Attentâ supradictâ Attestatione, Imprimatur

Joseph Maria Archiepisc. Florent.

A Dm. Rev. Patri D. Constantino Rotignio Mo-
nacho Cassinensi Lectori Theologo, ut videat
pro S. Officio has *Institutiones Philosophicas,*
& *Mathematicas*, & referat

Datum in S. Inquisit. Florentiæ die 9. Janua-
rii 1731.

*Fr. Vincentius de Comitibus a Bergamo
Min. Conv. Inquisitor General. Florent.*

Purimi quidem sunt cum ex Italis nostris, tum
ex exteris Gentibus sapientiâ, & ingenio præ-
stantes Viri, qui præclara Veterum, ac Recen-
tiorum Philosophorum inventa, in commodum præ-
sertim studiosæ Juventutis multâ cum laude colle-
gerunt, & propriis etiam animadversionibus illu-
strarunt. At quoniam vel pro amore Sectæ, cui
quis eorum peculiariùs adhæserit, vel pro sibi pro-
positâ conciliatione illorum, inter quos plurimùm
distat, vel demum pro temporum, personarumque
condicione, aliqua uberius, aliqua verò pressius,
quàm

APPROBATIONES. LI

quàm certè par erat, aliqua etiam indiligentiùs, aut minùs accommodatè ad receptam modò apud sapientes philosophandi rationem, sint prosecuti, adeout in singulis non pauca desiderari videantur, si ea maxime spectentur, quæ Philosophiæ ex novissimis clarissimorum Philosophorum, atque Geometrarum observationibus accesserunt; id adhuc optandum supererat, ut novas quis Philosophicas adornaret Institutiones perfectiores ceteris, & Mathematicis etiam disciplinis locupletatas, quibus scilicet, deposito partium studio, illustria veterum, ac recentissimorum placita, brevi accuratâque methodo, modestâ, gravique crisi, ac politiori stylo exposita contingerentur. Quod quàm feliciter præstitum sit in hoc Opere, quod jussibus obtemperans Reverendissimi Patris Inquisitoris diligenter evolvi, omnes ex ejus lectione faciliè intelligent. In eo nihil offendi, quod non doctrinam, pietatem, religionemque redoleat sapientissimi Auctoris; nihil, quod cùm Fidei nostræ, morumque Regulis non adprimè consentiat; quapropter meo certè judicio nihil impedit, quominus publici juris fiat, si ira videbitur, &c.

Ex Abbatia Florentina XII. Kal. Februarii MDCCXXX. ab Inc.

*D. Constantinus Rotignius Monachus
Cassinensis Sacrae Theologiæ Pralector.*

Attentâ supradictâ attestatione, Imprimatur

*Fr. Vincentius de Comitibus a Bergamo
Min. Conv. Inquisit. General. Florent.*

Imprimatur

*Philippus Bonarota Senat. Audit.
Reg. S. C.*

JO-

JOSEPH A S. FRANCISCO

*Clericorum Regularium Pauperum
MATRIS DEI SCHOLARUM PIARUM
Præpositus Generalis.*

CUM Opus, cui Titulus: *Institutiones Philosophica. & Mathematica ad usum Scholarum Piarum*, a Patre Eduardo a S. Silvestro Religionis Nostræ Sacerdote compositum, duo ex Nostris, quibus commissum fuit, recognoverint, atque approbaverint; ut typis mandetur, si iis, ad quos spectat, ita videbitur, facultatem in Domino concedimus.

Datum Romæ in Ædibus nostris Scholarum Piarum apud S. Pantalconem die 28. Aprilis 1731.

*Joseph a Sancto Francisco
Præp. Generalis.*

*Donatus Maria a S. Philippo Nerio
Secretarius.*





I N U N I V E R S A M
P H I L O S O P H I A M
P R Æ F A T I O .



*De nomine, origine, incremento, partibus,
ac præstantiâ Philosophiæ; atque de
methodo, quâ comparari illa debet.*

I.



PERIS, & Instituti nostri consilium, quo illustriora veterum, recentiorumque Philosophorum placita, elegantiori, quo poterat, partium ordine, meliorique rerum delectu, pluribus veluti ex fontibus in rivum unum derivata, simulque composita complecti libuit, ferè nos impulit, ut in ipso pulcherrimæ Facultatis limine illius originem, incrementa, partes, præstantiam, & methodum, quâ comparari possit, exponeremus; non solum

A

quodd

quodd in singulis Philosophiæ partibus, quæ *habent quoddam commune vinculum, & quasi cognatione quadam inter se continentur* (a) *, plurima dicenda nobis occurrent, quæ vix intelligi, vel explicari posse videntur, nisi prius accuratissimè demonstretur quam illa originem sortita fuerit, quibus incrementis paullatim adoleverit, quâ denique temporum serie, opinionumque discrimine principes in illâ Viri floruerint; verùm etiam quodd, ut sapientissimi Homines arbitrantur, plurimùm deceat memori quadam honoris, gratique animi significatione illos prosequi, quos in uberrimo, jucundissimoque Sapientiæ studio auctores, ac veluti duces habuimus: *benignum est siquidem, & plenum ingenui pudoris fateri per quos profeceris* (b).

II. Atque, ut ab ipso Philosophiæ nomine exordiamur, nihil est aliud Philosophia, si græcum nomen ex φιλος *amans*, & σοφία *sapientia* compositum interpretari velis, quàm studium, & amor Sapientia; Sapientia autem, ut a veteribus Philosophis (c) definitum est, rerum divinorum, & humanarum, causarumque, quibus hæres continentur, scientia, & cognitio (d); unde præclarè Philosophiam ipsam, & elegantissimè describit Cicero: *Rerum divinorum, & humanarum scientiam, cognitionemque, quæ cujusque rei*

(a) Cic. *pro Archia*. (b) Plin. *Proëm. Histor. Nat.*

[c] Plat. *ap. Ammon. in Isagog. Porphy.* & Stoici *apud Plutarch. de Plac. Proëm. lib. 1.* [d] Cic. 2. *Offic.*

* Est enim in Philosophiâ admirabilis quædam continuatio, seriesque rerum, ut alia ex aliâ nexa, & omnes inter se aptæ, colligatæque videantur. Cic. *de Nat. 1.*

rei causa sit (a) *: quo sanè cognitionis, sive Sapientiæ genere Philosophiæ natura pulcherri-
mè exprimitur; quidquid enim ab intellectu no-
stro concipitur, vel in uberrimo Philosophiæ
studio pertractatur, illud ab homine, vel a Deo
factum est, ut accuratiùs, & opportuniùs osten-
detur, ubi de variis Philosophiæ partibus dis-
feremus; adeoque res illæ, quæ in Philosophiâ
cognoscuntur, divinæ, vel humanæ meritò di-
ci possunt: nisi fortasse verisimiliùs existimave-
ris, ejusmodi res, quas in Philosophiâ contem-
plamur, divinas, & humanas ideo vocari, quòd,
licèt in pluribus, ac ferè innumeris creatura-
rum generibus divisæ, ac dispersitæ illæ sint,
nobilitiori tamen ratione in Deo, vel in homi-
ne effulgeant.

III. Neque aliud certè sensisse videtur egre-
gium illud Sapientiæ lumen Pythagoras, qui pri-
mus Philosophiæ, sive Philosophi nomen inven-
nit. Is etenim, cùm ad Olympicos Græciæ lu-
dos, quòd universa ferè Græcia de more conve-
nerat, descendisset (b); vel, ut alii (c) refe-
runt, cùm Phliuntem Arcadiæ urbem venisset,
copiosèque plurima coram Leonte Phliasiorum,
vel Sicyoniorum Tyranno de humanis, divinis-
que rebus maximo, & incredibili omnium plau-
su, & admiratione differuisset, interrogatus,
quâ maximè arte consideret, quemve se profi-
teretur; artem quidem se scire nullam, neque
se sapientem esse respondit; sed, sive quòd mo-

A 2

de-

(a) *Tusc. 4.* (b) *Val. Max. 8. c. 7.* [c] *Cic. Tusc. 5.*
Laërt. 8. seg. 8.

* Ut enim res sciri dicatur, exploratam esse oportet
causam, propter quam ita est, *Arist. 1. Poster. Analit. c. 2.*

deſtiùs ipſe de ſe loqueretur ; ſive quodd ingenii noſtri tenuitatem agnoſceret ; ſive denique quodd magnificentiùs , ac ceteri conſueverant , de Deo ſentiret (*ſapientis enim nomen magnum eſt , ſolique Deo convenit* (a)) ſe amatorem Sapientiæ , ſive Philoſophum nuncupavit . Quod nomen adeo poſteris placuit , ut , cùm *antea qui modo quodam laudabilis vita aliis præſtare videbantur* , Sophi , ſive Sapientes appellarentur (b) , omnes deinde novo , modeſtiorique nomine Philoſophi vocari maluerint ; niſi fortasſe priſtinum Gentis , aut dignitatis nomen ſervaverint , ut Druidæ , Magi , Brachmanes , aliique plurimi præſtiterunt .

IV. Quodſi a Pythagora nomen , & illuſtre decus accepit Philoſophia , longè tamen antiquior eſt , quàm ut illius origo Pythagoræ , ſive Græciæ Philoſophis concedatur . Pythagora ſiquidem , ceteriſque Græciæ Sapientibus antiquiorem eſſe Philoſophiam , inter innumera Veterum teſtimonia , quibus id egregiè probari ſolet , illud etiam argumento eſſe poterit , quod ante Pythagoram , & antiquiora Græcicæ Sapientiæ lumina , apud barbaras quoque Gentes plurimi ingenii laude , & Sapientiæ ſtudio flouruerunt , ut *Philoſophiam ipſam a Barbaris initia ſumpſiſſe quidam autument* (c) . Nam Perſis Magos , Babyloniiſ , & Aſſyriiſ Chaldaeos , Indis Brachmanes , ſeu Gymnoſophiſtas , Celtis , ſeu Gallis Druidas Sapientiæ duces , & auctores fuiſſe compertum eſt ; ne Zamolxim Getam , Anachariſim Scytham , Ochum Phœnicium , Athlan-

tem

(a) *Plato in Phadr.* (b) *Auguſt. 8. de Civit. c. 2.*
 (c) *Laërt. in Proëm. ſeg. 1.*

tem Lybicum, Mercurium Germanum, Sinensem Confusum, Abarim Hyperboreum, Orpheum Thracem *, aliosque innumeros commemoremus, quorum est inferius mentio reditura.

V. Cum itaque ab antiquissimis usque temporibus aliquod Philosophiæ genus apud Nationes omnes floruerit, perperam, atque inutiliter inquireretur, quo primùm tempore, quo duce, & auctore Philosophiæ studium incœperit? cum unus, idemque fuerit hominis, atque Sapientiæ fons, & origo; eodemque tempore, quo genus humanum, Sapientiæ quoque studium incœperit. Si etenim Philosophia partim ab illius ordinis, & pulchritudinis, quam in variis Universi partibus intuemur, admiratione; partim ex ingenito amore, quo naturâ ipsâ ad rerum cognitionem impellimur, originem duxit, ut Plato (a), Aristoteles (b), alique sapientissimi Viri arbitrantur, dubitari certè non poterit, quin primus homo, quicumque ille fuerit, dum corporum pulchritudinem, varios siderum motus, constantem rerum ordinem contempleretur, incredibili illorum omnium admiratione correptus, incredibili quoque discendi studio,

A 3

vel

(a) *In Theat.* (b) *1. Metaph. c. 2. vide infra num. 21.*

* Sylvestres homines sacer, interpresque Deorum
Cædibus, & victu fædo deterruit Orpheus,
Dictus ob id lenire tigres, rabidosque leones:
Dictus & Amphion Thebæ conditor arcis
Saxa movere sono testudinis, & prece blandâ
Ducere quò vellet. Fuit hæc sapientiâ quondam
Publica privatis secernere, sacra profanis,
Oppida moliri, leges incidere ligno.

Horat. Art. Poët. v. 391.

vel inquirendæ veritatis amore non exarserit: nisi fortasse putaveris meliorem esse nunc animi naturam, & ingenii vires in homine, dum innumeris ægritudinibus undique circumfunditur, quàm cum ex optimi, sapientissimique Artificis manibus, in hoc amplissimum orbis theatrum prodiret.

VI. Ac certè, quemadmodum a sacris Literis erudimur, primum hominem, cui cœlestia, terrenaque corpora intueri licuerit, fuisse Adamum; ita quoque ab illis ostenditur (a), inditam illi fuisse Philosophiam; non solùm quòd in statu perfecto, perfecto nimirum per cognitionem rerum intellectu, atque per honestatem morum voluntate creatus fuerit; verùm etiam quòd ille singulis animalibus nomina primus imposuerit, quod summa Sapiencia Pythagora visum est [b], neque sinè Sapienciâ fieri potuisse Plato arbitrabatur [c]; cùm nomen, quod vocavit Adam, ipsum sit nomen ejus [d], hoc est ejusmodi nomina non ex hominis arbitrio significarent, sed intimam rerum naturam, & proprietates omnes accuratissimè exprimerent.

VII. Maximas itaque, ut Plato consueverat (e), & immortales gratias Deo habere nos decet; cùm ille veluti primus Sapienciæ fons, & origo [f], luminum pater (g), mentis humanæ splendor (h) homini ad imaginem sui forma-

to

(a) Eccles. c. 17. v. 6. vidend. D. Thom. 1. part. quest. 94. artic. 3. (b) Cicer. Tusc. 1. (c) In Cratyllo. (d) Gen. c. 2. v. 20. (e) Vid. Ficin. in vita Plat. atque Lactant. Divin. Instit. 3. c. 9. (f) Sapienc. 9. v. 4. & Eccles. cap. 1. vers. 1. (g) Jacob. epist. c. 1. v. 17. vid. & Proclum in Plat. Theol. c. 1. (h) Joann. Evang. c. 1.

to non incredibile solum Sapientiæ amorem impresserit, ut *insatiabilis in illo foret veri videnti cupiditas* (a), *tantusque cognitionis amor, & scientia*, ut nemo dubitare posset, quin ad eas res hominum natura nullo emolumento invitata rapiatur (b); sed maximo quoque beneficio in ipsis hominum visceribus Sapiëntiam posuerit (c): ut illa proinde meritò donum, & inventum Deorum (d): quò nihil a Diis immortalibus uberius, nihil florentius, nihil præstabilius hominum vitæ datum est, aut dabitur (e), haberi consueverit *.

VIII. Quâ verò serie post primi Parentis peccatum, offusamque menti nostræ caliginem, quibusve incrementis Sapiëntiæ studium adoleverit, definiri vix potest. Credibile est tamen illud a patribus in nepotes hæreditarium veluti munus ubique transmissum ad hæc usque tempora floruisse; concedique faciliè poterit, Adamum ipsum plurima posteros docuisse, quæ vel a Deo didicerat, vel propriis ipse studiis, & observationibus deprehenderat; præsertim verò tranquillam aëris temperiem, fontis, plantarum, animalium pulchritudinem, quas in deliciarum horto fuerat expertus, additis etiam subinde

A 4

la-

(a) *Cicer. Tusc. 1.* (b) *Cic. de Finibus 5.* (c) *Job c. 38. v. 36.* (d) *Cic. Tusc. 1. ex Plat. Timæo.* (e) *Cic. 1. de Leg. & de Univers.*

* Deus ille fuit, Deus

Qui princeps vitæ rationem invenit eam, quæ Nunc appellatur Sapiëntia; quique per artem Fluctibus e tantis vitam, tantisque tenebris

In tam tranquillo, & tam clarâ luce locavit.
Lucr. de Epic. lib. 5. v. 8.

lacrymis, ostendisse. Id certè a Josepho (a) memoratum, Sethi nepotes, cùm ab Adamo duplex diluvium ignis, & aquæ futurum accepissent, duabus columnis marmoreâ, & lateritiâ siderum observationes, aliarumque Scientiarum monumenta inscripsisse; ut in marmoreâ quidem aquæ, lateritiâ verò igni superstitè observationes illas ad posteros derivarent. Quod tamen cùm a nullo certæ fidei scriptore memoratur, fabulosum esse meritò existimatur (b). Ceterùm quid conjecturis, aut fabulis immeremur, dum pluribus sacrarum Literarum auctoritatibus in Abrahami, Enochi, Jacobi, Josephi, Jobi, & Moysis historiâ mirificè demonstratur; apud antiquissimos etiam Ebræorum Patriarchas aliquod Sapientiæ studium, rerumque cognitionem non interruptâ serie viguisse? quemadmodum, & a sacris Literis, & a profanis etiam scriptoribus erudimur, apud gentes illas priùs, & illustriùs Philosophiam extitisse, quæ, cùm essent Ebræorum genti finitimæ, cum illâ faciliùs consuetudinem habuere, ut de Assyriis, Phœnicibus, aliisque plurimis ostendetur.

IX. Quin etiam plurimi ex veteribus, recentioribusque scriptoribus (c) arbitrantur, omne Sapientiæ studium a Judæis, veluti ex fontibus in exteris omnes gentes manasse; ut Trisme-

gi-

(a) *Antiq. Jud.* 1. c. 3. (b) *Vid. Huet. Demonstr. Evang. Prop.* 4. c. 2. & *Selden. Otior. Theol. lib.* 1. exerc. 1. §. 10. (c) *Justin. Martyr. Paran. ad Græc. Theophil. ad Autolye. Joseph.* 1. contra *Appion. Huet. Demonstr. Evang. Prop.* 4. *Natal. Alex. Tom.* 1. *Hist. de 4. Mundi ætate* c. 7. art. 1.

giftus (a), Numa (b), Pythagoras (c), Plato (d), Aristoteles (e), ceterique veteres Philosophi ex sacris etiam Literis plurima accepisse dicantur, quæ deinde corrupta, erroribus, fabulisque larvata vulgarent. Quamvis tamen hæc eruditè, ac ingeniosè a sapientissimis viris, præsertim verò Huetio, & Natali Alexandro tradita, & illustrata maximè fuerint, nullâ tamen satîs firmâ ratione id ostendi posse putamus; cum præsertim divinæ Literæ, ut Epiphanius (f), Augustinus (g), alique (h) existimant, nonnisi post Olympiadem CXXXII. sub Ptolemæo Philadelpho in Græcam linguam primùm conversæ fuerint; adeoque vix antiquioribus Græciæ Philosophis Hesiodo, Homero, Pythagoræ innotuerint (i), ex quibus deinde recentiores omnes Plato, Epicurus, Ovidius opiniones, & dogmata sunt mutuati.

X. Quod si in legibus, ritibus, cæremoniis, si in præteritarum rerum historiis, si in præceptis, & cognitionibus naturalibus, quæ apud Ebræos, exterasque Gentes viguerunt, similitudo maxima reperitur, ut uberrimè, & elegantissimè demonstrare videtur Huetius, responde-
ri

(a) *Inst. loco cit. Clem. Alex. Strom. 1. Aug. de Civ. 8. c. 2. Theodor. Therap. 6.* (b) *Clem. Alex. apud Euseb. Præp. lib. 9. c. 3.* (c) *Hermipp. apud Joseph. 1. contra Appion. & Origen. 1. contra Celsum.* (d) *Aristob. & Numen. apud Euseb. Præp. 9. cap. 3. & lib. 11. cap. 6.* (e) *Clearchus Peripat. apud Euseb. lib. 9. c. 5. & Joseph. contra Appion.* (f) *De Mensur. & Pond.* (g) *Lib. 18. c. 11. de Civit.* (h) *Du-Pin Dissert. Prælim. ad Sac. Script. Baron. &c.* (i) *Vid. Joseph. Antiq. lib. 12. c. 2. & 1. contr. App. & Philo in vita Moys.*

facile poterit, ex hac similitudine, quæ ple-
rumque certè tenuissimis conjecturis innititur,
inferri non posse, quod Ægyptii potiùs, Phœ-
nices, Itali ex Ebræorum fontibus ritus, leges,
historias, & cognitiones proprias acceperint, quàm
quod ex Phœnicibus; Italis, & Ægyptiis Ebræi;
cùm præsertim ipsius Scripturæ testimonio ma-
nifestissimè demonstratur; Gentes omnes; non so-
lùm antequam Moyse Judæorum populo leges,
sacrosque ritus proponeret, sed ab antiquiori-
bus etiam temporibus ritus, legesque proprias
ab Ebræorum legibus dissidentes habuisse, quas
religiosè, constantissimèque servarunt: atque in-
credibile est sanè, quod Ægyptii in Isidis cul-
tu, in Sacerdotum vestibus, aliisque ritibus Ebræos,
quos acerrimo odio insequabantur, æmulari vo-
luerint; quod tamen factum oporteret, si Hue-
tio, ceterisque hac in parte assentiremur. Il-
lud itaque verisimilius existimamus, quod ideo
Gentium ritus, ac cæremoniæ Judæorum riti-
bus similes sint, quòd omnes ferè Judæorum
ritus, ac leges sapientissimo Dei consilio ex pro-
fanis etiam Ethnicorum ritibus desumptæ fue-
rint: quod inter ceteros Ecclesiæ Patres Chry-
sostomus conceptis verbis asseruit: *Ne opineris,*
inquit, Deo indignum, quod Magi per stellam vo-
centur; hoc enim modo omnes Judæorum cæremo-
nias, omnesque ritus; & sacrificia, atque pu-
rificationes, & Neomenias, & arcam, templum-
que ipsum reprobabis; siquidem hæc omnia origi-
nem a Gentium ruditate traxerunt. Sed Deus ob
deceptorum salutem, per ea ipsa se coli passus est,
per quæ illi Damones ante coluerant, illa in me-
lius inſpectens, ut eos paullatim a consuetudine
suâ

suâ reduceret, & ad Philosophiam perduceret altiore[m] (a); cuius etiam sententiam egregiè confirmavit Theodoretus: Sapientissimus itaque, ait, Moyses, immo per Moysen Deus, cùm intelligeret, non facilè Ebraos, quos in Ægypto vires imbibissent, deponere posse, similes ritus instituere decrevit, sensim eos a priscis erroribus disjungens (b). Quæ quidem de civilibus etiam legibus intelligi commodè poterunt, nisi fortasse verisimilius existimaveris, ideo Solonis, Lycurgi, Moysisque leges inter se similes esse, quòd leges omnes, a quocumque demum latæ, vel institutæ fuerint, ex naturali rationis lumine, & ex æqui, honestique amore, qui in singulis hominum cordibus naturâ reperitur, originem duxerint.

XI. Illa verò similitudo, quam inter Poëtarum fabulas, atque Ebræorum historias reperiri putat Huetius, tanti profectò non est, ut Apollinem, Bacchum, Jovem, Evandrum, ceterosque Deos omnes ex unâ Moysis historiâ, quemadmodum Venerem, Musas, ac reliquum Dearum gregem ex Sephoræ, & Mariæ gestis rebus desumptum, ac veluti depictum existimemus: quasi verò ex ipso Scripturarum testimonio manifestissimè non ostendatur, longè ante Moysis ætatem, Deorum nomina, historiam, cultus apud finitimas gentes uberrimè floruisse; aut fortuitò prorsus fieri non potuerit, ut res ab Hercule, & Sampsonè gestæ; Iphigeniæ, & Jephtis filiæ casus; Noë, & Bacchi labor in ferendis viti-

(a) *Homil. 6. in Math.* (b) *Serm. 7. de Sacrific. vid. etiam Cyrill. Alex. lib. 16. de Adorat.*

tibus, aliquâ in parte similes fuerint, quin, Sampson cum Hercule, Iphigenia cum Jephtis filiâ, Noë cum Baccho confundatur, & Ethnicorum fabulæ ex historiæ divinæ fontibus derivatæ censeantur. Quemadmodum itaque Terrarum orbe in singulos Noachi filios distributo apud Semi posteros diluvii, rerumque præteritarum memoria sive literis consignata, sive, potius perenni serie a patribus in nepotes derivata jugiter conservata est, donec a Moyse literis traderetur; ita apud Chami nepotes in Africâ, & Japheti posteros in Europâ earum rerum historia sive literis, sive vivâ majorum voce conservari potuit, donec ab aliquo literis exciperetur: câ tamen lege, sive discrimine, ut illa quidem præteritarum rerum historia apud Semi posteros, qui avitam pietatem, verique Dei cultum servarunt, purior, sincerior flourerit; donec ab homine sapientissimo, divini quoque spiritûs numine afflato literis mandaretur; apud ceteros verò Japheti, vel Chami nepotes, qui in Idololatriam prolapsi veram Religionem abjecerant, illa quoque turbata, confusa, novis subinde fabulis, & erroribus vitata langueret, qualis ab imperitis, vanis, superstitiosisque hominibus posterorum memoriæ, vel literis est consignata. Hinc tantum abest, ut ex Poëtarum fabulis ostendatur, veteres Philosophos sacras Literas legisse, ut inde potius oppositum inferri posse videatur; Si etenim sacras Literas, rerumque præteritarum memoriam suis illi in fontibus attigissent, numquam fortasse ab ejusmodi librorum testimonio, vel a veritate turpiter, atque longissimè aberrassent.

XII. Neque dissimili argumento demonstrari facile poterit, quod veterum Philosophorum dogmata de Dei unitate, sapientiâ, de Mundi creatione, de animi immortalitate, ceterisque id genus sententiis a sacris Literis desumpta non sint; vel tandiu certè id invictè probatum non erit, quandiu similiter invictè non ostendatur, quod hæc omnia nec a solo rationis lumine, nec a veterum traditione, nec a Phœnicum, Arabum, Ægyptiorum, quibuscum Judæi frequentissimè versabantur, monumentis, nec ab ipsâ Judæorum consuetudine, nec aliunde in veterem Philosophiam corrivari potuerint, quàm a sacris Literis; quod, ut opinor, nec ab ullo præstitum est, nec ab ullo fortasse præstari poterit: cùm præsertim ante Moysen hæc omnia apud Assyrios, Arabes, & Ægyptios ita floruerint, ut Moyses ipse, qui quadringentis annis bellum Trojanum præcessit, primusque sacras Literas conscripsit, dicatur *cruditus omni sapientiâ Ægyptiorum* [a]; Jobus Moysè antiquior plurima de siderum, aliarumque rerum naturâ disseruerit; Abraham denique Arithmeticam ab Assyriis didicisse feratur, quamvis illum *Astrologia, & Chaldaica Disciplina* inventorem dicat Eusebius [b].

XIII. Quocumque tamen ex fonte Sapientiæ studium ex Adami nepotibus in exterarum gentes manaverit, illud apprime compertum est, feliciter adeo Philosophiam ad universum hominum genus brevè transiisse, ut nulla propemodum

(a) *Actuum* 7. v. 22. (b) *Lib. 9. c. 17. & lib. 10. c. 2. & Joseph. Antiq. 1. c. 8. & 9.*

dum regio tam rudis, effera, & inculta fuerit, in quâ plurimi Sapientiæ laude, rerum naturalium cognitione, morumque honestate celebres non extiterint. Sic apud Hyperboreos Abarris (a), apud Arabes Jobus (b), apud Scythas Anacharsis (c), apud Thraces Zamolxis (d), & Orpheus (e), apud Indos Brachmanes, sive Gymnosophistæ (f), apud Sidonios Mochus, vel Ochus ille Phœnicus bello Trojano antiquior, primus atomorum inventor (g), quem unum esse cum Moyse Huetius (h), aliique plurimi (i) suspicantur, quemadmodum ex Gallis Druidæ (k), quos a Pythagora illis posteriore (l) perperam edoctos aliqui existimant (m), Mercurius Germanis (n), Cadmus (o), & Sancho-niaton (p) Phœnicibus, Italis Etrusci (q), Lybicus Atlas (r), Hispanis Turdetani (s), Sinen-sibus Confusius (t), Persis denique Magi (u),

co-

(a) *Strab. lib. 1.* (b) *Vid. Du-Pin Dissert. Præl. ad Sac. Script. & Huet. Demonstr. Prop. 4.* (c) *Laërt. 1.* (d) *Jambl. in vitâ Pyth. c. 30. & Laert. in Proem. seg. 1.* (e) *Jambl. ibid. cap. 34. & Laërt. Inst. 1. c. 4. & Arnob. 5.* (f) *Strab. 15. Laert. Proem & Diod. 3. & Selden. de Diis Syris.* (g) *Strab. 16. & Empyr. adv. Math. 9. vid. Burn. Arch. lib. 1. c. 6.* (h) *Loc. cit.* (i) *Seldenus Dinkinson apud Stanl. vide Burnet. & Huet. loc. cit.* (k) *Plin. 30. c. 1. & 16. c. ult. Cas. lib. 6. & Lescaloper. in Theol. Gall. Celsus apud Orig. 1.* (l) *Ex Laert. Proemio seg. 1. & Dion. Orat. 49.* (m) *Ammian. lib. 15. & Diodor. 5.* (n) *Tacit. de German. & Avent. lib. 1.* (o) *Herodot. 5.* (p) *Suid. Plin. 7. cap. 56. & Euseb. Præp. 1.* (q) *Cic. 2. de Divin. Plutarch. in Sylla, Suid. in Tyrrib. & Diod. 5.* (r) *Strab. 3. & Virg. Æneid. 1. v. 745.* (s) *Herod. 4. Strab. 3.* (t) *Vide ejus Opera edita Lutet. ann. 1687.* (u) *Laert. loc. cit. Suid. & Dion. Orat. 49.*

eorumque princeps Zabratius, vel Zoroastres, quem non a Chaldæo solum, qui fulmine tactus interiit (a); sed etiam a Zoroastre Bactrianorum Rege, quem Ninus superavit (b), distinctum existimamus (c), celebres extitere, quos Hyllaspes, & Osthanes (d), aliique plurimi ingenii gloriâ sunt sequuti.

XIV. *Assyrii tamen, & Chaldaei cognitione astrorum, solertiâque ingeniorum ceteros omnes antecelluisse dicuntur, & antiquissimum Doctorum genus* (e) habiti sunt, quippe qui ingresso Babylonem Alexandro 470000. annorum observationes ostenderint (f), quarum plurimas, hoc est ex Simplicio (g) annorum 1903. Callisthenes Alexandrum ipsum sequutus, ad Aristotelem misit. Principem inter illos locum obtinuit Zoroastres; cujus Poëmata de rerum naturâ (h) perierunt: quæ etenim superesse dicuntur, a severioribus Criticis (i) apocrypha existimantur. Tum Belus Rex, qui *sideralis scientia inventor* (k) est habitus; cui Semiramis filia bello Trojano octingentis annis antiquior (l), templum ædificavit, ex cujus fastigio sidera viderentur (m); ac denique Berosus (n) ille, cui *ob divinas predicationes ab Atheniensibus*, ad quos Chaldæorum

flu-

(a) Suid. in Zoroast. (b) Just. 1. (c) Vid. Burn. Arch. 1. c. 5. & Stanl. de Persar. & Chaldaor. Philos. (d) Plin. 30. c. 1. (e) Cicer. 1. de Divin. & Strab. 12. & 15. (f) Vid. Plin. 7. cap. 56. (g) In. 2. de Cælo. (h) Plin. 30. c. 1. (i) Huet. Demonstr. Prop. 4. c. 5. Burn. Archæol. 1. c. 5. & Du-Pin, & Stanl. Par. 13. (k) Plin. 6. c. 26. (l) Ex Burn. Archæol. 1. c. 9. (m) Diod. lib. 2. (n) Strab. 16. Diod. 2. Plin. 6. c. 26.

studia in plures sectas jam derivata (a), scriptisque suis (b), quæ prorsus periere (c), illustrata transtulerat, publicè in Gymnasio statuas inauratâ linguâ positam ferunt (d).

XV. Assyrios æmulati sunt Ægyptii (e), cùm quidquid illustrius ab Assyriis acceperant, novis observationibus ita auxerint, & exornaverint, ut illi *Geometria* (f), *Astronomia* (g), *omniumque Philosophia disciplinarum parentes* (h), in artibus reperiendis solertes, in cognitione rerum indagandâ sagaces (i), & Ægyptus ipsa mater artium (k) meritò diceretur. Sed alios inter maximè excelluit Mercurius ille, vel Hermes, aut Trismegistus (l), quem unâ cum Orpheo, Lino, Musæo, Iside, Osiride, Zoroastre, ceterisque omnibus fabulosis Diis Moysen esse putat Huetius (m); cujus non egregia solùm inventa duabus columnis, quæ Procli ætate supererant (n), & a quibus plurima accepisse dicuntur Plato, Pythagoras (o), atque Democritus (p), inscripta; sed innumera quoque volumina, quibus rerum naturam uberrimè illustraverat (q), perierunt; quæ enim Mercurii nomi-

ne

(a) Daniel. cap. 2. (b) Joseph. 1. contra Appion. (c) vid. Burn. Archæol. 1. c. 4. (d) Plin. 7. cap. 37. (e) Pompon. Mela 1. c. 12. (f) Herod. in Euterpe, Strabo 16. & 17. Plato in Phædr. & Diod. 1. (g) Plato in Epinom. Arist. 1. Metaph. & Diod. 1. (h) Macrobi. Somn. Scip. lib. 1. c. 19. & Saturn. 7. c. 13. & lib. 1. cap. 14. (i) Agell. 11. c. 18. (k) Macrobi. Saturn. 1. c. 15. & in Somn. 1. c. 21. (l) vid. Euseb. in Præp. (m) Demonstr. Evang. Prop. 4. (n) Procl. in Plat. (o) Jambl. apud Euseb. in Chron. (p) Jambl. de Myst. (q) Plin. 7. c. 56. & Manetho Interpret. libr. Merc.

ne circumferuntur, inter apocrypha meritò numerantur. (a)

XVI. Hinc illustriora Sapientiæ lumina Plato (b), Pythagoras (c), Democritus, atque ante ipsos celeberrimi septem Græciæ Sapientes, quamvis Hermippus XVII. enumeret (d), Thales, Pittacus, Bias, Solon, Cleobulus, Chilon, & Periander, sive Myson, aut Anacharsis, non Ægyptum modò, & Assyriam; sed etiam singulas ferè Terrarum orbis partes gravi, diuturnoque itinere peragrarunt, ut viros Sapientiæ famâ clariores inviserent, eorumque præcepta in patriam derivarent. Itaque trajecto mari ex Ægypto (e), & Phænicia (f) Sapientiæ studium ad Græcos delatum uberius adeo, & illustrius evasit, ut *Græcia sola homines generare verè cælestes, atque divinos, naturâ ad omnem scientiam natos* (g) putaretur: præsertim cùm post illorum VII. Sapientum gloriam, incredibile sit, quanto studio veritatis inquirenda Græcia omnis exarsit. (h),

XVII. Atque inde certè factum esse arbitramur, ut non modò Viri ad hæc severiora Sapientiæ studia convolaverint, sed ipsæ quoque mulieres, quas a liberalium disciplinarum studio removendas plerique immeritò existimarunt, hanc uberrimam gloriæ partem ita fuerint æmu-

B

la.

(a) Casaub. Exercit. in Baron. 1. n. 18. Du-Pin Dissert. lib. 2. c. 7. §. 2. Petav. Theol. Dogm. (b) Cic de Fin. 5. & Aug de Civ. 8. c. 4. (c) Porphy. in Vita, Apul. Flor. 15. & Just. 20. (d) Apud Laërt. 1. seg. 42. vid. Ludov. Vives Comment. in lib. 18. Civit. Dei. (e) Arist. 2. de Cælo c. 12. (f) Philo apud Euseb. Præp. 1. (g) Philo apud Euseb. 8. c. 5. (h) Lactant. Inst. 4. c. 1.

latæ, ut ceteras inter, quas LXVIII. ex singulis ferè Philosophorum Sectis Menagius (a) enumerat, Theano Pythagoræ uxor (b), eorum filia Mya (c), aliæque Pythagoricæ XXIII. (d); Arete (e) quæ Aristippum, Diotima (f), & Aspasia (g), quæ Socratem erudivit, præsertim verò Hipparchia Crateis uxor (h), & Hypatia Theonis filia (i) maximâ ingenii laude floruerint. Quodsi veteres, recentioresque Philosophi, meliorisque notæ scriptores (k) in asserendo Sybillarum numero, ætate, existentia convenirent, illas quoque illustrioribus Græcanicæ Sapientiæ luminibus adjungere par foret: Verum, cum in his omnibus, nec immeritò certè, illi dissideant, nihil definiri posse putamus. Interim tamen illarum carmina, quæ vulgò circumferuntur, apocrypha esse manifestissimè demonstratur (l).

XVIII. Neque maximam solùm lucem Philosophia a Græciæ Sapientibus antequam a Græcis ipsis in Italiam transferretur *, nomen, & incrementum accepit, sed ab illis etiam Sapientiæ fons, qui principio unicus fuerat, in plures qua-

(a) *Histor. Mulier. Philos. Laert. additâ.* (b) *Laert. lib. 8. seg. 42.* (c) *Laert. ibid. & Suid.* (d) *Jambl. Vita Pythag. lib. ult.* (e) *Laert. 2. seg. 86.* (f) *Plato in Conv.* (g) *Plato in Menex. & Suid. & Clem. Alex. Strom. 4.* (h) *Laert. 6. seg. 96.* (i) *Eunap. in Jonic. & Socr. Hist. Ecclesiast. lib. 7. c. 15.* (k) *Cleric. Art. Crit. Part. 1. Du-Pin Dissert. lib. 2. c. 7. §. 1. Petit, de Sybill.* (l) *Orig. 1. contra Cels. Petit, Du-Pin loc. cit.*

* Græcia capta ferum victorem vicat, & artes
Intulit agresti Latio. . . .

Horat. Epist. 1. lib. 2. v. 156.

quasi rivulos est derivatus, ut plures deinde partes in hac uberrimâ facultate distingui cœperint. Non omnes tamen eundem numerum sunt amplexi (a): Quamvis enim fuerit jam a Platone accepta philosophandi ratio triplex; una de vitâ, & moribus; altera de Naturâ, & rebus occultis; tertia de differendo, & quid verum, & falsum in oratione, pravumve, quid consentiens, quid repugnans judicando (b), idemque etiam Stoici probaverint (c); Cynici (d) tamen, & Ariston Chius (e), Ethicâ solâ contenti Physicam, & Logicam sustulerunt; Epicurei verò duas solùm partes Philosophia putaverunt esse, Naturalem, atque Moralem, Rationalem verò removerunt *. Deinde cùm ipsis rebus cogerentur ambigua secernere, falsa sub veri specie latentia coarguere, ipsi quoque locum, quem Canonem, seu de Judicio, & Regulâ appellant, alio nomine Rationalem induxerunt, sed eam accessionem Naturalis partis existimant (f).

XIX. Peripatetici denique, quod nostris etiam temporibus communi Philosophorum omnium consensu probatum est, quatuor Philosophiæ partes enumerant, Logicam, Physicam, Metaphysicam, & Moralem. Cujus quidem divisionis ratio duplex afferri potest: prima nimirum, quod omnis summa Philosophia ad beatè vivendum

B 2

re-

(a) Vid. Empyr. 1. adv. Logie. (b) Cicer. Acad. 4. vid. & Plato 7. de leg. & Macr. Somn. lib. 2. in fine. (c) Laërt. 3. & 7. seg. 39. (d) Laërt. lib. 6. seg. 103. (e) Laërt. loc. cit. (f) Sen. Epist. 89. Cic. 1. de Nat. & 1. de Fin.

* Differendi artem nullam habuit Epicurus. Cicer. lib. 1. de Fin.

refertur, idque unum expetentes homines se ad hoc studium contulerunt (a), adeoque totidem esse debuerunt partes Philosophiæ, quot ad beatitudinem, felicitatem, sive perfectionem hominis conferre poterant; cum itaque perfectio hominis oriatur ex perfectione intellectûs, & voluntatis, quorum intellectus cognitione rerum, vel contemplatione veritatis perficitur, voluntas autem honestate morum, & amore boni (intellectus enim ad verum, & voluntas ad bonum naturâ ipsâ dirigitur), totidem Philosophiæ partes distinguendæ fuerant, quot ad cognitionem veri, & honestatis amorem requiruntur. Hinc ad honestatis amorem inventa est illa facultas, quæ de vitâ, & moribus, de virtute, & vitio, de libertate, de legibus differeret, & Moralis, aut Ethica vocatur; ad cognitionem autem rerum inventa est Physica, si corporeæ, & corruptibiles illæ forent; Metaphysica verò, si spirituales, & incorruptibiles essent; cumque deinde solius naturæ viribus neque perfecta rerum cognitio, neque morum honestas acquiri posse videretur, inventa demum est illa facultas, quæ intellectum nostrum dirigeret, unde Logicæ, vel Rationalis nomen obtinuit.

XX. Altera verò divisionis ratio clariùs, & accuratiùs ex ipsâ rerum varietate deducitur. Cum etenim, ut antea diximus, Sapientia, sive Philosophia sit rerum divinarum, humanarumque cognitio, tot esse debuerunt Philosophiæ, sive Sapientiæ partes, quot sunt cognitio-

(a) Cic. de Fin. 2.

tiones ipsæ, vel genera illarum rerum, quæ cognosci possunt a nobis; intelligi verò, vel observari faciliè poterit, quod illa, quæ cognoscuntur a nobis vel a Deo, vel a nobis ipsis producta, sive efformata sunt; ac si a Deo quidem res illæ productæ fuerint, aut corruptibiles, atque corporeæ, aut incorruptibiles, & incorporeæ esse debent; quod si a nobis ipsis efformatæ fuerint, vel ab intellectu, vel a voluntate orientur, hoc est ad alterutram hominis facultatem spectare debent. Corruptibiles itaque res, quæ a Deo productæ fuerunt, in Physicâ considerari solent, incorruptibiles autem in Metaphysicâ; quemadmodum etiam res illæ, quæ fiunt, vel efformantur ab hominis intellectu, in Logicâ; quæ verò fiunt a voluntate, & ad mores pertinent in illâ Philosophiæ parte pertractari debent, quæ Moralis, aut Ethica vocari solet.

XXI. Ac ceteris quidem Philosophiæ partibus antiquior est Physica, quæ sensibilibus rerum naturas, præsertim verò cœlestia corpora contemplantur, ut *ex ipsâ siderum contemplatione pulcherrimus, & uberrimus fons ille Philosophia profluxisse* (a) dicatur, quòd hæc omnia sensibus ipsis subiecta majorem admirationem in nobis excitent, animumque ad inquirendas illorum causas fortius alliciant: *Valde nimisrum Philosophi est affectio illa admirari, neque alia fuit origo Philosophia, quàm ista* (b). Sed, ut illustrior adhuc, atque jucundior hæc Sapientiæ pars rudioribus

B 3

etiam

(a) *Apul. de Dogm. Plat. & Philo de Opif.* (b) *Plato in Theash. confer & Arist. 1. Metaph. c. 2.*

etiam animis videretur, veteres Poëtæ Linus (a), Musæus (b), Orpheus (c) illius auditor (quos verè extitisse, contra Aristotelem (d), ac Vossium (e), cum Burneto (f), aliisque (g) defendimus, quamvis illorum fragmenta apocrypha concedamus (h),) Homerus, Hesiodus, Solon (i), Empedocles (k), Parmenides (k), Xenophanes (k), Zoroastres (l), Thales (m), Thamyras (n) ita res physicas elegantissimis versibus illustrarunt, ut *Physica non inelegans in illorum fabulis inclusa sit* (o); & ipsa ferè rerum natura a prudentibus arcana sua per fabulosa tractari voluerit (p).

XXII. Socrates verò, cùm Physicam juvenis coluisset (q), senior effectus primus a rebus occultis, & ab ipsâ naturâ involutis, in quibus omnes ante eum Philosophi occupati fuerunt, avocavit Philosophiam, & ad vitam communem adduxit, ut de virtutibus, & vitiis, de bonis rebus, & malis quareret; cùm cœlestia, vel procul esse a nostrâ cognitione censeret, vel si maxime cognita essent, nihil ad beatè vivendum confer-

(a) Diodor. Praef. ad Mythol. & Euseb. Praep. 10. c. 4. & Strab. 16. (b) Laert. in Proem. (c) Jambl. de vitâ Pythag. cap. 34. (d) apud Cicer. de Nat. 1. (e) De Arte Poet. cap. 13. (f) Archaeol. lib. 1. cap. 9. (g) Huet. Demonstr. Prop. 4. c. 8. &c. (h) Cum Orig. 1. contra Cels. Huet. loc. cit. c. 6, num. 19. & Voss. de Orig. Idolol. lib. 1. c. 39. (i) Plutarc. in Solone. (k) Laert. 9. seg. 12. (l) Plin. lib. 30. c. 1. (m) Suidas in Thal. (n) Ex Platone, & Plutarcho de Pyth. orac. & de EI. (o) Cicer. 2. de Nat. (p) Macrob. Somn. 1. c. 11. Plut. de aud. Poet. & Dionys. Halic. lib. 11. (q) Ex Platone in Phadr. & Laert. 2. seg. 21.

ferre (a) *. Primus itaque Moralis inventor, ac veluti *parens Philosophia* (b) semper est habitus; ejusque dogmata duo *Socratica amanitatis luminaria Plato, & Xenophon* (c) immortalibus scriptis illustrarunt.

XXIII. Sed cum neque rerum natura, neque morum honestas satis aptè explicari, vel certò demonstrari posse videretur, nisi falsum a vero sejungere; vitia, quæ plurima irreperent, vitare nobis licuisset, Logicam addidisse dicitur Plato (d), quæ rationem dirigeret, ac in inquirendâ veritate moderaretur. Sed quamvis id gloriæ Platoni plerique concedant; & Zeno Eleates (e), qui certè omnium primus præcepta Logicæ scriptis edidit; & Aristoteles ipse, qui singulas Logicæ partes uberrimè illustravit, & in unum veluti corpus disposuit, Logicæ inventor a compluribus habeatur (f), compertum est tamen differendi studium apud antiquissimos etiam Philosophos Arabes, Assyrios, & Judæos potissimum floruisse.

XXIV. Addita postremò fuit ab Andronico, ceterisque Interpretibus Aristotelis *Metaphysica*, quæ res abstractas, & incorporeas scrutari dicitur. Cum (g) etenim Aristotelis opera Theo-

B 4

phra-

(a) *Cic. Acad. 1. conferend. in Tusc. 5. & in Bruto, & Aug. Civ. 8. cap. 3.* (b) *Cic. Fin. 2.* (c) *Agell. 14. cap. 13.* (d) *Laert. 3. seg. 56.* (e) *Laert. 9. seg. 25. vid. Empyr. adv. Math. 7.* (f) *Averr. in Proem. Physic.* (g) *Strabo lib. 13. & fusiè Gassend. in Exercit. Paradox. 1. exercit. 4.*

* Etenim cognitio, contemplatioque Naturæ manca quodammodo, atque inchoata esset, si nulla actio rerum consequatur. *Cic. de Offic. 2.*

phraſto primùm relicta ad Neleum Scepfium. Theophraſti auditorem hereditario jure perveniſſent, ab illius heredibus, ne Pergamum transferrentur, ubi Attalici Reges ex libris undique comparatis Bibliothecam inſtruxerant, in terrâ ſepulta ſunt, ubi cùm CXXX. annorum ſpatio incognita jacuiſſent, tandem eruta Apelliconi Tejo vendita ſunt; eoque deſuncto, poſtquam Sylla Athenas anno 4. Olympiadis CLXXIII. occupavit, Romam delata, atque Tyrannioni cuidam Grammatico, ab iſto verò, ut Plutarchus in vitâ Syllæ commemorat, Andronico tradita ſunt; hi verò non modò lacunas, quæ plurimæ ex loci humiditate, ac temporis injuriâ irrepſerant, impleverunt, atque arbitrio ſuo textus, atque lacinias adjecerunt (unde maxima, & incredibilis illa obſcuritas, ſententiarumque perplexitas oriri debuit, quæ in Ariſtotelis operibus obſervatur); ſed varios quoque libros in certas claſſes ita diſpoſuerunt, ut quædam opera Dialectica, quædam Phyſica inſcriberentur; cetera verò, quæ confuſa, promiſcua ſupererant, & ad nullam claſſem referri poſſe videbantur, Opera *perà rã purà*, *Metaphyſica*, hoc eſt *poſt Phyſica*, vel Phyſicis adjecta, ſubjuncta vocarunt; neque enim in iſſis de ſpiritualibus, abſtractis, metaphyſicis rebus juxta ſuperiùs traditam Philoſophiæ diſiſionem a Peripateticis iſſis acceptam diſſeritur, ut eſt egregiè a Launojo, Gaſſendo, aliisſque pluribus obſervatum.

XXV. Quamvis tamen hæc celeberrima Philoſophiæ diſiſio Scholarum omnium limen occupaverit, atque communiter quatuor illæ Phi-

Philosophiæ partes Logica, Physica, Metaphysica, Moralis ab omnibus explicari consueverint, *plena tamen Philosophia est, quæ constat ex duabus Physicâ, & Ethicâ* (a), quibus utraque hominis facultas Intellectus, & Voluntas cognitione rerum, & honestate morum perficitur. Logica nimirum non potius Philosophiæ pars a ceteris distincta debet haberi, quàm Scientiarum omnium pars, & instrumentum *, cùm ad Scientias omnes ritè, ac feliciter comparandas instituta fuerit; Metaphysica verò partim ad Logicam, partim ad Physicam, unde fortuitò ab Interpretibus Aristotelis sejuncta fuerat, commodè revo- catur. Hanc certè nos veniam petimus, atque ab ingenuis Philosophis facilè nobis concedi posse speramus, ne celebrem hanc Philosophiæ divisionem temerè negligere, vel perturbare videamur, si Metaphysicam paullo pressiori, diversâque methodo, ac alii consueverint, ita pertractemus, ut plurima, quæ ab illis in Metaphysicâ differuntur, nos aut in Physicâ, aut in Logicâ, prout loci, rerumque opportunitas tulerit, exponamus: quod fusiùs, & accuratiùs alibi quoque monebimus, ubi in singulas Philosophiæ partes præfari contigerit.

XXVI. Nunc autem adeunda nobis est altera Philosophiæ divisio, quam partim naturæ obscuritas, partim veritatis studium, partim dissentientiendi cupiditas, partim denique novitatis amor

(a) Cic. Rhetor. 1.

* Logica non pars est Philosophiæ, sed velut accuratissimum instrumentum, *Laert. 5. seg. 28.* Logicam non partem ajunt (*Peripatetici*) sed potius instrumentum. *Pachym. in Epito. Organici. 2.*

amor invexit: illa nimirum, quâ singulæ Philosophiæ partes, ob innumeras dissidentium inter se Philosophorum opiniones, vel docendi methodum, in plures Sectas divisæ, ac veluti discerptæ sunt: quod elegantissimè expressit Boëtius (a), dum Philosophiam ipsam in Ticinensi carcere squalido vultu, discissâ veste, passis capillis, demissis oculis, suffususque genis sibi apparuisse finxit; idque ab æternis Philosophorum dissidiis illa se passam esse mœstissimè quebatur. Atque hinc intelligitur, cur Hæresis, ut Græci dicunt, vel Sectæ nomen a *secando* derivetur, quòd ipsa nimirum Philosophia divisa fuerit; vel homines aliqui in Philosophiæ studio a ceteris divisi, secti, sejunctique fuerint: quamvis illud etiam a *sectando* deduci posse videatur, quòd tunc aliqua Secta constitui dicatur, cum plurimi unius Philosophi doctrinam, sectentur, illique arctissimè adhæreant. Intelligi quoque, vel explicari facile poterit, cur ingens adeo, & incredibilis Sectarum numerus apud veteres, recentioresque Philosophos semper extiterit; novitatis enim amor, dissentienti cupiditas, partium studium, rerumque obscuritas omnes impulit, ut, vel opinionem aliquam ab aliis dissidentem comminiscerentur, vel animum alicui, quam unice adamarint, desponderent. Ceteras tamen inter innumeras Sectas, quæ a Græciæ Philosophis institutæ, vel amplificatæ sunt, ut in illarum serie, vel successionum ordine inferiùs ostendemus, illustriores haberi meritò solent Italica, Jonica, & Eleatica, quæ
Py-

(a) De Consol. Philos. Prosa 1.

Pythagoram, Thaletem, Xenophanem principes, vel auctores habuere.

XXVII. Pythagoras itaque, cùm Phærecidem Syrum (a), Thaletem (b), & Anaximandrum (c), *fatiloquum Epimenidem* (c), & in Ægypto Psammitici ætate per annos XXII. Chaldaeos (d), Zoroastrem, vel Zabratum (e), Arabes (d), Phœnices (d), Orphicos (d), ex quibus plura desumpsit (f), Persarum Magos, Indorum Brachmanes (d) audivisset, Crotonam veniens Italicam Sectam instituit. Celebres in illâ fuere Charondas Rheginorum, Zaleucus Locrensiū, Zamolxis Getarum Legislatores (g); Architas, ejusque auditor Philolaus, Hyppasus Heracliti præceptor, Ocelus, Aristarchus, Ecphantus, & Empedocles, quem aurea carmina Pythagoræ falsò inscripta edidisse putat Fabricius (h); cùm potiùs diversis illa temporibus a Pythagoricis contexta verisimiliùs existimantur (i): quemadmodum certè libri in Numæ sepulchro post DCCCV. annos ab illius obitu reperti (k) falsò Pythagoræ tribuuntur, cùm ille Pythagoram longè præcesserit; ut mirè proinde fallantur ii (l), qui Numam Pythagoræ auditorem fuisse opinantur.

XXVIII. Quam-

(a) Porphy. in vitâ, & Suidas. (b) Ex Jambl. in vitâ 1. cap. 2. (c) Apul. Florid. 2. (d) Ex Just. 20. & Porph. in vitâ. (e) Porphy. loc. cit. Apul. & Selden. de Diis Syris syntag. 2. (f) Herod. 2. Proclus in Platon. Syrian. in Metaph. Arist. 2. & Jambl. vitâ Pythag. cap. 28. (g) Laert. 9. seg. 16. (h) Biblioth. Græca 2. pag. 461. (i) Agell. 6. cap. 2. & Hieron. 2. advers. Rufin. vide, & Stanl. (k) Plin. 13. sect. 27. & Liv. 11. (l) Clem. Alex. Ovid, Platarch.

XXVIII. Quamvis autem Italica Secta ad Aristotelis ætatem pervenerit, & Aristoxenus hujus auditor, se Xenophilum, Echecratem, Dioclem, Polymnestum, Phantonem Euriti, & Philolai auditores, Pythagoræorum ultimos vidisse commemoret (a); Xenophanes tamen, qui Pythagoram, & Thelaugem Pythagoræ filium audivit, novam Sectam ab Eleâ Parmenidis, & Zenonis, qui illi post Xenophanem præfere, patriâ Eleaticam dictam instituit. Parmenidem itaque sequutus est Zeno, & Melissus; Zenonem Leucippus, Leucippum Democritus, quem Metrodorus, & Protagoras excepit, a quo Diogenes eruditus Anaxarchum successorem habuit, ejus auditor Pyrrho propriam & ipse Sectam instituens ab Eleaticâ defecit. Pyrrhonis verò dogmata sequuti sunt Hecaton, Philo, Eurilochus, Timon, atque Nausiphanes, ejusque discipulus Epicurus; quo novam Scholam instituente paullisper Pyrrhonica Secta defecit, donec a Ptolemæo Cyrenaito renovata per Euphranorem, Ebulidem, Ptolemæum, Heraclidem, Ænesidemum, Zeusippum, Xeusim, Antiochum, Menodocum, Herodotum sibi ordine succedentes ad Sextum Empiricum, ejusque discipulum Saturninum Cythenatem pervenit.

XXIX. Epicurus itaque *Philosophus nobilis, a quo non solum Græcia, & Italia, sed etiam omnis Barbaria commota est* (b), relicta Pyrrhonicorum sententiâ, antiquissimam Atomistarum hypothesim est amplexus. Id verò tantâ ingenii laude perfecit, tantique semper est habitus, ut

(a) Laërt. 9. seg. 86. (b) Cic. 2. de Fin.

ut non æreas solùm statuas ei dedicare (a); natalem ejus diem celebrare (b), verùm etiam ipsius imaginem non modò in tabulis, sed etiam in poculis, & annellis gestare consueverint (c). Hinc illa mira consensio (d), quâ per XIV. Magistròs continuâ serie sibi succedentes ad Augusti tempora per CCXXXVII. annos pervenit (e), atque nuper a cl. viro Petro Gassendo, qui de Epicuri moribus, & doctrinâ egregiè disseruit, renovata, illustrata, castigata, atque mirificè amplificata principem ferè locum apud Recentiores Philosophos occupavit.

XXX. At Jonicæ Sectæ nomen, & originem dedit Thales Milesius, qui deprehensâ Zodiaci obliquitate, Tropicis, & Zonarum numero, diametro solis, ejusque annuâ periodo 365. dierum (f), cynosurâ, sive polari sidere (g), Pyramidum Ægypti altitudine (h), prædictâ solis eclipsi (i), & scriptis editis (k) immortalẽ sibi gloriam comparavit, ut *Physicorum princeps* (l), *Philosophorum antiquissimus* (m), *Philosophiæ inventor* (n), & *Sapiens* (o) vocari meruerit. Anaximander illi successit Gnomonis usu,

ho-

(a) Laërt. 10. seg. (b) Plin. 35. c. 2. (c) Cic. 5. de Fin. (d) Vid. Euf. 14. c. 2. (e) Vid. Themist. Orat. 4. & Senec. epist. 33. Suidas in Epic. Euseb. Præp. 14. c. 5. & Gassendus in vitâ Epicur. (f) Laërt. 1. seg. 27. (g) Callimachus apud Laërt. seg. 23. Tatium in Arabi Phanom. & Hygin. Poetica Astron. (h) Laërt. 1. (i) Laërt. 1. seg. 23. Plin. 2. sect. 9. Herod. 1. Plutarch. Plac. 2. 24. & 28. (k) Laërt. 1. seg. 34. Simpl. in 1. Phys. & Aug. de Civ. 8. c. 2. (l) Tertull. Apol. c. 26. (m) Justin. in Paran. (n) Plutarch. Plac. 1. cap. 3. (o) Laërt. 1. seg. 32.

horoscopiis, terræ, marisque circuitu, sive Geographicis Tabulis inventis celeberrimus (a), quem Anaximenes sequutus scholam Anaxagoræ, quam ex Joniâ Athenas transferret, reliquit; ejusque discipulus Archelaus Socratem erudivit, in quo Jonica Secta defecit.

XXXI. Hic etenim moribus excolendis unicè addictus, etsi nihil omnino scripserit (b), ejusque epistolæ ab Allatio vulgatæ apocryphæ videantur (c); plurimos tamen, & celeberrimos auditores habuit, qui novarum Sectarum principes extitere, si Xenophontem excipias, qui præclaram conscribendis historiis operam dedit. Sic Aristippus Cyrenaicam instituit, quæ per Aretem ejus filiam in Aristippo, Theodoro atheo, & Bione; per Antipatrum verò in Epitimide, Parebate, Hegesia, & Anniceri conservata est. Phædo Eliensis Eliacam Plistano, ac deinde Menedemo claram invexit. Euclides Megarensis Megaricæ nomen dedit, quæ post Alexinum, Eristica, post Dionysium Chartaginensem Dialectica vocari cœpit (d). Antisthenes verò Cynicam, in quâ Diogenes, ejusque auditor Crates floruerunt: nam Zeno Citticus Cratetis auditor Stoicam instituit, quam *Stoicorum Pater* (e) Cleanthes, Chrysippus, Zeno Sidonius, Diogenes Babylonius, Antipater, Panætius, Possidonius sibi ordine succedentes, aliique innumeri sapientissimi Viri illustrarunt.

XXXII. Ce-

(a) *Laërt.* 2. *seg.* 2. *Strabo* 1. (b) *Cic.* 3. *de Orat.* & *Dion. Chrys.* (c) *Olearius Dissert.* apud *Stanl. Part.* 3. (d) *Laërt.* 2. *seg.* 106. *Vossius de Sect. Philos.* cap. 2. §. 3. (e) *Cic.* 3. *de Nat.*

XXXII. Ceteros tamen Socratis auditores, & regiâ generis nobilitate, & ingenii gloriâ superavit Plato Atheniensis, qui cùm Socratem ipsum octo annis, Cratylum (a), Hermogenem (a), Archytam (b), Euclidem, Pythagoricos (c), Ægyptios (d), Persas audivisset, Academiam instituit, in quâ Speusippus, Xenocrates, Polemon, Crantor, & Crates ordine præfuere; Arcesilas enim Crantoris auditor, sive ut Platonis dogmata a Stoicis vulgata celaret (e), sive ut *dedoceret potius malè doctos, quàm doceret quos dociles non arbitrabatur* (f), nihil sciri posse dixit, ac mediam Academiam invexit, quæ per Lacydem, Teleclem, Evandrum, Hegesimum in Carneadem derivata, in Novam ab illo inventam (g), & Clitomacho auditori traditam degeneravit: veteris tamen Academiæ splendorem restituere conati sunt Philo, & Charmides Clitomachi, atque Antiochus illorum auditor: unde sunt, *qui addant quartam Academiam Philonis, & Charmida, sunt qui etiam quintam Antiochi adjiciant* (h).

XXXIII. Atque ex veteri quidem Platonis Academiâ divinus ille Philosophus prodiit Aristoteles, qui cùm audito jam per XX. annos Platone, Alexandrum Macedonem quinquennio docuisset, Peripateticam Scholam Athenis aperuit, eamque moriens Theophrasto reliquit; quem Strato, Lycon, Aristo, Critolaus, Diodorus ordi-

ne;

(a) Ex Laërt. 3. (b) Ex Cicer. in Catone, & Apul. de Dogm. Platonis. (c) Cicer. 5. de Fin. & Agell. (d) Agell. 3. c. 17. & Aug. de Civ. c. 4. (e) Aug. lib. 3. advers. Acad. (f) Aug. 1. contra Acad. c. 17. vide Empyr. contra Pyrrhon. (g) Cicer. Acad. 4. (h) Euf. Præp. 14. c. 2. & Empyr. 3. Hypoth. 33.

ne; deinde verò Andronicus, aliiq̃ue plurimi varijs temporibus sunt sequuti. Brevi tamen, cùm plurimùm in Italiâ Ciceronis ætate floruiſſet (a), languere cœpit: ſive quòd Ariſtotelis opera innumeris mendis vitiata jam forent (b); ſive quòd veteres Eccleſiæ Patres Platonica dogmata, ut Evangelio affinia (c), complexi, Ariſtotelis doctrinam acerrimè ſint inſecuti (d); ut tandem Italia domesticis bellis diſcerpta ab exteris, barbariſque Gentibus ad Peripateticæ diſciplinæ ſtudium excitari debuerit.

XXXIV. Arabes etenim Hiſpaniam (e) ferro, flammâque invadentes, Ariſtotelis etiam doctrinam in Scholas invexere, quæ variis ſubinde commentariis ab Averroë, Avicenna, aliſque compluribus illuſtrata finitimam Galliam, Italiam, & univerſam denique Europam feliciter occupavit: tantoque ſtudio, animorumque contentione excepta, & auſta eſt, ut tres veluti in Sectas brevi diviſa fuerit, Scotiſtarum, Thomiſtarum, & Nominalium; quorum illi Joannem Duns Scotum, iſti Rucelinum, vél, qui extinctam ferè Rucelini ſententiam excitavit, Gabrielem Ochamum Scoti diſcipulum amplectuntur: Thomiſtæ verò principe, & auſtore gloriantur D. Thoma Aquinate; qui, cùm incredibili, ac divinâ ferè ingenii laude mirificè ſemper floruerit, Angelici Doctoris nomen vel ipſo XIII. Eccleſiæ ſeculo obtinuit.

XXXV. Quam-

(a) *Cic. Acad. 4.* (b) *Vid. Launojus de variâ Ariſt. Fortunâ.* (c) *Aug. contra Acad. 3. c. 3. & Civit. 8.* (d) *Vide Laun. loc. cit.* (e) *Roderic. Tolet. lib. 3. c. 12. Petav. Ration. Part. 1. lib. 8. c. 4. & Pag. ad annum 833 num. 14.*

XXXV. Quamvis autem innumeræ Sectæ inter se plurimum dissidentes ex Aristotelis scholâ prodierint; cùm tamen omnes Aristotelem ipsum, veluti ducem, sequantur, ejusque doctrinam varias in partes trahant, sola Peripatetica disciplina ad hæc usque tempora principem locum occupaverat: cùm duo sapientiæ lumina Baco de Verulamio, & Galileus Galilei novo quodam Philosophiæ genere delectari, rerumque naturam ad severiores Staticæ, & Mechanicæ leges revocare cœperunt; tumque aucto novis sideribus cœlo, novis regionibus terrarum orbe, novis etiam artibus, & scientiis disciplinarum numero, naturalium rerum cognitio auctior adeo, & illustrior evasit, ut omnem ferè veterum gloriam superasse meritò videretur. Quid verò commemorem Cl. quoque Viros Petrum Gassendum, atque Renatum Cartesium novas iniisse vias, ac Mechanicam Philosophiam mirificè coluisse: illum quidem renovatâ Democriti, & Epicuri sententiâ, quæ temporis injuriâ obsoleverat; hunc autem ingeniosâ quadam hypothese excogitatâ, quâ rerum phænomena explicarentur, cùm hæc omnium animis, atque ore versentur?

XXXVI. Illud hîc potiùs coronidis loco addendum videtur, Sectarum, quas hætenus enumeravimus, nomina variis ex fontibus esse deducta; plerumque tamen ex nomine, vel patriâ auctoris; ex loco, vel docendi genere, quo usus est; aut ex ipsâ rerum, quæ diligentius exponi, vel pertractari solebant, varietate. Sic itaque Secta, quam a Pythagora institutam diximus, Italica vocatur, quòd ille in variis

Italiæ Urbibus, præsertim verò Crotone, ac Metaponti docuerit. Jonica dicitur Thaletis Secta, quod Thales fuerit ex Mileto Joniæ urbe, ac in Joniâ plurimum illa floruerit, antequam Athenas ab Anaxagora, vel Archelao transferretur. Eleatica verò non a Xenophanis (hic enim Colophonius fuit), sed a Parmenidis, Melissi, Zenonis patriâ, qui Xenophanis auditores, & in scholâ successores fuerunt, nomen obtinuit: omnes etenim Eleates, hoc est ex Eleâ, aut Veliâ Italiæ urbe prodierunt. Academica Secta ab Academiâ, vel Ecademiâ, nimirum ab horto quodam arboribus confito, quem Ecademus heros habendis ibi Philosophiæ disputationibus destinaverat, & in quo Socrates, & Plato docere consueverant, est appellata. Cùmque similiter Zeno in porticu quadam apud Athenienses celebri, Polygnoti picturis ornatâ, doceret, Stoicam Sectam invenisse dicitur: quemadmodum ab Aristotele, quod deambulando discipulos erudiret, Peripatetica, sive *deambulatoria* Secta manavit: & Antisthenes ipse non aliâ de causâ Cynicæ Sectæ nomen reliquit, nisi quod in Cynofarge Gymnasio, hoc est in *candidi canis* templo, doceret; quod Herculi ex oraculi responso construxerat Dydimus quidam commotus, quod candidus canis victimam aris impositam, rapuisset (a), etsi Laërtius (b) Cynicos a scommatîs, cavillis, hoc est a caninâ irridendi, mordendique licentiâ dictos existimet; Pyrrhonica, denique, Epicurea, Gassendistica, Cartesiana ab auctorum nomine; Eliaca verò, Megarica, Cy-

re-

(a) *Suid. in Cynof.* (b) *In Proëm. seg. 17.*

renaica ab illorum patriâ nomen sortitæ sunt. Atomistica tamen vocari etiam solet Epicuri, vel Gassendi Secta, quodd in illâ præsertim de corpusculis, atomisque differatur: quemadmodum etiam Cyrenaica Secta Aristippi interdum Hædonica, sive *voluptuosa* vocatur, quodd in illâ voluptas summum bonum esse dicatur; interdum etiam Eudæmonica, quod illa præsertim, atque uberius, quam ceteræ consueverint, de *felicitate* differat.

XXXVII. Atque his accenseri facilè poterit aliud Sectarum genus, sive potiùs Philosophiæ divisio, quæ ex vario Philosophorum ingenio, docendique methodo derivatur, atque apud veteres, recentioresque Philosophos nostris etiam temporibus usurpatur. Quemadmodum enim ingens olim, æternumque Philosophorum dissidium plurimos impulit, ut cum Pyrrhone nihil certò deprehendi posse putarent, sed de omnibus dubitarent, unde Sceptici, seu *dispicientes*; Zetetici, sive *questores*; Ephectici, vel *prohibentes* assensum; Acataleptici denique, vel *incomprehensibiles* dicebantur: cùm alii, qui propria dogmata constantissimè tuebantur, Dogmatici vocarentur; ita quoque hac ætate, quamvis aliqui uni Sectæ nomen dederint, atque ex Philosophis aliquem adamaverint, quem unicè sequerentur, seque illo duce veritatem assequutos esse gloriantur; plurimi tamen de inveniendâ veritate ferè desperantes, scientiam omnem sustulerunt, eamque mortalium oculis prorsus ereptam, aut certè gravi caligine circumseptam esse putarunt.

XXXVIII. Utrumque tamen docendi genus, quod Pyrrhonicum, sive Dogmaticum profitentur;

ab ingenuo, honestoque veritatis amore abhor-
rere sapientissimi Viri arbitrantur *. *Quid enim,*
ut contra Dogmaticos egregiè inquit Cicero (a),
tam temerarium, tamque indignum Sapientis gra-
vitae, atque constantiâ, quàm aut falsum sen-
tire, aut quod non satis exploratè perceptum sit,
& cognitum, sinè ullâ dubitatione defendere, &
innumera, quæ adhuc nos latent, quæque nos
tenui vix conjecturâ, vel divinando consequi-
mur, veluti cognita, ac certa tueri? *Profectò*
& eos ipsos, qui se aliquid certi habere glorian-
tur, addubitare coget doctissimorum hominum de
maximis rebus tanta dissensio (b); ut meritò proin-
de veteres Philosophos accusans Aristoteles, qui
existimavissent, Philosophiam suis ingenijs esse per-
fectam, dixerit, eos aut stultissimos, aut glorio-
sissimos fuisse: videre se enim, quod paucis annis
magna illi accessio facta est (c).

XXXIX. Id optimè profectò noverant egre-
gii sapientiæ duces, Socrates, Plato, Aristote-
les, a quibus, veluti ex uberrimis fontibus,
illustriores omnes Philosophorum Sectæ mana-
runt: cùm Socrates, quidem (d) qui *Apollinis*
oraculo sapientissimus est judicatus (e): scire se
nihil profiteretur præter hoc ipsum, quod nihil
sciret (f), & ex pluribus philosophandi generibus
illo uteretur, quo suam ipse sententiam tegeret,
errore alios levaret, & in omni quæstione, quid
esset

(a) *De Nat. 1.* (b) *Cic. ibidem.* (c) *Cic. Tusc. 3.*
(d) *Cicer. in Lelio.* (e) *Cicer. Tusc. 3.* (f) *Laërt. 2.*
seg. 32.

* Dicebat Zeno Stoicus ad percipiendas Scientias
nihil inconvenientius esse jam acquisitæ cruditionis
opinionem. *Laërt. 7. seg. 23.*

esset verisimillimum quæreret (a): Plato verò proprium fore Academia voluerit iudicium suum nullum interponere: ea probare, quæ simillima veri videantur, conferre causas, & quid in quamque sententiam dici possit, expromere, nullâ adhibitâ suâ auctoritate, iudicium audientium relinquere integrum, ac liberum (b); cùm inter nullos magis, quàm inter Philosophos esse debeat aqua libertas (c): Aristoteles denique præstare, atque adeo oportere dixerit veritatis tuenda causâ vel nostrâ decreta evertere, cùm etiam nos Philosophi simus (d); Philosophi autem sit solius Sapientia amore capi, sapientesque viros in primis suspicere (e).

XL. Hinc plurimi ex veteribus, recentioribusque Philosophis Socratem, Platonem, & Aristotelem æmulati illam docendi methodum amplectuntur, in quâ non certæ quædam theses constantissimè defenderentur; sed, ubi rerum obscuritas, & ambiguitas sensibus nostris obversaretur, & ingenii nostri vim obruere videretur, hypotheses potiùs effingerentur (licet enim aliquid fingere docendi causâ (f)) quibus proposita veritas inquiratur; Philosophandum est itaque de rerum naturâ non pronunciata efferendo, & quasi ex legis præscripto agendo; sed, ut exigunt res apparentes, ratiocinando: qui enim singularem explicandi modum perditè deperiunt, & unum quid singulare solum arripiunt, tum apparentibus subinde repugnant, tum ab eo, quod homini contemplari fas est, aberrant (g).

C. 3. XLI. Nec

(a) Cic. Tusc. 5. (b) Cicer. de Divin. 2. (c) Senec. quæst. Natur. 4. cap. 3. (d) 1. Ethic. cap. 4. al. 6. (e) Plut. de Fort. Alex. 1. (f) Cic. Tusc. 5. (g) Epic. in epist. ad Pyth. apud Laërt. 10.

XLII. Nec oportere tamen in *Academia* *Recentioris*, sive *Pyrrhonicorum* *sententiam* delabiputes, quia non omnia sunt incomprehensibilia. Ut enim fatendum est, multa nesciri, qua voluit Deus intelligentiam hominis excedere, sic tamen multa sunt, qua possunt, & sensibus perspicui, & ratione comprehendi (a). Neque enim quisquam finitur nescire se vivere, quandoquidem si non vivit, non potest aliquid vel nescire; quoniam non solum scire, verum etiam nescire viventis est. Sicut ergo nos vivere non solum verum, sed etiam certum est, ita vera, & certa sunt multa, quibus non assentiri absit, ut Sapientia potius, quam dementia nominanda sit (b). Verum hæc alibi fusiùs, & opportuniùs exponi debent, cum de Veritate, & Scientiâ, ejusque Criterio differetur. Innuenda tamen hîc fuerunt, non solum, ut de celebri *Pyrrhonicorum*, *Dogmaticorumque*, & *Academicorum* methodo judicium aliquod ferri posset; verum etiam, ut in ipso *Philosophiæ* limine contra *Pyrrhonicos* ipsos ostenderemus existere *Philosophiam*, hoc est ab intellectu nostro certam, ac evidentem rerum divinarum, humanarumque cognitionem acquiri posse: quod cum innumeris argumentis, atque rationibus ostendatur, ut in 4. Parte *Logicæ* cap. 6. nos ipsi quoque ostendemus, tum ex iis etiam, quæ paullo superiùs circa *Philosophiæ* originem exposita sunt, manifestissimè demonstratur.

XLII. Quemadmodum enim fieri non potest, ut apertis oculis lucem, & objecta corpora non

vi-

(a) *Lactant. de Opif. hom. cap. 5.* (b) *Aug. in Ench. c. 20. sive num. 7.*

videamus, ita cœlestis illa, ac divina propemodum vis, & facultas, quâ naturâ ipsâ ad Veritatem contemplandam impellimur, Veritatem ipsam, & scientiam nobis vel invitis ostendit; ut nullus proinde fuerit, cui sæpius ille Veritatis splendor non affulserit, qui aliquando Veritatem non fuerit assecutus. Hinc, ut sapientissimi viri arbitrantur; sicuti *nihil tam absurde dici potest, quod non dicatur ab aliquo Philosophorum* (a); ita nulla est tam falsa doctrina, qua non aliqua vera intermisceat (b): docemurque, nullam Sectam fuisse tam deviam, neque Philosophorum quemquam tam inanem, qui non viderit aliquid ex vero *. Quod si extitisset aliquis, qui Veritatem sparsam per singulos, per Sectasque diffusam colligeret in unum, ac redigeret in corpus, is profectò non dissentiret a nobis; sed hoc facere nemo, nisi veri peritus, ac sciens potest (c): Nam si singulas disciplinas percipere magnum est, quantò majus omnes? quod facere iis necesse est, quibus propositum est veri repericendi causâ & contra omnes Philosophos, & pro omnibus dicere (d): etenim nobismetipsis verentibus, ne temere vel falsa rei, vel non satîs cognita assentiamur, faciendum videtur, ut diligenter

C 4

etiam,

(a) Cic. 2. de Divin. (b) Aug. quæst. Evang. 2. c. 40.
(c) Lactant. Instit. 7. c. 7. (d) Cic. 1. de Nat.

* Omnium bonarum artium Scriptores, ac doctores, & legendi, & pervolutandi, & exercitationis causâ laudandi, interpretandi, corrigendi, vituperandi, refellendi sunt: disputandumque de omni re in contrarias partes, & quidquid erit in quâque re, quod probabile videri possit, eliciendum, atque dicendum. Cic. de Orat. lib. 1.

etiam, atque etiam argumenta cum argumentis comparemus. (a): quâ etenim fronte de iis iudicium feremus, qua perspecta, & cognita non habemus. (b)?

XLIII. Maximam itaque ingenii laudem consequutus, atque de Philosophiâ optimè meritus esse videtur Potamo Alexandrinus, qui non Dionem, ut malè Casaubonus arbitratur, cùm is Potamone posterior fuerit, sed Academicos veteres imitatus de singulis Sectis, qua sibi placueret, selegit (c) *, & Eclecticam, sive Electivam Sectam instituit, in quâ celeberrimi viri Galenus, Plotinus, Herennius, Julianus, Ammonius, & divinus (d) ille, ac magnus Philosophus (e) Jamblychus Plotini auditor floruerunt. Plurimi quoque ex veteribus Ecclesiæ Patribus, ut Clemens Alexandrinus (f), ejusque auditor Origenes Adamantius (g), & Gregorius Thaumaturgus Origenis discipulus (h) unicè illam adamarunt: neque aliâ certè de causâ, ut ait Lactantius, qui hanc ipsam philosophandi methodum acerrimè defendit, & elegantissimè illustravit, illam amarunt, nisi, ut Veritatem, qua in unâ Sectâ reperiri non poterat, ex pluribus derivarent (i).

XLIV. II-

(a) Cicer. 1. de Divin. (b) Clem. Alex. Strom.

(c) Laërt. in Proëm. seg. 21. (d) Procl. in Plat. Theol. (e) Eustath. in Iliad. lib. 2. (f) Strom. 1. (g) Vid. Huet. in Origen. lib. 1. c. 1. §. 1. (h) Orat. Pannagyr. in Orig. (i) Lib. 7. Divin. Instit. c. 7. vidend. etiam lib. 2. c. 8. atque alibi sapiens.

* Omnia probate, quod bonum fuerit, retinete. Epist. 1. ad Thess. c. 5. vers. 5.

XLIV. Illud est etiam in hac Electivâ Sectâ, (si tamen Secta vocari illa potest, in quâ nullius certi, peculiarisque Philosophi opinio defenditur) mirificè commendatum, quod in illâ faciliùs dissidentes inter se Philosophorum sententiæ conciliari, & aliquo veluti fœdere conjungi posse videntur; quod ubi maximo, & immortali Dei munere fortasse liceat, tunc fieri profectò poterit, ut omnes illos, quâ par est, honoris, gratique animi significatione prosequamur, neque illorum sententiæ indictâ causâ, vel quia solùm nobis oppositæ sint, traducantur, ac refellantur: quod tamen fieri non sinè maximo Philosophiæ dedecore plerumque solet: *Quamvis enim differentium inter se reprehensiones non sint vituperanda; maledicta tamen, contumelia, iracundia, contentiones, concertationesque in disputando pertinaces indigna Philosophiâ videri debent* (a), *Philosophia siquidem tranquillè, modestèque tractanda est* (b) *.

XLV. Atque ista quidem, aliaque id genus innumera nos impulerunt, ut adhibitâ Socratis, & Academix in ferendo judicio modestiâ Eclecticæ, vel Electivæ Sectæ nomen daremus, non modò quid nobis probaretur, sed etiam quid
a sin-

(a) *Cic. de Fin. 1.* (b) *Seneca epist. 14.*

* Nos, qui sequimur probabilia, nec ultra id, quod verisimile occurrerit, progredi possumus, & refellere sinè pertinaciâ, & refelli sinè iracundiâ parati sumus: redargui verò, refellique si ferunt animo iniquo, qui certis quibusdam, destinatisque sententiis quasi addicti, & consecrati sunt; eâque necessitate constricti, ut etiam, quæ non probare soleant, ea cogantur constantiâ causâ defendere, *Cic. Tuscul. 4.*

profam media Aristoteli videbatur (a), & cujus ore Atticæ Musæ locuturæ dicebantur (b), & optimus Platonis auditor Aristoteles, qui aureum eloquentia flumen fundere putabatur (c), ejusque discipulus Tyrtaeus, qui cum eruditissimus omnium Philosophorum, & elegantissimus haberetur (d), Teophrasti nomen obtinuit.

XLVIII. Quamobrem hortor omnes, qui facere id possunt, ut hujus quoque generis laudem jam languenti Gracia eripiant, & perferant in hanc Urbem, sicut reliquas omnes, quæ quidem erant expetenda, studio, atque industriâ suâ majores nostri transfulerunt. Atque Oratorum quidem laus ducta ab humili venit ad summum; Philosophia verò nascitur latinis literis ex his temporibus (e), cum illi, qui se profitentur, neque distinctè, neque distributè, neque eleganter, neque ornatè scribere, suos ipsi libros legant cum suis, nec quisquam attingat præter eos, qui eandem licentiam scribendi sibi permitti volunt (f). Itaque eam nos adjuvemus (g) atque, ut Aristoteles vir summo ingenio, scientiaque copiâ, cum motus esset Isocratis Rhetoris gloriâ, dicere etiam cepit, adolescentes docere, & prudentiam cum eloquentiâ jungere *; sic nos, si possumus, eos excitemus, ut liberaliter eruditi, adhibita etiam disserendi ratione, & viâ, philosophentur (g). QUOD ENIM MUNUS REIPUBLICÆ AFFERRE MAJUS, MELIUSVE POSSUMUS, QUAM

(a) Vide Laërt. 3. in Plat. (b) Vide Ficin. in vita Plat. (c) Cic. Acad. 4. (d) Cic. Tusc. 5. (e) Cicer. Tusc. 2. (f) Tusc. 1. (g) Tusc. 2.

* Diffidium illud exitit quasi linguæ, atque cordis; absurdum sanè, & inutile, & reprehendendum, ut alii nos sapere, alii dicere docerent. Cic. de Orat. 3.

QUAM SI ERUDIMUS JUVENTUTEM; *his praesertim moribus, atque temporibus, quibus ita prolapsa est, ut omnium opibus refrananda, & coercenda sit* (a)? Magnum id quidem opus, & difficile: quis negat? quid autem praclarum non item arduum? sed tamen id se effecturam Philosophia profitetur, nos modò curationem ejus recipiamus (b).

XLIX. Sed exposito jam Philosophiæ nomine, origine, incremento, partibus, & methodo, quâ comparari illa debet, reliquum foret, ut aliqua postremò de illius dignitate, præstantiâ, ac necessitate diceremus. Verùm quis unquam esset finis futurus, si laudes omnes innumeras, quibus Philosophiam, ejusque studium Sapientes omnes mirificè commendarunt, complecti vellemus *? Incredibilis itaque, ac divina propemodum Philosophiæ dignitas, utilitas, atque præstantia partim ex iis, quæ hætenus dicta sunt, partim ex iis, quæ subinde dicturi sumus, intelligi poterit; ne hunc in locum integra ferè Ciceronis opera transferamus, quibus hæc omnia uberrimè, invictissimè, & elegantissimè demonstrantur.

L. Illud unum, quod maximè cordi esse debet, hîc iterum monere par fuerit, Philosophiam ad beatitudinem, cujus amore, ut paulo superiùs ostendimus, est instituta, dirigi oportere: ut, quemadmodum illa *descendens a Patre luminum* (c), velut *accuratissima, ac honoratissima* (d), *rerum multarum, ac difficilium cognitio*

(a) Cic. de Divin. 2. (b) Cic. Tusc. 4. (c) Jacob. epist. c. 1. vers. 17. (d) Arist. 6. Eth. c. 7.

* Philosophiæ studium qui vituperat, haud sanè intelligo qui nam sit, quod laudandum putet. Cic. 2. de Off.

zio (a), veritatis scientia (b), omnium laudat-
rum artium procreatrix, quadam, & parens (c),
vita dux (d), medicina animi (e), inventrix lo-
gum, magistra morum, & disciplina (f) in men-
tibus nostris immortalis Dei munere reperitur;
sic illa quoque degeneres animos ad Deum re-
vocet (g), similes Deo nos efficiat (h); ipsa
denique sola per sincerum veritatis, & hone-
statis amorem, quem in Philosopho expetit Pla-
to (i), ad Deum nos deducat, & sistat: *Qua
enim ad Deum ferat unica via est PIETAS CO-
GNITIONI conjuncta* (k).



Quod

-
- (a) *Arist.* 1. *Rhetor.* 2. (b) *Arist.* 2. *Metaph.* 1.
(c) *Cic. de Orat.* 1. (d) *Cic. Tusc.* 5. (e) *Cic. Tusc.* 3.
(f) *Tusc.* 5. (g) *Plato* 8. *de Repub.* & *Justin.* *contra*
Tryph. (h) *Plato* *apud Ammon.* *in Isag.* *Porphyr.* &
Pythag. *apud Laërt.* 8. (i) *De Republ.* 7. & 8. & *in*
epist. ad Dionys. (k) *Auctor Paman.* c. 6.

QUod postremo nos loco facturos esse suscepimus, Sectarum omnium seriem, vel successiones ex illustrioribus, meliorisque notæ Scriptoribus hîc exhibemus; clariioresque Philosophos, qui in illarum singulis ordine floruerunt, accuratiori certè, vel uberiori schemate, quàm alii præstiterint, exponimus. Hac verò methodo singula disposuimus, ut Sectarum numerus, ordo, origo, siue unius ex aliâ derivatio, illarum principes, ac præceptores, qui in iis non interruptâ serie extiterunt, unico velut intuitu legentium animis, atque oculis affulgeret. Singulis deinde Philosophorum nominibus numerum quoque coniunximus, ut qui Philosophi cujusque patriam, ætatem, res etiam subinde præclarè gestas, memoratque dignissimas pernosse cuperet, hæc in sequentibus paginis, quas iisdem numeris ritè, accuratèque distinximus, inveniret. Illorum denique Philosophorum, vel illustrium virorum nomina, qui ad certam Sectam referri minimè poterant, posteriori loco, servatâ temporum serie, subjunximus; ut eruditi, studiosique adolescentes, quibus consulere cordi fuit, nihil in nobis hac etiam in parte optare posse viderentur, neque illorum, quos hic frequenter laudari viderint, patriam ætatem, &c. ex Petavio, quo plerumque nos usi sumus, ceterisque Scriptoribus inquirere cogerentur.

Quandoquidem verò in concinnandâ Sectarum serie, digerendisque temporibus eximii Philosophi, atque de Philosophis omnibus, & Philosophiâ ipsâ præclarè meriti Diogenis Laërtii hîstq.

floriâ , & authoritate usi sumus , Diogenis ejusdem
 patriam , ac tempora hoc primo loco exponemus .
 Diogenes itaque Laërtam Ciliciæ urbem patriam
 habuit , unde etiam Laërtii nomen obtinuit . Mi-
 rari verò , vel conqueri meritò solemus , quod ipse ,
 vel veteres omnes Scriptores ejus ætatem incer-
 tam , vel obscuram nobis reliquerint . Cùm tamen
 Diogenes ipse Plutarchi sub Trajano florentis me-
 minerit lib. 4. seg. 4. & lib. 9. seg. 60. , necessa-
 rium est , ut post Trajanum ipse vixerit . Quem-
 admodum etiam , cùm lib. 9. seg. 116. Sextum Empi-
 ricum , qui Plutarchi nepos fuit , atque lib. 10. Epi-
 ctetum memoret , quorum alter ad Antonini im-
 perium pervenit , ut Suidas testatur , Laërtius ipse
 post illa tempora florere debuit , hoc est annum
 Christi ducentessimum . Postremo cùm Diogenes in
 Proëmio seg. 21. dixerit Potamonem Eclecticæ Se-
 ctæ Principem *non ita pridem* extitisse , hic autem
 post Augustum , ut auctor est Suidas , floruerit ,
 post eadem quoque tempora Diogenes vixisse
 debet . Historiam verò Philosophorum a se con-
 scriptam feminæ cuidam Platonis studiosæ nun-
 cupavit , ut ex libro 3. seg. 47. manifestè dedu-
 citur , atque , ut Rheinesius arbitratur , Arriæ
 cujus Galenus , aut certè auctor libri de Theria-
 câ ad Pisonem Galeno suppar , atque , ut ipse
 testatur , M. Antonino synchronus , meminit
 cap. 3. Quamvis autem Diogenis obitus incertus
 omnino sit , credibile est tamen ipsum aut ante
 M. Antoninum , & Epictetum , aut certè brevi
 post ipsos excessisse , cùm neutrius inter Stoicos
 vitam descripserit . Epicuro denique addictissi-
 mum fuisse Laërtium plurima evincunt , præser-
 tim verò diligens studium , quo illius vitam , &
 dogmata illustravit .

Ce-

Ceterùm ex pluribus egregii Scriptoris hujus latinis Interpretationibus, quæ circumferuntur, illâ nos usos esse monemus, quam V. Cl. Meibomius adornavit, plurium Auctorum, præsertim verò Menagii observationibus illustratam. Quemadmodum etiam ex Stanleii Historiâ Philosophicâ Clerici interpretatione, & observationibus adornatâ, Lipsiæque anno 1711. editâ pleraque nos accepisse, & faciliè agnoscet benevolus lector, atque nos ipsi ingenuè, neque finè maximâ quoque grati animi significatione fatemur.

Utrumque tamen, etsi id muneris nostri consilium exigere minimè videretur, subinde, correximus, aut explicavimus; cùm errores aliqui, aut ab aliis, aut a nobis primùm observati, egregiis etiam Scriptoribus illis exciderint; quemadmodum certè nobis longè plures, gravioresque excidisse meritò veremur, quos liberè a lectoribus nostris corrigi non modò faciliè patiemur, sed optamus etiam, plurimumque rogamus.

Quoniam verò in iis temporibus supputandis, quibus variarum Gentium Philosophi florere, varias Epochas, sive rationes adhibuimus, quibus Authores illi potissimùm usi sunt, qui Philosophorum historias conscripsere, id obiter hìc monere par fuerit, quod illarum singulæ inter se faciliè comparari, sive conjungi possunt; si ad unicum veluti communem terminum referantur, ut ex. gr. ad annum Christi natalem. Annus itaque Christi natalis, qui annum primum Æræ nostræ Christianæ vulgaris, in quâ 1731. annos nunc numeramus, fuit 3. Olympiadis 194. sive 775. ab anno 1. primæ Olympiadis. 753.

autem ab Urbe Româ Conditâ; 1183. a bello Trojano; 4713. denique Periodi Julianæ; in quâ Periodo annus iste 1731. quem agimus, est 6444. Si itaque annus aliquis, quo Philosophorum quispiam obierit, natufve fuerit, aut in Olympiadum ferie, aut ab U. C. numeretur; intelligi facillè poterit, quot ab illo ad annum Christi natalem, aut ad hæc nostra tempora intercesserint; quod exemplis etiam illustrius ostendi posset, si id rei perspicuitas pateretur.

1. **M**ilesius *genus antiquum a Phœnicibus derivans*, ut ait Herod. in Clio: unde ab aliquibus apud Clem. Alex. Strom. 1. & Suid. in Thal. est habitus Phœnix; *ut pluribus tamen videtur*, ac Laërtius ipse testatur lib. 1. *est indigena Milesius, & claro genere natus*. Hinc ab alio Thalete distinguendus, qui ex Plutarch. in *Lycurg.* Lycurgi, Homeri ætate floruerat, cum ab Iphito Olympiades sunt institutæ anno P. J. 3830. quamvis numerari cœperint anno P. J. 3938. Natus est anno 1. Olymp. 35. ex Laërt. obiit 1. Olymp. 58. unde non 70. aut 90. annos vixit, ut malè Laërtius, sed 91. Sapientis nomen est consequutus anno 4. Olymp. 48.

2. Milesius natus est ann. 3. Olymp. 42. ex Laërt. 1. seg. 2. obiit Olymp. 58. five meliùs 68. ut illum Anaximenes audire potuerit. Corrigendus est autem hic Meibomii locus, in quo Thaletem Anaximandri, Phœrecidem Pythagoræ non præceptorem; sed auditorem facit ad seg. 13. Proëm.

3. Mi-

3. Milesius & ipse, Anaximandri *sodalis* ut inquit Simplic. in lib. 1. Phys. c. 2. atque *discipulus* ex Cicer. 4. Acad. natus ex Laërt. Olymp. 63. Perperam inter Thaletis auditores enumeratur a Stanlejo in Thal. c. 12. floruit autem ex Suida, & Euseb. Chron. ann. 2. Olymp. 56.
4. Clazomenius natus ex Laërt. ann. 1. Olymp. 70. P. J. 4216. A. C. 498. *agros, & patrimonium suum reliquit, ut discendi, quarendique divina delectationi toto se animo dederet*, ut inquit Cicer. Tusc. 1. *Mens* appellatus, quod materiæ Mentem opificem addidisset, ex Laërt. lib. 2. seg. 6. obiit ann. natus 85. non anno 1. Olymp. 78. ut vitiosè scribit Laërt. sed 88. ut illum Socrates audire potuerit, quod Laërtius ipse testatur lib. 2. seg. 45. Discessit Athenis Lampscum ann. 3. Olymp. 82. ubi 20. annis superstes floruit.
5. Atheniensis, sive, ut alii putant, Milesius Athenis docuit, quod ex Joniâ scholam transfudit, ut scribit Laërtius; meliùs tamen id Anaxagoræ tribuit Clem. Alex. Strom. 1. cum certè Anaxagoras 30. annis Athenis docuerit.
6. Atheniensis natus ann. 4. Olymp. 77. die 30. Maii Greg. P. J. 4247. fer. 5. A. C. 467. Post Anaxagoram Prodicum quoque Sophistam audivit ex Platone in *Axiocbo*; quemadmodum Aspasiam, & Diotimam, ut idem Plato testatur in *Conviv.* obiit ann. 1. Olymp. 95. ex Laërt. 2. seg. 44. quod etiam ex Demetrio Phalereo, & Marmore Arundelliano contra Allatium probatur.

7. Eliensis nobili ortus genere; sed a piratis raptus, ac venditus a Socrate liberatus est ex Agell. 2. c. 18.
8. Eliensis Phœdoni in scholâ successit.
9. Eretrius, unde Secta Eretriam translata Eretriacæ nomen obtinuit. Platonem quoque Athenis, atque Megaris Stilponem audiuit, ad quem ab Asclepiade deductus fuerat. Vixit annos 84. ex Laërt. lib. 2. seg. 144.
10. Phliasius Menedemo conjunctissimus.
11. Megarensis cum litigiosissimus foret Eristicam Sectam instituit; quæ post Dionysium Carthagin. Dialectica vocari cœpit.
12. Milesius Demosthenis præceptor ex Laërt. 2.
13. Eliensis *vir acer, & contentionis viribus, ac nervis clarus* ex Laërt. 2. seg. 109. qui Sectam Olympicam, dum Olympiæ moraretur, instituere meditabatur.
14. Cyrenæus cognomento Cronus.
15. Ex Jaso Cariæ urbe: Eubulidem, atque Apollonium audivit; unde Cronus, & ipse vocatus ex Strab. lib. 17. Ichtyas autem, atque Clinomachus Euclidis sectatores incerti temporis, ac scholæ sunt. Laërt. 2. seg. 112.
16. Olynthius Antigoni regis præceptor ex Laërt. 2. seg. 110.
17. Megarensis. Euclidem ipsum audivisse fertur, quod tamen temporum rationi repugnat, cum vixerit Ptolemæi prioris ætate ex Laërt. 2. seg. 115. varios itaque Megariæ Sectæ Philosophos audivit. *Acutum hominem, atque temporibus illis probatum* dicit Cic. de Fato.

18. Athe-

18. Atheniensis natus est ann. 1. Olymp. 88. die 9. Jun. Greg. P. J. 4286. A. C. 428. fer. 6. quamvis Menagius in annum 2. Olymp. 77. id referat. obiit ann. 1. Olymp. 108. U. C. 406. A. C. 348. eodem die, quo natus. Tarentum venisse Platonem inquit Cicero in *Catone* L. Damilio, & P. Claudio Coss. sed mendum in fictis Coss. nominibus reperitur. Itaque reponendi fortasse sunt L. Fur. Camillus, & A. Claud. Crassus Coss. anni ab U. C. 405. Duplicem verò errorem errat Stanlejus, qui scribit L. Camillum, & Ap. Claudium a Cicerone memorari, subditque nullos ejus nominis Coss. quandiu Plato vixit, in fastis reperiri. Primò in Siciliam venit ann. U. C. 400. ex Agell. 17. C. 21.
19. Atheniensis Platonis ex sorore nepos: scholæ præfuit annos 8. obiit anno 2. Olymp. 110.
20. Chalcedonius natus est anno 4. Olymp. 95. atque ubi scholæ præfuisset annis 25. obiit ann. 1. Olymp. 116. *severissimus Philosophorum* a Cicerone vocatus Offic. 2.
21. Atheniensis cum perditis antea moribus esset, a Xenocrate ad Philosophiam, honestatemque adductus est. Laërt. 4. seg. 16.
22. Solensis Xenocratem cum Polemone simul audivit. *In Academiâ vel in primis nobilis fuit.* Cic. Tusc. 3.
23. Atheniensis Polemoni conjunctissimus ut illos Arcefilaus *Deos esse, vel aurea salutem atatis reliquias* dixerit apud Laërt. 4. seg. 22.

24. Pritanæus natus anno 1. Olymp. 116. post Cratetem scholæ præesse cœpit, illius tamen methodum variavit. obiit anno 4. Olymp. 134.
25. Cyrenæus scholam rexit annis 26. cùm illam Evandro, & Telecli cesserit anno 2. Olymp. 141. quo mortuus est.
26. Phocensis Theleclis concivis.
27. Pergamenus, quem Hegesilaum vocat Clemens Strom. 1.
28. Cyrenæus. Hegesimum is quidem audivit, atque illi in scholâ successit, sed a Diogene etiam Stoico Dialecticam est edoctus. Natus autem est anno 1. Olymp. 162. quamvis hoc anno vitiosè dicatur in Laërtii textu mortuus Carneades. Vixit ex Laërt. annos 85. vel ex Cicer. in 4. Acad. 90. adeoque obiit juxta Laërtium anno 1. Olymp. 184. Ciceroni verò ann. 2. Olymp. 185. Romam Atheniensium legatus venit, non anno U. C. 534. sive 2. Olymp. 140., ut malè, sibi que non constans in *Critolao* scribit Stanlejus sed 599. P. Scipione, & M. Marcello Coss. ut refert Cicero 4. Acad. quamvis Casaubonus in Synop. ad Histor. Polyb. id referat ad annum U. C. 603. Obiit anno 4. Olymp. 162. U. C. 626. ex Laërtio; perperam tamen cùm anno U. C. 652. Antonio Ciliciæ Proconsule adhuc superstes foret ex Cic. de Orat. lib. 1.
29. Carthaginiensis 40. annos natus Athenas se contulit, atque Carneadem audivit. *Homo acutus, & valde studiosus, & diligens a Cicerone vocatur in Lucullo.*

30. La-

30. Larisseus, quem Sextus Empyricus quartæ
Academiæ auctorem facit contra ac scribit
Cicero 1. Academ. qui Philonem ipsum se
audivisse testatur Nat. 1.
31. Ascalonita L. Luculli familiaris, & socius
ex Cic. 2. Acad. Quintæ Academiæ institu-
tor Empyrico habitus Hypoth. 1. Etsi ve-
rò Stoicis plurimum favebat, veteris tamen
Academiæ rationem instaurare studuit. Hunc
quoque a Cicerone Athenis auditum scri-
bit Plutarch. in Cic. atque idem Cicero A-
cad. quæst. 4. *acutissimum, & sua memoria
philosophorum politissimum* vocat.
32. Cyrenaicus Xenophonti, Platoni, Antisthe-
ni, Æschini, & Phædoni maximè invisus.
33. Cyrenensis & ipse, Aristippi in scholâ suc-
cessor.
34. Aristippi filia.
35. Arete filius, & auditor; unde *ἡγεμόνων*
appellatus.
36. Atheus dictus, Theodoriæ Sectæ institutor,
Anniceridem tamen etiam audivit, sicuti
Dionysium Dialecticum, Zenonem Citti-
cum, atque Pyrrhonem ipsum ex Laërt. &
Suida; qui ex Theodori libro plura Epicu-
rum sumpsisse addit.
37. Borysthenita; primum Cratetis, tum Cyni-
corum, tum Theodori, atque postremò
Theophrasti Peripatetici auditor ex Laërt.
4. seg. 29.
38. Cyrenæus ex Laërt. 1. seg. 86.
39. Incertæ patriæ, ac ætatis. Laërt. ibid.
40. Cyrenaicus fortasse etiam patriâ ex Cicer.
Tusc. 1. *Mortis orator*, dictus, quòd Mortis

- laudes egregio libro fuerit prosequutus. Hegesiacam Sectam instituit.
41. Cyrenensis, a quo Anniceria Secta nomen, & originem duxit. Hunc Epicureum quoque fuisse, atque Alexandri ætate vixisse scribit Suidas.
42. Atheniensis, quem *acutissimum fuisse, & colloquii concinnitate quemlibet capere, ac ducere potuisse, quò vellet*, scribit Laërt. 6. seg. 14.
43. Sinopenfis natus anno 3. Olymp. 91. obiit anno 1. Olymp. 114.
44. Thebanus floruit circa Olymp. 113. ex Laërt. 6. seg. 87.
45. Syracusanus Cratetem quoque audivit.
46. Æginensis, vel Aftypalensis. Alexandrum in bello sequutus est, unde Laërtius ipsum Xenophonti Cyri castra sequuto comparat. Laërt. 6. seg. 84.
47. Theophrastum Peripateticum audivit, tum Cratetem, cui in scholâ successit.
48. Metroclis soror.
49. Cittius Stoicorum auctor obiit Olymp. 129. ut ait Petav. ex Euf.
50. Metroclis discipulus.
51. Metroclis & ipse cum Theombroto auditor Timarchi, & Echeclis præceptor.
52. Ephefius, qui præter Cleomenem unà cum Timarcho Alexandrino Theombrotum etiam audivit.
53. Echeclis, atque etiam Coloti Lampsaceni discipulus, in quo Cynicorum Secta defecit; cùm eodem ferè tempore vixerit etiam Menippus inter Cynicos enumeratus a Laërt. lib. 6. seg. 99.

54. Alexandrinus.
55. Gadaris ortus ex Strab. lib. 16. extra feriem Cynicorum Laërt. 6. seg. 99.
56. Lampfacenus Menedemi præceptor. Laërt. *ibid.* seg. 102.
57. Cittienſis ex Cypro inſulâ. Cratetis, Stilponis, Xenocratis, Diodori Croni, Polemonis auditor antequam Stoicam Sectam inſtitueret. Obiit poſt Olymp. 129. annos natus 98. ex Laërt. 7. seg. 18. & Lucian. de Longæv.
58. Carthaginienſis Ciceroni ſub Erilli nomine memoratus in Lucul. & 2. de Fin.
59. Cittius, quem ſenio conſectus Zeno ad Antigonom miſit. Laërt. 7. seg. 6.
60. Boſphorius qui Zenonem, & poſtea Cleanthem audivit.
61. Chius cognomento *Siren* ex Laërt. qui poſtremò ex Zenone ad Polemonem ſe contulit. De ipſo Cic. in Lucul.
62. Heracleota Heraclidis antea, tum Alexini, & Menedemi, poſtremò Zenonis auditor, a quo denique deficiens ad Cyrenenſes convolaſcit. obiit annos natus 80.
63. Aſſius Cratetis antea, tum Zenonis per annos 19. auditor, atque ſucceſſor; *majorum gentium Stoicus, & Stoicorum pater* a Cicerone dictus 3. de Nat. & Acad. 4. vixit annos 80. ex Laërt. ſive ut Lucian. de Longæv. 99.
64. Solenſis e Ciliciâ, qui fulcire dicebatur porticum Stoicorum. Dialecticam verò adeo coluit, & illuſtravit, ut ipſam dii, ſi loqui vellent, adhibitori dicerentur ex Laërt. 7. seg.

- seg. 181. obiit Olymp. 143. annos natus 73. natus est itaque ineunte Olymp. 125.
65. Ex Seleuciâ Babylonî proximâ, unde etiam Babylonius dictus: Chryssippi auditor, quem *magnum*, & *gravem Stoicum* appellat Cicero Tusc. 3. atque in longam senectutem vixisse testatur in libro de Senect. Cum Carneade, & Critolao Romam venit.
66. Tharsensis, five Sidonius Suidæ memoratus, Chryssippi & ipse auditor, plurimumque discipulorum magister.
67. Sidonius Diogenis discipulus, quem *acutissimum hominem* vocat Cicero Offic. 3. atque *inter magnos Stoica Secta auctores* habitum testatur Seneca epist. 92. Ab Antipatro Tyrio distinguendus, de quo Cic. Offic. 2. atque Plutarch. in *Caton*. ubi Catonem ipsum Uticensem Antipatri auditorem facit.
68. Rhodius Antipatri auditor Scipionis Aphricani familiaris, & comes ex Plutarch. Apophth. & Cic. Acad. 2. *Princeps prope Stoicorum* a Cicerone vocatus Acad. 4. *Stoicorumque gravissimus* Offic. 2. & de Fin. 4.
69. Apameæ quidem natus, cum tamen Rhodius vixerit, Rhodius est appellatus. Iste, quem Cicero Rhodi audivit, ut testatur 1. de Nat. ab alio Possidonio Corinthio distingui debet, quem Pompejus submissis januæ fascibus honoravit, ut refert Plin. lib. 7. Epist. 30. Atque in his Jonica Secta, ejusque variorum successiones defuisse videntur.
70. Metapontinus ex Porphyry. in vitâ; aut Etruscus ut ex Plutarch. Sympos. lib. 7. quæst. 7. aut Samius ex Suid. natus est anno

no 3. Olymp. 53. Dodvellus tamen Dissert. de Cyclis 3. natum existimat anno 4. Olymp. 52. deinde verò natalem ipsius annum existimat esse primum Olymp. 53. in Dissertat. de ætate Pythagoræ. Antiquiorem faciunt Loydus Dissert. de ætate Pythag. & Benthlejus Apol. Dissert. de epistolis Phalaridis, cùm natum putent anno 3. vel 4. Olymp. 43. Circa Olymp. 62. in Italiam venit ex Jambl. in Vitâ Pythag. sive potiùs Olymp. 66. ut ex Cicerone 4. Tusc. & 2. Orat. deducitur, cùm nempe Brutus patriam liberavit; sive ut ait 1. Tusc. Superbo regnante. Adhuc autem impuber Thaletem audiverat. obiit anno 4. Olymp. 70. ex Euf. etsi annis 80. aut 90. vixisse dicatur Laërt.

71. Crotoniates Pythagoræ auditor ex Laërt. 8. Primus, qui physica scripserit. Clem. Strom. 1.
72. Cous obiit annos natus 90. ex Laërt. lib. 8. seg. 78.
73. Ex Thraciâ: Pythagoræ servus, quamvis hunc Herodotus lib. 4. diu ante Pythagoram vixisse putet.
74. Locrensiū legislator.
75. Reginorum legislator.
76. Crotoniata celeberrimus athleta, qui labentis columnæ locum subiens seque, sociosque liberavit. Vide Strab. lib. 6.
77. Scythia, vel Hyperboreus ex Jambl. c. 19.
78. Pythagoræ servus.
79. Crotoniata: conjux, sive ut Laërtius, & Suidas ait, pater Theano; atque in scholâ cum ipsâ

- ipsâ successor, cui ex Jambl. præfuit annis
39. obiitque ferè centenarius.
80. Crotonensis ex Suida in *Theano*, & Dyd.
apud Clem. Strom. 1. uxor, ac discipula
Pythagoræ, cui jam defuncto in scholâ suc-
cessit ex Theodor. Therap. 2.
81. Pythagoræ ex Theano filius ex Suida in
Theano; scholam & ipse rexit ex Jambl. c. 36.
82. Alter Pythagoræ filius ex eadem Theano;
scholæ similiter præfuit, atque Empedoclis
præceptor a Laërtio creditur lib. 8. seg. 43.
83. Ejus ætate Crotona direpta est.
84. Crotoniata.
85. Ejus nomen ignoratur; Lucanum tamen pa-
triâ fuisse constat.
86. Aspendius dictus, atque Lucani illius audi-
tor, atque successor, in quo continua Py-
thagoræorum series deficit.
87. Agrigentinus Pythagoræ auditor ex Timæo
apud Laërtium lib. 8. seg. 54. atque Por-
phyrium, & Jambl. in Vita Pyth. c. 23. cum
tamen Empedocles natus fuerit anno 4.
Olymp. 76. Pythagoram certè audire
non potuit; nisi fortassè Aliptem Samii di-
scipulum. Vid. Dodvel. de æt. Pythag.
obiit annos natus 77. sive, ut alii volunt
109. Laërt. 8.
88. Tarentinus Platoni cœvus: de ejus morte
Horat. lib. 1. Ode 28.
89. Metapontinus ex Laërt.
90. Crotoniata Platoni & ipse cœvus; Architæ
auditor ex Cic. lib. 3. de Orat.
91. Gnidius. Geometriam ab Archita didicit ex
Laërt. 8. seg. 86. Platonem quoque audivisse

- se fertur dum annum ageret 23. flor. Olymp. 103. in Ægyptum unà cum Platone descendit ex Strab. 14. obiitque annos natus 63.
92. Locrus, sive Locrensis.
93. Lucanus, qui librum de Universi naturâ scripsit.
94. Samius.
95. Colophonius Hieronis, & Epicharmi Poëtæ ætate floruit Olymp. 60. vixitque annis 92. ex Laërt. lib. 9. seg. 19. non verò 98. ut malè computat Stanlejus. Epimenidem audiit.
96. Eleates Xenophanis auditor, quamvis ab illo opinando recesserit, flor. Olymp. 69. ex Laërt. fed cum Socratem juvenem viderit ex Platone in *Parmen.* ad Olymp. 80. pervenisse debuit.
97. Ephesius nullius auditor, ut refert Laërtius; fed Xenophanem potiùs audivit ex eodem Laërt. 9. seg. 5. floruit Olymp. 69. obiit anno ætatis 60.
98. Eleates flor. Olymp. 79. Logicæ inventor.
99. Samius Parmenidis auditor, cum Heraclito quoque conversatus floruit circa Olymp. 84. ex Laërt. lib. 9. seg. 24.
100. Eleates, aut Melius, aut Abderita; vide Laërt. 9. seg. 30.
101. Milesius, sive potiùs Abderita. Natus ex Apollodoro apud Laërtium, quem sequitur Stanlejus, Olymp. 80. ex Thrasylo verò apud eundem Laërtium, quem Petavius amplectitur, ann. 3. Olymp. 77. solo anno Socrate senior annum centesimum superavit.

102. Apolloniates Anaximenem quoque audivit .
ex Laërt. 9. seg. 57.
103. Abderita floruit Olymp. 74. ac septuagena-
rius decessit ex Laërt. lib. 9. seg. 53.
104. Chius Nessi cujusdam, sive Democriti au-
ditor.
105. Abderita Alexandro coævus flor. Olymp.
110. obiit Olymp. 114.
106. Eliensis Anaxarchi auditor natus circa
Olymp. 101. obiit ferè nonagenarius ex Laërt.
& Suid.
107. Atheniensis Pyrrhonis auditor .
108. Sive Hecatæus Abderita.
109. Maximus Sophistarum inimicus .
110. Phliasius obiit annos natus ferè 90. in hoc
schola Pyrrhonica desiit, donec a Ptolemæo,
de quo Laërt. lib. 9. seg. 115. excitaretur,
quamvis plures ipse discipulos habuisse di-
catur apud Laërt. 9. & Suid. in *Timone*.
111. Tejus Pyrrhonis auditor, atque, ut aliqui
putant, Epicuri præceptor .
112. Cyrenæus. Dioscoridem Cyprium, Nico-
lochum Rhodium, Praylum Troadensem,
auditores habuit ex Laërt. 9. seg. 115.
113. Seleuciensis.
114. Alexandrinus.
115. Incognitæ patriæ .
116. Incertæ originis hic quoque. vid. Laërt.
lib. 10. seg. 116.
117. Hujus nonnisi nomen nobis reliquit Laërt.
loco cit.
118. Gnosius Heraclidis auditor floruit Alexan-
driæ, atque Pyrrhonicam Sectam scriptis
illustravit. Laërt.
119. Polites.

120. Cognomento *γανιδωπυς*.
121. Laodiceus, qui & Theodam Laodiceum auditorem habuit.
122. Nicomediensis medicus empiricus.
123. Tharsensis.
124. Chæronensis Plutarchi nepos a M. Aurelio plurimum honoratus ex Suida in *Sext.* ejus 10. libri de Scepticâ Philosophiâ supersunt.
125. Cythenas Sexti auditor.
126. Atheniensis natus die 2. Februarii Gregor. anno 3. Olymp. 109. P. J. 4373. A. C. 341. unde mirè falluntur in hoc Chron. Alexandr. Euseb. & Suidas. Xenocratem, & Pamphilum Platonicum audivisse fertur ex Cic. 1. de Nat. & ex Clem. Strom. 1. A Nau-siphane, cum quo certè plurimum conversatus, Pyrrhonicorum dogmata intellexit ex Laërt. obiit die 31. Januar. Greg. anno P. J. 4444. anno 2. Olymp. 127. ex Petav. Stanlejo.
127. Lampiscenus ex Strab. lib. 13. non verò Atheniensis, ut malè Laërtius. hunc *alterum Epicurum* vocat Cicero 2. de Fin. Annis 12. junior Epicuro; obiit annos natus 63. vide Sen. ep. 6.
128. Lampiscenus: hic quoque, quemadmodum plures alii, ex Epicuri auditoribus; *magnus Mathematicus* Ciceroni vocatus 4. Acad.
129. Mitylenæus ab Epicuro scholæ successor destinatus. *Vir insignis* a Laërtio vocatus lib. 10. seg. 24.
130. Hermachi in scholâ successor. Incertæ patriæ, ac ætatis.

131. Hunc Polystrato successisse scribit Laërtius, sed illius patriam omisit.
132. Ultimus, qui in hac Epicureorum serie a Laërtio memoretur.
133. Bargyleites *illustris vir* a Strabone dicitur lib. 14. fortasse autem Basilidi successit.
134. Cognomento Lacon; ex Strab. loco citato Protarcho successit; a Sexto Empir. lib. 2. adv. logicos laudatus.
135. Tarsensis fortè Demetrii successor, in quo postremò tota series desinit; incertum est enim an ad ipsam pertineant duo Ptolemæi Alexandrini inter Epicureos a Laërtio memorati.
136. Ex Seleuciâ ab Athenæo memoratus lib. 5. floruit Olymp. 155.
137. De hoc quoque Athenæus. Uterque tamen est extra seriem.
138. Quem *illustrem* vocat Laërtius 10.
139. Sidonius Apollodori auditor ex Laërtio, quem *sensu, & elocutione clarum, atque apertum* vocat Laërt. lib. 7. seg. 35. *Coriphaum, & principem Epicureorum* vocat Cicero de Nat. 1. illumque a se auditum scribit ibidem, & lib. 5. epist. 11. ad Attic.
140. Stagyra Thraciæ oppido natus anno 1. Olymp. 99. Annum agens 17. Platonem audiuit, idque per 20. annos, non verò Socratem, ut contra temporum rationem Ammonius in vitâ, & Olympiodorus existimant. Peripateticam Sectam anno 2. Olymp. 111. instituit in Lycæo, suburbio nimirum Atheniensi, quod a Pericle institutum fuerat, ut in illo juvenes in militiâ exercerentur ex Laërt.

- Laërt. 5. & Suida in *Lycæo*. Obiit in Chalci-
dean. 3. Olymp. 114. ex Laërt. lib. 5. seg. 10.
141. Rhodius Theophrasti æmulus Historiæ Geo-
metriæ scriptor; ab alio Eudemo Cyprio
ejusdem Aristotelis auditore distinguendus;
Pasicratis autem illius frater, cui plures ex
Metaphysicis libris tribuuntur ex Philopono.
142. Solensis sæpius ab Athenæo laudatus.
143. Tarentinus musicus, qui antea Xenophilum
Pythagoricum, tum Aristotelem audivit ex
Suida.
144. Olynthius Aristotelis ex sorore nepos, Ale-
xandri comes.
145. Atheniensis, qui Platonem etiam audivit.
146. Ponticus Specusippi antea auditor ex Laërt.
5. seg. 86.
147. Messanensis orator, atque Geometra Cice-
roni, & Plutarcho sæpius memoratus.
148. Ex Eresso Lesbi urbe; Tyrtamus antea vo-
catus; qui bismille auditores habuit ex
Laërt. lib. 5. seg. 37. atque inter ceteros
Demetrium Phalereum, Erasistratum medi-
cum, & Menandrum Comicum; hunc Aristo-
teles in scholæ successione Menedemo Rho-
dio præposuit, cum gustatis Lesbio, &
Rhodio vinis *utrumque oppidum*, inquit, *bo-
num est, sed Lesbium dulcius*. Agell. 13.
c. 3. Floruit autem anno U. C. 440. ex Plin.
lib. 15. obiit anno 3. Olymp. 123. quo Stra-
to illi successit, annos natus ex Laërt. 85.
adeoque natus est ann. 2. Olymp. 102.
149. Lampfacenus scholæ præesse cœpit anno 3.
Olymp. 123. præfuit per ann. 18. Ptolemæi
Philadelphii præceptor. Obiit Olymp. 127.
E 150. Troa-

150. Troadensis scholam rexit annis 40. incipiens ab Olymp. 127. vixitque annos 74.
151. Ceus *concinus*, & *elegans* a Cicerone vocatus de Fin. 5. Lyconis successor ex Plutarch. de exil. & Clem. Strom. 1. Ab Aristone Chio Andronici discipulo distinguendus, de quo Strabo 14.
152. Phaselides ex Lyciâ Aristonis auditor, atque successor ex Cic. Fin. 5. & Plut. de exil. Cum Carneade, & Diogene Romam venit.
153. In hoc Peripatetica series deficit, nisi quod ipsi successorem facit Fabricius Bibliothec. Græc. lib. 3. Erymneum, quem Athenionis præceptorem fuisse scribit Athenæus lib. 5.
154. Alexandrinus: floruit, atque Eclecticam. Sectam instituit paullo ante Laërtii tempora; cum itaque Laërtius ipse post Antonini ætatem floruerit, quippe qui Epicteti Antonino coævi meminerit, Potamon *ante*, & *post Augustum* florere non potuit, ut perperam Suidas ait; ab Augusti nimirum ætate ad Severi tempora, quibus Laërtius, & Potamon vixit, 179. anni fluxerunt.
155. Cognomento *Sacca*, quodd mercibus ex portu Alexandrino in Urbem ferendis viveret. Alexandria docuit, floruitque Commodi ætate. Illum Hierocles libro de Provid. apud Phot. Cod. 214. *divinitus edoctum* vocat. obiit Christianus, ut contra Porphyrium. demonstrat Euseb. Hist. lib. 6. c. 19.
156. Ammonii auditor per annos 11. ab anno 13. Severi usque ad annum 2. Claudii vixit, & Romæ plurimos docuit ex Porphyry. in vitâ Plotini.

157. Soli Porphyrio memoratus. Hic Ammonii dogmata primus vulgavit.
158. Ab alio Origene Adamantio distinguendus; cum ille sub Gallieno floruerit, Adamantius autem sub Gallo, & Volusiano obierit ex Euseb. Videndus Pagius, Valcius, & Huetius in Origen. lib. 1. c. 1.
159. Tyro oriundus patriâ linguâ Malchus antea dictus, tum ex purpureæ vestis usu Porphyrius: Judaicæ primùm, deinde Christianæ religionis defector.
160. Chalcidensis: Constantini, & Juliani ætate floruit; *magnum Philosophum* vocat Euseb. in Iliad. 2. *divinissimum* doctorem Eunapius in Plat. Theolog.
161. Eunapio memoratus, Juliani Imperatoris præceptor fuit, quemadmodum etiam illius Antonini, qui Alexandria ad Theodosii tempora docuit.
162. Syrus; in aulâ Constantini vixit utramque fortunam expertus.
163. Alexandrinus, non verò Gazæus, ut male Jonsius putat, Jamblychi auditor, quamvis Orpheum, Pythagoram, atque Aristotelem ipsum admiratus, atque imitatus fuerit: floruit ab Arcadii & Honorii, usque ad Valentiniani 11. ætatem.
164. Sardonius.
165. Se Chrysantii auditorem fuisse fatetur in vitâ Ædesii, & Chrsan. Maximum quoque jam senem audivit. Post Theodosii tempora floruit, cum illius in vitâ Ædesii meminerit.
166. Natus est, ex Fabricii calculo, anno Christi 412. die 8. Febr. obiit anno 487. Plutarchum,

chum, paullo antequam is moreretur, Athenis audivit: quemadmodum etiam Olympiodorum Alexandria. Syriano in Atheniensi scholâ successit.

167. Flaviam Neopolim Samariæ urbem patriam habuit, Proclo in Atheniensi cathedrâ successit.
168. Scholæ quidem post Marinum præpositus, cum tamen illam recusasset, ad Isidorum hæc transiit ex Phot.
169. Procli, deinde etiam Marini auditor.
170. Damascenus: Justiniani Imperatoris ævo floruit ex Suida, a quo Stoicus quidem dicitur, sed vitiosè, cum Eclecticis apertissimè ex Photio cod. 242. aliisque scriptoribus ostendatur.
1. Job natus est anno P. J. 2971. ante Chr. 1763. obiit anno P. J. 3159. ante Chr. 1575. ex Petav. vid. etiam Vossius de Orig. Idolol. 11. c. 3. & Huet. Demonstr. Evang. Prop. 4.
2. Mercurius Trismegistus, aut Hermes Ægyptius Moyse antiquior. Ex Euf. in Chron.
3. Moyse natus est anno P. J. 3123. ante Chr. 1611. obiit anno P. J. 3243. ante Chr. 1491. ex Petav.
4. Linus Thebanus; Musæus, & Orpheus Thrax paullo post tempora Moyse florere. Ex Clem. Alex. Strom. 1. vid. Huet. Demonstr. Prop. 4. c. 3.
5. Sanchoniaton Phœnicus flor. ante bellum Trojanum ex Bocharto Geogr. lib. 2. c. 17. & Euseb. 1. Præp.
6. Zoroastres Chaldæus flor. anno P. J. 3634. ex Stanlejo; cum alii quinque Plinio memora-

- ti lib. 30. c. 1. variis deinde temporibus floruerint.
7. Homerus natus est anno 168. post bellum Trojanum Hesiodo coævus ex Herod. in Hom. Agell. lib. 17. c. 21. & Clem. Strom. 1.
 8. Periander Corinthius natus est anno 4. Olymp. 29. tyrannus fuit annis 44. obiitque anno 4. Olymp. 48. Arionis coævus ex Plutarch. in Sympof. 7.
 9. Pittacus Mitylenæus flor. Olymp. 42. obiit anno 3. Olymp. 52. ex Laërt. 1. seg. 79.
 10. Bias Prienæus illi coævus fuit.
 11. Solon Atheniensis, quamvis ab aliquibus Salaminus dicatur. In patriâ prætor fuit anno 3. Olymp. 46. ex Laërt. & Plutarch. in *Solone*; obiit annos natus 80. anno 4. Olymp. 53. ex Plutarch. Epimenidem audivit ex Plutarcho in vitâ Solonis.
 12. Cleobulus Lyndius Soloni synchronus.
 13. Myson Chæniensis ex Laconiâ.
 14. Chilo Lacedæmonius Olymp. 52. jam senex erat ex Laërt. 1. seg. 72. sed ad 56. pervenit ex Laërt. 1. seg. 68.
 15. Anacharsis Scythæ Athenas venit ann. 1. Olymp. 47. ex Laërt. 1. seg. 101.
 16. Epimenides Cretensis Olymp. 46. venit Athenas. Laërt. 1. seg. 110.
 17. Æsopus fabularum scriptor Olymp. 54. 2. Delphis occisus est ex Suida.
 18. Phœrecides Syrus flor. circa Olymp. 60. ex Laërt. 1. seg. 121. atque ex Cicer. Servio Tullio regnante; unde malè in Meibomii versione legitur Olymp. 69.
 19. Pindarus natus Olymp. 65.

20. Herodotus natus circa Olymp. 74. floruit annis 300. post U. C. ex Plin. lib. 12.
21. Osthanes Persa Xerxi coævus circa Olymp. 75. Stanl.
22. Aristophanes Comicus circa Olymp. 86. flor.
23. Meto Atheniensis Astronomus flor. circa Olymp. 90. cùm anno 4. Olymp. 86. Solstitium observaverit. Ejus Cyclus, sive Aureus Numerus incœpit anno 1. Olymp. 87. P. J. 4282. die 16. Julii. A. C. 433.
24. Confusius Sinenfis paullo antiquior Socrate ex Burnet. Archæol.
25. Xenophon obiit Corinthi anno 1. Olymp. 105. quo Philippus Macedo regnare cœpit, ex Laërt. lib. 2. seg. 56.
26. Eudoxus Gnidius floruit Olymp. 103. ex Laërt. 8. seg. 90.
27. Demetrius Phalereus, quem *doctrinâ nobilem, & clarum* vocat Cic. pro Rabir. Posth. Theophrasti auditor floruit sub Alexandro.
28. Timocharis Astronomus flor. circa Olymp. 121. ex Ptol. 7. c. 3.
29. Berosus Chaldaeus flor. sub Alexandro, & Ptolemæo Philadelpho ex Tatiano apud Euseb. Præp. 10. c. 11.
30. Eratosthenes natus Olymp. 126. obiit annos natus 80. ex Suida, hoc est Olymp. 146.
31. Callimachus Cyrenensis floruit sub Philadelpho circa Olymp. 140.
32. Aratus Astronomus Phænomenon scriptor floruit sub Antigono juniore, sive Gonata.
33. Hipparchus flor. circa Olymp. 150. cùm ejus prima observatio æquinoctii autumnalis contigerit anno U. C. 592. ex Ptolemæo.

34. Ennius natus est anno U.C. 515. obiit anno U.C. 585. Cæpione, & Philippo Coss. ex Cic. de Senect.
35. Cicero natus est anno U. C. 648. die 3. Januarii ex Gell. 15. c. 28. Consul fuit anno 691. obiit anno U.C. 711.
36. Diodorus Siculus Ciceroni cœvus.
37. Lucretius natus est anno U.C. 656. anno 700. sibi mortem conscivit.
38. Geminus Mathematicus flor. circa Olymp. 175. annum U. C. 677.
39. Virgilius natus est anno U.C. 684. 15. Oct. obiit anno U.C. 734. ante Chr. 19.
40. Ovidius natus U.C. 711. obiit anno U.C. 770.
41. Horatius natus est anno U. C. 689. 8. Decemb. obiit anno U. C. 746.
42. Vitruvius sub Julio Cæsare floruit.
43. Dionysius Halicarnassæus floruit Augusto regnante.
44. Philo Judæus sub Cajo Caligula.
45. Seneca Neronis Præceptor, Cordubensis.
46. Strabo sub Tiberio.
47. Plinius senior obiit anno Chr. 80. anno 2. Titi.
48. Joseph Judæus Antiquitates absolvit anno Chr. 93. Domitiani 13. natus est autem anno Chr. 37. Caii Calig. 1.
49. Plutarchus Chæronensis sub Trajano floruit.
50. Ptolemæus Astronomus sub Hadriano, & Antonino.
51. Phlegon Hadriani libertus, opus suum ad Olymp. 229. hoc est ad annum Chr. 137. deduxit.
52. Alexander Aphrodisæus sub Antonino, & Severo floruit.

53. Apulejus, & Lucianus circa annum Chr. 140. floruerunt.
54. Origenes Alexandrinus Clementis Alex. auditor nat. anno 185. obiit anno 254.
55. Lactantius Apher Arnobii auditor floruit sub Constantino Magno circa annum Chr. 320.
56. Augustinus natus est 13. Novemb. anno Chr. 354. ut ipse testatur libro *de vitâ beatâ*, & 1. *de Ord.* Conversus ann. 387. ex lib. 9. c. 2. *Confess.* Obiit anno Chr. 430. 1. Sept.
57. Thomas Aquinas natus anno 1225. obiit anno 1274.
58. Scotus natus est anno 1274. obiit anno 1308.
59. Okamus floruit sub Ludovico Bavaro circa annum 1360.
60. Copernicus natus est Torunnæ in Borussiâ die 19. Febr. 1473. Bononiæ studuit. Romæ docuit circa annum 1500. Systema edidit anno 1530. obiit Canonicus Warmiensis anno 1543. mense Majo.
61. Ticho Braheus natus in oppido avito Knudstorp in Daniâ die 13. Decembris 1546. ut ipse testatur in lib. *de Comet.* obiit die 24. Octobr. 1601.
62. Galileus Galilei Florentinus natus Pisis die 18. Febr. 1563. obiit Florentiæ die 8. Januar. 1642.
63. Gassendus natus die 12. Januar. 1592. obiit Parisiis die 22. Octob. 1655.
64. Cartesius natus est Hagæ Turonum anno 1596. obiit Holmiæ in Sveciâ die 11. Febr. 1650.

AS 7
The
& The

J
N
C

11


...the ...
...the ...
...the ...
...the ...
...the ...



IN PRIMAM
PHILOSOPHIÆ
 PARTEM
 SIVE LOGICAM
 PRÆFATIO.



*De origine, incremento, nomine, præstantiâ,
 objecto, naturâ, & partibus Logicæ.*

- I.  D ceteras Philosophiæ partes, ac
 disciplinas omnes rite, & felici-
 ter comparandas aditum præbe-
 re, ac veluti facem præferre,
 dicitur Logica *; illa nimirum
*Sapientia pars, quæ per omnes Sapientia partes
 manat, ac funditur (a), dum mentem ipsam,
 sive*

(a) *Cic. Tusc. 5.*

* Præfert lumen Logica, per quod acies dirigatur
 ad verum. *Sen. epist. 88.*

sive rationem, cui dirigendæ, ut ipsa vox sonat, est instituta, in inquirendæ Veritatis studio, ita dirigit, ut finè præclaro ejusmodi facultatis lumine Veritas ipsa gravissimis circumfusa tenebris videatur. Quod certè veteres illi, quos omnium primos cognitionis amor incendit, cum attentius animo cogitarent, non solum egregiis, divinisque laudibus Logicam illustrarunt, ut illam *Artem omnium artium maximam* dixerit Cicero (a), *Disciplinam disciplinarum* Augustinus (b), *modum scientiæ* Aristoteles (c) *; verum etiam cœlestem esse illius originem, nobilioremque quàm ut hominibus concedi posset, existimarent. Socrates certè disciplinam hanc esse voluit *Donum Deorum*, quòd ad homines per Prometheum unà cum quodam lucidissimo igne descenderit; etenim antiqui, qui nobis meliores, & Diis propiores fuere, hanc nobis famam prodidere (d) *: nec immeritò fortasse plurimi suspicantur hanc artem esse, quâ Ulysses, ve-

(a) *In Bruto*. (b) *Lib. 3. de Ord. c. 13.* (c) *1. Metaph. 13.* (d) *Apud Platon. in Philebo.*

* Videtur doctrinis omnibus Dialectica velut apex esse præposita; nec ulla doctrina ulterius, ac eminentior reperiri; sed hic jam doctrinarum omnium esse finis. *Plato 7. de Republ.*

Differendi facultas ipsa nos facere non patietur, si quam aliam ipsi præferremus. *Plato in Philebo.*

* Quasi de Cœlo delapsa est ad cognitionem regula; ad quam omnium judicia diriguntur. *Cic. 2. de Fin.*

Deus verè quidam fuit, qui monstravit, & cœlitus misit Dialecticam hominibus. *Jamblyc. in epist. ad Dexip. apud Stob. serm. 79.*

veluti e Cœlo delapsâ Pallade regeretur, ut eleganter adeo de rebus differeret, humanosque affectus flecteret, ut verbis arma militi rapuerit; hanc ipsam denique Orpheo, Nestori, Soloni, Lycurgo, ceterisque legum latoribus adfuisse, ut dispersos homines in communem vitæ societatem adducerent, & efferos moribus informarent, quod Cicero (a) post Platonem (b) elegantissimè quidem, sed & invictissimè demonstravit.

II. Quod si non ex veterum Poëtarum testimoniis, quæ plerumque fabulis permixta, ac vitiosa esse solent, sed ex purioribus, ingenuisque fontibus Logicæ originem inquiramus, optimo jure defendi poterit, divinam hanc facultatem humanæ menti, vel ab ipsâ mundi origine, maximo, & immortalis munere concessam fuisse: ut quemadmodum homini ad sapientissimi Artificis imaginem efformato Rationis vis indita fuit, quâ a ceteris animalibus rationis expertibus distingueretur; ita quoque pulcherrimum Rationalis Disciplinæ lumen illi statim affulserit. Quid enim aliud innumera Scripturarum loca demonstrant, quibus apertè erudimur, quod *Deus creavit hominem, & secundum imaginem suam fecit illum; creavit ex ipso adjutorium simile sibi; consilium, & linguam, & oculos, & aures, & cor dedit illis excogitandi; & disciplinâ intellectûs replevit illos (c); creavit illis scientiam spiritûs, sensu implevit cor illorum, &c.* nisi quod unâ cum ceteris Philosophiæ partibus

(a) 1. de Orat. (b) Plato in Protag. (c) Ecclesiast. vers. 6. &c.

tibus illa quoque Adamo concessa fuerit, quâ de cognitis, & incognitis rebus differitur, quæque cum intellectum, & mentis cogitationes ad verum dirigat *Ars cogitandi*, *scientia Rationis*, vel *Intellectus* vocatur?

III. Quin etiam plurimi in subdolâ serpentis argumentatione, in mulieris responsione, in callidâ evasione, quâ uterque parens violati præcepti causas effingere, patratique sceleris labem extenuare, diluere, atque in serpentem ipsum conjicere nitebantur, aliisque pluribus Scripturarum locis frequentem ejusmodi facultatis usum, indicia, ac veluti scintillas intueri se gloriantur. Ac dubitare certè non possumus quin ab ipsâ mundi origine homines, dum inter se mutuò de divinis, humanisque rebus differerent, erroresque plurimos in differendo admitti observarent, præcepta quædam non adhibuerint, quibus aliquid unum ex alio rite posset inferri, & quorum ope, veluti lydio lapide, veras a falsis, utiles ab inutilibus animi cogitationibus sejungerent *; quod præsertim ex antiquissimâ Jobi historiâ manifestissimè ostenditur, in quâ plurimi inter se differentes inducuntur, atque ita ex ipsis Logicæ regulis argumentari, objecta diluere, retorquere videntur, ut certè

* Homines enim, sicut in medicinâ, cum viderent alia salubria, alia insalubria, ex observatione eorum effecerunt artem; ita, cum in dicendo, alia utilia, alia inutilia deprehenderent, notarunt ea ad imitandum, vitandumque: & quædam secundum rationem eorum adjecerunt ipsi quoque. Hæcque confirmata sunt usu, tum quæ sciebat quisque docebat. *Quintil. Instit. lib. 3. c. 2.*

tè oportuerit, non rudem, aut imperfectam; sed plenam ferè, perfectamque hujus facultatis artem apud Arabes, aliosque populos floruisse. Quemadmodum certè ex ipsâ Scripturarum auctoritate compertum est apud Ebræos maximam Sapientiæ partem, quâ pueri erudiebantur, in solis Logicæ, sive Dialecticæ præceptis, atque in dissolvendis ænigmatum, & parabolarum fallaciis positam fuisse. Putabant enim illorum animos ita disponi *ad sciendam sapientiam, & disciplinam, ut detur parvulis astutia, adolescenti scientia, & intellectus: ut animadvertat parabolam, & interpretationem, verba Sapientum, & ænigmata eorum* (a): *occulta proverbiorum exquirat, & in versutias parabolarum introëat* (b); *sciat versutias sermonum, & dissolutiones argumentorum* (c).

IV. Verum quid hîc plura commemorem, cum ex ipsâ Logicæ præstantiâ, ac necessitate invictissimè demonstretur Logicam ipsam apud singulas nationes ab antiquissimis usque temporibus floruisse? Certè si qua numerorum, fiderum, morum, rerum divinarum, humanarumque cognitio apud omnes extitit; ut alibi demonstravimus, ipsam quoque Logicam apud illos floruisse necesse est, sine quâ ceteræ cognitiones haberi non possunt. Quidquid itaque Pythagoras de rerum naturâ, sive de Mathematicis; quidquid VII. Græciæ Sapientes de moribus; quidquid Architas de arenæ numero; quidquid Assyrii de perenni fiderum motu, ac periodo; quidquid alii Sapientes omnes de singulis disciplina-

rum

(a) *Proverb. c. 1. vers. 4. &c.* (b) *Eccles. c. 39. vers. 2.* (c) *Sapient. c. 8. vers. 8.*

rum generibus meditati sunt; argumento esse poterit Logicam ipsam cum ceteris artibus extitisse, cum illa finè Logicæ lumine fieri, vel excogitari non possent.

V. In hac tamen perenni temporum serie, quâ Logicam ubique gentium floruisse diximus; primus, qui illam accuratiùs tractaverit, ac illius præcepta scriptis ediderit, fertur Zeno Eleates (a); qui cum Athenas venisset, librumque, quem de variis Logicæ præceptis conscripserat, Socrati legisset, tanti fuit habitus, ut eadem præcepta Socrates adhibuerit, nec alia ferè Plato in Parmenide, ac Theæteto complexus fuerit; ut auctor est Proclus (b), quàm quæ Socrates a Zenone, & a Socrate Plato didicerat; quæ cum uberius deindè Plato auxerit, & illustraverit, Logicæ inventor ab aliquibus existimatur (c). Zenonis, Platonis, aliorumque gloriam sequuti, vel æmulati sunt Euclides Megarensis, Speusippus, Heraclides, Eubulides, Zeno Stoicus, ejusque auditor Chrysippus, Carneades, alique innumeri, qui Logicæ studium novis etiam editis legibus illustrarunt; omnium tamen diligentiam, omniumque laudem longissimè superavit Aristoteles, qui singulas Logicæ partes, eleganter adeo, copiosè, accuratèque disposuit, ut Logicæ inventor; de quo gloriari, & ipse consueverat (d), a compluribus (e) haberetur.

VI. Porro non eadem apud omnes doctrinæ ratio, neque disciplinæ methodus fuit; compertum

(a) *Ex Plat. in Parmen. & Laërt. 9. seg. 25.*

(b) *Comment. 5. l. 3.* (c) *Laërt. 3. seg. 56.* (d) *2. E-*

lencher. (e) *Averroës Proëm. Phys.*

tum siquidem est, Zenonem, Euclidem, Platonicos, Aristotelem in explicandis Logicæ regulis varias iniisse vias, ut proinde Megarica, Eleatica, Platonica, Stoica, Peripatetica Logica, ex eodem veluti fonte manaverint; quod Recentioribus quoque Philosophis ita placuit, ut aliam ferè Logicam Verulamius, aliam Raimundus Lullius, aliam Petrus Ramus, aliam Malebranchius, aliam Lokius, aliam Arnaldus, aliam Gassendus, aliam Cartesius invexerint; quarum tamen discrimina, & leges hìc ordine recensere, nec locus ipse jam patitur, nec plurimum fortasse deceat. Qui plura desiderat Gassendum, Stanlejum, aliosque plures adire poterit, qui hæc singula Dialecticæ genera, & exempla accuratissimè sunt prosequuti.

VII. Id unum potiùs hìc addi poterit, Logicam partim ex variâ methodo, quâ a variis Philosophis pertractari consueverat, partim etiam ex variis muneribus, quæ in disciplinis omnibus comparandis obire solet, varia quoque nomina obtinuisse. Quemadmodum enim Logica, vel Rationalis facultas ab Aristotele (a) sæpius, Platone (b), Plutarcho (c) vocatur, quòd mentem ipsam, vel rationem dirigit; sic Dialecticæ nomen accepit, quòd sermones ad interrogationem, responsonemque disponderet; undè etiam *disceptatrix* a Cicerone (d), vel *disputatrix* a Quintiliano (e) appellatur; *Canonem*, sive *Canonicam* vocant Epicurei, quòd illa *canones*, sive *regulas* differendi, inquirendæque Veritatis proponat;

(a) 1. *Top.* 12. 1. *Analyt. Prior.* vid. Boët. in *Top. Cicer.* (b) *Vid. Theath. & Alcibiad.* 1. (c) *Lib. 1. de Plac.* 1. (d) 4. *Academ.* (e) *Lib. 2. Instit. cap. 2.*

nat; honorificentius denique ab Aristotele (a), ac Peripateticis *Organum*, *Instrumentum*, *Janua Scientiarum* vocatur, quod ad Scientias omnes acquirendas adeo necessaria sit, ut sinè illius ope, ac splendore nulla propemodum comparari possit.

VIII. Quod ut accuratius intelligi, defendique possit, notari maximè debet, ex veteri scholarum more Logicam dividi in Naturalem, & Artificialem; Logica naturalis est illa vis, & facultas, sive principium illud inferendi unum ex alio, quod ab ipsâ naturâ, vel ab auctore naturæ Deo hominum mentibus impressum fuit, ut eleganter inquit Propheta: *Signatum est super nos lumen vultus tui, Domine* (b); atque alio, clariorique nomine, *Ratio*, *Rationisque lumen* vocatur. Artificialis autem est illa facultas, quæ studio, labore, certisque legibus, ac præceptis, aliarum artium instar, acquiritur. Logicam itaque naturalem, sive Rationis lumen ad Scientias, & disciplinas omnes comparandas absolutè, simpliciter, omnino requiri, communis est Philosophorum omnium opinio, cum sinè rationis lumine nulla cognitio possit acquiri; alteram verò ad Scientias omnes in statu perfectio acquirendas necessariam esse plurimi existimarunt, quod hominum mens post primi parentis peccatum innumeris, gravissimisque tenebris circumfusa fuerit; quod ingenii vires in difficilioribus rebus languere propemodum videantur; quod denique pulcherrimum rationis lumen ita rerum obscuritate extinctum ferè sit, ut sinè quadam
ar-

(a) 1. *Prior.* 6. 39. & 1. *Topic.* 6. 11. (b) *Psalms.* 4.

arte, certisque legibus Veritatem inquirere, vera a falsis, certa ab incertis sejungere nequeat: præsertim si longa syllogismorum series adhibenda sit, qualis certè plerumque requiritur; ut obscurior aliqua veritas ostendatur, & argumenta singula, quæ opponi possunt, diluantur, atque adeo Scientia in statu perfecto comparari dicatur. Quemadmodum itaque ab ipsâ naturâ, vim, facultatemque recepimus operandi, operis tamen perfectio ab artibus est repetenda, quod in Picturâ, Eloquentiâ, Poësi, ceterisque omnibus faciliè demonstratur *, ita quoque res intelligere, aliquid ex alio inferre naturâ duce didicimus; id verò perfectè, rite, feliciter expedire, sive præstare non possumus, sinè legibus illis, quas ab arte Dialecticâ accepimus. Accedit etiam, ut olim Galenus contra Erasistratum optimè argumentabatur, quod ex quolibet principio, quodlibet aliud inferri non potest (alioquin, ex eo quod nix est alba, corvus verò niger, inferri etiam posset Erasistratum esse stultum), adeoque necessaria erit illa facultas, quæ doceat quando unum ex alio possit inferri, & quando non possit; ejusmodi verò facultas sola Logica naturalis esse non potest, cum in difficilioribus, obscurioribusque rebus illa nos deferat, artificialis igitur esse debebit, quæ præceptis, exercitatione, certisque legibus acquiratur. Sed egregiam hanc Logicæ utilitatem,

F

co

* Quod etsi ingeniis magnis prædiri quidam dicendi copiam, sive rationem consequuntur, Ars tamen est dux certior, quàm Natura; aliud est enim poetarum more verba fundere, aliud ea, quæ dicæ, ratione, & arte distinguere, &c. *Cic. Tuscul. 4.*

nat; honorificentius denique ab Aristotele (a), ac Peripateticis *Organum*, *Instrumentum*, *Janua Scientiarum* vocatur, quòd ad Scientias omnes acquirendas adeo necessaria sit, ut sinè illius ope, ac splendore nulla propemodum comparari possit.

VIII. Quod ut accuratiùs intelligi, defendique possit, notari maximè debet, ex veteri scholarum more Logicam dividi in Naturalem, & Artificialem; Logica naturalis est illa vis, & facultas, sive principium illud inferendi unum ex alio, quod ab ipsâ naturâ, vel ab auctore naturæ Deo hominum mentibus impressum fuit, ut eleganter inquit Propheta: *Signatum est super nos lumen vultus tui, Domine* (b); atque alio, clariorique nomine, *Ratio*, *Rationisque lumen* vocatur. Artificialis autem est illa facultas, quæ studio, labore, certisque legibus, ac præceptis, aliarum artium instar, acquiritur. Logicam itaque naturalem, sive Rationis lumen ad Scientias, & disciplinas omnes comparandas absolute, simpliciter, omnino requiri, communis est Philosophorum omnium opinio, cùm sinè rationis lumine nulla cognitio possit acquiri; alteram verò ad Scientias omnes in statu perfecto acquirendas necessariam esse plurimi existimarunt, quòd hominum mens post primi parentis peccatum innumeris, gravissimisque tenebris circumfusa fuerit; quòd ingenii vires in difficilioribus rebus languere propemodum videantur; quòd denique pulcherrimum rationis lumen ita rerum obscuritate extinctum ferè sit, ut sinè quadam

ar-

(a) 1. *Prior.* c. 30. & 1. *Topic.* c. 11. (b) *Psalms.* 4.

arte, certisque legibus Veritatem inquirere, vera a falsis, certa ab incertis sejungere nequeat: præsertim si longa syllogismorum series adhibenda sit, qualis certè plerumque requiritur; ut obscurior aliqua veritas ostendatur, & argumenta singula, quæ opponi possunt, diluantur, atque adeo Scientia in statu perfecto comparari dicatur. Quemadmodum itaque ab ipsâ naturâ, vim, facultatemque recepimus operandi, operis tamen perfectio ab artibus est repetenda, quod in Picturâ; Eloquentiâ, Poësi, ceterisque omnibus faciliè demonstratur *, ita quoque res intelligere, aliquid ex alio inferre naturâ duce didicimus; id verò perfectè, rite, feliciter expedire, sive præstare non possumus, sinè legibus illis, quas ab arte Dialecticâ accepimus. Accedit etiam, ut olim Galenus contra Erasistratum optimè argumentabatur, quod ex quolibet principio, quodlibet aliud inferri non potest (alioquin, ex eo quod nix est alba, corvus verò niger, inferri etiam posset Erasistratum esse stultum), adeoque necessaria erit illa facultas, quæ doceat quando unum ex alio possit inferri, & quando non possit; ejusmodi verò facultas sola Logica naturalis esse non potest, cum in difficilioribus, obscurioribusque rebus illa nos deferat, artificialis igitur esse debet, quæ præceptis, exercitatione, certisque legibus acquiratur. Sed egregiam hanc Logicæ utilitatem,

F

co

* Quod etsi ingeniis magnis prædiri quidam dicendi copiam, sive rationem consequuntur, Ars tamen est dux certior, quàm Natura; aliud est enim poëtarum more verba fundere, aliud ea, quæ dicas, ratione, & arte distinguere, &c. *Cic. Tusc. 4.*

eo præsertim loco (a) ostendemus, ubi varios illustriorum quoque Philosophorum errores, illorumque originem recensendo palam facturi sumus, quàm sinè hujus præstantissimæ facultatis lumine prona sit ad errores hominum mens, quàm facilè decipi, illudique consueverit, quàm denique eleganter, & verè dixerit Cicero (b) *Logicam habere rationem, ne cui falsò assentiamur, neque unquam captiosâ probabilitate fallamur; & sinè hac quemvis a vero abduci, fallique posse* *; quod olim Socratem monuit Parmenides *Præclarus*, inquiens, & *divinus est impetus, quo raperis ad Scientias; sed prius exerce te, dum juvenis es, in eâ facultate, qua multis inutilis videtur, atque etiam garrulitas vocatur; alioquin veritas te effugiet* (c).

IX. Interim verò admonere par fuerit Mathematicas disciplinas esse ex aliarum numero eximendas, quippe quæ sinè Logicæ facultatis lumine possint acquiri: quod uberrimè demonstratur non solum ex veteri consuetudine, quam a Pythagora, & a Platone jam usurpatam nostris etiam temporibus summo sapientum consensu florere conspiciamus, ut ante Logicam Pueri Geo-

(a) 4. *Part. c.* 3. 4. (b) 3. *de Fin.* (c) *Apud Platon. in Parmen.*

* Ceterum absque Dialecticæ speculatione Sapientem in oratione sinè lapsu non futurum dicebant Stoici. Quippe ex eâ dignosci verum, atque falsum, probabile autem, & quod ambigè dicatur, dijudicari. Eâ remotâ jam non licere rite interrogare, atque respondere. Neque aliter acutum, & ingeniosum, cautumque omnino in dicendo & fore, & visum iri Sapientem. *Laërt.* 7. *seç.* 46.

Geometrica doceantur; verum etiam ex admirabili rerum ordine, quo a facilioribus ad difficiliora, a clarioribus ad obscuriora paullatim ascenditur; ut una proinde veritas ad aliam sibi arctissime connexam lumen præferat, ac veluti manu ducat: quo certè fieri oportuit, ut cum veteres omnes Philosophi ex Logicæ defectu sæpius erraverint, quod est ab Aristotele, aliisque compluribus observatum, de Mathematicis tamen id effingi non possit. Quin etiam de pulcherrimo hoc Logicæ studio præclare meriti videntur illi, qui ejus leges, ac methodum ex ipsis Geometriæ fontibus, ac lumine derivaverunt, cum Mathematicæ disciplinæ sint ad *evaditionem via* (a), attollantque animum ad *Veritatem*, atque ita ad philosophandum præparent *cogitationem* (b); ut optimè proinde Plato illos abire jufferit, & Academiâ prohibuerit, qui geometricum antea pulverem non attigissent *.

X. Illud est etiam ingenuè fatendum, Logicam hanc, quam tantopere necessariam diximus, non magis præceptis, ac legibus, quàm attentâ quadam animi consideratione, quâ se, suasque cogitationes ad examen accuratissime revocat, contineri; quemadmodum etiam neque Logica ipsa perfectè tradi, neque intellectus perfectè dirigi posse videtur, nisi plurimam ex Physicis, ac Metaphysicis etiam lucem acceperit. Quî enim, ut cetera omittam, mentis cogitationes perfectè dirigi possint, nisi modus il-

F 2

le

(a) *Plato in Timæo*. (b) *Idem 7. de Rep.*

* Quinetiam scimus ad disciplinas omnes facilius perdiscendas interesse omnino, attigeritne Geometriam aliquis, an non. *Plato 7. de Republ.*

le cognoscatur, quo in nobis illæ sunt; aut illorum vitia, erroresque deprehendi, nisi quæstiones illæ probè perspectæ fuerint, in quibus intellectus plerumque labi consueverit? Atque hac fortasse de causâ factum putaverim, quod Posidonius, Panætius, aliique plurimi (a) Sapientiæ studium a Physicis incipiendum existimaverint. Verùm eadem semper, atque etiam major difficultas alterâ ex parte rediret, ut illustriores Philosophi observarunt; multòque difficilius foret Physicam, vel Moralem addiscere antequam differendi facultas addiceretur. Logicam itaque ante ceteras disciplinas omnes explicandam suscipimus, cùm illa ceteris omnibus rite, ac feliciter in statu perfecto acquirendis necessaria sit, ut paullo superiùs ostendimus; neque aliâ certè de causâ fuerit instituta, nisi ut illius ope mentis operationes, quibus in ceteris facultatibus acquirendis utimur, ad verum dirigi possent.

XI. Quod ut illustriùs adhuc appareat, atque celebris illa quæstio de objecto Logicæ dirimatur, quæ tanto sententiarum, opinionumque dissidio scholasticorum ingenia exercuit, illud in primis observari poterit, quod ex communi Philosophorum omnium consensu objectum alicujus potentiae, facultatis, habitûs, artis, scientiæ dicitur illud, quod eidem arti, vel scientiæ considerandum proponitur, sive *objicitur*; hoc est illa res, circa quam tota facultas illa versatur, quemadmodum ars Picturæ circa colores, illorumque dispositionem; potentia visûs
cir-

(a) *Apud Laërt. in Zenone 7. seg. 41.*

circa colores ipsos percipiendos; medicina circa animalis sanitatem. Cùm itaque Logica, ut ex illius causâ, & origine paullo superius exposita demonstratur, nonnisi mentis operationes consideret, illarumque vim, naturam, vitia, proprietates omnes accuratissimè contempletur, necessarium est, ut operationes ejusmodi veluti objectum Logicæ habeantur: hac tamen lege, & discrimine, ut operationes ipsæ, quæ considerantur, vel diriguntur a Logicâ, illius subjectum, vel objectum materiale vocentur; ipsa vero operationum directio, quæ præcisè, ac principaliter in operationibus ipsis inquiritur, & consideratur a Logicâ, objectum formale; eodem ferè ordine, & ratione, quâ Moralis, cùm humanis actibus ad honestatem dirigendis inserviat, eodem voluntatis actus veluti objectum materiale considerat, & illorum ordinem, ac rectitudinem quasi formale objectum contemplatur; ut omnem proinde finem Logica attigisse, vel fructum omnem consequuta censeretur, cum mentis cogitationes ad verum direxerit, nihilque ab intellectu fieri, vel excogitari patiatur, quod illa proprio veluti lumine non illustret.

XII. Exinde verò facilè intelligi poterit, quàm immeritò, atque inutiliter inquiratur, an Logica practicæ facultatis, sive potius speculativæ nomen mereatur. Si etenim practicæ facultatis nomine habitus ille intelligitur, qui ad opus aliquod, qualecunque demum sit, ordinatur, Logica certè practica dici debet, cùm syllogismos, definitiones, ceteraque id genus operamētis conficiat. Si verò practica facultas dicatur illa, quæ nonnisi ad aliquod opus extrin-

intellectum dirigitur, quod certè verisimiliùs cum D. Thoma, Aristotele *, aliisque defendi poterit (*Intellectus enim, ut est commune Philosophorum effatum, extensione fit practicus*), hanc utique laudem meretur Logica, ut ceteris speculativis habitibus accenseatur; cùm semper ad unius intellectus opera, sive varia cogitationis, vel speculationis genera dirigatur.

XIII. Quandoquidem verò Logica non solum leges, atque præcepta tradere debet, quibus mentis acies dirigitur ad verum, sed illis etiam uti consuevit, dum in inquirendâ veritate, vel ceteris disciplinis comparandis, res definire, dividere, vel argumentari contigerit; hinc optimè, meritòque factum est, ut illa veteri, ac celeberrimâ divisione in *Docentem*, ac *Utentem* distincta fuerit: non quòd duplex habitus, sive facultas haberi debeat, cùm ejusmodi præceptorum usus, atque doctrina arctissimè inter se, conjungantur; sed quòd distincta solum ejusdem facultatis munera censerì possint, ut amor, quo diligimus Deum, & amor, quo diligimus proximum, sunt duo munera ejusdem charitatis; cùmque inseparabiles, arctissimèque conjuncti sint, ad eandem virtutem pertinent.

XIV. Neque in ceteris solum disciplinis omnibus rite, ac feliciter comparandis rationes, & argumenta suppeditat Logica, quibus illarum veritas ostendatur; verum etiam dum leges ipsas atque præcepta propria exponit, iisdem utitur; nihilque proponit, quod evidenter, & accuratè non

* Finis speculativæ veritas, finis practicæ opus.
eraph. sex. 3.

non demonstret. Sic ubi dixerit in syllogismo tres voces, totidemque propositiones esse oportere: syllogismum ex tribus negativis compositum nihil concludere, rationem quoque statim apponit, & ex primis cognitionis nostræ principiis, ejusmodi legum bonitatem ostendit. Cum itaque regularum bonitas, & alia plurima, certò, ac evidenter in Logicâ demonstrantur, necessarium est, ut ceteras inter Scientias, sive cognitiones veras, ac evidentes enumeretur; cum Scientiæ nomine nihil aliud intelligi debeat, ut ostendetur alibi, quàm *cognitio recta; & evidens; sive cognitio rei per causas; sive denique cognitio per demonstrationem acquisita*. Perinde est tamen an simul Ars; & Scientia nominetur, quòd non solum aliquid evidenter ostendat, sed artium instar præcepta tradat, aliquid operetur, plurima incerta contineat, ceterisque nobilioribus Scientiis velut organum, & instrumentum inserviat, ut Aristoteles, ejusque egregius interpres D. Thomas animadvertere, qui illam partim inter Scientias, partim quoque inter Artes enumerant, liberales tamen, hoc est quæ a liberis, & ingenuis hominibus excolantur. Quodsi ex veteri effato rerum denominatio non a majori fortasse numero, vel ab aliquâ illarum parte, sed a potiori, nobiliorique desumenda sit, Logica ipsa Scientia Rationalis optimè inscribi poterit, quemadmodum a Cicero vocatur *differendi ratio, & scientia; ex quâ cum summâ utilitas existit ad res ponderandas, tum maxime ingenua delectatio, & digna Sapiente* (a).

F 4 XV. At-

(a) Cic. Tusc. 5.

c. XV. Atque hætenus quidem rationalis hujus disciplinæ originem, præstantiam, ac naturam, nisi pro rei dignitate, atque ex receptâ scholæ consuetudine, quoad certè licuit, explicavimus. Reliquum est, ut illius partes, atque universam operis nostri methodum ostendamus. Quod neque fieri meliùs, neque divisio Logicæ commodiùs aliunde repeti poterit, quàm ex ipso munere, fine, objecto Logicæ, quod paullo superiùs exposuimus. Cum itaque Logica ad omnes mentis operationes dirigendas unicè instituta fuerit, atque directionem ipsam, vel dirigibilitatem, veluti formale objectum, respiciat, necessariò fit, ut totidem in ipsâ partes distingui debeant, quot mentis operationes enumerantur, ut nulla proinde sit mentis operatio, quæ non ab aliquâ distinctâ Logicæ Parte dirigatur. Quatuor verò Mentis operationes a Philosophis optimè distingui solent, quæ non solùm *Cogitatione*, quasi communi quodam genere continentur, verùm etiam communi *Cogitationis* nomine designantur. Intellectus enim dum aliquid operatur, hoc est cogitat, aut aliquid simpliciter percipit, apprehendit, nihil de illo affirmando, vel negando, ut dum concipimus florem, Deum, &c. & hæc operatio *simplex Apprehensio, vel Perceptio, Conceptus formalis* dicitur; quemadmodum conceptus ille, species, imago, quæ in nobis ipsis efformatur, ac veluti depingitur, simplicibusque Vocibus exprimitur *Idea*, vel *Conceptus objectivus* vocatur. Vel intellectus de re simpliciter apprehensâ, jam conceptâ judicat, aliquid affirmando, vel negando de illâ; hoc est Ideam aliquam cum

2. 2. 2. 2. 2. (al-)

alterâ conjungit, vel ab illâ separat, & sejungit, ut si concepto flore, & albedine, ideam floris, & albedinis jungimus, vel separamus dicendo florem esse, vel non esse album; hæc secunda Mentis operatio *Judicium* vocatur, quod Enunciatione, sive Propositione exprimitur. Vel denique judicium aliquod ex uno, vel pluribus aliis judiciis antea formatis ab intellectu deducitur, elicitur, infertur, ut cum ex eo quod judicaverimus florem esse album, atque omne album delectare visum, inferimus florem delectare visum: hæc operatio dicitur *Ratiocinatio*; sive *Discursus*, qui per Argumentationes exponitur, & explicatur. Quia verò ad veritatem aliquam inveniendam, vel ceteris, ubi inventa fuerit, ostendendam plurimæ Ideæ, Judicia plurima, ac plurimi Discursus componi debent, in quibus plerumque maxima obscuritas, & confusio, errores, atque fallaciæ reperirentur, quarta Mentis operatio a pluribus adjungi solet, quæ hæc omnia rite disponat, vitia, quæ obrepere possent, detegat, & effugiat, atque ad propositam, seu quæsitam veritatem omnia dirigat; unde etiam *Methodi* nomen obtinuit.

Cùm itaque Logicæ sit leges, & præcepta tradere, quibus optimè apprehendere, judicare, discurrere, disponere possimus, hoc est singulas Mentis operationes, Apprehensionem, Judicium, Discursum, Methodum dirigere, atque omnia simul complecti, & exponere, quæ ad operationes illas aliquâ ratione spectare poterunt, manifestissimè apparet cur Logica in quatuor partes divisa, sive distincta fuerit, quarum prima de Perceptione, Ideis, & Vocibus disse-

rat;

rat; altera de Judicio, ac Propositione; tertia de Discursu, & Argumentatione; quarta denique, & postrema de Methodo.

XVI. Quæ quidem divisio, sive Logicæ pertractandæ ratio, nihil propemodum ab illâ differt, quam Aristoteles ipse, ejusque interpretes iniere. Is etenim sexdecim libros Logicorum ita disposuit, ut

1. Libro Categoriarum ea omnia complexus fuerit, quæ ad Perceptionem pertinent.

2. Perihermenias, sive de Interpretatione, Enunciatione, vel Propositione, quæ ad Judicium.

3. Analyticorum Priorum de Syllogismo in communi.

4. Analyticorum Posteriorum de Syllogismo demonstrativo, sive Demonstratione.

5. Topicorum de Syllogismo probabili, ac locis Topicis.

6. Elenchorum de Fallaciis Sophistarum, Vitiis, ac Methodo Discursûs, &c. qui duo libri in unum contrahi, vel confundi solent.



LOGI-



LOGICÆ

PARS PRIMA.



De Perceptione, Ideis, & Vocibus.




Ingulas Logicæ Partes ordine superius exposito tradituri, ab illâ mentis operatione vel dirigendâ, vel explicandâ nunc exordimur, quæ simplicis Apprehensionis, vel Perceptionis nomen obtinuit, & a Philosophis optimè definitur: *Mentis operatio, quâ nos aliquid simpliciter apprehendimus, sive concipimus, nihil affirmando, vel negando.*

Quandoquidem verò nos experimur, quod dum aliquid a mente nostrâ concipitur, illius imago, & accurata species in nobis formatur, ac ferè depingitur, quam deinde vocibus exprimere, & aliis ostendere consuevimus; in hac primâ Logicæ Parte simul hæc omnia complectemur, atque de Perceptione ipsâ, de rerum imaginibus, vel Ideis, atque de Vocibus meliori, quo poterit, ordine differemus, ut horum omnium natura, origo, varietas, usus, errores accuratissimè demonstrantur.

G A-

CAPUT PRIMUM.

De variâ Perceptionis specie, & origine.

I.  Uæ de variâ Perceptionis naturâ, & origine dicturi nunc sumus partim clarissima sunt, ut illustrius explicari vix possint, partim etiam gravissimis difficultatibus circumfusa, & obscuris adeo quæstionibus illigata, ut illarum cognitio ex Physicâ, vel Metaphysicâ pendere prope modum videatur. Nos itaque, ne singulas Philosophiæ Partes temere perturbemus, nihilque tamen alterâ ex parte optari patiamur, ex quo huic pulcherrimæ Facultati lux aliqua accedat, hæc omnia quidem in suis locis fusè, opportune, & quoad fieri poterit, accuratè tractabimus, aliqua tamen hic obiter exponemus, quæ in explicandâ Perceptionis naturâ, & origine, magis utilia, vel necessaria putabimus; præsertim verò prima veluti cognitionis nostræ rudimenta contemplabimur, ut inde clariùs effulgeat, quo facultatum ordine, serie, varietate pulcherrima tandem rerum cognitio ab intellectu nostro comparetur. Cùmque veteres, recentioresque Philosophi in explicandis istis dissideant, hanc nos methodum adhibebimus, ut certa ab incertis, ambigua ab exploratis sejungentes, nunc illa tantummodo complectamur, unde necessaria cognitio, non confusio, vel ambiguitas oriatur.

II. Illud itaque certum, ac exploratum esse supponimus, quod plurima a nobis ita concipiuntur, ut aliqua rei perceptæ species, & ima-

go in nobis efformetur , ac veluti accuratissimè depingatur ; & quemadmodum ferè dum flos ante speculum ponitur pulcherrima , simillima , perfectissima floris imago , suis distincta coloribus in ipsâ speculi superficie dipingitur ; ita quoque dum res , & objectum aliquod sensibus nostris obversatur , ejusdem objecti species , & imago per sensus ingressa , in cerebro imprimatur , nobisque cogitantibus rem , & objectum ipsum exhibeat . Id intelligere certè , vel experiri facile possumus , dum florem , lapidem , aurum concipimus , ut innumèras alias observationes omittamus , quas alibi fusiùs afferemus . Nihil est tamen , quo clariùs , & uberiùs id ostendatur , quàm admirabilis illa varietas , ordo , connexio imaginum , quæ ferè incredibilis , somni tempore in nobis ipsis excitatur . Neque enim , aliâ de causâ somniando plurima remota , dissidentia percipimus , & ludicrà quadam arte simul jungimus , nisi quodd illorum omnium imagines , quæ per oculos , aures , ceterosque sensus vigiliæ tempore ingressæ fuerant , in cerebro impressæ , ac ferè depictæ remanent , donec iterum somni tempore , quò sensus omnes placidâ quiete fruuntur , atque a nullâ sensibilis , & exterioris objecti imagine perturbantur , imagines illæ excitentur , & ab aliquâ vi facultate , sive potentia , vel animâ concipiantur .

III. Illud etiam veluti certum , & experimento facile probatum haberi poterit , quod alia purior , longèque nobilior Perceptionis vis in homine reperitur , quâ sic ab illo plurima concipiuntur , ut hæc a nullâ corporeâ , sensibili imagine exprimantur : quin etiam rite , vel ac-

cu-

curatè percipi nequeant, nisi priùs ab omni corporeâ imagine sejuncta fuerint, ut cum veritatem, pulchritudinem, tempus, Deum concipimus nulla sensibilis imago efformatur, quæ hæc objecta nobis exhibeat. Prior illa percipiendi vis, & facultas, quâ res, & objectum aliud quod ita concipitur, ut illius imago intra nos efformetur, depingatur, imprimatur, vel si antea impressa, depicta, vel efformata fuerit, excitetur *Imaginatric*, *Phantasia* vocatur, & illius operatio, vel percipiendi modus *Imaginatio* dicitur; ac imagines illæ, quæ in nobis impressæ, depictæ, efformatæ, vel excitatæ fuerint, *phantasmata*, *spectra*, *idola*, *sensibiles idea* appellantur.

Altera verò nobilior, atque perfectior percipiendi vis, aut facultas, quâ nimirum sinè corporeo phantasmate res, & objectum concipimus, *mens*, *intellectus* vocatur, & ejusmodi percipiendi modus, aut hujus facultatis operatio, *intellectio pura*, sive simpliciter *Perceptio* dicitur; imagines autem illæ *conceptus*, & *Idea* nuncupantur.

IV. Ac plurimi certè sunt, qui duas ejusmodi percipiendi vires adeo inter se differre arbitrantur, ut illas non ex uno, sed ex variis, diversisque fontibus, atque principiis repetendas esse opinentur. Existimant enim, quod *Imaginatric*, vel *Phantasia* sit corporea quædam facultas, quâ nonnisi res simpliciter, omnino corporeas percipiamus: illamque non modò pueris, somniantibus, & amentibus, qui res abstractas, & incorporeas concipere nequeunt, inesse putant; verùm etiam Brutis ipsis concedunt, quòd
illa

illa verè sentire, res, & objecta percipere existimentur; mentem verò, vel intellectum soli homini ad imaginem Dei factò, ita impressum, Deique munere concessum volunt, ut cùm ille sensus omnes, cognitionemque corpoream cum Brutis communem habeat, solo rationis lumine, nobiliorique percipiendi modo, seu facultate a Brutis omnibus distinguatur. . . .

Alii vero unam, eandemque vim, & facultatem esse arbitrantur, quæ aliquando rem, & objectum aliquod in corporeo phantasmate, sive sensibili specie, & imagine contempletur, unde *Imaginatrix*, vel *Phantasia* dicatur; & aliquando objecta ab omni corporeo phantasmate, sive sensibili imagine separata percipiat, unde *Intellectus* vocetur; cùmque cognitionem omnem, vel Perceptionem a solâ mente oriri posse opinentur, omnem Brutis cognitionem adimunt, nullumque corporeum principium, vim, facultatem admittunt, quo pueri, amentes, ebrii corporeas, & sensibiles res percipiant. Ita verò duplicem illum percipiendi modum, vel duo Perceptionum genera ab eodem fonte, sive principio, vel mente deducunt, ut si res aliqua corporea, sive sensibilis sit, & corporea illius imago per sensus ingressa cerebro impressa fuerit, possit aliquando mens se ad ejusmodi phantasma convertere, hoc est imaginem ipsam cerebro impressam, ac veluti in speculo depictam intueri; sicque dicetur *imaginari* nimirum objectum percipere quod ab aliquâ corporeâ imagine sibi repræsentetur. Si verò res, vel objectum spirituale, incorporeum sit, vel nullam certè corpoream sui speciem per sensus ad cerebrum trans-

transmiserit, nec alia proinde objecti species in cerebro impressa sit, tunc mens objectum ab omni corporeo phantasmate, vel sensibili imagine separatum contemplabitur, unde illa *intelligere* dicetur, & hæc operatio *intellectio pura* vocabitur.

V. Quid portò sapientissimos viros in has extremas, & dissidentes opiniones impulerit, suo loco ostendemus; cum de Brutorum animâ differetur. Illud interim certum, atque, ut superius ostendimus, experimento, omniumque Philosophorum consensu probatum admitti poterit, quod, siue sit unica, siue duplex in homine percipiendi vis, & facultas, duæ sunt tamen in illo percipiendi modi superius expositi, siue duo Perceptionum genera, ut duæ etiam in homine imaginum, vel Idearum species distingui debeant. Quod ut illustrius adhuc, & uberiùs intelligatur, observari faciliè poterit, quod hæc Perceptionum, & Idearum discrimina nos ipsi experimur, non modò si res diversas, partim nempe corporeas, atque sensibiles, partim spirituales, & incorporeas concipiamus, ut in superioribus exemplis apparet, verùm etiam si unicam, eandemque rem, aut objectum corporeum diverso ordine, vel modo positum contemplemur. Quis etenim ubi solem concipere, vel intueri velit, non statim sentit in se depingi, vel imprimi, vel, si aliàs impressa fuerat, excitari accuratissimam solis imaginem, in quâ splendor ipse; calor, perennis, & irrequieta partium agitatio clarissimè effulgeat? si tamen solis ipsius magnitudinem, siue molem, quâ quadringentis vicibus Telluris molem continet, concipere velit, nullum

cor-


corporeum Phantasma, vel sensibilem speciem, & imaginem invenire, vel efformare poterit, in quâ immensam hanc solis magnitudinem, non obscurè, neque confusè, sed clarè, distinctèque intueatur, quamvis, id a solâ mente, vel intellectu puro clarissimè percipiatur, & evidentissimè demonstretur. Sic etiam Antipodas ita concipimus, ut homines aliquos adversa nostris vestigia prementes in aliquâ corporeâ sensibili specie, & imagine oculis ferè subjectos intueamur; nulla tamen corporea imago nobis occurreret, si Antipodas ipsos, non inverso deorsum capite, sed erectos, sed perpendiculariter pedibus Telluri insistentes imaginari velimus, quod tamen ab intellectu finè corporeo phantasmate facilè concipitur, & explicatur. Si denique, triangulum concipere, vel imaginari velimus, non solùm figuram tribus lateribus, & angulis comprehensam facilè intelligemus, verùm etiam lineas, & angulos ipsos, veluti nobis impressos, & accuratissimè delineatos ferè intuebimur; quod si chiliogonum, sive figuram mille lateribus comprehensam cogitemus, intellectus quidem illam clarissimè contemplabitur, ac illius proprietates ostendet, nulla tamen clara, vel distincta species, aut illius imago formabitur, nec aliâ clariori imagine mille chiliogoni latera concipiemus, quàm si quingentorum laterum figuram cogitaremus.

VI. Quæ quidem exempla, aliaque id genus innumera, quæ possent afferri, manifestissimè ostendunt, quod duplex in homine reperitur percipiendi modus, sive in rerum cognitione duo perceptionum genera solent adhiberi; adeoque

fatis accommodè duplex etiam idearum genus in homine distinguitur. Imagines illæ, quæ per externos sensus ingressæ, cerebro imprimuntur, ibique excitantur, cùm corporeæ sint, ac non-nisi res, & objecta corporea nobis exhibeant, hîc explicari non debent; sed ad illam Physicæ partem pertinent, in quâ de singulis animalium generibus, de illorum viribus, de cerebri structurâ, de sensuum ope differitur: illæ verò, quæ ab omni corporeo phantasmate liberæ, se-junctæ sunt, ideoque res, & objecta spiritua-lia nobis ostendunt, & in intellectu solo, vel ipsâ mente efformantur, ac veluti depinguntur, etsi ad Metaphysicam, sive Pneumatologiam me-liori quodam jure spectare videantur, pressius tamen hîc etiam exponi debent, cùm plurima, quæ in hac primâ Logicæ parte dicturi sumus, vix, ac ne vix quidem intelligi possint, nisi prius Idearum natura, varietas, & origo fue-rit explicata.

C A P. II.

De Idearum naturâ, & origine.

- I.  Um res, & objectum aliquod incor-poreum ab intellectu nostro concipi-tur, accuratam illius imaginem, & ab omni corporeo phantasmate depu-ratam in ipso intellectu depingi, vel, si antea depicta fuerit, excitari, fatis, ut opinor, in su-periori capite demonstravimus: *Has autem re-rum formas, vel perceptarum rerum iinagines appellat Ideas ille non intelligendi solum, sed etiam*

etiam dicendi gravissimus auctor, & magister Plato, easque gigni negat, & ait semper esse, ac ratione, & intelligentiâ contineri, unde omnium primus Ideas appellasse dicitur Plato: non tamen si hoc nomen, antequam ipse institueret, non erat, ideo vel res ipsa non erant, quas ideas vocavit, vel a nullo erant intellecta; sed alio fortasse, atque alio nomine ab aliis, atque aliis nuncupata sunt. Licet enim cuique rei incognita, qua nullum habet usitatum nomen, quodlibet nomen imponere; quemadmodum certè ipse Plato sapius diversis utitur nominibus in eadem re significandâ; Ideam enim, & speciem nominat, & genus, & exemplar, & principium, & causam; nominibus autem utitur variis, ne illius opera imperitis, & rudibus conspicua sint. Laërt. in Plat. lib. 3.

II. Nihil aliud est itaque Idea, quàm spiritalis, & incorporea quadam imago, qua ab intellectu nostro concipitur dum aliquid sine corporeo phantasmate contemplamur; ut optimè proinde dixerint alii, quod Idea est primum objectum nostra mentis, sive est illud objectum, quod proximè, & immediatè menti nostra obversatur, cum certè mens ipsa nihil concipere, nihil cogitare unquam possit, quin aliquid cogitando, vel concipiendo vivam rei conceptæ imaginem, ac Ideam non consideret: quo certè fieri debet, ut quemadmodum nihil est clarius intellectui cogitanti, quàm actualis ipsa intellectûs cogitatio, ita quoque clarissima sit conceptæ, cogitatæ, vel perceptæ formæ imaginis, ac Ideæ natura, & existentia; hanc etenim sibi impressam, intimo quodam, vividoque sensu deprehendit, nec unquam ab illâ mentis aciem avertit, nisi cum

objectum aliud considerans, aliam imaginem, & Ideam contempletur.

Quod si idearum natura, & existentia menti, vel intellectui nostro cogitanti quodammodo effulget, nec ipsa mens cogitando dubitare unquam potest, quin aliqua rei conceptæ imago sibi impressa, vel excitata jam fuerit, nihilque ferè subtilius, aut accuratius ab acutissimis viris exploratum fuerit, quàm ejusmodi mentis humanæ vis, & Idearum origo, nihil est tamen obscurius hac illarum origine, nihilque magis ab intellectu ignoratur, quàm unde imagines illæ prodierint, & quâ ratione, vel arte sibi impressæ, vel excitatæ fuerint; ideoque mirum est certè quàm veteres, recentioresque Philosophi in explicandâ Idearum origine dissideant. Varias illorum opiniones in Metaphysicâ recensibimus; hîc illarum aliquas subiiciemus, tum ut clariùs intelligi possint ea, quæ paullo inferiùs exponenda sunt, tum ut errores aliqui deprehendi, vitarique possint, qui exinde faciliè orientur.

III. Divinus ille Philosophos Plato, quo nemo nobiliùs, atque magnificentius de mentis nostræ naturâ disseruit, has rerum formas, & imagines, quas ille omnium primus Ideas vocavit, etsi variis etiam, diversisque nominibus, ut antea dicebamus, eandem rem subinde expresserit, menti nostræ ingenitas, ac naturâ ipsâ impressas existimavit. Cùm etenim rationales animas ab æterno creatas, & in aliquâ Cœli parte, præsertim verò in sideribus, collocatas esse putaret, asseruit quod Deus omnium rerum imagines, & Ideas singulis mentibus impressit;

ut

ut illarum ope omnia cognoscerent, hoc est in illis omnia clarissimè contemplarentur; deinde verò cum Anima ex proprio fidere in humanum corpus organizatum descenderet, ibique velut in obscuro carcere versaretur, imagines illæ corporis contagione perturbatæ, confusæ, extinctæ, oblitteratæ adeo languebant, ut inde nulla cognitio in mente fieri posset, nisi a sensibilibus, corporeis imaginibus illæ paullatim excitarentur; donec sedulâ quadam, vigilique mentis industriâ, ac assiduo sensum labore, pristinum ordinem, claritatem, vim assequutæ, veterem quoque rerum cognitionem in mente producerent: quæ proinde rerum cognitio, non scientiâ, sed potius reminiscentiâ dicenda foret, unde apud Platonicos illud effatum usurpabatur: *Scire nostrum est reminisci*, vel ut expositiâ Platonis sententiâ concludit Cicero: *Nihil aliud est discere, nisi recordari* (a). *

Celebrem hanc Platoniorum omnium opinionem, quam elegantissimè Cicero, Augustinus, Seneca, alique plurimi sunt prosequuti, nos alio in loco fusiùs exponemus, ostendemusque quid in illa probari, quidve reprehendi debeat. Illud interim intelligi, advertique poterit, ingenitas, & innatas esse juxta Platonicos menti nostræ rerum imagines, ut non aliunde ideæ originem duxerint, quàm a Deo, qui illas, & in illis omnium Scientiarum virtutumque se-

NOTA. —

G 3.

mi-

(a) Cic. Tusc. 1.

* Hæc est recordatio illarum rerum, quas olim vidit animus noster cum Deo profectus. — Plato in Phadr.

objectum aliud considerans, aliam imaginem, & Ideam contempletur.

Quod si Idearum natura, & existentia menti, vel intellectui nostro cogitanti quodammodo effulget, nec ipsa mens cogitando dubitare unquam potest, quin aliqua rei conceptæ imago sibi impressa, vel excitata jam fuerit, nihilque serè subtilius, aut accuratius ab acutissimis viris exploratum fuerit, quàm ejusmodi mentis humanæ vis, & Idearum origo, nihil est tamen obscurius hac illarum origine, nihilque magis ab intellectu ignoratur, quàm unde imagines illæ prodierint, & quâ ratione, vel arte sibi impressæ, vel excitatæ fuerint; ideoque mirum est certè quàm veteres, recentioresque Philosophi in explicandâ Idearum origine dissideant. Varias illorum opiniones in Metaphysicâ recensebimus; hîc illarum aliquas subiiciemus, tum ut clariùs intelligi possint ea, quæ paullo inferiùs exponenda sunt, tum ut errores aliqui deprehendi, vitarique possint, qui exinde faciliè orientur.

III. Divinus ille Philosophos Plato, quo nemo nobiliùs, atque magnificentius de mentis nostræ naturâ differuit, has rerum formas, & imagines, quas ille omnium primus Ideas vocavit, etsi variis etiam, diversisque nominibus, ut antea dicebamus, eandem rem subinde expresserit, menti nostræ ingenitas, ac naturâ ipsâ impressas existimavit. Cùm etenim rationales animas ab æterno creatas, & in aliquâ Cœli parte, præsertim verò in sideribus, collocatas esse putaret, asseruit quod Deus omnium rerum imagines, & Ideas singulis mentibus impressit,

ut

ut illarum ope omnia cognoscerent, hoc est in illis omnia clarissime contemplarentur; deinde verò cum Anima ex proprio fidere in humanum corpus organizatum descenderet, ibique velut in obscuro carcere versaretur, imagines illæ corporis contagione perturbatæ, confusæ, extinctæ, oblitteratæ adeo languebant, ut inde nulla cognitio in mente fieri posset; nisi a sensibilibus, corporeis imaginibus illæ paullatim excitarentur; donec sedulâ quadam, vigilique mentis industriâ, ac assiduo sensum labore, pristinum ordinem, claritatem, vim assequutæ, veterem quoque rerum cognitionem in mente producerent: quæ proinde rerum cognitio, non scientia, sed potius reminiscencia dicenda foret, unde apud Platonicos illud effatum usurpabatur: *Scire nostrum est reminisci*, vel ut expositiâ Platonis sententiâ concludit Cicero: *Nihil aliud est discere, nisi recordari* (a). *

Celebrem hanc Platoniconum omnium opinionem, quam elegantissime Cicero, Augustinus, Seneca, alique plurimi sunt prosequuti, nos alio in loco fusiùs exponemus, ostendemusque quid in illa probari, quidve reprehendi debeat. Illud interim intelligi, advertique poterit, ingenitas, & innatas esse juxta Platonicos menti nostræ rerum imagines, ut non aliunde ideæ originem duxerint, quàm a Deo, qui illas, & in illis omnium Scientiarum virtutumque se-

G 3

mi-

(a) Cic. Tusc. i.

* Hæc est recordatio illarum rerum, quas olim vidit animus noster cum Deo profectus. Plato in Phadr.

mina menti nostræ maximo, & immortalī mūnere impressit.

IV. Veterem Platonis sententiam ita nuperrimè excitavit Cartesius, ut non ab æterno quidem creatas Animas, & illis ab æterno impressas rerum imagines cum Platone putaverit, sed in ipsâ tamen Animarum origine, hoc est, eo tempore, quo mens humana a Deo creata, simulque organizato jam corpori conjuncta fuit, inditas illi dixerit, ac impressas rerum Ideas, quæ prima veluti cognitioni, & Scientiæ femina forent; hac tamen lege, & quasi fœdere inter utramque Corporis, & Animæ substantiam sancito, ut incorporeæ, sive spirituales imagines a mente percipi non possent, nisi prius ab aliquâ corporeâ imagine excitarentur.

Quemadmodum enim Anima rationalis cū immortalis, incorporea, cœlestis, divinæque originis esset, in corpore existere non exigebat, sed occulto tamen, ac admirabili quodam sapientissimi artificis consilio, & voluntate factum est, ut illa corpori conjungeretur, ab illo in proprio esse penderet, in illo existeret; ita propemodum fieri oportuit, ut licet nobiliorem quoque, & incorpoream agendi vim, nobiliores etiam, & incorporeas rerum imagines sibi impressas anima recepisset, quibus incorporeas res, & objecta liberè contempleretur, a corporis tamen sensibus ita penderet, ut mutua foret inter spirituales imagines menti impressas, atque corporeas a sensibus ortas connexio, vel dependentia, ut quando corporea, vel sensibilis aliqua objecti species cerebro imprimeretur, illius occasione alia similis, sed incorporea in-

Ani-

Animâ excitaretur; cùmque vicissim aliqua spiritalis imago in animâ excitaretur, alia similis, sed corporea in cerebro formaretur: quâ certe hypothese non mutua solùm corporis, animique dependentia, & spiritualium idearum, sive cognitionis origo, verùm etiam arcanus ille modus intelligi, vel explicari posse videtur, quo rationalis anima corpori conjungatur.

V. Ab hac illustri Platonis, atque Cartesii sententiâ, quam Malebranchius (a), Leibniti-
 tius (b), aliique complures mirificè coluerunt, plurimùm dissident Aristoteles, & Gassendus, qui Ideas omnes, omnemque mentis humanæ cognitionem a corporeis, externisque sensibus oriri arbitrantur. Quamvis enim humanæ mentis naturam spiritualem, incorruptibilem esse fateantur, neque cognitionem omnem idolis, & imaginibus corporeis contineri velint, quod Epicurus olim existimavit; hanc tamen esse mentis ipsius naturam putarunt, ut nullam in se rerum imaginem, aut Ideam impressam habeat, sed telæ instar, cui nulla prorsus imago depicta fuit; aut *tabula rasilis*, cui nihil insculptum sit, illam a corporeis sensibus omnes rerum imagines acquirere opinantur. Hinc celebre est apud illos effatum Intellectum esse *tabulam rasam* (c) *; *nihil esse in intellectu quin prius fuerit in sensu* (d); *nunquam Animam in-*

G 4

tel-

(a) *De Inquir. Verit.* (b) *In Theodic.* (c) *Arist. 3. de Animâ c. 5.* (d) *Arist. ibid. c. 8.*

* Oportet autem sicut in tabulâ, in quâ nihil scriptum est actu, quod quidem recidit in ipso intellectu. *Arist. 3. de Anima.*

telligere, sine corporeo phantasmate. In explicandâ verò ratione, vel admirabili serie, quâ spirituales, & incorporeæ imagines ab externis sensibus oriuntur, ita conveniunt, ut postquam accuratissima sensibilis objecti species, & imago per sensus ingressa cerebro impressa, ac veluti depicta fuerit, ut in superiori capite demonstravimus, intellectus imaginem ipsam, si-ve phantasma imaginationi impressum puriori quadam luce perfundat, irradiet, & ab illo speciem aliquam, & imaginem eliciat, quæ cum a corporeis, singularibus circumstantiis, & accidentibus abstracta, sejuncta, depurata fuerit, incorporea evadat, ejusque conditionis fiat, ut ab intellectu percipi, in intellectu imprimi, ab intellectu comprehendi possit: hinc eadem species quatenus in intellectu imprimitur, *impressa*, quatenus ab intellectu percipitur, & ferè exprimitur, *expressa* dicitur: quemadmodum intellectus ipse, dum irradiando supra phantasmata incorpoream speciem ex illis elicit, *intellectus agens*; dumque speciem ipsam abstractam in se recipit, *patiens* vocatur. Quod si nulla plerumque similitudo, inter imaginem, atque Phantasma corporeum cerebro impressum, & imaginem incorpoream menti impressam, vel ab intellectu conceptam videatur, hanc tamen ab illâ oriri, vel efformari posse arbitrantur, quòd intellectus compositione quadam, diminutione, similitudine, proportionem unam ex alterâ ferè deducat. Sic, inquiunt illi, montis aurei, vel lactei fluminis, chimæreæ, centauri, &c. imago in mente formatur, quòd illa duplicem montis, auri; vel lactis, & fluminis Ideam simul com-

po-

ponat; Pigmæi, vel Gigantis imago ab intellectu nostro concipitur, quod ille communem hominis imaginem antea formatam augeat, vel minuatur. Res, & objecta spiritualia, ut Deum veritatem, pulchritudinem concipit, quod illa a corporeis rerum imaginibus ad incorporeas spiritualium rerum imagines transeat; universaliter omnia, quæ ab intellectu nostro concipiuntur, a corporeis imaginibus originem fortiri arbitrantur Peripatetici; ejusque rei argumentum esse conjiciunt, quod nihil ab intellectu percipi consueverit, quod ante sensibus objectum non fuerit; atque ubi sensus aliquis desit, nulla quoque sensibilis objecti imago in intellectu habeatur, ut nulla coloris imago acquiri potest a cæco, nulla soni; sive concentus a surdo, nihilque proinde concipere, vel intelligere is posset, qui sensibus omnibus destitutus nasceretur. Atque ista quidem inter utramque partem maximo rationum pondere, & acerrimâ ingeniorum concertatione, atque, ut ingenuè quoque loquamur, incredibili prorsus mentis acumine disputantur, ut vix intelligi, deprehendique possit, quis alteri palmam præripiat. Nefas proinde foret de obscurissimâ, gravissimâque re judicium ferre, antequam singula superiùs exposita, & alia innumera, quæ exponenda remanent, clariùs, uberiùs edisseramus, quod in Metaphysicâ fieri oportere jam diximus. Hoc interim monere par fuerit, quod argumenta quædam a Cartesianis afferri solent, quibus innatarum Idearum origo invictissimè demonstrari videtur: præsertim verò, quod illarum rerum imagines habere nos experimur, quæ cum in-

corporeæ sint, nullâ sensuum ope cognosci, vel acquiri potuerunt. Quis etenim entis, cogitationis, temporis, existentiae, veritatis, iustitiae, negationis ideam a sensibus ortam, a sensibili, sive corporeâ imagine formatam, elicitam existimaverit, cum nulla sensibili qualitate, ut odore, colore, sono prædita sit cogitatio, existentia, tempus, ac nullo proinde sensu percepta fuerit, vel etiam percipi potuerit. *Et sumus*, inquit egregiè Augustinus ex Platonis sententiâ, & nos esse novimus, & id esse, ac nos diligimus. In his autem tribus, quæ dixi, multa nos falsitas verisimilis turbat: non etiam ea, sicut illa, quæ foris sunt, ullo sensu corporis tangimus, velut colores videndo, sonos audiendo, odores olfaciendo, saponem gustando, dura, & mollia contrectando sentimus; sed sine ullâ phantasiarum, vel phantasmatum imaginatione ludificatoriâ mihi esse me; idque nosse, & amare certissimum est (a). Sic ipsa discretio videtur mente, non corpore; & ea, quæ mente conspiciuntur, non indigent ullo corporis sensu, ut ea vera esse noveamus (b). Atque alibi de veritate noli quarere, inquit, quid sit veritas: statim enim se opponunt caligines imaginum corporalium, & nubila phantasmatum, & perturbabunt serenitatem, quæ primo ictu diluxit tibi, cum dicerem Veritas (c). Non aliunde igitur imagines illæ repeti debent, nec alia censerit poterit Idearum origo, quam ab ipsâ mente, cui semel ab Artifice sapientissimo impressæ illæ fuerint, ut in illis in-

cor-

(a) Lib. 2. de Civ. Dei. c. 26. (b) Epist. 147. n. 33. alias 112. c. 16. (c) Lib. 8. de Trin. n. 3. alias c. 2.

corporeas res, & objecta spiritualia contemplatur. Quod enim inquit, Peripatetici, Gasendus, & Locius spirituales istas imagines fieri ex compositione, ampliatione, diminutione, similitudine, propositione cum corporeis, sensibilibusque imaginibus cerebro impressis, absurdum omnino censeretur, nisi imagines illæ ostendantur, ex quarum ampliatione, similitudine, &c. spiritualis, & incorporea cogitationis, entis, veritatis Idea oriri, siue prodire potuerit. Quod si ex puriori quadam luce id fieri dixerint, quæ corporeæ imagines irradiantur, & abstractæ, spirituales, & incorporeæ reddantur, pulcherrimas quidem voces, & elegantia: plenas adhibebunt, eas tamen, quæ rem nihilo clariorem efficiant, & uberius exponant, nisi ostendatur spirituales ejusmodi radios ab intellectu prodire posse, quibus aliqua sensibilis, & incorporea imago percipi, perfundique possit. Certè quemadmodum corporeæ lux solis incorpoream aliquam substantiam, siue imaginem irradiare, afficere, attingere, percipere, elicere, efformare non potest; ita nec insensibilis, & incorporea mentis lux, corporeas imagines, atque phantasmata, attingere, vel irradiare unquam poterit, ut inde spiritualis, & incorporea species oriatur. Illud etiam temere, atque inutiliter a Peripateticis assumitur, corporeas imagines cerebro impressas spirituales, & universales fieri, cum a sensibilibus, corporeisque circumstantiis, aut accidentibus intellectus agentis operâ secernuntur, depurantur, abstrahuntur; primò quidem, quia nobis omnino incertum, & incompertum est, utrum in corporeâ, sen-


sensibilique imagine cerebro impressâ spiritualis aliqua, & universalis imago confusa, concreta, permixta delitescat; deinde verò, quod quamvis universalis, & spiritualis imago cum singularibus, corporeisque circumstantiis permixta concedatur, non poterit tamen intellectus hanc ab illis abstrahere, secernere, depurare, nisi prius imaginem ipsam singularibus, corporeis circumstantiis illigatam perceperit; hoc est imaginem ipsam spiritualem, & corporeas etiam circumstantias clarè, distinctèque non viderit; quod tamen ab intellectu fieri non posse jam diximus, atque Gassendus ipse cum Peripateticis asserere debet.

Quæ cum ita sint alteram hanc Platonis, atque Cartesii sententiam nos interim amplectemur; ut varias Idearum species, & accidentia clariùs exponantur. Celebrem tamen divisionem servabimus, quâ rerum Idæ in *innatas*, *adventitias*, *factitias* distingui solent; ut illæ nimirum innatæ dicantur quæ cum incorporeæ, & spirituales sint, a sensibus acquiri non possunt, nec aliunde oriri quàm a Deo, qui eas menti impressit: adventitiæ, quæ cum sensibiles, & corporeas res exprimant, sensibus acquiruntur, ut Idea montis, auri, &c. factitiæ denique, quæ cum neque a Deo impressæ, neque sensibus acquisitæ fuerint, ab ipsâ mente formantur, ut Idea centauri, chimææ, &c. sed accurata harum omnium discrimina fusiùs, & oportuniùs alibi demonstrabuntur.



C A P. III.

De Ideis ad objecta relatis.

I.  X Idearum naturâ, & origine, quam hætenus explicavimus; intelligi quoque, vel explicari faciliè poterit, quod omnis Idearum varietas ex solâ rerum varietate, quæ Ideis ejusmodi exprimuntur, repeti debet. Cum etenim res, & objectum ipsum in propriâ Ideâ, vel imagine accuratissimè depingatur, aut exprimitur, tota varietas, ordo, compositio, quæ rebus, & objectis inerit, in ipsis etiam rerum Ideis, & imaginibus observabitur. Nos itaque varias Idearum species meliori, quo poterit, ordine nunc tradituri varietatem illam hîc antea breviter ostendemus, quam in objectis ipsis advertere, vel contemplari faciliè possumus.

II. Atque initio quidem explicanda nobis occurrit celebris illa divisio entium, quæ menti nostræ consideranda objiciuntur, in Res, sive substantias, Modos, vel accidentia, & Res modificatas, sive substantias accidentibus ipsis conjunctas; quæ omnium prima divisio, sive varietas, atque distinctio censerî meritiò poterit. Quidquid enim ab intellectu nostro concipitur, intelligitur esse vel *Res*, vel *Rei modus*, vel *Res modificata*. *Res* dicitur illud ens, quod intelligitur esse per se, & independenter ab alio, idest quod sinè alio concipi, vel existere potest, ut optimè concipimus lapidem, arborem, homi-

minem, etsi nullum aliud corpus concipiamus; intelligimus etiam lapidem independentem ab alio quocumque corpore existere posse, quin etiam lapidem ipsum apprehendimus veluti subiectum, cui entitates aliæ superaddantur, & inhæreant, ut *gravitas*, *color*, ut proinde lapis *substantia* vocetur.

Modus verò, vel accidens rei est illud Ens, quod concipi, vel existere non potest independentem ab alio, sed in aliquâ re, sive substantiâ reperitur veluti in subiecto, ut *rotunditas*, *motus*, *calor* intelligi, vel existere non potest, nisi referatur ad aliquod subiectum, quod calidum, sive rotundum sit, quod moveatur, &c. Si denique modus, aut accidens simul cum re, vel substantiâ, cui modus, & accidens aliquod conjunctum fuerit, concipiatur, ut *cera rotunda*, *lignum calidum*, dicetur *Res modificata*.

III. Plurima rerum, vel substantiarum genera inferiùs explicabuntur, cum de Universalibus differetur; interim nobiliores modorum, sive accidentium species enumerabimus.

1. Aliqui ex illis *absoluti* dicuntur, alii *relativi*; Absoluti sunt illi, qui reperiuntur, vel concipiuntur in re, quamvis illa absolutè consideretur in se, sinè ordine ad aliquid aliud, ut *albedo*, *calor*, &c. ita concipitur, ut si unicum tantummodo corpus calidum, aut album existeret, adhuc illi calorem, aut albedinem inesse verificaretur. Relativi verò sunt illi, qui concipiuntur in re, quando res ipsa refertur ad aliud, nec intelligi, vel convenire illi possunt, nisi cum ordine ad aliud, ut *aqualitas*, *similitudo*, &c. neque enim ulla res, sive substantia similis
æqua-

æqualis esse; vel dici poterit, nisi concipiatur aliqua alia res, ad quam referatur, sive cui similis, & æqualis illa dicatur.

2. Distinguitur etiam in *intrinsecum*, *inhærentem*, & in *extrinsecum*, vel *attributum*. Intrinsecus dicitur ille, qui verè, realiter in substantiâ reperitur, & illam intrinsecè afficit, sive modificat, ut *albedo*, *calor*, *motus*, *figura*; extrinsecus autem, qui nihil reale ponit in re, cui tribuitur, sed solum nomen, ut cum aliqua res laudatur, amatur, nihil in se verè, ac realiter recipit; quemadmodum etiam homo, qui sit alterius hominis pater, servus, nihil aliud acquirit, quàm solum nomen. Unde a Philosophis, ejusmodi modi *denominationes extrinsecæ* vocari meritò solent. Quod si nomen ejusmodi, sive denominatio tribuatur rei pro ut illa consideratur in se ipsâ, dicetur denominatio *primæ intentionis*, sive primæ considerationis, ut quod Socrates fuerit laudatus, quod ille sit Pater, qui filium genuit, ille sit Judex, qui a Rege constituitur, &c. Sin verò nomen ipsi rei tribuatur, prout ab intellectu nostro concipitur, ut si dicamus, hominem esse nomen substantivum, animal esse neutrius generis, vocabitur denominatio *secundæ intentionis*, sive considerationis, vel clariori, celebriorique nomine *Ens rationis*, quod a solâ ratione, vel intelligendi modo dependeat.

3. Insuper alii modi *reales*, & *positivi* sunt, alii *negativi*; reales, & positivi dicuntur illi, qui exprimunt perfectionem aliquam subjecto, sive substantiæ inhærentem, ut *sapientia*, *soliditas*, *calor*, &c., negativi, qui exprimunt pri-

va-


vationem alicujus perfectionis, *tenebra*, *levitas*, *mors*, &c. Quo tamen loco observari plurimùm debet, quod aliqui modi positivi, & reales negativis nominibus exprimuntur, ut *infinitas*, *immortalitas*; nam cum modos plurimos, sive proprietates clarè, distinctèque concipere, vel exprimere non possimus affirmando quid illæ sint, illas exprimere solemus negativè, affirmando nempe, vel exponendo, quid non sint, ut *immortale*, significat id, quod mori non potest, *infinitum* quod finibus caret, &c. cum tamen infinitas, & immortalitas ipsa non sit pura privatio, sive carentia termini, & mortalitatis, sed aliquam etiam perfectionem contineat.

4. Alii denique sunt *apparentes*, alii *veri*. Modus ille dicitur verus, qui neque concipi, neque existere potest, nisi in aliquâ re tanquam in subjecto, ut *motus*, *figura*, &c. Apparens autem est ille, qui licet ab illâ re, cui tribuitur diversus concipiatur, tamen ab illâ re non distinguitur, sic *humanitas* concipitur veluti modus, qui in homine reperiatur, *divinitas* in Deo, &c. cum tamen divinitas illa sit ipse Deus, & humanitas ab homine non distinguatur, nisi secundùm considerationem nostri intellectûs, ut ostendetur inferiùs, cum de Præcisione, vel Abstractione loquemur.



C A P. IV.

*De Ideis simplicibus, atque compositis,
ac de Præcisione.*

I.  Ideri fortasse poterit Ideas omnes, & imagines rerum, quæ menti nostræ obversantur simplices, & incompositas esse, cum unico ferè intuitu, ut in superiori capite demonstravimus, ab intellectu nostro concipiantur. Cum tamen, ut semel, atque iterum est explicatum, omnis Idearum varietas, atque conditio ex solâ rerum varietate, vel conditione deduci debeat; & aliquæ res, & objecta simplicia sint, alia verò composita, necessarium est etiam, ut imagines ipsæ, & Ideæ simplices, aut compositæ sint: simplices quidem si simplicem nobis, aut unicam entitatem exhibeant; compositæ verò, si plures entitates, sive compositam aliquam entitatem repræsentent. Illud autem ens simplex, & incompositum dicitur, quod plures in partes dividi non potest, vel in quo partes ab intellectu concipi, sive distingui non possunt; illud verò compositum, in quo & plures partes sunt, & ab intellectu concipiuntur, ac distinguuntur.

II. Plurimas itaque entitates ab intellectu nostro cognosci, quæ simplices, & incompositæ sint, manifestissimè ostenditur, quod in illis partes distingui, vel secerni non possint. Quas etenim partes intelligere, sive distinguere possumus in dolore, voluptate, quam ex alicujus

H

obje-

objecti præsentia concipimus? quas in cæruleo, vel rubro colore partes effingere liceat? Certè si cærulei coloris, si odoris, sonitus partes attentius inquiramus, semper cæruleus idem color animo nostro observabitur, nullamque partem assignabimus, quæ cæruleus color non sit.

Sic etiam *velle, nolle, judicare, concipere*, & alii similes actus voluntatis, & intellectus simplices, ac indivisibiles sunt, cum nulla prorsus in illis pars effingi, vel distinguere possit.

Simplices etiam sunt aliæ plurimæ res, ut *existentia, veritas, bonitas, unitas, ens in communi*; quantacumque enim industriâ, vel mentis studio partes in illis concipere, vel separare conemur, nunquam illæ deprehendi poterunt.

III. Aliæ verò longè plures res, & objecta composita sunt, ut nullâ nimirum ratione concipi possint, nisi plures etiam veluti partes in illis ab intellectu distinguantur. Sic *Idea hominis* ex pluribus partibus resultat, *Idea misericordia* plures Ideas complectitur, nempe hominis miseri, & alterius etiam substantiæ, quæ hominis miseriâ commoveatur, illi opem ferat; quod universaliter in vitiis omnibus, atque virtutibus observatur.

IV. Quin etiam si accuratè res singulæ perpendantur, nulla propemodum inveniri poterit, quæ plures partes in se non contineat, adeoque nulla, vel certè numero paucissimæ erunt *Ideæ*, quæ meritò simplices, & incompositæ dici possint. Nam illæ etiam, quæ simplices, & incompositæ existimantur, quasque superius enumeravimus, in partes dividi, vel ab intellectu di-

distingui possunt. Sic quamvis color, dolor, voluptas, aliaque id genus simplicia videantur, fortasse tamen ex partibus, sive aliis entitatibus componuntur, ut in illâ coloris, doloris, voluptatis imagine, universalis quædam Idea modi, simulque Idea hujus determinati modi distingui possit, quod alio nomine genus, & differentia doloris vocatur, ut inferiùs ostendetur. Sic etiam, licèt in sono, in cæruleo colore, nulla nobis illorum pars appareat, vel distingui posse videatur; qui Musicæ tamen, vel Picturæ peritus sit, varias in illis partes deprehendere poterit *. Idea tamen entis in genere, quemadmodum etiam Idea unitatis, simplicissima nobis videtur, quòd nullæ omnino partes in illâ concipi, vel esse possint, quin statim entis in genere, vel unitatis essentia, & Idea destruat.

V. Quod si nulla ferè datur Idea, quæ simplex, & incorporea sit, sed quælibet Idea, dum entitatem aliquam principaliter ostendit, plures etiam alias complectitur, & involvit, habet tamen intellectus vim, & potentiam, quâ illæ ex compositis simplices fiant. Cum etenim omnis Idearum compositio partim oriatur ex unione modi cum substantiâ, ut in Ideâ *Philosophi* unitur humana natura cum sapientiâ; partim ex ordine, vel connexionem unius substantiæ cum aliâ, ut in Ideâ *centauri* compo-

H 2

ni-

* Quàm multa vident Pictores in umbris, & eminentiis, quæ nos non videmus? quàm multa, quæ nos fugiunt in cantu, exaudiunt in eo genere exercitati? *Cic. Tusc.*

nitur hominis, & equi substantia; partim denique ex ordine, seu compositione unius modi cum alio modo, ut in *Ideâ motus accelerati* conjungitur ipsa motus natura cum velocitate, acceleratione, directione, quæ in ipso motu reperitur, manifestissimè apparet, quod *Idea* simplex efficietur, ubi separetur modus a re, vel ipsa res concipiatur sinè ordine ad aliam, vel modus intelligatur ab alio quocunque modo separatus. Ejusmodi autem vis, & operatio intellectus, quâ modum a re; vel rem a re; vel modum ab alio modo distinguit, ac separat; *Præcisio*, vel *Abstractio* vocatur; quod in illâ unum ab alio veluti scindatur, sejungatur, hoc est unum sinè altero concipiatur.

VI. Hinc autem facilè apparet triplici modo Præcisionem, vel Abstractionem fieri posse:

1. Si separetur res ab aliâ re, ut si concipiatur caput sinè trunco, pars hominis in centauro sinè parte equi.

2. Si separetur res a modo, vel modus a re, ut si concipiatur corpus sinè motu, vel motus sinè corpore.


3. Si separetur modus ab alio modo, ut quantitas, vel extensio a figurâ; motus a velocitate, &c. quod innumeris aliis exemplis uberius ostendi, & illustrari facilè poterit.

VII. Hinc etiam alia *Idearum* varietas, siue divisio oriri poterit, ut aliquæ nimirum *adæquate* sint, aliæ *inadæquate*. *Adæquate* dicuntur illæ, quæ nobis exhibent partes, ac entitates omnes, quæ in aliquâ re, vel objecto reperiuntur: ejusmodi sunt omnes *Ideæ* simplices, quæ, cum nullas partes contineant, ubi se ipsas in-

intellectui ostenderint, omne objectum adæquatè, si vè completè exhibent, ut apparet in Ideâ doloris, unitatis, &c. Inadæquatæ verò sunt illæ, quæ solum partem aliquam objecti nobis ostendunt, ceteris adhuc incognitis, qualis non solum est Idea Dei, cujus attributa, vel perfectiones omnes simul comprehendi non possunt; verum etiam plerumque sunt Ideæ substantiarum, cum partes omnes substantiarum, vix intelligi, deprehendique possint, ut apparet in auro, cujus color, gravitas, aliaque plurima cognoscuntur, sed plura tamen adhuc incognita, & occulta remanent. In quo proinde notari maxime debet, ne temere inadæquatam Ideam, veluti adæquatam supponamus, ut ex illâ aliquid inferamus: quamvis enim partes omnes illius nobis cognitæ, vel perspectæ videantur, fieri tamen fortasse poterit, ut aliquod aliud explorandum supersit; unde iudicium, quod ex proprietatibus, si vè partibus antea cognitis inferetur de totâ re, nos in errorem induceret.

C A P. V.

De Idearum singularitate, & universalitate, & de Abstractione.

- I.  Admirabilis illa vis, & Facultas, quam intellectui, vel menti nostræ inesse diximus, ut unum ab alio sejungere, compositas rerum Ideas in simplices dividere, modos a rebus abstrahere, si vè præscindere possit, etsi in omni-

bus ferè Perceptionum generibus mirificè appareat, nullibi tamen clariùs, & illustriùs effulget, quàm ubi intellectus ex variis singularium rerum Ideis, universalem aliquam, pluribusque communem Ideam elicit, ac efformat; quod ut accuratiùs intelligi, atque, ut par est, exponi possit, observari maximè debet, quod res, & objecta, quæ menti nostræ consideranda obijciuntur, vel *singularia*, vel *particularia*, vel denique *universalia* sunt; ut eadem proinde varietas, atque distinctio, in Ideis ipsis, & imaginibus, quibus ejusmodi res, & objecta repræsentantur, admitti debeat.

II. Singulares itaque Ideæ dicuntur illæ, quæ ita rem aliquam exhibent intellectui, ut alteri convenire, vel aliam exprimere nequeant, ut Idea, quam quilibet homo habet sui ipsius, idea Socratis, Platonis, &c. istæ siquidem adedè determinatè, distinctèque rem aliquam repræsentant, ut aliam repræsentare non possint, unde singularibus etiam nominibus exprimi solent, ut *Pythagoras*, *Aristoteles*, &c. Particularis autem est illa, quæ unicam quidem rem intellectui nostro proponit, sed indistinctè, ac confusè, qualis ex. gr. est Ideâ, quæ in mente nostrâ excitatur, dum hominem aliquem nobis incognitum sentiem, sive loquentem audimus, undè confuso, vel indeterminato nomine utimur, ut *aliquis homo*. Universalis denique, sive communis Idea vocatur illa, quæ pluribus rebus convenire potest, vel plures res intellectui nostro repræsentat, ut idea *circuli*, *hominis*, *animalis*, &c. undè communibus etiam, atque universali-bus vocibus, sive nominibus demonstratur.

III. Hinc

III. Hinc faciliè apparet, Ideas universales, quæ nimirum pluribus convenire possunt, fieri particulares, ubi superaddantur ipsis aliqui modi, circumstantiæ, proprietates, a quibus ita limitentur, determinentur, ut paucioribus numero rebus, atque subjectis conveniant. Sic Idea entis in genere communis adeo, & universalis est, ut omnia veluti complectatur, & omnibus rebus conveniat; si verò Ideæ, vel conceptui entis in genere superaddatur modus, atque perfectio, quod subsistat per se, limitabitur quodammodò, ac minùs universalis fiet, ut non accidenti, sed soli substantiæ conveniat. Quod si iterum Idea substantiæ, cum extensione conjungatur, efformabitur Idea, quæ non omni substantiæ, sed soli corpori, sive substantiæ corporeæ tribui poterit. Si rursus corpus cum intrinseco quodam nobilioris motûs principio concipiatur, resultabit Idea non omni corpori, sed viventi solùm conveniens. Similiter si viventi corpori sentiendi, vel cognoscendi vim inesse intelligamus, restrictior alia fiet Idea, quæ solis animalibus tribui poterit; quod si ideæ, sive naturæ animalis superadditam rationem, sive mentem humanam supponamus, nova quædam natura, vel Idea orietur, quæ non animalibus omnibus, sed homini soli conveniet. Si denique naturæ humanæ temporis, aut loci circumstantias additas intelligamus, sive consideretur homo cum aliquâ temporis, aut loci conditione; singularis hominis Idea formabitur ex. gr. Socratis, quæ distinctè adeo, vel determinatè Socratem ipsum repræsentabit, ut alteri homini convenire non possit.

IV. En itaque series, & ordo, quo novis accidentibus, modis, circumstantiis, conditionibus, sive proprietatibus paullatim additis ex universalissimâ Ideâ entis in genere singularis, ac indivisibilis Idea Socratis est efformata; hoc est universalis illa, sive communis Idea, quæ pluribus, aut omnibus rebus convenire poterat, ita paullatim limitata, quodammodo restricta, est, ut uni tantummodo distinctæ, sive determinatæ rei convenire possit. Id autem innumeris aliis exemplis ostendi, vel illustrari poterit, cum facile appareat in singulis Ideis universalibus varias veluti partes, aut gradus reperiri, quorum singuli partes alias minùs universales continent, sicque deinceps, donec ad ultimam singularem indivisibilem ideam descendatur. Sed hæc illustriùs adhuc, & uberiùs intelligentur, ubi rerum series in arbore Porphyrianâ, vel Pourchotianâ demonstrabitur.

V. Illud interim observare juverit in hac expositâ Idearum serie superiorem Ideam, hoc est universaliozem, in inferiori, vel minùs universali contineri; & a superadditâ differentiâ, vel modo limitari; sicuti inferior ipsa, vel minùs universalis in superiori, vel magis universali continetur, licet confusè, indistinctè, vel indeterminatè; ut animalis Idea implicite, confusè, vel indistinctè continet hominem, & homo continet animal, cui entitatem aliam, nempe rationem, superaddit.

VI. Cum itaque communis, indifferens, & universalis Idea a superadditis circumstantiis, proprietatibus, vel modis ita limitetur, ut paullatim minùs universalis, ac tandem singularis

laris omnino fiat, manifestissimè apparet, quod si intellectus noster circumstantias illas continuâ quadam serie superadditas abstrahat, separet, præscindat, ordine ferè retrogrado ab ideâ singulari ad universalem ascendet, hoc est, ideam singularem uni quodammodo rei inseparabiliter, indivisibiliter illigatam, tandem universalem, pluribusque convenientem efficiet.

Id experiri licet in superiori exemplo, ubi si circumstantiæ, vel modi, qui paullatim additi sunt, paullatim etiam separentur, ex singulari Socratis Ideâ ad universalem entis Ideam perveniemus. Sed aliud etiam exemplum addere hîc libet, ut clariùs adhuc hæc intellectûs nostri vis, & operatio demonstretur. Si triangulum æquilaterum in hac chartâ, his coloribus, his loco, & tempore, ab hoc Geometra descriptum intuear, facilè apparet plures in hoc triangulo singulari modos, ideas, partes, ac veluti gradus contineri, quod nempe in chartâ, his loco, tempore, coloribus, artifice descriptum sit, quod sit æquilaterum, quod sit triangulum, quod sit figura, quod sit superficies, quod sit quantitas, quod sit accidens, quod sit ens; ex quibus ideis prima quidem singularis est, ut apparet, cùm a singularibus circumstantiis omnino determinetur, ultima universalissima, ceteræ verò magis universales sunt, quò magis a primâ recedunt, vel accedunt ad ultimam. Si itaque ab ideâ trianguli æquilateri, ut antea descripti, circumstantiam illam separem, quod in chartâ descriptum sit, resultabit idea, quæ triangulis omnibus æquilateris conveniet; si verò non trium laterum æqualitatem, sed

sed solum ipsa latera, ternarium scilicet illorum numerum considerem, formabitur Idea trianguli, quæ singulis triangulorum generibus aptari poterit. Quod si numerum laterum non attendens, considerem solum superficiem aliquot lineis terminatam, seu circumscriptam, universalior adhuc idea figuræ remanebit, quæ rectilineas omnes figuras exhibebit; deinde verò si rursus in hac ipsâ Ideâ figuræ non latera, sed superficiem solam intuear, non advertens utrum lineis hæc terminata sit, ideam solius superficiiei efformavero, in quâ sola longitudo, & latitudo indeterminata reperjatur; quod si ab ipsâ longitudine, & altitudine, quæ in tali superficie reperitur, abstraham, sola quantitatis, & extensionis idea remanebit; & si extensionem ipsam, sive partes in quantitate non considerem, sed solum advertam quantitatem ipsam in alio corpore, veluti modum in subjecto reperiri, & ab illo pendere, universalior modi, vel accidentis idea menti meæ observabitur, a quâ si denique dependentiam illam a subjecto separem, atque solum in illo considerem; quod habet aliquod esse, tunc universalissima erit Idea entis in genere, ad quam proinde paulatim per varios gradus semper universales ascendimus.

VII. Ex hac ipsâ Præcisionis, vel Abstractionis naturâ intelligi poterit, quod ut aliqua natura singularis, intellectûs abstrahentis operâ, universalis reddatur, non requiritur, ut a modis omnibus, sive conditionibus superadditis abstrahatur, sed solum, ut a circumstantiis individualibus ita separetur, ut pluribus quomo-

modocumque conveniat. Individuales autem circumstantiæ dicuntur illæ, quæ ita rem, vel naturam afficiunt, limitant, uni determinato subiecto illigant, ut illam *individuum*, *indivisibilem*, hoc est, a pluribus minimè participabilem, sive pluribus incommunicabilem reddant, solentque septem numerari, atque hoc versiculo contineri:

*Forma, Figura, Locus, Tempus, Stirps,
Patria, Nomen.*

Sic in exemplo superius posito, si ab ideâ trianguli hoc in tempore, his coloribus, hac manu descripti, circumstantias istas, quæ singularem, indivisibilem, pluribusque incommunicabilem hanc trianguli ideam efficiunt, abstraham, seponam; hoc est, considerem triangulum non advertendo ad locum, tempus, modum, quo descriptum fuerit, statim idea fiet universalis, ac indifferens, ut triangulis omnibus ubicumque descriptis, vel describendis conveniat. Sic in ideâ Socratis, in quâ continetur, ac veluti exprimitur, quod hujus determinatæ formæ, figuræ; ætatis, patriæ fuerit, si modos illos, & circumstantias abstraham, orietur idea, quæ singulis hominibus indifferenter conveniet: sicuti si me loquuturum dicam de homine, qui nullius patriæ, nullius staturæ, nullius certi generis, ætatis fuerit, manifestissimè apparet, me loquuturum esse de homine, sive naturâ humanâ universaliter sumptâ, quæ singulis hominibus inesse poterit.

VIII. Hinc optimè communi Philosophorum omnium consensu definitur Universale: *Unum respiciens multa*; neque enim aliud requiritur,

ut

ut aliqua natura universalis dicatur, nisi ut una sit, hoc est indivisa in se, & divisa a quâlibet aliâ; atque insuper aptitudinem habeat, ut ad plura referatur, & illa respicere possit.

IX. Quandoquidem verò natura multa respicere, vel ad illa referri potest, sive ut illorum causa, sive ut exemplar, sive denique ut essentia, vel constitutivum; hinc aliud Universale dicitur in *caussando*, quod sit *unum aptum caussare multa*, atque illa tamquam effectus a se productos respicere; ut Deus, Artifex, qui plures effectus produxit; aliud in *repraesentando*, quod *aptum sit plura repraesentare*; ut idea floris, circuli, &c., quæ flores omnes, & circulos repræsentat; aliud denique in *essendo*, quod sit *Unum aptum inesse multis*, & affirmari, vel prædicari de illis, ut humana natura in Socrate, Platone, Chrysippo, &c. ceterisque hominibus reperitur. De postremo hoc Universalis genere hîc differemus; cetera siquidem, quæ ad rerum imagines, & exemplaria pertinent, in superioribus capitibus explicata sunt; de singulis verò caussarum generibus in secundâ Physicæ generalis parte & accuratiùs, & opportuniùs est differendum.

X. Id unum postremò monendum superest, naturas istas universales, alias *univocas* esse, quæ nimirum pluribus eodem modo conveniunt, ut natura *animalis* Cani, Leoni, &c. alias *equivocas*, quæ pluribus modo omnino diverso conveniunt, ut natura *Canis* fideri, pisci, & animali terrestri; alias denique *analogas*, quæ pluribus modo partim eodem, partim diverso, sive cum aliquâ similitudine, proportionem con-

ve-


veniunt, ut esse, nomenque *regis* respectu leonis, aquilæ, lilii, &c. quæ quidem analogæ si proportionem, atque similitudinem in seipsis habeant, *analogæ proportionis* dicuntur, ut in exemplo allato; si verò proportionem omnem, ac similitudinem sortiantur ex habitudine, relatione, five respectu ad aliquod tertium, quod *principalius*, five *nobilius analogatum* vocatur, *analogæ attributionis* dicuntur, ut cibus, aër, medicina, pulsus, *sana* dicuntur, quòd ad animal referuntur, cujus *sanitatem* significant, seu efficiunt: *divinæ* dicuntur leges, *divinum ingenium*, *divinus* Plato, &c. ex habitudine, vel relatione, quam habent ad *Deum*, quòd nempe leges ab illo editæ fuerint, quòd ingenium, & Plato Dei sapientiam participant, imitentur, &c. Ex his porrò naturarum universalium generibus solas univocas contemplabimur, quòd æquivocæ errorem potius, quàm lumen, aut veritatem in mentibus pariant; analogæ verò ad æquivocas, aut ad univocas faciliè revocentur. Atque ista quidem de pulcherrimâ, atque admirabili ratione, quâ naturâ redditur ab intellectu universalis, nunc ejusmodi Universalis divisio demonstrabitur.



CAP.

C A P. VI.

De quinque Universalibus.

1.  Orphyrius ille, quem Tyro oriundum, sed Judæum genere Origenes sub Plotino socium, & deinde Jamblychus Præceptorem habuit, cum animadverteret accuratam Universalium divisionem, illorumque genera ad Scientias omnes rite comparandas, præsertim verò ad intelligendas Aristotelis Categorias plurimum conferre, ut Chrysaorio quoque Romano Juveni morem gereret, Isagogem, sive Introductionem ad Categorias ipsas composuit, in quâ naturas omnes universales ad quinque veluti Capita feliciter revocavit. Quamvis autem plurima in hac Isagoge Porphyrius ipse tradiderit, quæ absurda, vel Fidei repugnantia sunt, quippe qui Judaicam, in quâ natus, deinde verò Christianam Religionem, quam fuerat amplexus, ejuraverat; attamen eleganter adeo, vel accuratè de numero, atque generibus Universalium differuit, ut illius doctrina communi Philosophorum omnium consensu recepta, & uberius fortasse, quàm par fuerat, aucta, vel illustrata sit.

Nos itaque Porphyrium ipsum æmulati, qui plurimas, innumerasque quæstiones, quas fieri hîc posse monuit, & quas revera Arabes Porphyrii interpretes incredibili apparatu fecerunt, omisit, summa tantum, atque præcipua rerum

rum capita complectemur; cùm cetera faciliè ab aliis fusiùs, uberiùsque tradi patiamur, quibus id otii, siue consilii fuerit.

II. Atque ut ab ipso Universalium numero, vel divisione exordiamur, ex ipsâ definitione, quam paullo superiùs exposuimus, faciliè apparet, quinque tantummodo illorum genera admitti oportere. Cùm etenim natura universalis, sit illa, *qua pluribus convenit*, totidem esse debent Universalium genera, vel universales naturæ, quot sunt illi modi, quibus aliqua natura pluribus convenire potest. Porro natura, quæ pluribus convenit, vel convenit illis essentialiter, hoc est ad illorum naturam, & constitutivum pertinet, ut sinè illâ concipi, vel esse non possint; vel convenit illis velut pars, atque principium, sinè quo concipi, vel esse possint, neque in illorum essentiâ, siue naturâ continetur. Si natura pluribus convenit essentialiter; vel ita convenit, ut totam essentiam, atque naturam constituat, ut præter illam nihil in re, vel essentiâ, siue naturâ contineatur, & tunc dicitur *Species*; vel convenit illis ut essentiæ pars, tuncque *Genus*, vel *Differentia* vocatur; Genus quidem si sit pars essentiæ communior, universalior, in quâ res ipsa, vel essentia cum rebus aliis conveniat; Differentia verò, si sit alia pars minùs communis, sed potiùs distinctiva, per quam una res, aut essentia a ceteris distinguatur.

III. Quod si illa natura pluribus conveniat non essentialiter, hoc est ad illorum essentiam nullâ ratione pertineat, necessariò tamen, atque inseparabiliter ad illam sequi, siue cum il-

illâ conjungi debeat, tunc *Proprium*, sive *Proprietas* appellatur; si verò neque essentialiter, neque necessariò, aut inseparabiliter, sed contingenter solùm illi conveniat, ut possit etiam non convenire, dicetur *Accidens*. Id experiri, vel intelligi potest in homine, in quo animalitas, rationalitas, humanitas, capacitas scientiæ, & color reperitur: atque animalitas quidem, rationalitas, & humanitas ad illius essentiam pertinent, ut si aliquod illorum homini desit, jam homo dici, vel esse nequeat; eùm tamen optimè concipiatur hominis essentia, etsi capacitas scientiæ, vel color in illo non concipiatur. Differunt autem animalitas, & rationalitas ab humanitate, quòd hæc sit integra essentia, vel constitutivum hominis, illæ verò sint partes ejusdem essentiae, quæ simul compositæ hominem efficiunt; animalitas verò a rationalitate distinguitur, quòd illa communior sit, & Brutis etiam conveniat, rationalitas verò soli homini inesse possit. Quod si capacitas scientiæ cum calore comparetur, hic poterit ab homine separari, cui fortuitò, vel contingenter inhæret; illa verò inseparabiliter, ac necessariò cum homine conjungitur.

IV. Species igitur, ut singula Universalia, quæ certè per se non admodum obscura sunt, singillatim, ac subjectis etiam exemplis exponantur, nihil est aliud, quàm *natura quadam universalis, quæ pluribus inter se numero differentibus convenit, & de illis predicatur*, ut natura humana de Socrate, Platone, &c. Illa verò numero differentia, vel individua dicuntur, quæ cùm singularia, vel circumstantiis individuan-

duantibus circumscripta, limitata, conjuncta, fiat, in alias naturas dividi nequeunt, vel alteri convenire non possunt. Quia verò natura quælibet, etiam universalis, si cum aliis naturis universalibus comparetur, partim cum illis in aliquo convenit, ut triangulum cum quadrato, quòd utrumque extensionem habeat, & sit figura; leo cum homine, quòd uterque principium habeat sentiendi, & sit animal; partim etiam in aliquo ab illis differt, quòd triangulum tribus, quadratum verò quatuor lateribus constet; quòd homo sit rationis capax, leo rationis expers, manifestissimè apparet, quod omnis Species ex duabus veluti partibus, ac principiis componitur, per quorum unum cum aliis conveniat, per aliud verò differat.

V. Genus itaque est illa *natura, qua pluribus naturis etiam universalibus, hoc est specie differentibus convenit, & de ipsis predicatur*, ut animal de homine, leone, &c. figura de circulo, quadrato, &c. Illa verò specie differre dicuntur, quorum tota natura, & essentia diversa est; essentiam verò duarum rerum, non eandem, sed diversam esse, adeoque res illas specie inter se differre cognoscimus, ut in Physicâ ostendetur, cum in illis apparet insignis quædam differentia, ut sensibiles illarum proprietates, atque congeries accidentium omnino differant, ut in ligno, & ferro, cerâ, fumo, &c.

VI. Differentia verò, ut ex dictis colligitur, & ex ipso nomine apparet, est modus ille, si-
ve principium illud, per quod plures Species, quæ sub eodem Genere continentur, inter se differunt,


sive, ut ait Porphyrius, est *id, in quo Species superat Genus*, ut rationalitas est differentia inter speciem hominis, & leonis, rotunditas inter quadratum, & circulum, &c. Ex quo tria facile inferri possunt.

1. Differentiam addere Generi semper aliquod positivum, quod tamen plerumque negativè, sive per negationem exprimitur, ut irrationalitas dicitur esse Differentia brutorum ab homine. Sic etiam Differentia, quamvis unica sit, pluribus aliquando vocibus exprimi debet, ut Differentia circuli a superficie sphaericâ est, quod sit figura rotunda simul, & plana.


2. Differentiam dividere Genus, & constituere Speciem.

3. Naturam aliquam universalem esse Speciem respectu alterius naturæ genericæ superioris, in quâ continetur (licet non per hunc respectum, sed per ordinem ad sua inferiora universalis nomen, atque conceptum obtineat), & Genus respectu aliarum Specierum, quas sub se continet. Hinc Genus aliud est *supremum*, quod supra se nullum cognoscit; *infimum* aliud, quod nullum infra se habet; aliud denique *intermedium*, quod aliud infra, ac supra se fortitur: quod etiam de Specie, ac Differentiâ verificatur. Verùm hæc clariùs in subjecto schemate, sive Arbore Porphyrianâ apparebunt.

VII. *Proprium* definitur, *modus ille, vel attributum, quod inseparabiliter, ac necessario pluribus specie, vel numero differentibus convenit, idque communiter quatuor modis fieri, sive contingere potest; vel enim convenit soli, sed non omni, ut habere Philosophiam soli homini con-*







venit, sed non omni; vel *omni, sed non soli*, ut duos habere pedes omni quidem homini, sed non soli convenit; vel *omni, & soli, sed non semper*, ut canescere, respectu ejusdem hominis; vel denique convenit *omni, & soli, & semper*, ut capacitas scientiæ omni, soli homini, semperque convenit. Ex his autem quatuor modis, ultimus quartum hoc Universale constituit.


VIII. Accidens postremò dicitur *id, quod pluribus ita convenit, ut possit adesse, & abesse, absque subiecti illius, quod afficit, & cui inhaeret, corruptione*, ut figura rotunda respectu ceræ, calor in ligno, &c. Ubi notandum est Accidentia quædam a proprio subiecto separari vix posse, ut candor a nive, nigredo ab Æthiope, & tamen Accidentia vocari; quòd nisi id physicè fieri possit, quatenus nempe res ut existens concipitur, vi tamen intellectûs ab essentiâ subiecti separantur; quin etiam de illâ negari possunt, absque eo quod subiecti essentia destruat. Quod si Accidentia quædam ab essentiâ subiecti neque per intellectum sejungi possint, hoc est subiectum ipsum, sive substantia sine modo, vel accidente concipi nequeat, ut motus cordis in vivente, mobilitas partium in flammâ, &c. hæc non Accidentia respectu illius subiecti, sed Proprietates erunt, aut ad illorum essentiam pertinebunt, ut in Physicâ ostendetur.

IX. Atque hæc de quinque Universalibus, quæ in Scholis tanto apparatu tradi consueverunt, dicta sufficiant. Maximum enim vitium est, ut ab eruditissimo Melchiore Cano Episcopo Canariensi ex illustri Prædicatorum Ordine est observatum, *Quod quidam nimis magnum*

studium, multamque operam in res obscuras, atque difficiles conferunt, easdemque non necessarias. Quo in genere multos etiam ex nostris peccasse video, ut eas quoque quaestiones latissimè prosequerentur, quibus Porphyrius abstinuit homo impius, sed in hac parte prudens, ut Platonis, Aristotelisque discipulum possis agnoscere, qui nec quicquam, nisi oportunis, & loco, & tempore tractare, nec quaestiones illas prosecuti sunt, qua juvenum ingenia obruerent, non juvarent. Nostri autem importunis vel locis longâ de his oratione differunt, qua nec juvenes portare possunt, nec senes ferre; puderet me dicere non intelligere, si ipsi intelligerent, qui hac tractarunt. Quis enim ferre possit disputationes illas de Universalibus; de nominum analogiâ; de principio individuationis (sic enim inscribunt); num Deus plures Angelos ejusdem speciei condere possit, aliasque multò vaniores, qua scribere hic non juvat, nec decet (a); qua enim dementia discere supervacanea in tantâ temporis inopiâ (b)?

C A P. VII.

De Idearum Claritate, & Distinctione.

- I.  I quid in Logicâ, ceterisque disciplinis omnibus vitari maximè debet, id certè est Idearum obscuritas, atque confusio, cum ex ipsis, veluti ex uberrimo fonte, infectâque radice, er-

(a) De Loc. Theol. lib. 9. c. 7. (b) Sen. Epist. 49.

errores innumeri oriantur, ut in IV. Parte Logicæ dicitur, ubi ostendemus sapientissimos quoque viros ob Idearum obscuritatem, vel confusionem subinde a vero infelicitè aberrasse.

II. Idea autem clara, pura, vel nitida dicitur illa, quæ *vividum*, ut ita dicam, *sui sensum nobis imprimat*, vel ut a Cartesio (a) definitur, *est illa, qua maximè lucet ipsa per sese, ac solâ, vel exiguâ mentis attentione innotescit*, ut Idea doloris cum urimur; Distincta verò, quæ *aliquid unum a ceteris omnibus perfectè sejunctum* exhibet, ut *minimè cum iis confundi possit*, ut Idea extensionis, quæ a modis omnibus præcisa, vel sejuncta concipiatur: quo fit, ut obscura Idea illa sit, *qua menti cogitanti non statim apparet*, ut Idea modi, quo anima unitur corpori; Confusa verò, *qua multa simul permiscet*, ut Idea caloris, soni, aliarumque sensibilibus qualitatum. Hinc Ideam claram a distinctâ differre plurimi existimant, quòd ex. gr. Idea illa doloris cum urimur clara dici possit, quòd vivissimè nos afficiat; confusa tamen sit, quòd calor ille, qui manu percipitur, cum illo, qui flammæ inest, ita confundatur, ut flammam in seipsâ calidam esse existimemus, & doloris sensus manui, non menti inesse credatur. Verùm dici potest Ideam omnem, quatenus clara, pura, vel nitida est, distinctam etiam esse; confusam verò; quatenus est obscura; sic doloris sensus, qui nos ferit, clarus est, atque etiam distinctus; id verò, quod in illo confusum est, nempe dolorem ipsum a manu sentiri, aut a calo-

(a) 1. Part. Princ. num. 45.

re flammæ non differre, non clarum est, sed obscurum.

III. Plurimas autem Ideas in nobis existere, quæ claræ, distinctæque sint, omnes fatentur, cum plurimæ certè sint, quæ si uberius illas illustrare conemur, neque iis, quæ a naturâ, *quâ duce errari non potest* (a), accepimus, contenti simus, obscuriores potiùs futuræ sint. Ac licèt in iis recensendis maximè Philosophi differant, plerique tamen in eo consentiunt, Ideam, quam mens habet sui ipsius, propriarumque cogitationum (quas per sensum intimum, sive conscientiam cognoscit), ideam *extensionis, motûs, figura, quietis, entis in genere, existentia, numeri, temporis, &c.* inter clariores habendas esse: quin etiam plurimi existimant Deum ipsum, quatenus est ens summè perfectum, per Ideam claram, & distinctam a nobis percipi, non tamen comprehendi; sicuti clarè, distinctèque percipitur triangulum, cum intelligitur tanquam figura tribus lateribus circumscripta, absque eo quod ceteræ illius proprietates omnes cognoscantur, quod necessarium foret, ut triangulum ipsum comprehendi dicatur. Hinc Idea clara, & distincta in *adæquatam*, & *inadæquatam*, sive completam, & incompletam ita dividitur, ut si partes omnes, quæ in objecto continentur, exhibeat, adæquata meritò vocetur; sin verò aliquas solùm partes exprimat, inadæquata, vel incompleta.

IV. Illud etiam observari poterit, quod si res aliqua clarâ, distinctâque Ideâ percipiatur, illa

(a) *Cic. 1. de Leg.*

la quoque clarè , distinctèque percipi debebit , quæ cum ipsâ intimè , arctissimèque conjungitur , ut proinde in clarâ , distinctâque rei alicujus ideâ etiam modus , & proprietas illa , quæ cum ipsâ re per ideam expressâ connectitur , quodammodo effulgeat ; atque inde veritas , & evidentia propositionum illarum dependet , quæ *Axiomata* , *Dignitates* , *Pronunciata* , *Prima cognitionis Principia* , *Effata* , &c. dici solent , ut *omne totum est majus suâ parte* , &c. , quia in Ideâ alicujus totius facilè apparet , ac veluti micat etiam idea illius proprietatis , quod totum partes singulas separatim sumptas excedat . Verùm de his aliàs .

V. Quod spectat ad Ideas confusas , & obscuras , illarumque originem , plurimùm certè fallimur in qualitatibus , sive accidentium sensibilibus Ideâ , vel quodd eodem prorsus modo illas in objectis existere arbitramur , quo sensus nostros afficiunt , aut in carne sentiri , doloremque fieri , ac percipi existimemus , quod tamen utrumque falsum est , ut pluribus suo loco ostendemus * .

I 4

VI. Ex

* Nos enim ne nunc quidem oculis cernimus eâ , quæ videmus ; neque enim est ullus sensus in corpore ; sed , ut non solum Physici docent , verùm etiam Medici , qui ista aperta , & patefacta viderunt , viæ quasi quædam sunt ad oculos , ad aures , ad nares a sede animi perforatæ . Itaque sæpe aut cogitatione , aut aliquâ vi morbi impediti , apertis , atque integris & oculis , & auribus , nec videmus , nec audimus : ut facilè intelligi possit animum videre , & audire , non eas partes , quæ quasi sunt fenestræ animi , quibus tamen sentire nihil nequeat mens , nisi id agat , & adsit . *Cic. Tusc. 1.*


VI. Ex iisdem etiam sensuum præjudiciis plurima accepimus de gravitate, rarefactione, atque, ut ethica quoque commemorem, de Beatitudine, Gloriâ, Famâ, Felicitate, aliisque sexcentis, quæ mirè plerumque nos decipiunt, atque in errorem abripiunt: hæ namque Ideæ, non aliunde in nobis existunt, quam quòd ab infantiâ ipsâ non aliter de rebus judicare consuevimus, quàm sicuti nobis apparent, nosque afficiunt; atque plerumque in iis exprimendis utimur nominibus, quæ nihil ferè significant. Quod quidem quàm subdolum sit, fallax, ac præsertim in rebus abstractis perniciosum, ex illis etiam ostenditur, qui animam ipsam rationalem, vel rarissimum aërem putarunt, ut Democritus, & Epicurus, vel aërem accensum, ut Stoici, vel cœlestis auræ particulam, ut Manichæi; quòd corporeis imaginibus assueti incorpoream, spiritualemque substantiam concipere, vel cogitare non possent.

VII. Aliud est etiam in Ideis vitium, sive alius confusionis, obscuritatisque fons, & origo, quòd res inter se, modosque rei ab ipsâ re non distinguimus; ut proinde Idea, quæ plura, ac diversa repræsentat, obscura semper, aut confusa sit futura: quod certè vitium in definitionibus ipsis, quæ clarissimæ esse deberent, irrepsit; ut si definiatur ignis *elementum calidum, siccum*; corpus grave, *quod tendit deorsum*, &c. quærendum enim remanet, unde calor, & tendentia illa oriatur, alioquin questio de solo nomine haberetur. Si obscuritas, atque confusio Idearum ex primo capite oriatur, facilè vitari illa poterit si sensuum præjudi-

dicia seponantur; nihilque, ubi de rerum naturâ, ac proprietatibus agitur, ab intellectu nostro admittatur, quod ab illo clarè, nitidè, distinctèque non percipiatur. Hinc Idæ plurimæ, quæ initio tenuem, dubiam, ac ferè languidiorē sui speciem imprimunt, attentione quadam, & animi reflexione vividiores fiunt, & uberiori veluti luce irradiantur. Sin verò confusæ, vel obscuræ illæ sint, quod plurima diversa simul exhibeant, huic quoque vitio occurrī faciliè poterit, si distincta rerum series adhibeatur, ut in sequenti Capite demonstrabimus.

C A P. VIII.

De Categoriis, sive Entium Generibus.

- I. bscuritas illa, sive confusio Idæarum, quam in mentibus nostris oriri plerumque diximus ubi variæ, diversæque res, aut rerum modi simul permixti, vel indistinctè percipiuntur, non aliâ meliori methodo dirimi, vel vitari poterit, quàm si varias ejusmodi res simul permixtas ita distinguamus, ut illarum singulas in propria veluti capita, aut classes distribuamus, ut unum deinde ab alio sejunctum percipi, deprehendique possit. Sic etenim, ut hoc exemplis additis illustrius adhuc appareat, cùm doloris Idæam confusam, vel obscuram esse dixerimus, quod intellectui nostro simul, eodemque tempore exhibeat substantiam ignis, quo
uri-

urimus, calorem, quem igni inesse credimus, calorem alium, quem a manu percipi, sive sentiri putamus, manifestissimè apparet, quod illa nitida, clara, distincta fiet; ubi substantia ignis ab omni calore distincta, sive sejuncta concipiatur; & calor ille, qui reperitur in igne, diversus ab illo calore statuatur, qui non a manu, sed ab animâ percipitur: adeoque hæc singula inter se diversa in singulis, diversisque classibus collocentur, vel in varias rerum, modorumque series referantur.

II. Ejusmodi verò rerum, modorumque series ab Aristotele, sive ab Archyta, quem sapientissimi viri auctorem Categoriarum existimant, *Categoria*, vel ut interpretatur Boëthius, *Prædicamenta* vocantur, quod sint suprema veluti quædam genera, capita, classes earum rerum, quæ alteri inesse, vel de substantiâ singulari quæri, prædicari, vel affirmari possunt. Cùmque; ut Peripatetici existimaverant, decem de substantiâ singulari quæri, prædicari, vel affirmari posse viderentur, totidem quoque suprema Entium genera, vel Prædicamenta constituerunt, quæ his etiam versibus artificiosè exprimuntur.

1	2	3	4	5	6
Arbor	Sex	Servos	Fervore	Refrigerat	Ustos :

7	8	9	10
Ruri	Cras	Stabo	, sed Tunicatus ero.

Arbor Substantiam significat; Sex Quantitatem; Servos Relationem; Fervore Qualitatem; Refrigerat Actionem; Ustos Passionem; Ruri Locum, aut Ubi; Cras Tempus, aut Quando; Stabo Situm; postrema denique verba Tunicatus ero Habitum.

i. Sub-

1. Substantia dicitur *Ens per se subsistens*, ut arbor, homo, Deus, &c. unde entitates omnes, quæ per se subsistunt, æqualiter sunt substantiæ, siue substantia non suscipit magis, & minus. Hinc etiam apparet, quod substantia ratione substantiæ, quatenus nimirum est entitas per se subsistens, alteri substantiæ contraria esse non potest, sed omnis substantiarum repugnantia, & oppositio oritur ab accidentibus.

2. Quantitas est *extensio in partes*. Alia *continua* dicitur, quæ partes omnes continuatas, & connexas habet, ut linea, tempus; alia *discreta*, quæ partibus sejunctis componitur, ut numerus; Continua rursus dividitur in *permanentem*, quæ partes omnes simul existentes habet, ut linea; & *successivam*, cujus una pars alteri succedit, ut tempus, motus, &c. Permanens autem alia est linea, idest *extensio in longum*, alia superficies, siue *extensio in longum, & latum*; alia denique corpus, aut solidum, idest *extensio in longum, latum, & profundum*.

3. Relatio est *ordo, respectus, habitudo unius ad alium*, ut Filii ad Patrem, Solis ad Lunam, &c.

4. Qualitas definitur *accidens modificativum substantiæ*, siue *accidens, per quod substantia dicitur qualis*, ut per calorem calida, per albedinem alba, &c. Dividitur autem Qualitas ab Aristotele in Habitum, Potentiam, Patibilem qualitatem, & Figuram.

Habitus est *facilitas, & propensio quadam ad operandum, qua frequentatis actibus, vel exercitatione acquiritur*, ut habitus canendi, &c. Quod si Habitus debilis adhuc sit, *Dispositio* vocatur.

Po-

Potentia est *vis a naturâ rebus indita ad aliquid agendum*, ut potentia visiva: quæ si debilis, & infirma fuerit, *Impotentia* vocetur.

Patibilis qualitas est *illud accidens, quod sentiri, percipi, vel sensum afficere potest*, ut calor, frigus: eadem verò affectio, quæ fit in sensibus, *Passio* vocatur.

Figura denique est *externa corporis terminatio ex vario partium ordine resultans*, ut figura quadrata, rotunda, &c.

5. Actio dicitur *accidens, per quod causa constituitur actu causans, sive produciens effectum*.

6. Passio est *accidens, per quod subiectum constituitur actu patiens, sive recipiens effectum*.

7. Ubi est *accidens resultans in corpore, ex eo quod sit in loco*.

8. Quando dicitur *accidens resultans in corpore, ex eo quod sit in tempore*.

9. Situs, aut Positura definitur *accidens resultans in corpore ex dispositione partium in loco, ut sedere, ambulare, &c.*

10. Habitus denique dicitur *accidens resultans in corpore, ex circumpositione vestium, vel armorum, &c.*

III. Atque incredibile est certè quàm subtiliter, & ingeniosè Peripatetici de decem istis Categoriis, sive Prædicamentis edisserant; cùm ab illis cognitionem omnem, rerumque scientiam ita pendere arbitrentur, ut perturbatâ, vel imminutâ Prædicamentorum serie, numero, aut ordine, cognitionem omnem perturbari, dirimi, subvertique opinentur.

Aliter tamen doctissimi viri semper existimarunt, quibus illa divisio, vel distributio paulo

lo liberiùs efficta videtur, cùm plurima certè contineat, quæ non vera Entium genera, sed solæ denominationes extrinsecæ, dici debent, ut Relatio, Ubi, Tempus, &c. Quid enim reale, inquiunt ipsi, resultat in homine cum servum acquirit, nisi quod illius dominus appellatur? aut quæ nova realis entitas in Socrate effingi potest, quòd in Academià, porticu, vel carcere reperiatur? Quod si denominationes omnes, vel modi extrinseci admitti deberent, jam non decem, sed infinita propemodum Entium genera admitterentur. Illud est etiam a Recentioribus observatum, quod Aristoteles in Prædicamentorum serie varias Substantiarum, & Accidentium species enumeravit; neque tamen Ens, veluti supremum commune genus, expressit, ut proinde Species, omisso Genere, enumeraverit. Plurima denique ex Prædicamentis illis, quæ ab Aristotele enumerantur, ad unum, aut certè ad pauciora numero reduci poterant, ut minor proinde illorum numerus admitti debuerit.

IV. Recentiores itaque Platonem sequuti septem tantummodo Entium genera, vel Prædicamenta constituunt, ut sub communi, supremoque Entis genere duplex substantiæ species, Corporeæ scilicet, & Incorporeæ; ac insuper quinque modorum species, accuratâ, perfectâque serie contineretur; hinc in illorum sententiâ,

1	2	3	4	5
Mens	Mensura	Quies	Motus	Positura
	6			

Figura 7

Sunt cum *Materia* cunctarum exordia rerum.

1. No-

1. Nomine Mentis intelligitur *Substantia spiritualis*, cujusmodi est Deus ipse, Angeli, & Anima Rationalis, &c.

2. Mensura *Quantitatem* significat, hoc est extensionem in partes.

3. *Quies permanentiam Corporis in loco*, in quo reperitur, quam plurimi quidem realem, ac positivam esse arbitrantur, sed fortasse verisimilius haberi poterit tanquam pura Motus privatio: is (a) verò certè fallitur, qui Quietis nomine *tardiorum motum* significari arbitratur, cum Quies ab omni licet tenuissimo motu plurimum distet; ac motus quilibet, quamvis exiguus ad Categoriā Motus reduci debeat.

4. Motus, est *Translatio*, sive *Migratio Corporis ex uno loco in alium*; sive *applicatio successiva ejusdem corporis ad plura loca*.

5. Positura significat *partium ordinem*, texturam, dispositionem, illamque præsertim, quæ intima est, quæque variari non potest, quin eadem Substantia non varietur.

6. Figura verò est *illa partium dispositio*, quæ *exteriùs apparet*, quæque *salvâ rei substantiâ variari potest*.

7. Materia denique *Corpus*, aut *corpoream substantiam* significat, quidquid demum Corporis, sive *Materiæ* nomine intelligatur.

Hæc verò septem rerum genera *cunstarum exordia rerum* dicuntur, quòd Mens, sive Substantia spiritualis sit causa rerum efficiens, nihilque concipi possit, quod in ejusmodi rerum generibus non includatur, aut nulla denique singu-

(a) *Auct. Art. Cog. Par. 1. c. 3.*

gularis Substantia reperiatur, in quâ plures, aut omnes etiam ex modis ipsis distingui, sive reperiri non possint. Sed hæc illustrius, & accuratius in Physicâ demonstrabuntur, ubi de intrinsecis rerum Principiis, præsertim verò ubi de Corporum Qualitatibus in Quartâ Physicæ Generalis Parte ex veterum, recentiorumque sententiâ differetur.

V. Interim postremò, ac veluti coronidis loco, enumerandæ, vel exponendæ sunt illæ rerum proprietates, & accidentia, quæ ab Aristotele *Post-Prædicamenta* vocantur, quòd rebus illis convenient, quæ in Prædicamentis collocantur. Ejusmodi verò dicuntur esse Oppositio, Prioritas, Simultas, Motus, & Habere.

1. Oppositio nihil est aliud, quàm *Repugnantia rerum*. Hæc autem *Contraria* dicitur, cum utraque ex illis realis est, ac positiva, & ab eodem subjecto mutuo se expellunt, ut *calor*, & *frigus*, &c. *Privativa* dicitur illa, quæ datur inter formam, & privationem formæ, ut inter *tenebras*, & *lucem*. *Relativa*, quæ reperitur in iis, quorum unum ad aliud referatur, ut *Pater* ad *Filium*. *Contradictoria* denique est Oppositio, vel repugnantia, quæ reperitur inter ens, & negationem entis, ut *hominem*, & *non hominem*.

2. *Prioritas*, atque *Simultas* sunt illi modi, quibus aliqua res dicitur esse prior aliâ, aut simul cum illâ: cumque aliqua res præcedere aliquam rem aliam possit *Ordine*, ut numerus binarius ternarium; *Dignitate*, ut Princeps subditos; *Tempore*, ut Pater Filium; *Naturâ*, Sol radium, qui sunt in eodem instanti temporis, sed unus ab alio producitur, quatuor

tuor prioritatis, aut simultatis genera enumerantur, contenta hoc versiculo:


Tempore, Naturâ prior est res, Ordine, Honore.

3. *Motus*, sive mutatio rei ad *Phyficam* pertinet.

4. *Habere* denique, hoc est *modus*, quo una res ab aliâ dicitur *haberi*, ut Filius a Patre, vinum a dolio, &c. nihil in se continet, quod, nedum uberius explicari, sed ne memorari quidem mereatur.

C A P. IX.

De Idearum signis, ac de Vocibus.

I.  I quidquid mente concipimus ad mentem ipsam unicè referri oportet, satis, ut opinor, de primâ Intellectûs nostri operatione dirigendâ in superioribus dictum foret; verum quia ratio ipsa neque tam nos juvaret, neque tam in nobis esset manifesta, nisi quæ concepissemus mente, promere etiam loquendo possemus; atque *hoc uno*, ut præclare inquit Cicero (a), *præstamus vel maxime feris, quod colloquimur inter nos, & quod exprimere dicendo sensa possumus* (frustra siquidem Bruta ipsa inter se colloqui, seque illorum sensus intelligere Apollonius Thyaneus gloriabatur), aliquid etiam de Idearum signis hîc addere oportuit, cum præsertim tanta sit Idearum nostrarum cum

vo-

(a) *De Orat. I.*

vocibus, aut signis ipsiſ affinitas, atque conjunctio, ut etiam cum ſoli quidpiam meditamur, res, & objecta nonniſi cum iſdem vocibus, quibus loquendo utimur, intellectui noſtro offerantur.

II. Illud autem *Signi* nomine intelligitur, ut altiùs res repetatur, quod prater ſpeciem ſui, quam ſenſibus ingerit, aliquid aliud ex ſe facit venire in cognitionem (a); adeoque Signum univerſaliter duas ideas complectitur, & menti ſimul exhibet eo, qui in Phyiſicâ explicabitur, modo; alteram quidem ſui ipſius, alteram verò illius rei, quam ſignificat, ut pictæ imagines, fumus &c. ſe ipſas ſenſibus exhibent, atque inſuper hominem ignem &c., quem repræſentant. Quia verò pluribus modis res aliqua quidpiam aliud ſignificat, ſive pluribus modis cum aliâ re conjungitur, vel ad ipſam refertur, plura quoque Signorum genera enumerantur. Alia ſiquidem certa ſunt, quibus res ipſa certò ſignificatur, atque conjungitur, ut vita reſpiratione; alia ſolùm probabilia, ut eſt ſignum canities ſenectutis; alia denique prorfus incerta, ut

Crine ruber, niger ore, brevis pede, lumine laſus,

Rem magnam præſtas, Zoile, ſi bonus es (b).

Alia cum rebus ipſis, quas ſignificant, ſimul exiſtunt, ut pallor, & ſymptomata cum ægitudine, perturbatoque ſanguinis motu; alia a rebus ipſis ſignificatis ſejuncta ſunt, ut Sacrificia veteris Legis a Chriſto. Alia rem ipſam, quam ſignificant, continent, ac efficiunt, ut Sacramenta; alia verò efficiuntur ab ipſâ re ſigni-

K

fica-

(a) *Aug. l. 2. Doctr. Chr. c. 1.* (b) *Mart. l. 12. ep. 54.*

ficatâ, ut fumus, pallor; alia nec efficiunt, nec efficiuntur a re significatâ, sed illi tantùm conjunguntur, ut laurus appensa cauponæ, &c. Alia de rebus significatis affirmantur, ut imago Cæsaris dicitur Cæsar; de aliis ipsa res significata affirmatur, ut Petra erat Christus, Ecclesia est Arca Noë, &c. Atque ista quidem si ex naturâ suâ rem aliquam significant, hoc est, illi necessariò, seu naturaliter conjunguntur, ut fumus igni, Signa *naturalia* dicuntur. Sin verò ex hominum arbitrio ad aliquid significandum sint instituta, cùm alioquin ex propriâ naturâ, nullam, aut certè tenuem, atque remotam cum rebus ipsis relationem, & connexionem habeant, ut laurus appensa cum cauponâ, Signa *ad placitum* dicuntur.

III. Cùm itaque voces, ut antea diximus, sint Idearum signa, atque ea de causâ ab hominibus inventæ, vel institutæ fuerint, ut internos mentis nostræ conceptus exprimerent, unde *Verbum, quod foris sonat, signum est verbi, quod intus latet* (a) *; celebris olim fuerat inter Philosophos quæstio, utrum voces *ad placitum*, vel potiùs *ex naturâ* propriâ significarent; hoc est, an arbitraria, vel naturalia signa voces habendæ forent. Posterior opinio Stoicis, aliisque nonnullis arriserat, qui rationem omnem significandi in affinitate quadam vocis, aut soni

(a) *Aug. 15. de Trinit. c. 11.*

* Format enim natura priùs nos intus ad omnem Fortunarum habitum, juvat, aut impellit ad iram, Aut ad humum mœrore gravi deducit, & angit Post effert animi motus interprete linguâ.

Horat. Arte Poët. vers. 108.

ni cum ipsâ re significatâ positam arbitrabantur, ut *mel*, *murmur*, *asperitas*, *crux*, *vepres*, *stridor*, &c. aliaque id genus innumera asperitatem illam in se continere videntur, quam significant. Verùm hæc omnia, aut levia sunt, aut ab ipsâ consuetudine oriuntur, aut de singulis certè effingi non possunt; cùm præsertim apud diversas nationes diversis, & contrariis etiam plerumque vocibus res eadem exprimitur, vel contra unâ, eâdemque voce res plures, ac diversæ significantur, ut apud Ebræos, Sineses, aliosque complures, quibus minor est vocum copia, & major *patrii sermonis egestas*; atque universaliter etiam in qualibet regione vocum significatio, usus, varietas ex hominum plerumque imperitorum arbitrio oriatur, ut eleganter inquit Horatius (a):

Multa renascentur, qua jam occidere, cadentque,

Qua nunc sunt in honore, vocabula, si voles usus;

Quem penes arbitrium est, & jus, & norma loquendi.

IV. Ceterùm non unica est rerum per voces significandarum inventa ratio, sed alii symbolicos characteres, ut Ægyptii; alii animalium, aliarumque rerum imagines, ut adhuc Astronomi; alii cyfras, ut Arabes, & Arithmetici; alii alia ad libitum usurparunt. Nihil est tamen, quod aut communius sit, aut utilius, quàm voces ipsæ, vel ore prolatae, vel etiam literis consignatae, de quibus inferiùs differemus:

K 2

in

(a) In *Arte Poët.* vers. 70.

interim tamen monere par est, plurimum quandoque in adhibendis rerum signis peccari posse, si aut *probabilia* pro *certis* sumentes, temere de re iudicemus; aut si rei alicujus signum aliquod esse suspicemur, quod ab illâ prorsus abhorret; aut si ex presentia signi rem quoque significantem præsentem esse arbitremur, ut in Eucharistia contingeret, aliisque similibus.

V. Quin etiam in vocibus ipsis plerumque decipimur, nisi secundariam, ac veluti accessoriam quandam illarum significationem attendamus. Plures etenim voces, quæ rem in se honestam, laudabilem, ac decoram primariò significant, aliam etiam turpem, aut indecoram significationem adjunctam habent; ut si quis alicui dicat, *mentiris*, injuriam illi irrogat, non quòd illum aliter dicere, ac sentire affirmet; sed quod ex consuetudine quendam insuper contemptus, aut odii affectum exprimat. Sic voces aliquæ turpes, inhonestæque dicuntur, non quòd rem turpem significant (*nihil est enim obscenum, & turpe dictu*, ut Stoici existimabant, *modò id verecundè, ac prudenter fiat* (a)) sed quod impudentiam ex usu adjunctam habent: unde etiam fieri potuit, ut quædam ejusmodi voces, quæ certis temporibus honestæ fuerant, & a severioribus etiam Philosophis, & Ecclesiæ Patribus usurpatæ, cùm accessoriam hanc inverecundiæ, aut contemptus notam, sive significationem acceperint, nonnisi indecorè, & impudenter adhiberi nunc possint. Quâ verò ratione


vi-

(a) Cic. Epist. Fam. lib. 9. ep. 22.

vitia , & errores ejusmodi corrigantur tum cap. 1. Secundæ Partis, tum etiam in IV. Parte Logicæ fusiùs ostendetur .

C A P. X.

De Proprietatibus , ac Speciebus Vocum .

I.  Xpositâ jam Vocum origine , atque admirabili prorsus ratione , quâ in exprimendis animi affectibus adhiberi illæ solent , varias illarum species , & accidentia nunc exponemus , ut illustriùs adhuc appareat quàm præclara fuerit illarum inventio , ac distributio , & quàm meritò post Pythagoram dixerit Cicero , *Sapientissimum fuisse , qui , quod summa Sapientia Pythagora visum est , omnibus rebus imposuit nomina* (a) .

II. Atque , ut ab universalioribus exordiamur , Vox ab Aristotele (b) definitur *Sonus ex ore Animalis prodiens , & per appulsionem aëris e pulmonibus in fauces incurrentis , & allisi formatus* . Verùm , ut a nobis hoc loco sumitur , nihil est aliud , quàm *sonus articulatus ab homine solo prolatus , ad exprimendas animi cogitationes* : unde meritò a Grammaticis octo orationis partes , sive vocum , terminorum , aut dictionum species enumerantur , quibus omnis locutio , & oratio continetur . Duæ tamen ex illis præcipuæ sunt , tum quòd sæpiùs illis utamur , tum etiam

K. 3

quòd

(a) *Tusc. 1.* (b) *Lib. 2. de Anim. c. 8.*

quodd ceteræ ad ipsas revocari possint, *Verbum* scilicet, ac *Nomen*.

1. Nomen ab Aristotele (a) definitur *Vox ex instituto significans sinè tempore*; significans nimirum simpliciter Ideas, ac Idearum objecta, ut *Deus, homo, &c.* quod etiam de Pronomine intelligi oportet.

2. Verbum autem, ut Aristoteles (b) ipse definit, est *Vox ex instituto significans cum tempore*; sive clariùs, *Vox significans affirmationem cum designatione persona, numeri, & temporis*. Primariò siquidem Verbum ad Judicia exprimenda institutum est: temporis tamen, numeri, & personæ differentias complectitur. Quin etiam, si indicativum modum excipias, quosdam etiam mentis affectus exprimit, ut imperii, desiderii, ut *fac, valeas, &c.*

3. Participium verò, ut ipsa vox sonat, Nominis, ac Verbi conditionem participat: simplices enim Ideas sinè ullo judicio exprimit, instar nominis; sed temporis differentias cum verbis sortitur, ut *amans, amatus, amaturus &c.* non amorem solum significat, sed tempus etiam, in quo amor exerceatur. Huc etiam referenda infinitiva, ut *bibere, flere*; nisi, cum ejusmodi voces substantivæ quodammodo sint, non verò adjectivæ, instar participiorum ad nomina potius revocentur.

4. Ceteræ verò Orationis partes, si Adverbium excipias, quod modum rei exprimit, ut *sobriè, justè, &c.* Præpositio, Conjunctio, Interjectio modos quosdam, & accidentia potius cogi-

(a) *Lib. de Interpr. c. 2.* (b) *Loc. cit. cap. 3.*

cogitationis nostræ significant, quàm cogitationes ipsas, aut res exprimant. Verùm hæc omnia, quæ fortasse minutiora sunt, clarè, distinctèque cognosci poterunt si diversa Idearum conditio, & natura, quæ per has voces exprimitur, ex his, quæ jam diximus, perpendatur; eadem enim futura est Vocis, aut termini differentia, quæ rei, aut modi per vocem ipsam significati. Hinc plurimæ oriuntur Vocum, seu Terminorum species, quas breviter hîc recensere, vel indicare sufficiat.

- III. Terminus alius *Substantivus* est, vel *absolutus*, qui substantiam, aut substantiæ modum significat, ut *homo*, *prudencia*, &c. alius *Connotativus*, vel *adjectivus*, qui rem modificatam exprimit, ut *albus*, *prudens*, &c. alius *abstractus*, qui modum ipsum, vel formam ab omni subjecto separatam significat, ut *albedo*, *humanitas*, &c. alius *concretus*, qui formam, aut modum exprimit simul cum subjecto, cui inhæret, ut *albus*, *homo*, &c. Nihil est autem quod hîc adjiciam terminos alios *universales* esse, vel *singulares*, vel *particulares*; alios *univocos*, vel *analogos*, vel *equivocos*; alios *simplices*, vel *compositos*; alios *absolutos*, vel *relativos*; alios *primæ*, vel *secundæ intentionis*, &c. cùm Ideas quasdam existere, quæ his ipsis nominibus exprimantur, satis superque III. Capite dictum fuerit. Addendum potiùs nomina quædam *Categorica* esse, quòd res quasdam in certo entium genere, sive categoriâ constitutas significant, ut *animal*, *circulus*, &c. alia *transcendentia*, quæ omnibus entium generibus conveniunt, ut *veritas*, *essentia*, *unitas*, &c. sicuti etiam quædam

voces *Categorematica* dicuntur, quòd rem aliquam per se significant, ut *lapis*, *triangulum*, *albus*, *justus*, &c. *Syncategorematica* aliæ, quæ non per se, sed solùm aliis junctæ significant, ut *aliquis*, *omnis*, *nullus*, *nemo*; nisi hanc postremam vocem *mixtam* vocare malis, quòd *categorematicæ*, simulque *syncategorematicæ* æquivalet, idemque significet, ac *nullus homo*.

Quod verò diligentius est observandum *complexi* termini dicuntur illi, qui vel ex se, vel cum alio termino sibi conjuncto duplicem rem significant; ut duæ proinde ideæ in nobis excitentur, neque de alterutrâ voce, vel ideâ separatim sumptâ id affirmari possit, quod de utrâque affirmatur, ut *homo prudens laudabitur*, longè diversum sensum efficit, ac si absolute, simpliciterque dicerem *homo laudabitur*. Terminus ille, qui adjungitur, vel *explicativus* est, vel *restrictivus*, prioris nempe significationem restringit, aut clariùs exponit.

IV. Cùm pluribus autem modis voces, aut termini pro rebus ipsis in oratione poni, atque adhiberi consueverint, factum est, ut plures *termini* proprietates distinguerentur, Suppositio, Ampliatio, Restrictio, Alienatio, Appellatio.

1. Suppositio nihil est aliud, quàm *termini pro re significatâ positio*. Hæc autem multiplex est: Si enim terminus universalis pro omnibus suis significatis ponatur, Suppositio vocabitur *Distributiva*; *Completa* quidem, si etiam ad individua ipsa descendat, ut si quis dicat *omne animal est sensitivum*; *Incompleta* verò si solas species complectatur, ut si dicam *omne Animal fuit in Arcâ Noë*. *Collectiva* denique si vox omnia, ut simul

mul sumpta, significet, ut *partes Orbis sunt: quatuor; Apostoli sunt duodecim, &c.*

At si terminus universalis pro aliquibus tantum suis significatis ponatur, erit Suppositio. *Disjunctiva; Confusa* quidem si in alterutrum. ex significatis indifferenter cadere possit, ut *aliquis oculus est necessarius ad videndum, aliqua navis ad navigandum; Determinata* verò si certa quædam subiecta, vel significata respiciat, ut *aliqui homines reperiunt novum orbem*. Ejusmodi Suppositionum varietas ex illis quatuor terminis syncategorematicis, qui proinde *signa* dicuntur, faciliè apparet, nempe *omnis, nullus, aliquis, aliquis non*. Quod si propositio, ut plerumque fit, nullo signo fit affecta, ex termini ipsius exigentiâ, sive ex loquentis intentione universalitas propositionis, aut particularitas cognoscitur, ut *homo est albus, homo est animal*, faciliè enim apparet albedinem non de omni, sed de aliquo dumtaxat homine; secus verò animalitatem, non de aliquo solum, sed de omnibus hominibus affirmari.

2. Datur etiam Termini *Restrictio*, cum amplior illius significatio ad pauciora contrahitur, ut cum dicitur *Orator* pro M. Tullio.

3. *Ampliatio* contra cum extenditur ad omnes temporis, loci, &c. differentias, quæ in ipsâ voce non satis apparent; ut si dicas *Mansueti hæreditabunt terram*; Id enim non solum de futuris; sed de præteritis etiam, ac præsentibus Græcis, ac Barbaris intelligitur.

4. Alienatio est cum ipsâ vox non in propriâ, communi, & quodammodo proximâ; sed in alienâ, translatâ significatione usurpatur, ut in
me-

metaphorâ, & allegoriâ contingit, partim quidem ex verborum inopiâ, partim etiam elegantioris sermonis causâ *, ut *prata vident, Scipia-
des duo fulmina belli*.

5. Appellatio denique fit cum terminus aliquis alteri termino adjungitur, ac tribuitur ut *Cicero est Orator*. Terminus autem ille, qui alteri tribuitur, vel cadit supra *materiale* rei, scilicet supra subjectum, vel cadit supra *formam*, sive *modum*, qui in tali subjecto reperitur; hoc est, vel cadit supra rem independentem a modo, qui in tali re reperitur, vel cadit supra modum ipsum, vel supra rem ratione modi, qui in ipsâ re consideratur. Si terminus ille supra subjectum cadat, Appellatio dicitur *materialis*; si verò supra subjecti formam, aut modum, *formalis*; sic si quis dicat *Musæus cantat*, apparet Appellationem ejusmodi formalem esse, cum cantare conveniat Musico ratione Musicæ, quæ tanquam modus, perfectio, aut forma quædam in Musico reperitur. Secus verò materialis erit, si dicatur *Musæus currit*, non enim currit ratione Musicæ, seu quia Musæus est, sed solùm quia homo est, & independentem a Musicâ. Quod tamen clariùs adhuc intelligetur, si leviter attendamus utrum terminus ille, qui adjungitur priori termino, conveniat illi quatenus ille determinatè est in se talis, sive talem modum, aut formam continet, tunc etenim Appellatio semper erit *for-*

malis

malis

* Translationem verborum institutam quidem inopiæ causâ, frequentatam verò delectationis. *Cic. 3. de Orat.*

malis ; sin verò conveniat illi , etiamsi tali modo , vel formâ destitui concipiatur , erit *materialis* , ut in iisdem exemplis apparet.

Hæc , aliaque id genus a nobis omitti fortasse poterant , cùm subobscura sint , neque plurimùm ad Scientias conferre videantur ; consultò tamen adjecimus , tum quia pauca sunt , tum etiam quia difficultas ipsa , si ad inquirendæ veritatis , mentisque dirigendæ studium collimet , non finè maximo plerumque commodo superetur.

Finis Primæ Partis Logicæ .



LOGI-



LOGICÆ

PARS SECUNDA.



De Judicio, & Propositionibus.




Uod in ipso ferè Logicæ limine demonstravimus, ubi intellectus noster varias rerum imagines, vel ideas; atque in ideis ipsis res, & objecta plurima fuerit contemplatus, illas deinde invicem comparat; ac, si eas inter se mutuo convenire, vel repugnareprehenderit, unam alteri affirmando conjungit, vel potiùs unam ab alterâ negando separat, ac sejungit: tuncque intellectus aliquid *affirmare*, vel *negare*, hoc est universaliter aliquid *judicare*, sive de re conceptâ, vel apprehensâ judicium ferre concipitur. Hinc optimè Judicium ipsum definitur *Mentis operatio*, sive *cogitationis species*, quâ convenientes ideas affirmando conjung-

gi-

gimus, vel repugnantes negando sejungimus; ideoque, licet Judicium ex duabus, aut etiam pluribus ideis componatur, hoc est intellectus aliquid affirmando, sive negando plura completatur, sive percipiat; Judicium tamen unico mentis actu, vel operatione perficitur, quâ plures ejusmodi ideæ inter se conjunguntur, aut separantur: res etenim concipere, aut ideas apprehendere Perceptionis quidem est, unde quod plures ideæ percipiendæ, sive perceptæ fuerint, eò plures etiam erunt perceptiones; sed illas omnes antea conceptas simul conjungere, sive sejungere, ad Judicium ipsum pertinet. Quandoquidem verò, sicuti ideæ, quæ mente conceptæ jam fuerint, vocibus exprimuntur, ita Judicia, quæ de re conceptâ sint efformata, variis orationibus, sive Propositionibus, vel, ut Aristoteles inquit, Interpretationibus exponuntur, in hac alterâ Logicæ Parte, quæ singula complecti debet, quæ ad Judicium ipsum aliquâ ratione spectare possunt, de vario quoque Propositionum genere, naturâ, proprietatibus differetur.

CAPUT PRIMUM.

*De Judicio, ejusque defectibus,
atque remediis.*

- I.  Irari fortasse quis poterit, quod cum plurima subinde vitia, & errores in Perceptionibus nostris inesse consueverint, nihil tamen in superiori Dialecticæ parte de variis Perceptionis nostræ

stræ defectibus, eorumque remediis ostenderimus, sed alteram hanc Logicæ partem aggressi sumus. Optimo tamen jure, siue consilio id fieri potuisse intelliget, qui Perceptionis naturam paullo accuratiùs inspexerit.

II. Cùm etenim percipere, siue rem, & objectum aliquod apprehendere, nihil sit aliud, quàm objectum ipsum oculis, mentique nostræ propositum contemplari, nihil de ipso affirmando, siue negando, nullum certè vitium, aut error in ejusmodi perceptione inesse poterit, nisi de re conceptâ judicium aliquod, siue affirmando, siue negando efformetur: eâ propemodum ratione, quâ oculus ipse non fallitur dum colores in cereo pomo simpliciter contemplatur, nisi deinde affirmet, pomum illud verum esse.

Omnis itaque veritas, aut falsitas, si accuratè loquamur, in solo judicio, affirmatione nimirum, aut negatione consistit *: errores autem, & vitia, quæ in perceptione reperiri dicuntur ad judicia pertinent, nec aliâ certe de causâ fallax, & vitiosa Perceptio vocari poterit, nisi quia

* Verum, & falsum in compositione, divisioneque consistit. *Arist. 1. Periherm. c. 1.*

In quibus veritas inest, & falsitas, in his conceptuum occurrit compositio quædam. *Idem lib. 3. de Animâ c. 6.*

Voces incomplexæ neque verum, neque falsum significant, & cùm voces sint signa intellectuum, similiter dicendum de conceptionibus intellectûs: quæ enim sunt simplices, non habent Veritatem, neque falsitatem; sed solùm illæ, quæ sunt complexæ per affirmationem, vel negationem. *D. Thom. in 6. Metaphys. lect. 10.*

quia occasionem aliquam præbet intellectui, ut de re pravè conceptâ judicium aliquod efformetur. Satis ergo, superque fuerat, Judicii nostri vitia, eorumque originem demonstrare, ostendere nimirum quid in Perceptione requiratur; ut inde liceat de re conceptâ aliquod affirmando, sive negando judicare: quod accuratius, ac fieri poterit, præsentî Capite præstabis, ut varios Judicii errores, ac vitia enumeremus, tum leges, atque remedia, quæ adhiberi, vel observari commodè possint, subjiciemus.

III. Primum itaque Judicii nostri vitium ori solet ex *pravâ Terminorum, aut illarum vocum perceptione, quibus idea, sive res ipsa expressa fuerint*. Cùm etenim Judicium ipsum, ut paullo superius ostendimus, sit illa mentis operatio, in quâ duæ convenientes idæ vocibus expressæ inter se conjunguntur; vel, si repugnantes, & contrariæ fuerint, sejunguntur, manifestissimè apparet, quod illæ rite, feliciter conjungi, vel separari non poterunt, nisi idæ ipsæ accuratissimè cognitæ, & perspectæ fuerint; hoc est nisi mens nostra clarissimè intelligat, quæ vis subjecta sit vocibus illis, aut terminis, quibus ideas exprimimus; alioquin si de re confusis, ambiguisque terminis expressâ, hoc est, si de ambiguâ re judicaret, temere judicaret, nec unquam certa esse posset, utrum idæ, quæ inter se conjunguntur, aut separantur, inter se verè sejunctæ, sive conjunctæ sint. Quandoquidem verò Termini Perceptio vitiosa esse solet, quod obscuritas aliqua, sive confusio in voce, aut ideâ contineatur, ita ex hoc duplici fonte error, & vitium in Judicium quoque dimanat.

Tunc

Tunc obscuritas in voce reperitur, cum nondum apparet quid illâ significetur, sive quid exprimatur, ut Aristoteles animam vocat *Entelechiam*, neque tamen intelligi potest, quid illâ voce significetur. Obscuritas autem in re, vel ideâ reperietur, cum apertè quidem percipitur hâc voce rem illam designari, sed eadem res, & objectum clarè, aut vividè quid sit non percipitur, ut quid *lucis* nomine significetur probè intelligimus, quid autem sit eadem lux ignoramus. Confusio similiter in aliquâ voce reperitur cum plura diversa significat, eademque menti nostræ simul involuta repræsentat, ut *rex*, *canis*, &c. Confusa verò dicitur ipsa res, & idea cum plura simul exhibet intellectui, ut hominis idea, quæ in varias ideas, ac perceptiones dividi, ac veluti distingui potest.

IV. Atque exinde oritur illud Fallaciæ genus, quod *Vocum* Fallacia dicitur, atque in plures veluti partes distingui solet; *Æquivocationis* nempe, *Amphibologia*, *Accentûs*, atque *Distionis*.

I. *Æquivocatio* committitur cum ambigua, vel æquivoca vox usurpatur, quæ res omnino diversas significare potest, nec intelligitur, quo sensu ab adversario adhibeatur: ut ex. gr. si dicerem *canis natat*.

2. *Amphibologia* est cum singulæ quidem voces claræ, perspicuæque sunt, sed simul unitæ, sive conjunctæ phrasim dubiam, ancipitem efficiunt, quæ in utrâque contrariâ parte sumi possit:

Ajo te, Æacida, Romanos vincere posse.

Omnes nurus socrus oderunt (a).

3. Fal-

(a) *Terent. in Hac. Aët. Scen.*

3. Fallacia accentûs committitur cum variâ syllabarum quantitate abutimur, hoc est aliqua vox adhibetur, quæ juxta diversam syllabæ quantitatem, diversa significat: ut ex. gr. cùm *populus* arborem, atque hominum cœtum significet, *populus* autem arbor sit aliquid inanimatum, si inferremus etiam homines simul congregatos esse aliquid inanimatum, accentu, sive quantitate syllabæ abuteremur.

4. Fallacia denique dictionis est illa, quâ Grammaticæ regulis utimur ad judicium aliquod, sive conceptum nostrum occultandum; ut a Stilpone factum accepimus, qui cùm Minervam Deum esse negasset, in judicium tanquam violatæ religionis reus vocatus, atque ab Areopagitis interrogatus, se hac arte, sive fallaciâ defendit: *Neque enim*, inquit, *Minervam Deum esse, sed Deam*; *Deos quippe mares esse* (a).

V. Utrique tamen vocum, & idearum vitio mederi facilè possumus, atque fallacias omnes diluere, si nimirum intellectus nihil de re conceptâ judicet, nisi priùs voces, aut ideas, quibus Judicium ipsum componitur, accuratissimè perpenderit. Si vox aut obscura, aut ambigua, aut aliquâ ratione confusa fuerit, illius vis, & significatio exponi debet *; ac, si plures sensus

L

ha-

(a) *Laërt. 2. seg. 116.*

* Ego enim id habeo semper in memoriâ, atque in pectore, ut tanquam scopulum, sic fugiam infrequens, atque insolens verbum. *Macr. Saturn. 1. c. 5.*

Opera danda est, ut verbis utamur quàm usitatissimis, & quàm maximè apertis, hoc est rem declarantibus. *Cic. Tusc. 5.*

habere possit, determinari ille debet, quo sumpta, vel usurpata fuerit. Eadem quoque diligentia circa ideas ipsas est adhibenda; si confusæ sint, præcisionis ope in partes omnes, quas continent, distingui debent, atque una seorsum ab aliâ spectari, tum illa præsertim observari, de quâ iudicium fuerit efformandum. Si obscuræ fuerint, tandiu mentis intuitus in ipsas defigi debet, tandiu in partes omnes, ac veluti facies illæ converti, tandiu attentissima mentis consideratione explorari, ut vividè menti nostræ, velut effulgeant. Quod utiliùs, atque libentiùs a nobis fiet, si paullatim animus assuescat rem aliquam placidè, constanterque intueri, neque ex unâ repente ad aliam transvolet; si res eadem cognoscenda veluti nobilis, eximia, admirabilis concipiatur. Si solitarius locus, quietus eligatur: si denique animus nullâ ægritudine, aut affectu, quicumque ille fuerit, perturbetur.

VI. Alterum Judicii vitium superiori vitio conjunctum oritur ex *Præcipitatione Intellectûs*, quando nimirum intellectus ipse de re nondum plenè perspectâ judicat, sive de re clarè perspectâ aliquod aliud obscurum, & ambiguum affirmat, aut negat. Omnes etenim, ut præclare inquit Cicero, *trahimur, & ducimur ad cognitionis, & scientiæ cupiditatem, in quâ excellere pulchrum putamus; labi autem, errare, nescire, & decipi & malum, & turpe ducimus. In hoc genere hoc vitium notandum est, ne incognita pro cognitis supponamus, hisque temere assentiatur: quod vitium effugere qui volet (omnes autem velle debebunt) adhibebit ad considerandas res*
&

& tempus, & diligentiam (a). Erret enim necesse est, qui assentitur rebus incertis (b). Tumque esset insignis temeritas cum aut falsa, aut incognita res approbaretur; neque hoc quidquam esset turpius, quam perceptioni, & cognitioni assertionem, approbationemque præcurrere. Cic. Acad. 1.

Ac certè ingenia quædam ejus indolis esse conspiciamus, ut quicquid animo, vel leviter conceperint, illud ipsum repente judicant, neque sollicitè, vel seriò inquirunt, utrum res ipsa talis in se est, qualis primà veluti facie illis affulsit, unde sæpissime decipiuntur, idque præsertim fieri solet ubi publicè disputatur. Temporis enim angustia, disputationis æstus mentem quodammodo abripit, ut antequam propositam rem accuratè perspexerit, de illâ judicet.

Hinc optimè vitium ejusmodi vitari potest si attentio plurima adhibeatur, si mens ab assentiendo contineatur, si aliqua temporis mora interponatur, si, uno verbo, tandiu a ferendo judicio abstineatur, quandiu res ipsa perspecta, plenèque comprehensa fuerit *.

VII. Tertius error, aut vitium, quod alia plurima in se complectitur, oritur a *praviâ Perceptione*, sive *Prajudicio*, ab aliquâ nimirum

L 2

opi-

(a) Cic. de Offic. 1. (b) Aug. 2. contra Acad. c. 4.
(c) Cic. Acad. 1.

* Epicharmi illud teneto, nervos, atque artus esse Sapientiæ non temere credere. Cic. de Univ.

Ego maximam actionem puto repugnare visis, obistere opinionibus, & assensus lubricos sustinere. Cic. Acad. Quæst. 4.

Primus Sapientiæ gradus est falsa intelligere. Lat. Instit. 1. c. 23.

opinione, quæ animo præconcepta fuerit, quâ præviè de re judicavimus; ut proinde mens nostra non ampliùs indifferens, ac libera sit, sed præoccupata in alterutram potiùs partem inclinet. Ejusmodi verò opinio præconcepta vel ab errore sensuum veluti ab occasione quadam, vel ab errore intellectûs, vel denique ab errore voluntatis oriri solet.

1. Ab errore quidem sensûs, quia ab infantiâ ipsâ de rebus non aliter judicare consuevimus, quàm ut sensibus nostris apparent; aut sensus illæ nostros afficiunt, neque solliciti plerumque fuimus inquirere, utrum in seipsis tales revera forent, quales a sensibus exhibentur. Sic ab infantiâ solem bipedalem esse judicavimus, quòd tantæ magnitudinis oculo videatur *; antipodas capite deorsum verso concipimus, quòd aliter nobis oppositi non videantur. Sic etiam res ipsas, & objecta spiritualia corporeis, sensibilibusque imaginibus conjuncta nobis ipsis exhibemus, quòd nonnisi corporeis imaginibus res ope sensuum percipere consueverimus. Si itaque mens de re judicaverit ex hac opinione, vel experientiâ, vel consuetudine sensuum præconceptâ, facilè apparet, quod plurimum, ac turpiter decipietur, cùm res eadem lon-

* Quando nam homo, nisi quem doctrina Philosophiæ supra hominem, immo verè hominem fecit, suspicari potest stellam unam omni terrâ esse majorem, cùm vulgò singulæ vix facis unius flammam æquare posse videantur? *Macrob. in Somm. lib. 1. c. 16.*

longè diversâ ratione a sensibus percipiuntur, & vulgo videantur, ac in se sint *.

2. Suas etiam habet intellectus ipse opiniones antea conceptas, quibus ferè occupatus de re deinde conceptâ liberè judicare non potest, sed a primo errore in errorem alium tacitè inducitur. Experimur enim, quod ubi mens nostra opinionem aliquam induerit, sive judicium aliquod tanquam verum, sibi que conveniens de re quapiam conceperit, omnia, quæ illi affinia, similia, vel aliquâ ratione conjuncta videntur, faciliùs, atque libentiùs amplectitur, iisque assentitur, quàm si nihil antea judicasset: quod certè fieri debet, ut cùm primum judicium illud ambiguum, incertum, vitiosumque sit, in altero quoque judicio mens in errorem abripiatur.

3. Incredibile est denique quàm variis erroribus præoccupari consueverit ipsa voluntas, qui deinde in mentem ipsam uberrimè diffunduntur. Quamvis enim rectus, & a naturâ institutus ordo postulare, ut eadem voluntas mentis lumen, ductum, atque judicium constantissimè sequeretur; plerumque tamen fieri videmus, ut voluntas ipsa variis affectibus, amore nimirum, odio, desiderio, lætitiâ, superbiâ, pertinciâ, aliisque innumeris perturbata, omne mentis judicium, sive cognitionem omnem præcedit, atque intellectum ipsum, antequam res accuratè,

L 3

sibi-

* Opinionibus vulgi rapimur in errorem, nec vera cernimus. *Cic. de leg. 2.*

Magni autem ingenii est revocare mentem a sensibus, & cogitationem a consuetudine abducere. *Cic. Tusc. 1.*

sibi que perspectæ fuerint, ad temere judicandum impellit, siue mentis iudicia propriis illis affectibus accommodat, ut in ipsis etiam idem amor, & odium quodammodo effulgeat *.

VIII. Hæc autem, ceteraque id genus vitia, quæ ex præiudiciis oriuntur, suis in locis uberiùs, & opportuniùs explicabuntur, additis etiam remediis, quibus occurrì iis possit.

1. Interim verò breviter monuisse iuverit, sensuum observationes cautissimè adhibendas esse, præsertim si ab uno solùm sensu, si semel, si negligenter factæ fuerint; atque cùm intellectus se non semel, atque iterum, sed sæpius a sensibus deceptum noverit, assensum proprium cohibere sic debet, ut non temere illis aliquod exhibentibus assentiatur, sed indifferens, tandiù, atque suspensus hæreat, donec eadem veritas ab alio sensu, aut alio lumine confirmetur.

2. Hinc verò fiet, ut iudicia singula, quæ ab Intellectu formata fuerint, vera, & accurata sint, neque intellectus ab ullo iudicio præconcepto occupetur, quod non verum, riteque formatum sit; unde vereri deinde non poterit, se a prævio quodam iudicio falso in errorem in-

* Plura multò homines iudicant odio, aut amore, aut cupiditate, aut iracundiâ, aut dolore, aut lætitiâ, aut spe, aut timore, aut errore, aut aliâ permotione mentis, quàm Veritate. *Cicer. Acad. Quæst. 4.*

Quisque iudicat prout est affectus. *Aristot. lib. 6. Ethic. cap. ult.*

. . . qui amant, ipsi sibi somnia fingunt. *Virg. Egl. 8.*

induci. Optimum tamen, ac sapiens consilium erit præterita quoque judicia ad examen subinde revocare, cum præsertim judicium illud, quod ex ipsis infertur, dubium, & ambiguum videatur; si etenim posterioris judicii veritas fluctuat, suspicari facile possumus, prioris quoque judicii veritatem fluctuare.

3. Innumeris quoque voluntatis erroribus medebimur, si animum variis affectibus exuere conabimur, si solo veritatis inquirendæ amore, ad rerum cognitionem, ad ferenda judicia accedamus, si paullisper affectus omnes seponamus, donec de re propositâ judicemus: si denique imaginemur id, de quo judicare debemus, nullâ ratione ad nos ipsos, aut ad illorum aliquem, quos amore, vel odio prosequimur, pertinere, nullum inde commodum, aut fructum oriri posse; tunc etenim clariùs, atque liberiùs de re propositâ mens affirmabit, neque repugnantes ideas temere conjunget, neque temere convenientes sejunget, in quo judicii vitium omne positum dicebamus. Ceterùm cum hæc alibi, præsertim verò in IV. Logicæ Parte dicturi simus, hîc easdem leges, & regulas superiùs traditas perstringemus; quibus hæc judicii nostri vitia faciliùs cognosci, vitarique possint.

1. *Cum de re conceptâ fuerit judicandum, idea, sive termini, quibus illa exprimuntur accuratissimè sunt percipiendi; atque si obscuri sint, explicandi; si confusi, distinguendi.*

2. *Terminis, aut ideis clarè, distinctèque perceptis, si illa inter se convenient, sive repugnent, una nimirum in alterâ contineatur, aut cum illâ perspicuè, necessariò jungatur, tunc illa con-*

jungi, sejungi^{de} possunt, hoc est una de alterâ affirmari, sive negari poterit.

3. Quod si Idearum, vel terminorum connexio, seu repugnantia nondum appareat, tandiâ assensus, sive judicium cohibendum est, donec illa nobis ex aliquâ tandem parte affulgeat, & innotescat.


4. Si etenim duarum idearum connexio in aliarum duarum connexione quodammodo contineatur, aut ex illâ deduci possit, tum veluti certa judicii nostri regula assumi poterit.

5. In iis, qua a sensibus exhibentur, omnis infantia, vel consuetudinis error est seponendus, neque de re sensibili judicandum, nisi ex variis sensibus pluries eadem res constanter ostendatur.

6. Seponendi similiter, aut exuendi sunt omnes affectus Voluntatis; nullumque Judicium ferendum est, in quo vel minima amoris, aut odii scintilla, sive suspicio contineatur.

C A P. II.

De Propositionis naturâ, ejusque divisione.

I.  Um Propositio ad exprimenda mentis humanæ Judicia, sive conceptus ab ipsâ mente formatos instituta fuerit, optimè definitur Oratio exprimendis hominum judiciis accommodata, sive etiam clariùs Oratio enuncians unum de alio: cùmque Judicium ipsum in affirmatione, vel negatione positum sit, optimè quoque definiri potest, Oratio affirmans, vel negans: quo præclara-

clarè certè, accuratèque distinguitur a ceteris orationum, sive sermonum generibus, quibus admiratio quidem, imperium, desiderium, aut alius quidam animi nostri sensus exprimitur, ut ex. gr. si dicerem *ob tempora, ob mores! Sol ne movearis*, &c. nihil tamen expressè de alio sive affirmando, sive negando enunciatur, unde orationes illæ veluti Propositiones haberi minimè possunt.

II. Cùm verò Judicium illud, quod exprimi debet, duas saltèm ideas, ut antea diximus, complectatur; sic etiam Propositio, Judicii interpretes, duabus saltèm vocibus constare debet, quibus utraque idea, illarumque conjunctio, sive sejunctio accuratissimè demonstretur. Hinc altera vox exprimit id, quod enunciatur, hoc est, affirmatur, sive negatur de alio, unde *attributum*, sive *prædicatum* vocatur; altera verò significat id, de quo negando, vel affirmando aliquid enunciatur, unde *subjectum* dicitur. Utraque tamen vox *materia*, *terminus*, & *extremum* Propositionis vocatur; materia quidem, quòd ex illis Propositio, veluti partibus componatur; terminus verò, & extremum, quòd ultimum in ipsâ locum obtineant, atque in ipsas ultimò resolvatur eadem Propositio, ut ait Aristoteles: *Terminus est id, in quod resolvitur Propositio tanquam in prædicatum, & subjectum*. Sic hujus Propositionis, *bonum est amandum*, subjectum est illa vox *bonum*; prædicatum verò, vel attributum est *amandum*; verbum denique substantivum est, quo affirmationem nostram, sive terminorum conjunctionem animo conceptam exprimimus, utriusque termini vinculum, ne-

nexus, copula dici solet, sinè quo certè Judicium nullum, nulla affirmatio fieri posset. Ceteris tamen verbis, quæ proinde *adjectiva*, sive *complexa* dixeris, ita iudicium aliquod, aut aliqua propositio componitur, ut aliquando verba ipsa, præter affirmationem, etiam subjectum, aliquando prædicatum, aliquando etiam simul utrumque contineant, ut si quis diceret *ego cogito*, sive *sum cogitans*, sive etiam simpliciter, *cogito*, idem planè significat, ac si expressè diceret, *ego sum cogitans*. Propositiones illæ, in quibus uterque terminus unà cum copulâ exprimitur, ut *Socrates fuit Atheniensis*, de *tertio adjacente* vocari solent, quòd in illis tres voces mutuò adhæreant, conjunctæque sint: in quibus unicus, alteruter nempe terminus, unà cum copulâ exprimitur, ut *Themistocles imperat*, *sumus miseri*, de *secundo*; de *primo* denique dicuntur illæ, in quibus nullus exprimitur terminus, sed omnium loco ponitur verbum adjectivum, sive complexum, ut *impero*, *diligo*, &c. vel etiam Substantivum ipsum, modò existentiam, non iudicium, aut affirmationem exprimat, sive significet, ut ex. gr. si dicerem *sum*, idem propemodum foret, ac si expressiùs assererem *ego sum existens*. Quæ sanè verborum, propositionumque varietas oriri inde debuit, quòd ipsa verba non modò rem aliquam, aut perfectionem, quæ negari, vel affirmari poterat, sed ipsam quoque affirmationem exprimant.

III. Omnis itaque Propositio vel expressè, vel implicitè saltèm unico prædicato, & subiecto constare debet: neque tamen hinc fieri existimaveris, ut duæ tantummodo voces in Pro-
po-

positione, reperiri debeant; cum etenim id, de quo judicatur, nempe subjectum ipsum propositionis, de quo negatur aliquid, aut affirmatur, pluribus aliquando vocibus exprimitur, atque similiter attributum, quod de alio negatur, aut affirmatur, unicâ semper voce exprimi, aut explicari non possit, ideo plerumque fit, ut ex parte subjecti, sive pro subjecto plures voces ponantur, plures etiam ex parte attributi: semper tamen optimè verificatur, quod aliquid unum, de alio quodam affirmatur, aut negatur; adeoque unicum prædicatum, atque subjectum in ipsâ propositione reperitur, ut in exemplis istis apparet: *Pythagoras fuit sapiens: Pythagoras fuit hominum sapientissimus: Pythagoras docuit animos hominum esse immortales.*

Quod si plura, sive distincta attributa de eodem subjecto; sive idem attributum de pluribus subjectis; sive denique plura attributa de pluribus etiam subjectis affirmantur, sive negentur; tum certè non foret unica propositio, sed tot propositiones intelligi, sive distinguere deberent, quot sunt eadem attributa, sive subjecta, ut si diceretur: *Plato, & Epicurus Athenienses fuerunt: Pythagoras ortus est in Samo insulâ, sed in Italiâ docuit*, duplicem sensum efficerent; sive duæ quædam, distinctæque res de eodem. subjecto, sive res eadem de duplici subjecto affirmaretur. Propositiones illæ, quæ unico subjecto, & prædicato componuntur, quotcunque demum in ipsis voces fuerint, *simplices* appellantur: illæ verò, quæ plura subjecta, vel attributa habuerint, *Compositæ* dici solent.

IV. Sed

IV. Sed ut illustriùs adhuc appareat Propositionis natura, mira varietas, atque præclarus usus in Scientiis omnibus acquirendis, breviter hîc illius proprietates, & partes ordine enumerabimus, ex quibus deinde plurimæ Propositionis divisiones satis accommodè desumuntur. Quatuor itaque in Propositione concipi, sive distinguere meritò solent, *Materia* nimirum, *Forma*, *Quantitas*, *Qualitas*.

1. *Materia* sunt illæ voces, aut termini, quibus eadem propositio, veluti partibus, componitur, prout diverso modo inter se mutuò connectuntur, sive conveniunt.

2. *Forma* Propositionis est affirmatio, sive negatio unius de alio, quibus eadem propositio, sive tota illius vis continetur.


3. *Quantitas* est illius extensio ad plura, sive pauciora significanda, quando nimirum illius attributum de pluribus, sive paucioribus prædicatur.

4. *Qualitas* denique Propositionis est id, quod propositionem ipsam jam formatam consequitur, atque in ipsâ tanquam secundaria quædam proprietas reperitur, aut certè inesse concipitur, cuiusmodi nimirum est veritas, aut falsitas; unde eadem Propositio ab Aristotele definitur: *Oratio susceptiva veri, vel falsi*. Hæc itaque sunt, quæ in Propositionibus concipi, vel accuratè distinguere debent; cum præsertim ex illis, veluti fontibus, varia propositionum genera, sive divisio uberrimè oriatur.



C A P. III.

De Divisione Propositionis ratione materiae.

I.  Tque, ut ab ipsâ Propositionis materia, hoc est a Vocibus, sive Terminis exordiamur, cum ipsi termini, vel extrema propositionis non uno, eodemque modo, sed pluribus, diversisque modis inter se connectantur, atque conveniant, *necessariò* nempe, *contingenter*, *possibiliter*, & *impossibiliter*, totidem quoque Propositionum genera distingui poterunt ratione materiae, ut alia proinde Propositio sit *Necessaria*, alia *Contingens*, alia *Possibilis*, alia denique *Impossibilis*.

1. *Necessaria* Propositio dicitur illa, in quâ prædicatum necessariò convenit cum subjecto; hoc est ita convenit, ut ab illo removeri, sive sejungi non possit, ut *Deus est immortalis*, *homo est animal*.

2. *Contingens* est illa, cujus prædicatum accidentaliter, sive contingenter convenit cum subjecto, ita nimirum convenit, ut possit etiam non convenire, ut *Petrus est justus*, *lapis movetur*.

3. *Possibilis* est propositio, cum prædicatum nondum quidem convenit subjecto, sed convenire illi potest, ut *puer est senex*, *peccator est amicus Dei*.

4. *Impossibilis* denique est illa, in quâ prædicatum nullâ ratione convenit, aut convenire potest cum subjecto, sed potiùs illi repugnat, ut *homo est lapis*.

Quod

IV. Sed ut illustriùs adhuc appareat Propositionis natura, mira varietas, atque præclarus usus in Scientiis omnibus acquirendis, breviter hic illius proprietates, & partes ordine enumerabimus, ex quibus deinde plurimæ Propositionis divisiones satis accommodè desumuntur. Quatuor itaque in Propositione concipi, sive distinguere meritiò solent, *Materia* nimirum, *Forma*, *Quantitas*, *Qualitas*.

1. *Materia* sunt illæ voces, aut termini, quibus eadem propositio, veluti partibus, componitur, prout diverso modo inter se mutuò connectuntur, sive conveniunt.

2. *Forma* Propositionis est affirmatio, sive negatio unius de alio, quibus eadem propositio, sive tota illius vis continetur.


3. *Quantitas* est illius extensio ad plura, sive pauciora significanda, quando nimirum illius attributum de pluribus, sive paucioribus prædicatur.

4. *Qualitas* denique Propositionis est id, quod propositionem ipsam jam formatam consequitur, atque in ipsâ tanquam secundaria quædam proprietas reperitur, aut certè inesse concipitur, cujusmodi nimirum est veritas, aut falsitas; unde eadem Propositio ab Aristotele definitur: *Oratio susceptiva veri, vel falsi*. Hæc itaque sunt, quæ in Propositionibus concipi, vel accuratè distinguere debent; cum præsertim ex illis, veluti fontibus, varia propositionum genera, sive divisio uberrimè oriatur.



C A P. III.

De Divisione Propositionis ratione materiæ.

I.  Tque, ut ab ipsâ Propositionis materiâ, hoc est a Vocibus, sive Terminis exordiamur, cùm ipsi termini, vel extrema propositionis non uno, eodemque modo, sed pluribus, diversisque modis inter se connectantur, atque conveniant, *necessariò* nempe, *contingenter*, *possibiliter*, & *impossibiliter*, totidem quoque Propositionum genera distingui poterunt ratione materiæ, ut alia proinde Propositio sit *Necessaria*, alia *Contingens*, alia *Possibilis*, alia denique *Impossibilis*.

1. *Necessaria* Propositio dicitur illa, in quâ prædicatum necessariò convenit cum subjecto; hoc est ita convenit, ut ab illo removeri, sive sejungi non possit, ut *Deus est immortalis*, *homo est animal*.

2. *Contingens* est illa, cujus prædicatum accidentaliter, sive contingenter convenit cum subjecto, ita nimirum convenit, ut possit etiam non convenire, ut *Petrus est justus*, *lapis movetur*.

3. *Possibilis* est propositio, cum prædicatum nondum quidem convenit subjecto, sed convenire illi potest, ut *puer est senex*, *peccator est amicus Dei*.

4. *Impossibilis* denique est illa, in quâ prædicatum nullâ ratione convenit, aut convenire potest cum subjecto, sed potiùs illi repugnat, ut *homo est lapis*.

Quod

Quod si *Propositio negativa* fuerit, in quâ nimirum exprimitur prædicatum non convenire subiecto, duo tantum genera complecti potest, cum duobus tantum modis prædicatum ipsum abesse, vel removeri possit a subiecto: vel enim exprimimus prædicatum ita non convenire subiecto, ut prorsus illi repugnet, tuncque *Propositio Necessaria*, vel *Impossibilis* dicetur, ut *homo non est lapis*; vel potius exprimimus prædicatum non convenire quidem subiecto, sed posse tamen illi convenire, tuncque erit illa *Possibilis*, sive *Contingens*, ut *Petrus non est sapiens*.

II. Omnes autem Propositiones hujusmodi *Absoluta* dicuntur, si prædicatum in ipsis absolute, simpliciter de subiecto affirmetur, vel negetur, ut *Angelus est immortalis*, *Pythagoras fuit sapiens*: Quod si exprimatursuper modum, quo prædicatum ipsum subiecto convenit, ut *Angelus est necessario immortalis*, *Pythagoras fuit contingenter sapiens*, tunc *Propositio Modalis* vocabitur.

III. Videri etiam posset Propositionem ratione materiæ dividi in *affirmativam*, & *negativam*, quia nimirum *affirmatio*, & *negatio* pendere videtur ex habitudine, respectu, vel ordine unius termini ad alium: quemadmodum etiam plures existimant, affirmationem ipsam, & negationem Propositionis, non alio, quàm *Qualitatis* nomine intelligi oportere: verum, etsi de nominibus parum sollicitos esse nos deceat, verisimilius tamen, & accuratius videtur formam propositionis, in quâ nimirum præcisè, formaliter, atque essentialiter, ut ita loquar, po-

posita est Propositio, non aliam esse, quàm affirmationem ipsam, aut negationem; cùm in illâ præsertim omne mentis Judicium, ut paullo superiùs ostendimus, contineatur. Duplex itaque ratione formæ est Propositio, *affirmativa*, scilicet, ac *negativa*.

1. Affirmativa dicitur illa, in quâ prædicatum, sive attributum cum subjecto conjungimus, atque prædicatum ipsum subjecto convenire, vel quodammodo inesse dicimus.


2. Negativa verò, in quâ prædicatum a subjecto sejungimus, ac separamus, seu prædicatum ipsum subjecto repugnare dicimus.

Quo certè loco observandum est, Propositionem illam negativam esse, in quâ particula negativa *non* cadit supra verbum, hoc est supra vinculum, nexum, copulam terminorum, sive cum illâ conjungitur. Secus enim, si caderet supra alterutrum ex extremis, prædicatum nempe, sive subjectum, adhuc propositio foret affirmativa, ut propositiones istæ: *non lapis est homo*, *Angelus est non corpus* exprimunt, ac affirmant Angelum esse non corpus, hoc est Angelum esse aliquid a corpore diversum.

IV. Sed, ut ad materiam Propositionis, a quâ subinde digressi fuimus, revertamur, altera quoque divisio Propositionis in *simplicem*, & *compositam* ex illâ deduci solet, cùm simplex, aut composita Propositio, ex unico, sive multiplici subjecto, vel prædicato, ut antea diximus, oriatur. Verùm de utriusque naturâ paullo nunc operosiùs, & accuratiùs agendum erit.

C A P. IV.

*De Propositionibus Compositis,
earumque Speciebus.*

- I.  Propositiones illæ compositæ dici solent, quæ multiplex attributum, sive subiectum; sive multiplex subiectum simul, atque attributum habuerint: unde, sicuti superius ostendimus, pluribus Propositionibus simplicibus æquivalent, sive ex pluribus simplicibus aliquâ ratione simul unitis componuntur.

II. Quandoquidem verò Propositiones illæ simplices, aut *incomposita*, quibus integra Propositionis composita constare debet, particulis quibusdam uniuntur, quæ proinde particulae *componentes*, aut *unientes* vocari meritò possunt, totidem certè distinguere poterunt Propositionis compositæ genera, quot sunt ipsæ particulae componentes, quibus ad efformandam Propositionem compositam plures simplices, quotcumque illæ fuerint, uniuntur. Porro particulae ejusmodi componentes, etsi modò plures, modò pauciores a variis auctoribus afferantur, sex tamen illarum genera satis accommodè a plerisque distinguuntur, copulativa nempe, disjunctiva, causalis, conditionalis, relativa, discretiva; ut alia proinde Propositionis Composita Copulativa dicatur, alia Disjunctiva; Causalis alia, alia Conditionalis; alia Relativa, alia denique Discretiva.

III. At-

III. Atque ut eodem ordine singulæ declarantur,

1. Copulativa, seu Conjunctiva dicitur illa, in quâ propositiones simplices particulâ conjunctivâ &, atque, ac, nec, nec non, sive implicita, sive expressa illa fuerit, junguntur, ut in subjectis exemplis apparet, ubi propositiones simplices ex parte subjecti, vel prædicati, vel utriusque simul junguntur;

Non bene conveniunt, nec in unâ sede morantur,

Majestas, & amor (a).

Invidus, iracundus, iners, vinosus, amator,

Nemo adeo ferus est, ut non mitescere possit (b).

Quid non ebrietas designat? operta recludit;

Spes jubet esse ratas, in prælia trudit inermem,

Sollicitis animis onus eximit, addocet artes (c).

Temeritas, libido, ignavia semper animum excruciant, sollicitant, turbolentaque sunt (d).

Aureus axis erat, temo aureus, aurea summa

Curvatura rota, radiorum argenteus ordo (e).

2. Disjunctiva est illa Propositio, in quâ simplices particulâ disjunctivâ seu, sive, aut, vel uniuntur, ut

Aut prodesse volunt, aut delectare Poëta (f).

Imperat, aut servit regina pecunia cuique (g).

M

3. Caus-

(a) Ovid. Metam. 2. vers. 848. (b) Horat. epist. 1. vers. 38. (c) Horat. epist. 4. vers. 16. (d) Cic. 1. Fin. — (e) Ovid. Metam. 2. vers. 107. (f) Horat. Art. Poët. vers. 333. (g) Horat. epist. 10. vers. 47.

3. Causalis illa vocatur, quæ particulam causalem, quia, ut, quod, eo quod continet, quâ Propositiones simplices conjunguntur.

Ut jugulent homines surgunt de nocte latrones (a);

Rex fuit infelix tali quia sidere natus.

4. Conditionalis est, in quâ simplices uniuntur particulâ conditionali si, nisi, ut si justus est, est amicus Dei.

5. Relativa dicitur illa, quæ particulâ relativâ ibi, ubi, &c. Propositiones simplices unâ conjungit, ut: ubi fuerit corpus, ibi congregantur & aquila.

6. Discretiva denique est illa, in quâ Propositiones simplices particulis discretivis sed, verum, tamen, &c. inter se conjunguntur, adeoque diversa, ac veluti discreta judicia exprimit, ut: mors differri potest, vitari tamen non potest.

Non formosus erat, sed erat facundus Ulysses (b).

Cælum, non animum mutant qui trans mare currunt (c).

Victrix causa diis placuit, sed victa Catoni (d).

Addunt etiam aliqui Rationalem, in quâ nimirum Propositiones simplices per particulam rationalem igitur, ergo, uniantur, ut *Canis movetur, ergo vivit*; sed ejusmodi orationes, sive Propositiones illæ ita conjunctæ, non Propositionem compositam, verum aliquam potius argumentationis speciem efficiunt, quæ Enthymema appellatur, ut alibi demonstrabitur.

IV. At-

(a) *Hor. epist. 1. v. 32.* (b) *Ovid. Art. 2.* (c) *Hor. rat. epist. 11. vers. 27.* (d) *Lucan. lib. 1. vers. 128.*

IV. Atque hujusmodi quidem Propositiones omnes *Explicita* dici solent, quòd illarum unio, seu compositio menti nostræ statim effulgeat: *Implicita* verò, vel *Exponibiles* appellantur aliæ quòd illarum compositio vix deprehendatur, atque omnino simplices videantur: adeoque per alias clariores, & *exponentes* explicentur.

Exponibiles itaque sunt.

1. *Exclusiva*, in quâ prædicatum ita subjecto conjungitur, ut exprimatur insuper ope alicujus particulæ exclusivæ *tantum, tantummodo, solam, dumtaxat, &c.* nullum aliud prædicatum eidem subjecto convenire, ut *Oculus percipit tantummodo colores*; quemadmodum, si particula exclusiva subjecto conjuncta fuerit, exprimetur nulli alteri subjecto idem prædicatum convenire, ut

Deus tantummodo est æternus.

2. *Exceptiva*, quæ solo ferè nomine ab exclusivâ distinguitur, cum prædicatum de pluribus subjectis, sive de pluribus ejusdem subjecti partibus enunciatur, exceptis tamen, per particulas exceptivas *præter, extra, &c.* quibusdam ex illis partibus, sive subjectis, ut *omnes mundi regiones sunt nobis cognita præter regionem australem.*

Cuncta terrarum subacta,

Præter atrocem animum Catonis (a).

3. *Comparativa*, in quâ prædicatum enunciatum de aliquo subjecto, quod ordinatur, comparatur, sive refertur ad aliud, ut:

Vilius est argentum auro, virtutibus aurum (b),
unde comparativis vocibus, vel certè particulis

M 2

com-

(a) Horat. Ode 1. lib. 2. (b) Idem Epist. 1. vers. 52.

comparativis *quàm, magis, quantò, tantò, &c.* illa componitur.

Quantò splendidior, quàm cetera sidera, fulget Lucifer, & quantò, quàm Lucifer, aurea Phæbe,

Tantò virginibus præstantior omnibus Herse (a).

4. Inceptiva, quæ exprimit prædicatum ita convenire subiecto, ut antea non conveniret, ut *lignum calefit*.

5. Desitiva, cum aliquid è contra subiecto convenire dicimus, quod amplius illi convenire non poterit, ut *vitam amittit*.

6. Continuativa cum prædicatum non modò priùs convenisse subiecto; sed adhuc etiam convenire affirmamus, ut *Numa Pompilius Romani Imperii pacem conservavit*.


7. Reduplicativa denique (quid enim cetera compositæ Propositionis genera minutiùs prosequamur) in quâ non solum prædicatum subiecto convenire dicimus, sed insuper etiam per particulas reduplicativas *prout; quoad; quatenus, secundùm quod, reduplicativè ut &c.* exprimimus prædicatum ideo convenire subiecto, quia subiectum est tale, non aliud: ut omnis proinde ratio cur attributum ipsi subiecto conveniat, ex entitate, sive naturâ subiecti oriatur, ut ex. gr. si dicimus *Musicus cantat quatenus est Musicus*, hunc certè sensum efficimus, *musicum ideo cantare, quia musicus est*: quod verificari sanè non posset si diceremus *medicus cantat*, neque enim medicus cantare posset, ut medicus, sive ratione, aut ope medicæ facultatis; sed ut aliun-

(a) Ovid, *Metam.* 2. vers. 723.

aliunde musicus etiam foret; five quia cum medicinâ musicam quoque profiteretur. Quibus exemplis intelligi poterit Reduplicativam Propositionem ad Causalem faciliè revocari: quemadmodum certè illius vis, & compositio per Causalem ipsam optimè exprimitur, ut ex. gr. *Musicus cantat, quia Musicus est*, eundem omnino sensum efficeret, ac si dicerem, *Musicus cantat quatenus est Musicus*.

C A P. V.

De Propositionibus Complexis, & Incidentibus.

I.  Uamvis omnia Propositionum genera, si illorum termini, vel extrema tantummodo spectarentur, ad hæc veluti capita revocari posse videantur, ut aliæ quidem Simples, aliæ verò Compositæ dicerentur, neque aliud certè genus a veteribus Philosophis observatum, five distinctum fuerit; recentiores tamen inter utrumque genus ejusmodi alias etiam accuratissimè distinxerunt, quas ideo *Complexas* vocarunt, quia terminis complexis componuntur; unde duplicem sensum efficiunt, saltè implicitè, ut in istâ propositione; *Vir, qui peccaverit morietur*, subjecti locum obtinent illa verba *Vir, qui peccaverit*; Ejusmodi vero verba, *qui peccaverit*, saltè implicitè propositionem aliquam, five judicium exprimunt, cujus subjectum est pronomen *qui, qua, quod, &c.* quæ propositio cum in aliam incidere, ad aliam referri, ipsique tam-

quam principaliori conjungi quodammodo videatur, *Incidens* appellatur.

II. Aliud quoque discrimen inter Propositionem principalem, & Incidentem; quæ illi veluti contingenter adjungitur, observari facile poterit, quod Propositiono principalis exprimit judicium illud, quod actualiter a nobis efformatur aliquid affirmando, five negando de re conceptâ: Incidens verò exprimit aliud judicium, quod antea formatum fuerit, & quod etiam alteri notum, ac veluti concessum supponimus; ut ex. gr. si dicerem *Pythagoras fuit Samius*, exprimo, enuncio, affirmo, Pythagoram ex hac patriâ fuisse; at verò si dicerem *Pythagoras, qui fuit Samius, de numeris egregiè disseruit*, duo certè judicia nunc exprimo, vel duo prædicatâ de eodem Pythagora affirmo, quod nempe *fuerit Samius*, & quod *egregiè de numeris disseruerit*; hoc insigni tamen discrimine, quod secundum judicium illud, quod nempe *Pythagoras egregiè de numeris disseruerit*, veluti nunc a me formatum exprimo; aliud verò, quod *Pythagoras fuerit Samius*, veluti jam antea formatum, ac aliâ propositione simplici expressum, ac veluti concessum suppono.

III. Hinc quòd plures fuerint in aliquâ Propositione complexâ propositiones aliæ incidentes, eò magis *complexa* vocari illa poterit, cùm præter sensum principalem eò plures insuper secundarii, minùsque principales sensus in illâ distingui possint, quòd plures incidentes propositiones illi conjunctæ fuerint, ut ex. gr. si dicerem *doctrina de diligendis inimicis, quam Christus præcepit, quam Sancti viri exemplo suo confirmarunt, quam*
ethni-

ethnici quoque Sapientes commendarunt, est homini conveniens, magis complexa foret hæc propositio, quàm si dicerem doctrina de diligendis inimicis, quam Christus præcepit, est homini conveniens; sic in Æneidis exordio propositio ex pluribus incidentibus efformata reperitur:

*Ille ego, qui quondam gracili modulatus avenâ
Carmen, & egressus sylvis vicina coëgi,
Ut quamvis avido parerent arva colono,
Gratum opus agricolis: at nunc horrentia
Martis*

*Arma, virumque cano, Troja qui primus
ab oris*

*Italiam fato profugus, Lavinaque venit
Litora (a).*

IV. Universaliter tamen intelligi, vel observari faciliè poterit, quod illa propositionis complexio aliquando subjectum, aut prædicatum, aut copulam ipsam, hoc est affirmationem ipsam, aut negationem; aliquando verò duo saltèm ex illis, aut omnia quoque simul afficit: aliquando nempe Propositio incidens supra unum ex illis, aut supra duo, aut denique super omnia cadit, illisque conjungitur, ut in subjectis exemplis apparet.

Supra sub. *Alexander, qui fuit Rex fortissimus,
vicit Darium.*

Sup. præ. *Alexander vicit Darium, qui fuit Rex
Persarum.*

Sup. cop. *Certum est, quod Alexander vicit Darium*

M 4

Ale-

(a) *Virg. init. Æneadis.*

- Sup. sub. & præ. *Alexander, qui fuit Rex fortissimus vicit Darium, qui fuit Rex Persarum.*
- Sup. sub. & cop. *Certum est, quod Alexander, qui fuit Rex fortissimus, vicit Darium.*
- Sup. præ. & cop. *Certum est, quod Alexander vicit Darium, qui fuit Rex Persarum,*
- Sup. sub. præ. & cop. *Certum est, quod Alexander, qui fuit Rex fortissimus, vicit Darium, qui fuit Rex Persarum.*

V. Porro ex his, aliisque pluribus exemplis, quæ paullo superius attulimus, inferri potest, propositionem incidentem aliquando *explicativam* esse, aliquando *restrictivam*, seu *determinativam*; aliquando enim clariùs tantummodo explicat id, quod in ideâ subjecti, vel prædicati, vel copulæ, licet obscuriùs, continebatur; ut in illâ propositione *Pythagoras, qui fuit Samius*, egregiè de numeris disseruit, incidens propositio, *qui fuit Samius*, clariùs explicat naturam subjecti, nempe Pythagoræ, illius patriam ostendendo; aliquando verò determinat, sive restringit significationem illius extremi, vel termini, supra quem cadit; ut in illâ propositione *vir, qui peccaverit, morietur*, incidens propositio, *qui peccaverit*, restringit significationem illius vocis *vir*: quo certè fit, ut in priori quidem exemplo, cum incidens propositio, *qui fuit Samius*, fuerit explicativa, quamvis hæc auferatur, remaneat idem sensus propositionis principalis *Pythagoras egregiè de numeris disseruit*. Secus ve-

rò

rò in secundo casu, si omisâ incidente, *qui peccaverit*, dicerem *vir morietur*, longè diversum, magisque universalem sensum efficerem, ac ubi dixeram *vir, qui peccaverit, morietur*.


VI. Ejusmodi verò Propositionis incidentis varietas non aliunde meliùs, & accuratiùs repeti potest, quàm ex ipsâ loquentis intentione, verborumque contextu, cùm alioquin eadem propositio interdum *restrictiva*, interdum etiam *explicativa* esse possit; ut si dicerem *Pythagoras qui fuit Samius, fuit auctor Italica Secta*, ut exprimerem ex pluribus, qui hoc idem nomen, Pythagoræ sortiti sunt, non Alientem, aut alium quempiam ex illis, sed Samium tantummodo Italicam Sectam instituisse, tunc incidens illa propositio, *qui fuit Samius*, restrictiva foret, non autem explicativa.

VII. Sic etiam fieri plerumque solet, ut Propositio principalis ab incidente non distinguatur, nisi loquentis intentio observetur, ut ex. gr. si dicerem, *Brutus occidit tyrannum, sive Brutus occidit hominem, qui erat tyrannus*, atque ostendere vellem, Brutum ipsum de patriâ bene mereri, illa propositio, *qui erat tyrannus*, velut principalis haberi debet: neque enim Brutus bene de patriâ meritus ostendi posset hominem occidendo, nisi occisus ille verè tyrannus fuisset; contra verò, si ostendere vellem, Brutum patrias leges violasse, reum mortis fuisse, aliudve simile, tunc illa propositio, *qui erat tyrannus*, incidens, minùsque principalis foret, unde etiam si omitteretur, sua tamen vis argumento nostro, sive rationi constaret, quod certè in primo casu fieri non posset.

C A P.

CAP. VI.

*De divisione Propositionis ratione
Quantitatis.*

I. uantitas illa, quam in Propositionibus concipi, sive distingui posse jam diximus, nihil est aliud, quàm extensio propositionis ad plura, sive pauciora significanda, quatenus nempe attributum, illud, quod in propositione enūciatur, pluribus, sive paucioribus rebus inesse, vel convenire dicitur. Id autem unicè ex variâ subjecti suppositione, hoc est ampliori, sive minori illius significatione oriri observavimus.

1. Si itaque subjectum propositionis distributivè, vel collectivè supponat, hoc est, si vox aliqua universalis, quæ significandis, exprimendisque pluribus est instituta, in totâ suâ latitudine, vel extensione, nempe pro suis significatis omnibus usurpetur, tunc Propositio erit *Universalis*, ut *omnis homo est animal*.

2. Si verò disjunctivè solùm supponat, ponatur nimirum pro aliquo solùm subjecto, sed indeterminatè, & confusè, ut *aliquis homo est sapiens*, tunc Propositio *Particularis* dicetur.

3. Si deinde pro aliquo subjecto determinatè, distinctèque ponatur, ut *hic homo est justus*, aut singularis aliqua vox subjecti locum obtineat, tunc erit Propositio *Singularis*.

4. Quod si subjectum ipsum nihil expressè significet, si nullus articulus, sive signum præfixum

xum fuerit, neque proinde exprimatutrum subjectum pro omnibus, sive pro aliquo solum significato, sive determinatè, sive confusè ponatur, tunc *Indefinita* vocabitur propositio, ut *homo est sapiens*. Hinc propositiones omnes Universales subjectum habent affectum, sive conjunctum terminis, aut signis universalibus *omnis, nullus, &c.* Particulares particularibus *aliquis, aliquis non, quidam, &c.* Singulares autem singularibus, sive demonstrativis *hic, &c.* nisi fortasse singularia nomina subjecti locum obtineant; Indefinitæ verò particulis omnibus, sive signis omnino carent.

II. Porro, licet hæc quatuor Propositionum genera ratione Quantitatis satis appositè distinguantur, duo sunt tamen, ad quæ cetera facile revocantur, Universalis scilicet, atque Particularis; singulares enim ad particulares ipsas ab aliquibus reducuntur, quod istæ quoque aliquid unum tantummodo, illarum instar, significant; vel potius ad universales, cum in singularibus quoque subjectum in totâ suâ latitudine, sive pro significatis omnibus (neque enim vox singularis plura, quàm unum significare potest) usurpetur; unde etiam ex tribus propositionibus universalibus, & singularibus rite conficitur syllogismus, quod ex tribus particularibus fieri non posse ostendemus. Indefinitæ verò, si fuerint in materiâ necessariâ, ut *homo est animal*, æquivalent universali, quia nempe attributum illud, quod essentialiter, ac necessariò subjecto convenit, non uni tantummodo, sed subjectis omnibus convenire debet: quod si sint in materiâ contingenti, ut *homo est sapiens*, æquivalent par-

particulari, attributum enim, quod contingenter ipsi subjecto convenit, hoc est ita convenit, ut ab illo separari possit, vix, ac ne vix quidem subjectis omnibus conveniet. Si Propositio tamen indefinita historica fuerit, aut in materiâ doctrinali, aut si communis etiam loquendi modus spectetur, etsi contingens, æquivalere poterit universali, ut in exemplis istis apparet: *Cretenses sunt mendaces, Itali sunt ingeniosi, omnes Trojani urbis incendio periere,*

Omnibus hoc vitium est, cantoribus, inter amicos

Ut nunquam inducant animum cantare rogati,

Injussi nunquam desistant (a).

III. Quo tamen loco monuisse, atque accurate observasse juverit, quod ex ejusmodi propositionibus, quæ moraliter solum, & historicè universales dicuntur, illatio ad subjectum aliquod singulare fieri non potest; hoc est illud, quod in ipsis universaliter de subjectis omnibus affirmatur, affirmari quoque non potest, sine prævio quodam examine, de aliquo singulari subjecto. Cum enim Propositio illa indefinita non omnia omnino subjecta rigorosè complectatur, fieri fortasse poterit, ut illud ipsum subjectum excludat, de quo nos ipsi differimus: ut ex græco eo quod dixerim *omnes Itali sunt ingeniosi*, inferri certè non potest, quod *Zoilus Italus sit ingeniosus*; ex eo quod dixerim *Trojanos omnes incensâ urbe periisse*, non tamen sequitur, quod *Æneas, ejusque pater, ac filius commune urbis excidium non evaserint*. Sed hæc clariora sunt, quam ut uberius illustrentur.

IV. Ex

(a) *Horat. Satyr. 3.*


IV. Extremo potiùs hoc loco, cùm Universaliũ, atque Particularium propositionum usus in conficiendis rite syllogismis plurimus sit, quatuor vocales illas duobus versiculis subiciemus, quibus illarum propositionum varietas, atque discrimen apparet, ut altiùs adhuc memoriæ inhæreat :

Afferit A, negat E, verùm generaliter amba :

Afferit I, negat O, sed particulariter amba.

C A P. VII.

De Divisione Propositionis Ratione Qualitatis...

I. roximum est, ut illam denique Propositionis divisionem breviter hic complectamur, quæ ex illius Qualitate deducitur. Cùm enim veritas ipsa, vel falsitas in propositione aliquid affirmante, sive negante veluti secundaria quædam proprietas, aut qualitas reperiatur; optimè propositio in *veram*, aut *falsam* ratione Qualitatis distingui solet. Nihil est autem, cur Propositionis veræ discrimen a falsâ nunc ostendamus, cùm facilè appareat, ut egregiè monuerat Aristoteles, quod *Unaquaque res, ut se habet ad esse, ita se habet ad veritatem* (a); atque *Orationes similiter, ac res ipsa, sunt vera* (b); unde celebre effatum illud in scholis ex eo quod *res est, vel non est Propositio dicitur vera, vel fal-*

(a) 2. *Metaphys.* (b) *Arist. lib. Periherm.*

falsa: vera nimirum est illa, quæ dicit aliquid esse, quod est; aut negat aliquid esse, quod revera non est; falsa verò, quæ dicit aliquid esse, quod non est, aut negat aliquid esse, quod est: vel ut Epicurus inquit, *Verum est, quod ita se habet, ut se habere dicitur; falsum, quod non ita se habet, ut dicitur se habere* (a).

II. Sed ut illustrius adhuc, & accuratius Propositionum omnium veritas, aut falsitasprehendatur, plurima notanda sunt circa varios sensus, aut modos, quibus aliqua propositio vera, vel falsa esse poterit, ne fortasse propositioni in illo sensu, quo falsa esse potest, temere assentiamur; aut ex opposito partem illam, aut sensum temere negemus, qui fortasse sit verus.

1. Propositio itaque vera esse potest in sensu *materiali*, vel in sensu *formali*; sive, ut scholastici loquuntur, *materialiter*, vel *formaliter*.

Tunc materialiter solum vera esse dicitur, cum prædicatum, sive id, quod in prædicato exprimitur, & affirmatur, convenit ipsi voci subjecti, non verò rei, quæ per vocem ipsam subjecti loco positam significatur, ut *homo est nomen substantivum*. Formaliter verò, cum prædicatum de re, quæ per subjectum exprimitur, enunciat, ut *homo est capax scientia*.

2. Propositio vera esse dicitur in sensu *literali*, qui nempe proximè, atque simpliciter vocibus ipsis exprimitur, ut *Ego, & Pater unum sumus* (b); vel in sensu *Allegorico*, seu *metaphorico*, ubi voces ipsæ in aliquâ translata, seu metaphoricâ significatione usurpantur, ut *ego sum*
vi-

(a) *Apud Empyr.* (b) *Johann.*

vitis, vos palmites. Atque ii quidem sensus in sacris etiam Literis observantur, literalis quidem in historiâ, rebusque gestis purè, simpliciter exponendis: allegoricus autem in mysteriis, divinisque rebus, quæ vix exprimi verbis possent, proponendis.

Addi quoque solent ab Interpretibus *Anagogicus* sensus, atque *Moralis*, qui propriè tamen in Allegorico continentur. Si etenim Allegoricus ille sensus coelestem Patriam, & illa, quæ sperari debent, respiciat, tunc *Anagogicus* appellatur, ut *Jerusalem, quæ sursum est mater nostra*; & omnia ferè, quæ allegoricè de coelesti Jerusalem describuntur. Si verò Allegoria circa mores rite instituendos versetur, *Tropologicus*, sive *Moralis* sensus efficitur, ut *si oculus tuus scandalizat te, erue eum, & projice abs te*. Hinc celebres illi versiculi de variis Scripturæ sensibus:

Litera gesta docet; quid credas Allegoria;
Moralis quid agas; quò tendas Anagogia.

3. Poterit insuper aliqua propositio esse vera in sensu *composito*, sive *diviso*, aut è contra. Illa dicitur esse in sensu composito, sive compositum sensum efficere, quæ dicit prædicatum eodem tempore convenire subjecto, quo subjectum ipsum est tale, neque variatur, ut si quis diceret *ignis est calidus*, efficeret hunc sensum. *ignis quandiu est ignis, dum remanet ignis, est calidus*. Illa verò dicitur divisum sensum efficere, quæ diversa tempora respicit, quæ nimirum asserit, prædicatum convenire subjecto non hoc tempore, & statu, sed in alio, ut *peccator est amicus Dei, homo sedens potest ambulare*, efficit

cit enim hunc sensum, quod *ubi reliquerit homo peccatum, erit amicus Dei: ubi deserit sedere, poterit actualiter ambulare*; sic etiam ille, qui Deo hortorum præfidi, quem ligneum affinxerat, ait
ligneus adstas,

Si fatura gregem suppleverit, aureus esto; duplicem statnæ illius statum, sive duplex tempus respiciebat; quemadmodum ubi moriens Augustus dixit se reperisse Romam lateritiam, atque marmoream relinquere (b), urbem ipsam in duplici, diversoque tempore, consideravit.

4. Rursus Propositio vera esse potest in sensu *convenientia*, ubi tantummodo exprimat prædicatum convenire subjecto, vel aliquâ ratione, in subjecto ipso contineri, ut *homo est sapiens*: vel etiam in sensu *identitatis*, quando nimirum exprimitur prædicatum, atque subjectum unam, eandemque rem esse, ut *homo est animal rationale*; quæ propositiones etiam *identica* vocari solent.

5. Aliqua similiter propositio est vera in sensu *distributivo, colectivo, disjunctivo, &c.* juxta variam subjecti suppositionem, varium nempe modum, quo subjectum ipsum significat, ut in subjectis exemplis intelligi potest:

Collectiva	<i>Apostoli sunt duodecim.</i>
Distrib. compl.	<i>Omne animal est sensitivum.</i>
Distrib. incompl.	<i>Omne Animal fuit in Arcâ Noë.</i>
Disjunct. conf.	<i>Aliquis oculus necessarius est ad videndum.</i>
Disjunct. determ.	<i>Aliquis homo est Imperator.</i>

6. Postremò (ne minutioribus his immoremur) Propositiones aliquæ, præsertim illæ, quæ uni-

(a) *Virg. Ecl.* (b) *Entrop. de Gest. Rom. lib. 7.*

universaliter efferuntur non in *sensu riguroso*, ut ipsa nimirum verba significant, sed solum in *sensu accommodo* veræ esse possunt: ut de aliquo *literarum Magistro*, qui in *Civitate solus est*, dicimus: *Omnes hîc iste literas docet; non quia omnes discunt, sed quia nemo, nisi ab illo discit, quicumque ibi literas discit* (a); sic Dido inquit: *Omnibus umbra locis adero*, in iis nimirum, in quibus futurus erat *Æneas*.

III. Præter has regulas singulis Propositionum generibus, præsertim verò simplicibus, communes, nonnullæ quoque sunt, quæ quibusdam aliis Propositionum speciebus conveniunt. Atque, ut a Compositis exordiamur,

1. Ut integra Propositio composita copulativa, sive etiam discretiva sit vera, requiritur utramque illius partem, utramque nimirum propositionem simplicem, esse veram, ut *Pythagoras antiquior est Socrate, & Socrates antiquior Platone. Sapiens non quarit, sed fugit honores*. Si enim alterutra ex illis falsa foret, integra quoque Propositio composita falsitatis argueretur.

2. In disjunctivâ requiritur, ut alterutra solum ex simplicibus, quibus illa componitur, sit vera, non autem utraque; quin etiam, si propositio composita verè disjunctiva fuerit, utraque illius pars verificari non potest, cùm inter illius partes non detur medium, ut *Socrates aut vivit, aut mortuus est*. Hinc, si utraque ex simplicibus vera, vel falsa esse posset, tunc integra propositio inutilis, falsa, ac vitiosa foret, ut

N

ex.

(a) *Aug. de Præd. Sanct. n. 14. al. c. 8.*

ex. gr. si dicerem *Petrus aut currit, aut quiescit*; posset enim neque currere, neque quiescere, sed simpliciter, ac lentè moveri.

3. Causalis, & reduplicativa non solùm exigit utramque partem esse veram, sed insuper etiam requirit, ut una pars sit alterius causâ; ut veritas nimirum secundæ propositionis oriatur tanquam ex causâ a veritate primæ, ut *Angeli sunt beati, quia vident Deum*. Si itaque alterutra ex propositionibus simplicibus falsa foret, aut si unius veritas ex alterius veritate non sequeretur, ut ex. gr. si dicerem *homo dormit, quia est capax scientia; Deus creavit mundum, quia est immortalis*, tunc integra Propositionis composita eludi, ac revinci posset.

4. Conditionalis denique, quemadmodum etiam relativa, requirit, ut, quamvis utraque propositio simplex sit falsa, una tamen ex aliâ sequatur; hoc est, ubi fortasse una ex illis vera esset, altera quoque verificari debeat, ut: *Si mundus ab aeterno conditus fuisset, infiniti homines extitissent; ubi est pietas, ibi est honor, &c.* Quod si ex unius veritate alterius quoque veritas inferri non posset, tunc integra Propositionis Conditionalis inutilis, ac falsa foret; ut ex. gr. si dicerem, *si homo haberet alas, volaret*; neque enim sufficerent alæ, ut homo volare posset, nisi etiam muscoli pectori humano adderentur, quibus alas ipsas agitarer.


IV. De Incidentibus verò, sive de Complexis etiam Propositionibus nihil propemodum addendum superest, cùm omnes ferè Copulativarum leges illæ fortiantur, atque servare debeant; adeoque non aliter integra Propositionis complexa

vera esse possit, quàm si utraque pars, principalis nempe, & incidens vera sit: sic, ut ex. gr. sit vera hæc integra Propositio complexa *Aristoteles, qui fuit discipulus Platonis, Peripateticam Sectam instituit*, necessarium est, ut vera sit principalis, *Aristoteles Peripateticam Sectam instituit*, atque insuper etiam incidens alia, *qui fuit discipulus Platonis*; secus enim si alterutra falsa esset, integram quoque Complexam falsam esse oporteret.

V. Notandum est tamen in singulis Propositionum generibus, quod illa pars, quæcumque demum ea sit, quæ falsa fortasse fuerit, alteram quoque partem falsam esse non efficit: sicuti neque falsa putari debet aliqua Propositio, si aut consuetudine, aut ex particulari loquentis opinione, sive intentione vera esse possit, atque communiter vera videatur, ut ex. gr. cum dicitur, *Aristoteles Philosophorum omnium Princeps Alexandrum erudit*, falsa fortasse censei poterit ab iis, qui Platoni, vel alteri cuiquam in Philosophiâ principem locum concedunt; ex veteri tamen consuetudine vera censei facile poterit: quod in Antonomasiâ quoque, in titulis illis, atque nominibus, quæ honoris causâ adhibemus, aliisque id genus phrasibus est observandum; ut egregiè inquit Seneca: *Quadam, etiamsi vera non sint, propter similitudinem eodem vocabulo comprehensa sunt; sic pyxidem & argenteam, & auream dicimus; sic illiteratum non ex toto rudem, sed ad literas attiores non perductum; sic qui malè vestitum, & pannosum vidit, nudum se vidisse dicit.* De Benef. lib. 5. c. 13.


C A P. VIII.

De Oppositione Propositionum.

I.  Proprietates illæ, quas hactenus enumeravimus, atque Propositionibus ipsis ratione Materiæ, Formæ, Quantitatis, & Qualitatis inesse diximus, *simplices*; & *absoluta* appellari meritò poterunt, quòd Propositionibus ipsis simpliciter, & absolutè spectatis convenient, quælibet enim Propositio per se solitariè spectata necessaria, affirmativa, vera &c. esse potest. Tres insuper aliæ Proprietates in scholis enumerantur, quæ Propositionibus non solitariè, vel absolutè spectatis, sed invicem comparatis conveniunt, unde *relativa* vocari possunt. Ejusmodi verò sunt *Oppositio*, *Conversio*, & *Æquipollentia*, quarum prima, ejusque leges in præsentì capite exponentur, ceteræ verò, quæ omitti facilè poterunt, in sequentem locum conjicientur.

II. *Oppositio est Repugnantia duarum Propositionum, quæ idem subiectum, idemque prædicatum habeant, sed secundùm Formam, aut Quantitatem, vel secundùm utramque simul inter se differunt.* Si Propositiones illæ convenient in formâ, & differant in quantitate, ut si una sit universalis, altera particularis, tunc illæ dicuntur *Subalterna*, ut *omnis homo est justus*, *aliquis homo est justus*: Si convenient in quantitate, differant autem in formâ, si nempe fuerint ambæ universales, sive particulares, sed una affirma-

mativa, & altera negativa, erunt *Contraria*, vel *Subcontraria*: *Contrariae* quidem si fuerint ambæ universales, ut *omnis homo est justus*, *nullus homo est justus*; *Subcontrariae* verò si fuerint ambæ particulares, ut *aliquis homo est justus*, *aliquis homo non est justus*. Si denique differant in formâ simul, & quantitate, erunt *Contradictoria*, ut *omnis homo est justus*, *aliquis homo non est justus*, quæ singula Propositionum genera subiecto Schemate continentur.



III. Quod si Propositiones ejusmodi non secundum formam, & qualitatem tantummodo, sed insuper etiam secundum qualitatem, hoc est illarum veritatem, aut falsitatem spectentur, variae exinde leges pro illarum veritate orientur.

1. In Subalternis itaque A, I; E, O (quæ rigorose oppositæ dici non possunt, cum particulares in universalibus contineantur) veritas universalium infert, sive continet veritatem particu-

larium, sed non vicissim ex veritate particularium inferri poterit veritas universalium; fieri nimirum potest, ut aliqua particularis sit vera, vniversalis tamen sit falsa, ut in exemplis istis apparet: *aliquis homo est iustus, omnis homo est iustus*. Falsitas tamen particularium falsas etiam efficit universales, licet è contra in materiâ contingenti falsitas universalium falsas quoque particulares non efficiat, unde Subalternæ aliquando conveniunt, aliquando verò in falsitate, siue veritate differunt.

2. Contradictoriæ A, O; E, I nunquam simul veræ, aut simul falsæ esse possunt; cùm vera contradictio sit *affirmatio, & negatio ejusdem de eodem secundum idem*, ideoque quod affirmatur in unâ contradictoriarum, directè negatur in alterâ; nihil autem potest simul esse, & non esse; affirmari, atque negari simul de eodem.


3. Contrariæ A, E simul quidem falsæ esse possunt in materiâ contingenti, ut *omnis homo est iustus: nullus homo est iustus*, nunquam tamen simul veræ esse possunt, alioquin etiam contradictoriæ simul veræ, esse possent: si etenim vera foret universalis A, esset etiam vera particularis I, adeoque ambæ A, I contradictoriæ, simul veræ forent.

4. Subcontrariæ denique simul in materiâ contingenti veræ esse possunt, non tamen simul falsæ; alioquin si falsa esset, ex. gr. I particularis, falsa quoque foret universalis A, adeoque contradictoriæ A, O simul essent falsæ.



C A P. IX.

De Conversione, & Æquipollentiâ Propositionum.

I.  Onversio Propositionum est *Inversio*, sive *reciproca mutatio subiecti in prædicatum, & prædicati in subiectum*, quando nimirum prædicatum ponitur loco subiecti, & subiectum ipsum loco prædicati, *remanente tamen illius veritate*, quamvis aliquando Propositionis extensio, vel quantitas varietur. Hinc alia est *Conversio simplex*, in quâ remanet eadem quantitas Propositionis: alia *per accidens*, in quâ mutatur quantitas, ut ex universali Propositio fiat particularis; alia denique *per contrapositionem*, quando nimirum termini, vel extrema propositionis ex *finitis*, adjectâ particulâ negativâ *non*, dicuntur fieri *infiniti*, vel potius *indefiniti*.

II. Ut itaque conversio in singulis propositionum generibus rite fieri possit, ita ut Propositio conversa semper sit vera, traduntur tres regulæ subiectis versibus expressæ:

E, I *simpliciter convertitur*; E, A *per accid.*

A, O *per contrap. sic fit conversio tota.*

Quod clariùs etiam in exemplis istis apparet:

E. Nullus homo est lapis — Nullus lapis est homo.

I. Aliquis lapis est albus — Aliquod album est lapis.

E. Nullus homo est lapis — Aliquis lapis non est homo.

N 4

A. Omnis

A. *Omnis homo est animal — Aliquod animal est homo.*

A. *Omnis homo est animal — Omne non animal est non homo.*

O. *Aliquis lapis non est albus — Aliquod non album est non lapis.*

III. Discrimen autem illud, quod inter Propositionem universalem affirmativam, & negativam reperitur, ut nempe affirmativa simpliciter converti non possit, quemadmodum negativa convertitur, oritur ex diversâ suppositione prædicati: in affirmativâ siquidem prædicatum supponit disjunctivè, hoc est pro aliquibus tantum significatis: ut *omnis homo est animal* efficit hunc sensum, *omnis homo est aliquod animal; sive est unum ex animalibus*, unde simpliciter illa converti non potest dicendo *omne animal est homo*. Contra verò in propositione negativâ prædicatum universaliter, sive distributivè supponit: ut *nullus homo est lapis* efficit hunc sensum *nullus homo est ullus ex omnibus lapidibus*, sive *de nullo lapide verificari potest, quod sit homo*: adeoque simpliciter illa converti sic poterit, *nullus lapis est homo*. Ejusmodi tamen leges locum non habent in propositionibus *identicis*; in quibus nimirum prædicatum, atque subjectum sunt unum, & idem, ut *homo est animal rationale*; *Angelus est Angelus*: istæ siquidem simpliciter, & absolutè converti possunt. Plerumque tamen inutiles, & nugatoriæ illæ sunt, cum exprimant idem per idem, nihilque de re, sive subjecto affirmant; nisi fortasse subjectum ipsum aliquam sui perfectionem ex institutâ consuetudine exprimat, ut ex. gr. si dic-

ce-

cerem, *Cato semper fuit Cato, efficerem hunc sensum, Cato semper constans, æquus, sibi que similis fuit.*

IV. *Æquipollentia* denique longè minoris, aut nullius etiam momenti, nihil est aliud, quàm *Reductio duarum propositionum oppositarum ad eundem sensum*, quod efficitur ope particulæ negativæ *non*, quæ in contradictoriis præponitur subiecto; in contrariis postponitur; in subalternis verò præponitur simul, atque postponitur, ut hoc versiculo demonstratur:

Pra contradic. *post* contra. *pra* *postq.* subalter.

A. *Omnis homo est justus.*

O. *Aliquis homo non est justus.*

Non omnis homo est justus.

æquipollentes

A. *Omnis homo est justus.*

E. *Nullus homo est justus.*

Omnis homo est non justus.

æquipollentes

A. *Omnis homo est justus.*

I. *Aliquis homo est justus.*


Non omnis homo est non justus.

æquipollentes

Sed de his plusquam satis.

C A P. X.

De Definitione.

I.  Tsi Propositiones omnes, quarum naturam, discrimina, leges, proprietates omnes hactenus exposuimus, ad humanæ mentis directionem, vel ad inquirendæ veritatis studium plurimum conferant, nulla tamen est, quæ uberiorem in disciplinis omnibus acquirendis lucem:

cem afferat, quæque proinde utiliùs, atque frequentiùs adhiberi consueverit, quàm *Definitio*, de quâ præsentì loco differemus, in altero de *Divisione*, quæ proximè Definitionem ipsam sequitur, dicturi.

II. *Definitio* igitur nihil est aliud, quàm *Oratio, vel Propositio, per quam exponitur, & explicatur id, quod est obscurum in re, sive in nomine*: hinc duplex oritur definitionis species, alia nimirum nominis, quam *Ethimologiam* dicimus, quæ nomen ipsum, ejusque originem clariùs exponit, ut ex. gr. si dicerem *Angelus est nuntius*: alia rei, sive naturæ, quæ per nomen ipsum exprimitur; ut *triangulum est figura tribus lineis contenta*.

III. Plurimum autem esse primæ definitionis usum inde facilè cognosci potest, quod neque de rebus differere, neque errores ullos in differendo corrigere unquam possemus, nisi verborum vim, sensumque perciperemus: hinc, ut egregiè admonuit Cicero: *Omnis quæ a ratione suscipitur de aliquâ re disputatio, debet a definitione proficisci, ut intelligatur quid sit id, de quo disputatur* (a) *, alioquin de solo nomine quæstio
fie-

(a) Cic. 1. de Offic.

* Ea res agatur, ut inter quos differitur conveniat quid sit id, de quo differitur. Cic. Fin. 2.

Epicurus dicere solebat diligenter oportere exprimi quæ vis subjecta sit vocibus. Apud Cic. 2. de Fin.

Id faciam, quod in principio fieri in omnibus disputationibus oportere censeo, ut quid illud sit, de quo disputatur, explanetur, ne vagari, & errato cogatur oratio, si ii, qui inter se dissenserint, non idem esse illud, de quo agitur, intelligant. Cic. Orat. lib. 1.

fieret, quod maximum quidem est vitium, sed ejusmodi tamen, in quod frequenter impingimur. Geometræ cortè, qui se docere profitentur, nihil proponere, nihilque demonstrare consueverunt, nisi priùs accuratissimè vocum illarum sensum, quas adhibere debeant, exposuerint, omnemque vim vocibus ipsis subjectam clarè, distinctèque ostendere studuerint; quod sanè egregium docendi genus, si Philosophis quoque æmulari licuisset, neque plerumque de solis vocibus, neque de incognitis solùm, ambiguis, confusisque rebus acriter adeo certaretur.

IV. Definitio rei, quæ optimè definitur *Orazio explicans naturam rei, seu quid res sit*, longè difficilior est, cum intimæ rerum naturæ obscuræ adeo sint, ut vix a nobis intelligi, deprehendere possint, aut etiam si fortasse ab intellectu concipiantur, vix tamen exprimi vocibus possint. Sic ex. gr. dicimus; *Leo est animal rugibile*, quodd intinam leonis naturam, ejusque intrinsecum, & essenziale discrimen a ceteris brutis non percipiamus.

V. Duplex autem est rei definitio *essentialis* scilicet, ac *descriptiva*.

1. Essentialis est illa, quæ explicat naturam rei per partes illas, sive principia, quæ essentialia sunt ipsi rei, hoc est rem ipsam ita constituunt, ut sine illis esse non possit; & *physica* quidem dicetur eadem definitio si rei naturam exprimat per principia physica, ut *homo est aliquod compositum ex animâ, & corpore*; *Metaphysica* verò si per principia, vel partes metaphysicas explicaverit, ut *homo est animal rationale*.

2. De-

2. Descriptiva dicitur illa, quæ rem describit, hoc est, quæ rem explicat per partes illas, perfectiones, atque principia rei, quæ non essentialiter illi conveniunt; ac, si per proprietates quidem explicet, per illa nimirum attributa, quæ inseparabiliter ipsi conveniunt, dicitur *Propria*, ut *homo est animal capax scientiæ; ignis est elementum calidissimum, &c.* Si per accidentia, quæ ita subiecto conveniunt, ut ab illo separari etiam possint, erit *Accidentalis*, ut *homo est animal pulcrum, implume, bipes, habens caput erectum.* Si denique res describatur per causas ipsius extrinsecas, *Finalem* nempe, *Efficientem*, atque *Exemplarem* (intrinsicæ siquidem causæ *Materialis*, & *Formalis* sunt essentialiales, seu physicæ partes ejusdem rei) definitio *Causalis* illa vocabitur, ut *horologium est machina facta ab artifice ad indicandas horas.*

VI. Hinc facilè apparet, definitiones omnes, quibus rerum naturam aliquâ ratione describimus, aut explicamus, constare, sive componi debere genere, & differentiâ, quibus ipsæ res, aut naturæ, veluti partibus componuntur, ut alibi demonstravimus: hoc tamen discrimine, quod in definitionibus illis, quæ essentialiales dicuntur, exprimitur vera differentia, sive principium illud intrinsicum, quo res definita a quacumque aliâ re distinguatur; in descriptivâ verò propriâ veræ differentiae locum tenet aliqua proprietas, in accidentali accidentia, in causali denique causæ.

VII. In omni tamen definitionum genere id maximè, atque propemodum unicè spectari debet, ut res definita a quacumque aliâ re perfectè

fectè distinguatur; adeoque, si definitio est essentialis, aut propria, sufficit exprimere unicum tantummodo attributum essentialē, sive proprietatem aliquam, quæ inseparabiliter ipsi rei definitæ conveniat: at si ponantur accidentia, vel causæ, quæ certè pluribus communia esse solent, cum eadem causâ plures effectus producat, & idem accidens in pluribus aliquando subjectis reperiatur, tot ex accidentibus illis, aut causis enumerari, vel in definitione congeri debent, quot simul sumpta uni tantummodo rei definitæ conveniant, eamque a ceteris omnibus distinguant: quod observari certè potest in celebri descriptione Poliphemi apud Virgilium:

*Monstrum horrendum, informe, ingens, cui
lumen ademptum,*

Trunca manum pinus regit, & vestigia firmat.
Vitiosa verò cognosci poterit illa definitio, quam Plato de homine usurpare consueverat: *homo est animal pulchrum, implume, bipes, habens caput erectum*, quemadmodum Diogenes ipse Cynicus observavit, qui gallum gallinaceum detractis plumis in medium Academiæ projecit, & quâ erat irridendi, detrahendique licentiâ ait, *en homo Platonis*; innuens, eandem definitionem hominis a Platone traditam gallo gallinaceo convenire.

VIII. Debet insuper esse definitio neque superflua, neque diminuta, alioquin rem ipsam perfectè a ceteris non distingueret, si foret diminuta, ut si dicerem *homo est animal album*; aut ambiguitatem pareret, si esset superflua, ut *homo est animal-rationale-bipes*, suspicari nem-

nempe, vel dubitare quis posset, an bipedem esse conveniret homini necessario, vel contingenter.

IX. Requiritur etiam, ut clarior sit eadem definitio re definitâ; secus enim, si obscurior foret, mentis lumen non juvaret, sed potius obrueret. Hinc vitiosæ plerisque videntur celebres illæ definitiones ab Aristotele traditæ: *Tempus est numerus, & mensura motûs secundum prius, & posterius: Qualitas est id, per quod dicimur quales: Anima est actus corporis physici organici in potentiâ vitam habentis*. Quemadmodum etiam vitiosæ, sunt definitiones omnes identicæ, in quibus explicatur idem per idem, ut *motus est translatio, sive migratio corporis*. Longèque adhuc vitiosiores sunt emphaticæ, metaphoricæ, ac veluti ænigmaticæ definitiones illæ, quæ a compluribus adhibentur, ut cum testudo defini-

*Terrigena, herbigrada, domiporta, sanguine cassa.
Quadrupes tardigrada, agrestis, humilis aspera,
Capite brevi, cervice anguina, aspectu truci,
Eviscerata inanima cum animali sono (a).*

Sic flores risum telluris; & astra vocabis

*Purpureos cæli flores, tremulosque pyropos;
Pendula stammiferi ridentia sulphura cæli (b).*


X. Postremò reciproca debet esse definitio cum re definitâ, hoc est ejusmodi debet esse, ut cum re definitâ converti possit, ut quicquid nimirum de re definitâ verificatur, verificari etiam possit de definitione, quicquid è contra definitioni convenit, conveniat etiam rei definitæ; ut *Triangulum est figura tribus lateribus circum-*
scri-

(a) Cic. 2. de Divin. (b) Sestian. Satyr. 8.

scripta ; Figura tribus lateribus circumscripta est Triangulum ; sive Triangulum tres angulos habet ; Figura tribus lateribus circumscripta tres angulos habet . Et certè cùm definitio nihil sit aliud , quàm eadem res definita clariùs explicata , quicquid ipsi rei definitæ conveniet , ipsi quoque definitioni convenire debbit .

C A P. XI.

De Divisione .

I.  Upremo denique loco ceteras inter Propositionum species explicanda nobis occurrit *Divisio*, quæ cùm optimè definiri soleat *Oratio dividens totum in partes , sive explicans rem per partes **, quemadmodum totum illud , quod in partes resolvitur , duplici modo partes ipsas habere , sive continere potest , ita duplex divisionis genus satis accommodè distingui solet .

II. Vel itaque partes illæ , quæ numerantur , aut distinguuntur , continentur actualiter in toto ; ut *actuales* proinde vocari possint ; sive tantummodo sunt in potentiâ , hoc est totum illas non habet quidem , sed tamen habere potest , ut *potentiales* ideo dicantur . Si partes illæ totius fuerint actuales , tunc illa divisio , quæ ipsas ab invicem separat , hoc est illas enumerat , erit
actua-

* Faciliùs per partes in cognitionem totius inducimur : quidquid in majus crevit , faciliùs agnoscitur si discesserit in partes . *Sen. epist. 89.*

actualis; *physica* quidem, si partes illæ *physicæ* fuerint, ut *hominis alia pars est anima*, *alia corpus*; *metaphysica* verò si partes ipsæ *metaphysicæ* fuerint, ut *hominis alia pars est animalitas*, *alia rationalitas*. *Integralis* denique cum compositum ipsum dividitur in illas partes, quæ non ad essentiam totius, sed ad illius integritatem, & perfectionem pertinent, unde *integrales* etiam, vel *integrantes* dicuntur, ut *hominis alia pars est caput*, *brachia*, &c.

III. Quod si totum aliquod in partes suas *potentiales* dividatur, quod fieri intelligimus ubi genus in varias species, & species ipsa in varia individua dividitur, ubi nempe numerantur omnia individua, quæ in aliquâ specie, & species omnes, quæ in aliquo genere continentur, tunc erit divisio *potentialis*. *Potentialis* etiam erit divisio si distribuatur, sive dividatur *accidens* in *subiecta*, hoc est enumerentur omnia *subiecta*, in quibus aliquod *accidens* inesse poterit; aut *subiectum* ipsum in *accidentia*, nempe numerentur omnia *accidentia*, quæ in aliquo *subiecto* reperiuntur. Atque *univoca* quidem erit hæc divisio *potentialis* si totum divisum eodem modo partibus omnibus conveniat, ut si dividatur *animal* in *hominem*, *leonem*, *agnum*, &c. *Æquivoca* verò si modo prorsus diverso illis conveniat, ut si distinguatur *canis* in *cælestem*, *terrestrem*, *marinum*, &c. *Analogæ* denique si totum divisum aliqua similitudine, & proportionem suis partibus tribuatur, ut *rex homini*, *leoni*, *lilio*, *aquila* tribui solet.

IV. *Leges* autem illæ, quæ in divisione servari debent, etsi plurimæ afferri possint, omnes tamen

tamen ad quatuor facilè reducuntur, quæ ceteris utiliores sunt, & accuratiùs observandæ.

1. Primò requiritur, ut *Totum divisum majus quidem sit quâlibet sui parte separatim sumptâ, sed omnes tamen partes simul sumptæ æquales sint ipsi Toti*: divisio enim partes non destruit, sed solùm separat, unde si iterum colligantur, & uniantur debent ipsum Totum antea divisum restituere; hinc malè divideretur *Orbis in Asiam, Africam, Europam*, deesset enim *America*, adeoque tres illæ partes simul sumptæ Totum divisum non æquarent.

2. Hinc oritur alia regula, quod *una pars non includatur in aliâ*, alioquin inclusa pars bis numeraretur, semel scilicet expressè, iterum verò implicite, hoc est, cum numeratur alia pars, in quâ continetur, ut ex. gr. si dicerem *Homo dividitur in brachia, caput, oculos, digitos, &c.* digiti enim in brachio, oculi in capite continentur.

3. *Debet insuper divisio esse brevis quantum fieri potest*, ne ex nimio partium numero confusio, & obscuritas oriatur; unde præclare ait Seneca: *Idem habet vitii nimia quod nulla divisio: simile confuso est quicquid in pulverem sectum est* (a).

4. *Divisio denique fieri debet in membra proxima, & immediata*, hoc est in partes illas, quæ proximè, & immediatè, adeoque clariùs, atque distinctiùs in toto continentur: hinc malè divideretur *animal in canem, leonem, &c.*

O

sed

(a) *Epist. 8. vid. Quintil. 4. c. 5.*

sed ordinata divisio fieri deberet in *rationale*, & in *irrationale*; deinde *irrationale* distingui posset in *aëreum*, *terrestre*, & *marinum*, deinde singulæ species illæ in alias species dividi, donec ad ipsa individua tandem descenderetur.

Finis Secundæ Partis Logicæ.



LOGI-



LOGICÆ

PARS TERTIA.



De Discursu, & Argumentatione.



O Elestis illa, atque divina prope-
modum mentis humanæ vis, &
ubertas, quâ naturâ ipsâ præditi
sumus, licet in singulis Operatio-
nibus illis, quas hætenus exposui-
mus, mirificè appareat, numquam tamen illu-
strius, aut uberiùs effulget, quàm ubi Judicium
aliquod ex alio Judicio mente formato deduci-
mus, dicimurque proinde discurrere, ratiocina-
ri, nempe vim illam, sive principium excer-
re, quo *rationis compotes*, aut *racionales* voca-
mur; quasi nimirum hac unâ mentis Operatio-
ne, veluti certo, clarissimoque discrimine a bru-
tis homines distinguerentur. Ac certè si quis
oculos, animumque conjecerit in plurima, at-


O 2

que

que infinitas ferè innumerabilium rerum cognitiones, quæ non in singulis modò Philosophiæ partibus, sed in ceteris quoque disciplinis omnibus continentur, is probè intelliget quanta sit hac in parte ingenii nostri vis, & acumen, cum ingens illa, atque incredibilis Judiciorum series, ac varietas ex paucis quibusdam Judiciis, veluti fontibus uberrimè deducta fuerit. Alterâ verò ex parte miras, atque incredibiles quidem, sed tennes tamen, atque finitas ingenii nostri vires experimur; neque enim aliâ de causâ unum ex alio inferre consuevimus, nisi quodd unicum mentis intuitu res omnes, quæ nobis obijciuntur, illarumque proprietates cognoscere minimè possumus, sed plures veluti in partes illas dividere, unamque seorsim ab aliâ veluti quibusdam gradibus inferre cogimur. Quo certè fieri oportuit, ut ipsa rerum obscuritas, tenuis illarum affinitas, atque connexio, præceps in inferendo celeritas nos in errores illos abduceret, quos opportuno loco exponemus, ubi in hac Tertiâ Logicæ Parte de Discursu, ceterisque omnibus, quæ ad hanc Tertiam mentis Operationem pertinent, accuratè disseruerimus.

CAPUT PRIMUM.

De Discursu, & Argumentatione.

- I.  Elebris, atque a nobis etiam in superioribus Logicæ partibus explicandis usurpata methodus exigit, ut initio quidem de Ratiocinationis, sive Discursûs naturâ, & origine; deinde
ve-

verò de Argumentatione ipsà, quæ cum Discursu arctissimè conjungi solet, breviter, & accuratè loquamur, ex quibus omnia, quæ in hac tertiâ Logicæ Parte dicenda remanent, uberri-
mè oriuntur.

II. Nihil est autem aliud Ratiocinatio, sive Discursus, quàm *Cogitationis species, quâ Judicium aliquod ex alio Judicio sibi connexo, vel ex pluribus aliis infertur*; ut ex. gr. si judicaverim animos hominum spirituales, & incorporeos esse, atque inde deducam animos ipsos incorruptibiles, atque immortales esse, *discurrere* dicar, sive *ratiocinari*. Atque hinc apparet cur optimè fortasse censeri possit Ratiocinationem ipsam, sive Discursum nihil aliud esse, quàm nobilius aliquod, magisque compositum Judicii genus, quo mens nostra judicium aliquod cum alio quodam judicio comparat; atque, prout unum alteri convenire, unum in alio contineriprehenderit, unum ex alio deducit. Simplex, & unica tamen est ejusmodi mentis operatio, quodd, licet plura judicia complectatur; omnia tamen ut simul unita, vel solam potiùs illorum connexionem, ac dependentiam consideret, quatenus unum ex aliis oritur, atque in aliis etiam quodammodo continetur.

Judicium illud, quod est veluti fundamentum, causa, fons, & origo alterius, ex quo nimirum judicium aliud infertur, dicitur *Antecedens*: Alterum verò, quod ex alio infertur, vocatur *Consequens*; ut si quis judicet *honum esse amandum*, atque inde inferat *Deum amandum esse*, ex amabilitate boni, tamquam ex antecedente, sive principio, vel causâ deduceret ama-

bilitatem Dei tamquam aliquid aliud illi connexum, & ab illo dependens, aut ad illud consequens. Quemadmodum verò quidquid a nobis per ideas mente concipitur, vocibus, aut terminis exprimi solet; quicquid de re conceptâ, vel affirmando, vel negando judicamus, per Propositiones exprimere, vel manifestare solemus, ita quoque Discursus a mente nostrâ formatos, variis Argumentationum generibus explicamus, unde definitur optimè Argumentatio, *Oratio, in quâ Judicium aliquod ex alio, vel ex pluribus aliis illatum exprimitur*; sive etiam brevius, *Oratio, in quâ infertur unum ex alio*. Ejusmodi verò nomen *ab argumento, sive medio*, desumptum est; quòd, ut inferiùs ostensuri sumus, non possit clarè intellectus unum ex alio inferre, sive terminum unum alteri conjungere, nisi priùs utrumque terminum cum aliquo medio, vel tertio comparaverit, quod medium, sive tertium a Logicis, atque Rethoribus etiam *argumentum* vocatur.


III. Hinc autem facilè apparet vim totam ratiocinationis non in veritate, aut falsitate judiciorum, sed solùm in illorum connexionem positam esse; quemadmodum etiam veritas Argumentationis a veritate Propositionum, quibus judicia exprimimus, æstimari non debet, sed ab illarum connexionem, vel dependentiâ; unde fieri aliquando potest, ut Antecedens, & Consequens sit verum, nulla tamen sit illorum consequentia, sive connexio, adeoque vitiosa sit Argumentatio; vel utrumque è contra sit falsum, & tamen unum ex alio consequatur, & optima proinde sit illatio; ut in his exemplis apparet.

Omnis

*Omnis homo est albus, ergo lapis est corpus.
Omnis lapis est homo, ergo lapis est sensitivus.*

C A P. II.

De variis Argumentationis speciebus.

I.  Um in discursu, vel ratiocinio formando omnem vim exerat, & liberè expatietur mens hominum, hinc fieri oportuit, ut plurimæ Argumentationis species haberentur, quæ tamen omnes ad syllogismum, veluti præcipuum Argumentationis fontem, & caput reduci possunt. Breviter itaque singula Argumentationum genera præsentī Capite complectemur, syllogismi naturam in sequenti uberius tradituri. Septem verò enumerantur Argumentationis species, *Inductio, Exemplum, Dilemma, Sorites, Syllogismus, Enthimema, Epicherema, Prosyllogismus.*

II. Inductio est *Argumentatio*, quâ ex pluribus particularibus enumeratis aliquid universale omnibus commune concluditur; ut si quis dicat; *Canis est sensitivus, leo est sensitivus, homo est sensitivus, ergo omne animal est sensitivum*; quæ quidem illationis species frequentissimè, præsertim in physicis, atque etiam invictè adhiberi consuevit, dummodo tamen partes omnes, sive omnia singularia enumerata fuerint; alioquin nihil concluderet, ut opportuniùs alibi demonstrabitur.

III. Exemplum est *Argumentatio*, in quâ ex uno singulari, aliud singulare illi simile infertur,

ut cum dicimus *Divus Petrus fuit peccator, sed tamen penitentiam agens fuit salvatus, ergo tu quoque, licet peccator, penitentiam agens salva-beris*. Verum cautissimè speciem hanc Argumentationis adhibendam esse demonstrant errores illi, in quos facillimè impingimus, dum ex aliquo singulari, quodlibet aliud singulare inferri posse putamus. Maximam tamen vim habet, ac sæpissime usurpatur in iis, quæ mores rite componendos respiciant, cum plerumque mens nostra fortius exemplis aliorum, quam rationibus moveatur *. Hinc fit, ut frequentius in sacris Literis *Parabola* adhibeantur, in quibus exemplum aliquod non verum quidem, sed verisimile, atque possibile fingitur ad rem propositam suadendam accommodatum; ut *Parabola Filii Prodigii, decem Virginum, divitis Epulonis, &c.* Quod si falsum aliquid, ac impossibile assumatur, ut cum ex. gr. rebus etiam inanimatis sensus & ratio conceditur, bruta animalia, vel arbores inter se colloquentes inducuntur, ut inde exempla, & præcepta ad mores nostros optimè informandos traducantur, ut ex lib. Reg. 4. c. 14. & ex elegantissimis Phœdri, & Æsopi Fabulis apparet, tunc exemplum illud, aut Argumentatio, *Fabula*, vel *Apologus* vocatur.

IV. Paulo nobilior est, atque præsertim apud Geometras usitatio Sorites, qui definitur

Ar-

* Illi, qui simpliciter, ac demonstrandæ rei causâ eloquebantur, parabolis referti sunt, quas existimo necessarias, non ex eadem causâ, quâ Poëtis, sed ut imbecillitatis nostræ adminicula sint, & ut discantem, & audientem in rem præsentem adducant. *Sen. epist. 59.*

Argumentatio ex pluribus Propositionibus ita coalescens, ut attributum precedentis sit sequentis subiectum, donec prima subiectum cum predicato ultima conjungatur, ut si probandum sit Avaros non esse felices:

Avari multa desiderant;

Qui multa desiderant multis egent,

Qui multis egent sunt miseri;

Qui sunt miseri non sunt felices;

Ergo Avari non sunt felices.

Qui prudens est, & temperans est;

Qui temperans est, & constans est,

Et qui constans est, imperturbatus est,

Qui imperturbatus est, sine tristitia est,

Qui sine tristitia est, beatus est,

Ergo prudens beatus est (a).

V. Dilemma, quod etiam cornutum argumenti genus vocatur, & a Diodoro inventum dicitur, est *Argumentatio*, in qua: *propositi: duabus partibus, sive Propositionibus, utraque adversarium urgemus, & id concludimus de toto, quod de singulis partibus conclusum fuerat, quando nimirum integram Propositionem disjunctivam sic adversario proponimus, ut quæcumque demum illius pars ab ipso negata, sive concessa fuerit, semper contra ipsum concludatur; ut in celebri illo Philosophi cujusdam dilemmate, qui a Republicâ abstinendum monebat:*

Vel enim, inquit, in Republicâ quis agit bene; vel malè;

Si bene agit offendit homines, si malè agit offendit Deum,

Er-

(a) *Senece epist. 85.*

Ergo Rempublicam gerere semper est periculosum, adeoque fugiendum.

1. Plurimum tamen vitii his argumentationibus inesse solet; atque refelli, sive retundi facile possunt, si propositiones illæ, quæ in Dilemmate proponuntur, non sint inter se oppositæ, neque partes omnes fuerint enumeratæ, sed aliquid medium admittant, ut in celebri Diodori Dilemmate, quo fallaciter ratiocinabatur (a) de motu, omnemque motum negabat: (b)

Si enim, inquit, corpus movetur, vel moveatur in loco, in quo est, vel movetur in loco, in quo non est.

Sed non movetur in loco, in quo est, quia cum est in loco non movetur,

Neque in loco, in quo non est; quia ubi corpus non est neque moveri, neque quiescere potest,

Ergo corpus nullibi movetur;

Ergo non datur motus.

Siquidem inter has duas conditiones, vel circumstantias, altera adjungi debet, quâ corpus moveatur in loco, in quo est, & in loco simul, in quo non est; plura enim loca ad motum efficiendum requiruntur.

2. Vitiosum est etiam Dilemma cum ejus partes falsæ sunt; ut in primo exemplo; constat enim, quod ideo a Republicâ abstinendum non est, quod hominibus fortasse displiceamus.


3. Postremò cavendum est, ne Dilemma in arguentem ipsum retorqueri possit, ut fieri potest in primo exemplo.

C A P.

(a) *Arist. lib. 6. Phys.* (b) *Empyr. Adv. Phy. 2.*

C A P. III.

De Syllogismo, ejusque speciebus.

I.  X variis Argumentationum generibus superius enumeratis principem locum syllogismo deberi jam diximus, tum quod in ipso rationis nostræ vis maximè appareat, tum etiam quod Argumentationes omnes ex illo oriri, atque pendere videantur.

II. Definitur autem syllogismus *Oratio, in quâ quibusdam positis aliud quiddam distinctum, ab iis, quæ posita sunt, necessariò sequitur, ex eo quod hæc posita sint; sive clariùs, Oratio, in quâ infertur unio duorum terminorum inter se, ex eo quod fuerint uniti cum uno tertio. Quod ut clariùs intelligi possit, observari maximè debet, non aliâ de causâ syllogismum, aut ceteras etiam argumentationis species institutas esse, nisi ut Propositionum illarum, quæ a nobis efformatæ, vel probatæ fuerint, veritas ostendatur; tunc etenim in nobis ipsis, aut in aliorum mente scientia, sive cognitio certa, ac evidens producitur. Cum verò Propositio quædam nobis probanda, vel ejusdem veritas demonstranda nobis proponitur, nihil est aliud, quod a nobis præstari debeat, nisi ut ostendamus illius prædicatum convenire cum subiecto; quod cum intellectui nostro ideas illas prædicati, vel subiecti consideranti, non statim appareat, neque distinctè concipiatur a nobis arctissimus ille nexus, & unio, quæ inter prædicatum, & subiectum*

ctum esse debet, hac utitur arte mens nostra, ut antea comparet ideas illas inter se conjungendas cum tertiâ quadam ideâ; atque, si utrumque terminum, utramque ideam cum aliâ tertiâ, vel mediâ ideâ conjungi, vel convenire deprehenderit, inter se quoque illas conjungi, vel convenire pronuntiat, axiomatis illius lumine, quod totius artis syllogisticæ fundamentum est; *Qua conveniunt cum uno tertio, conveniunt etiam inter se*; aut si unam quidem ex illis cum tertiâ convenire, alteram verò non convenire deprehenderit, tunc ideas ipsas inter se non convenire pronuntiat vi alterius principii, *Ea, quorum unum convenit cum aliquo tertio; aliud verò non convenit, inter se non conveniunt.*

III. Quo certè fieri oportuit, ut tres solùm termini, vel ideæ in syllogismo esse possint, quarum duæ inter se conjungi debeant, & insuper alia tertia, cum quâ utraque comparetur, & seorsim jungatur. Fieri etiam debuit, ut tribus etiam propositionibus syllogismus constaret, in quarum primâ, quæ *Major* dicitur, jungatur majus extremum, hoc est prædicatum, cum medio; in alterâ minus extremum, sive subjectum cum eodem medio termino, unde illa *Minor* vocatur; In tertiâ denique inferatur unio minoris cum majori extremo, subjecti nimirum cum prædicato, ac proinde *Conclusio* dicitur: ut si probanda foret hæc propositio, *Deus est immortalis*, utramque ideam *Dei*, & *immortalis* cum ideâ *rei spiritualis*, vel *substantia incorporea*, tamquam cum tertiâ quadam, mediâ, communi ideâ conferrem; atque, ubi utramque cum illâ convenire deprehendissem,

mo-

modo jam explicato syllogismum efformareim.,
 conjungendo nimirum in primâ propositione
 majus extremum, five prædicatum cum medio;
 tum in secundâ subjectum, vel minus extremum
 cum eodem medio; in tertiâ denique extrema,
 vel terminos inter se, ut

*Omnis substantia spiritualis est immortalis,
 Sed Deus est substantia spiritualis,
 Ergo Deus est immortalis.*

IV. In quo animadverti facilè potest, con-
 clusionem ipsam, five propositionem omnem
 probandam, quæ etiam *questio* dici solet, in al-
 terutrâ præmissarum, nimirum vel in majori,
 vel in minori contineri, idque in aliâ præmis-
 sâ declarari, ut ex. gr. conclusio *Deus est im-*
mortalis continetur in hac aliâ universali *Omnis*
substantia spiritualis est immortalis, quod autem
 revera contineatur, declaratur in aliâ Proposi-
 tione cum dicimus, *Deus est substantia spiritualis.*

Postremò hinc confirmari potest quod antea
 diximus tres esse oportere syllogismi judicia,
 five propositiones, in quarum primâ exprimitur
 unio, & convenientia prædicati cum medio;
 in secundâ unio subjecti cum eodem medio; in
 tertiâ denique inferatur unio subjecti cum præ-
 dicato.

V. Non omnes tamen Propositiones semper
 exprimi solent, aut debent; sed alterutra ex
 ipsis propositionibus, quæ clarior est, aliquando
 reticetur, ita ut syllogismus in mente quidem
 sit integer, & perfectus, truncatus tamen, & im-
 perfectus proferatur, unde *Enthimema* vocatur, ut

*Deus est substantia spiritualis,
 Ergo Deus est immortalis.*

Sub-

Subintelligitur enim hæc alia propositio universalis *omnis substantia spiritualis est immortalis*, quam veluti certio rem mente retinemus, atque ab adversario facillè concedendam supponimus.

VI. Quod si non solum tres propositiones in syllogismo exprimantur, sed alterutri quoque, vel etiam utrique præmissæ probatio adjungatur, tunc Epicherema vocabitur; ut

Omnis substantia spiritualis est immortalis,

Est enim corruptionis incapax,

Sed mens hominum est substantia spiritualis,

Cum modo spirituali operetur,

Ergo mens hominum est immortalis.

VII. Prosyllogismus denique fit cum priori syllogismo jam efformato, ita syllogismus alter subjungitur, ut prioris syllogismi conclusio fiat major posterioris, ut ex. gr.

Omnis substantia spiritualis est immortalis,

Sed Deus est substantia spiritualis,

Ergo Deus est immortalis,


Sed omne immortale finem habere, vel interire non potest,

Ergo Deus finem habere, vel interire non potest.



C A P. IV.

De Figuris, & Modis syllogisticis.

I.  Athenus cum Philosophis, hoc est ingenuis, honestisque hominibus, inquirendæ veritatis amore incensis rem nobiscum fuisse duximus; atque illa proinde breviter complexi sumus; quæ variis argumentationum generibus rite adhibendis satis erant futura. Nunc adeunda nobis est alia docendi ratio; illorumque præceptorum series exponenda, quæ contra subdolos, fallaces, otiosos, contentiosos * homines est inventa. Is etenim antiquioribus seculis mos fuerat, ut perditii quidam Sophistæ in hoc omnes ingenii vires, atque operam collocarent, ut ingenuos homines fallacibus, ambiguisque vocibus circumvenirent; atque argumentationibus illis sæpissime uterentur, quæ, cum aliquam veri speciem præferrent, incautos animos in errorem abducerent; cujusmodi plures a Diogene Laërtio, aliisque Scriptoribus memorantur, atque inter ceteros Protagoras ille Abderites, qui Eristicam, sive *contentiosam* Sectam, disputandique rationem instituit (a); & Eubulides etiam; qui varia fallaciarum genera invenit, *Mentientis, Fallentis, Electra, Obvelati, Acervalis, Cornuti*;

(a) *Ex Laërt. 9.*

* Græci homines contentionis cupidiores, quam veritatis. *Cic. de Orat. lib. 1.*

nuti, Calvi; quemadmodum Stoici Crocodilum, Metentem, ignavumque sermonem excogitarunt (a); Hinc contra illorum argutias a gravissimis quoque Viris præcepta quædam excogitanda, vel statuenda fuere, ad quæ, veluti ad lydium lapidem, argumentationes omnes conferri possent; atque, si præceptis his responderent, tamquam certa, ac legitima admitterentur, sin verò contra leges, ac præcepta peccarent, omnino tamquam pura sophismata sive, ut vocari deinde consueverunt, *Fallacia forma syllogistica* rejicerentur. Itaque factum est, quod sapientissimi Viri factum meritò queruntur, ut inanium hominum nugis, quæ contemni potius, & irrideri * debuerant, is honor haberetur, ut ille doctissimus videretur, qui sophismata melius effingeret; ille acutioris ingenii, qui sophismata statim solvere posset; his hebetis contra, tardiorisque, qui ad propositam argutiam hæreret, aut verborum laqueis irretiretur; omnes verò de præceptis iis, sive legibus seriò, accuratèque cogitarent, quibus hæc ineptissima superbientium sophistarum gloriola compesceretur. Atque ejusmodi quidem leges, tamquam inutiles hîc a nobis omitti fortasse poterant; si etenim Judicii nostri, sive discursûs vis animo concepta, atque accuratè perpensa non animo decipiendi, vel incautis auribus imponendi (ne-
fas

(a) *Lært. 9.* (b) *Plato in Gorgia.*

* Dissilio risu cum mihi propono syllogismum, & aptas illi faciès tanquam pictor assigno. Hæc disputamus attractis superciliis, fronte rugosâ: Non possum hoc loco non dicere illud Cæcilianum: O tristes ineptias! ridiculæ sunt, *Senec. epist. 113.*

fas est enim eum, qui veritati studeat, in aliquâ re esse fallacem; atque ab ipsâ, quam sequitur, veritate discedere (a)) sed ingenuo solùm inquirendæ, manifestandæque veritatis amore * nitidis, perspicuisque vocibus exprimatur, nihil est aliud certè, quo clariùs, & illustriùs iudicii, vel argumentationis nostræ bonitas ostendatur, cùm ipsa nimirum per se menti nostræ quodammodo effulgeat: atque, si ambiguï vocibus, aliove sophismate veritas obnubatur, frustra plerumque minutiores illæ leges adhibeantur, ut ab illis liberetur *.

Ne tamen hanc Dialecticæ partem, cui maximam in discurrendo vim, atque mysteria, quædam inesse plurimi opinantur, temere omittere videamur, hanc quoque breviter hîc exponemus; eâ tamen lege, ut si illam quis jure suo præterire, vel refecare voluerit, quatuor sequentia Capita prorsus omittat, atque ad num. 4. VIII. Capitis rectâ se conferat, ubi universalior quædam regula demonstrabitur, quâ cuiuslibet argumentationis, præsertim verò syllogismi bonitas intelligi, ostendique poterit. Verùm ut receptâ, jam communique methodo utamur. .:

P

II. Du-

(a) *Lactant. lib. 6. Instit. c. 18.*

* Hæc sit propositi nostri summa, quod sentimus, loquamur, quod loquimur, sentiamus. *Sen. epist. 85.*

* Perspicuitas magnam habet vim, ut ipsa per sese ea, quæ sint, nobis, ita ut sint, indicet. Sed tamen, ut maneamus firmiùs, & constantiùs in perspicuis, majore quadam opus est vel atre, vel diligentia, ne ab iis, quæ clara sint ipsa per sese, quasi præstigiis quibudam, & captionibus depellamur. *Cic. Acad. Quest. 4.*

II. Duplex, ut antea diximus, in syllogismo *materia* distingui debet, Termini nimirum, atque Propositiones; istæ quidem materia proxima, & immediata dicuntur, cum ex illis proximè, & immediatè syllogismus componatur; Termini verò dicuntur esse materia remota, ac mediata, quòd nonnisi remotè, nempe ratione Propositionum, syllogismus ipsum component.

Quia verò ut syllogismus efficiatur non satis est, ut plures Propositiones, aut Termini promiscuè congerantur, sed insuper ordo quidam, ac dispositio inter Propositiones ipsas, ac Terminos requiritur, ut ex ipsis iudicium aliquod clarè, distinctèque inferri possit; hinc duplicem etiam syllogismi *formam*, vel dispositionem distinguimus, alteram quidem materiæ proximæ, seu propositionum, quam *Modum syllogisticum* vocamus; aliam verò materiæ remotæ, sive terminorum, quæ *Figura syllogistica* dici solet.

III. Nihil aliud est igitur Figura syllogistica, quàm *dispositio medii termini cum extremis apta ad concludendum*. Quadruplex autem est ejusmodi dispositio, sive Figura syllogistica, cum totidem modis extrema conjungi possint; vel enim subjicitur medium in majori, & prædicatur in minori propositione, eritque *prima Figura*; vel medium ipsum prædicatur in majori, simulque in minori, & est *secunda*; vel subjicitur in utrâque, & est *tertia*; vel denique prædicatur in majori subjicitur in minori, & *quartam* Figuram constituit, juxta hos versiculos:

*Sub præ Prima, sed altera bis præ; Tertia
bis sub;*

Quarta figura tamen primæ contraria *præ sub.
Ple.*

Plerique tamen existimant quartam Figuram, quam a Galeno inventam, sive frequentius adhibitam scribit Averroës (a), quamvis in Galeni operibus, nihil de ipsâ memoretur, ideoque Platoni verisimilius ab aliis tribuatur, tamquam inutilem, & subinde fallacem ex aliarum numero rejiciendam esse, cum præsertim nihil sit, nisi inversio primæ. Verum cum, ut optimè ab aliis est observatum, id illi commune sit cum tertiâ, & secundâ Figurâ, quæ ad primam per inversionem faciliè reducuntur, & in quibus etiam aliquando falsum concluditur, ipsa quoque ceteris adungi, vel inter ceteras enumerari meritò poterit.

IV. Leges autem illæ, & regulæ, quæ circa Terminos sunt observandæ, quatuor enumerantur; quæ quatuor etiam versiculis continentur

Terminus est triplex, major, mediusque, minorque.

Latius hunc, quàm præmissa, conclusio non vult.

Nequaquam medium capiat conclusio oportet.

Aut semel, aut iterum medium generaliter esto.

I. Illud itaque in figuris omnibus accuratissimè cavendum est, ne plusquam tres termini in syllogismo reperiantur, remotâ quâcumque amphibologiâ, æquivocatione, &c. ut enim superius ostendimus, tota ars syllogistica in hoc est posita, ut duo termini inter se conjungantur ex eo quod fuerint uniti cum uno tertio; unde vitiosè quis ita argueret

Omnis homo est substantia,

Sed omnis arbor est substantia,

Ergo omnis homo est arbor.

P 2

Nam

(a) In lib. I. Prior. Analyt. c. 8.

Nam *homo*, & *arbor* conjungerentur in præmissis non cum eodem medio, vel eâdem, sed cum duplici, & diversâ *substantiâ*.

2. Secundò requiritur, ut terminus non sumatur generaliùs, sive universaliùs in conclusione, quàm in præmissis; quandoquidem a singulari ad universale non valet illatio; atque eodem prorsus modo termini debent inter se conjungi in conclusione, quò fuerant uniti cum tertio in præmissis; undè vitiosè sic argueretur

Petrus est albus,

Sed Petrus est homo,

Ergo omnis homo est albus.

3. Tertiò, ut medius terminus nunquam in conclusione reperiatur; syllogismus enim in hoc consistit, ut ostendatur in præmissis extrema convenire cum medio; indeque inferatur in conclusione illa convenire etiam inter se, adeoque in conclusione sola extrema conjungi, vel reperiri debent.

4. Quartò medium saltèm in aliquâ præmissarum supponere debet distributivè, hoc est universaliter accipi pro omnibus suis significatis; terminus enim universalis, qui disjunctivè supponit, quodammodo dividitur, ac virtualiter fit multiplex, adeoque non remanet unicum medium, ut in superiori syllogismo

Omnis homo est substantia,

Sed omnis arbor est substantia,


Ergo omnis homo est arbor.

cùm illa vox *substantia* semper particularem sensum, efficiat, cùmque affirmetur hominem esse aliquam substantiam, arborem quoque esse aliquam substantiam, inferri deinde non potest quod homo, & arbor sint eadem substantia.

C A P.

C A P. V.

De Modis syllogisticis.

I.  Uemadmodum ex diversâ dispositione medii cum extremis quatuor figuræ syllogisticæ superius explicatæ oriuntur, ita cùm pluribus modis Propositiones ipsæ, vel formâ, vel quantitate, vel utrâque simul inter se differentes combinari, disponique possint, multiplex etiam Modus syllogisticus esse debet. Cùm verò quatuor vocales illæ A, E, I, O, quibus Propositiones formâ, vel quantitate diversæ exprimuntur, si tres simul sumantur, 64. modis ordinari, vel combinari possint, totidem quoque modi syllogistici, ut in subiecto Schemate, distingui solent.

AAA	—	EAA	—	IAA	—	OAA
† AAE		EAE	†	IAE	—	OAE
AAI	—	EAI		IAI	—	OAI
† AAO		EA O	†	IAO		OA O
— AEA	*	EEA	—	IEA	*	OEA
AEE	*	EEE	—	IEE	*	OEE
— AEI	*	EEI	—	IEI	*	OEI
= AEO	*	EEO	**	IEO	*	OEO
— AIA	—	EIA	*	LIA	*	OIA
† AIE	—	EIE	*	LIE	*	OIE
AII	—	EII	*	III	*	OII
† AIO		EIO	*	IIO	*	OIO
— AOA	*	EOA	*	IOA	*	OOA
— AOE	*	EOE	*	IOE	*	OOE
— AOI	*	EOI	*	IOI	*	O O I
A O O	*	E O O	*	I O O	*	O O O

II. Verùm, si singulæ regulæ, ac leges superiùs traditæ, & hìc etiam tradendæ consulantur, facilè ostenditur plurimos ex his Modis inutiles ac vitiosos esse, cùm alicui, aut etiam pluribus ex his regulis adversentur.

Ejusmodi verò Regulas, quæ in modis syllogisticis servari debent, cùm plurimùm necessariæ sint, ut vitiosi a sinceris syllogismis discernantur, his versibus complecti libuit, ut magis memoriæ consuleretur.

Nil sequitur geminis ex particularibus unquam.

Utraque si præmissa neget nihil inde sequitur.

Sit parti similis conclusio deteriori.

Amba affirmantes nequeunt generare negatam.

1. Requiritur itaque primò, ut alterutra saltem præmissarum in omni Figurâ sit universalis, vel singularis, nam ex puris particularibus nihil concluditur. In præmissis enim particularibus medius terminus semper disjunctivè sumitur: hinc vitiosè argueretur

Petrus est aliquis homo,

Sed aliquis homo est imperator,

Ergo Petrus est imperator.

2. Secundò necessarium insuper est, ut alterutra ex præmissis sit affirmativa; quia ex puris negativis nihil inferri potest; ex eò quod enim duo extrema non convenient cum uno tertio, non potest inferri, quod non convenient inter se; fieri siquidem interdum potest, ut inter se convenient, quamvis cum uno, eodemque medio non convenient, ut ex. gr. si diceretur:

Nullus homo est lapis,

Sed Petrus non est lapis,

Ergo Petrus non est homo.

3. Re-

3. Requiritur etiam tertio, ut Conclusio sequatur partem, siue præmissam debiliorem, hoc est vel negantem, vel particularem: nam extrema neque universalius, neque alio diverso modo inter se in conclusione conjungi debent, quàm conjuncta fuerint in præmissis cum tertio; unde si in aliquâ præmissarum vel negativè, vel particulariter cum medio conjuncta fuerint, non possunt universaliter, & affirmativè uniri inter se in conclusione; vitiosè itaque concluderetur

Omnis sapiens est honorandus,

Sed aliquis homo est sapiens,

Ergo omnis homo est honorandus.

4. Postremò requiritur, ut si præmissæ fuerint affirmativæ, etiam conclusio sit affirmativa, nam si extrema cum aliquo tertio conjunguntur, inter se quoque conjungi debent.

III. Hinc facilè apparet ex 64. modis possibilibus antea expositis, 28. modos, quos hoc signo (*) notavimus, expungi debere, quòd duabus negativis, aut particularibus consent. Rursus 18. hoc signo (—) notati vitiosi sunt, quòd in ipsis conclusio debiliorem partem non sequatur. Sex insuper alii, quibus hoc signum (†) apposuimus, quòd ex præmissis affirmativis conclusionem negativam inferant. Modus I E O, quem ita (**) distinximus, similiter expungi debet, quòd prædicatum in Conclusionem negativâ latius significet, ac universalius supponat quàm in præmissâ affirmativâ. Inutilis denique est modus A E O, quem ita (=) distinguimus, quippe qui continetur in A E E, particularis nimirum in universali. Rejctis itaque his 54. modis, quos vitiosos, & inutiles esse ostendimus, so-

lūm decem utiles, & concludentes supersunt, videlicet

Affirmativi

A A A

A A I

A I I

I A I

Negativi

A E E

A O O

E A E

E A O

E I O

O A O

IV. Sed quia ex eodem modo syllogistico, propter diversam medii dispositionem singulis figuris propriam, plures alii modi oriuntur; hinc in omnibus simul quatuor figuris novemdecim modi utiles reperiuntur his artificiosis vocibus expressis

I. *Barbara Celarent Darii Ferio IV. Bamalip-ton
Camentes Dimatis Fesapno Frefisomorum*

II. *Cesare Camestres Festino Baroco III. Da-
rapti*

Felapton Disamis Datisi Brocardo Ferison.

A A A *Barbara*

A A I *Darapti, Bamalip-ton*

A E E *Camestres, Camentes*

A I I *Darii, Datisi*

A O O *Baroco*

E A E *Celarent, Cesare*

E A O *Felapton, Fesapno*


E I O *Ferio, Festino, Ferison, Frefisomorum*

I A I *Disamis, Dimatis*

O A O *Brocardo.*

C A P. VI.

*De singulis syllogismorum Figuris ,
earumque regulis .*

I.  Atis, ut opinor, atque accuratè jam diximus de regulis illis, quas omnes syllogismorum figuræ servare debent, nunc illas breviter subiectis etiam exemplis complectemur, quæ singulis syllogismorum figuris conveniunt.

II. Atque, ut a primâ figurâ exordiamur, duæ sunt illius leges, quæ hoc versiculo continentur:

Sit minor affirmans, major verò generalis.

1. Minor itaque affirmativa esse debet, quia si esset negativa, conclusio quoque deberet esse negativa; cùmque ex tribus negativis nihil sequatur, major deberet esse affirmativa, adeoque medius terminus universalior esset in conclusione negativâ, quàm in majori affirmativâ contra reg. 3. Figuræ syllogisticæ, ut

Omnis homo est animal,

Sed nullus leo est homo,

Ergo nullus leo est animal.

2. Major verò debet esse universalis, quia si esset particularis, medium, quod est illius subiectum, esset particulare, adeoque particulare foret medium ipsum etiam in minori affirmativâ, cujus est prædicatum, & proinde ambæ præmissæ particulares essent, ex quibus nihil inferri posset, ex reg. 1. Modi syllogistici, ut

Ali-

*Aliquis lapis est albus,
Sed aliquis berillus est lapis.
Ergo aliquis berillus est albus.*

Ex decem itaque modis ad concludendum aptis, quatuor solum in primâ figurâ sunt utiles, reliqui nempe sex contra regulas peccant.

A E E contra regulam primam cum minorem
A O O negativam habeant.

AA I quia conclusionem universalem habere
EA O possunt, & æquivalent aliis AAA. EAE.

I A I contra regulam secundam, quia major particularis est.

Utiles verò sunt quatuor sequentes.

1. AAA Bar- *Omne animal est sensitivum,*
ba- *Omnis homo est animal.*
ra. *Omnis homo est sensitivus.*
2. EAE Ce- *Nullus spiritus est mortalis,*
la- *Omnis Angelus est spiritus,*
rent. *Ergo nullus Angelus est mortalis.*
3. AII Da- *Omne corporeum est corruptibile,*
ri- *Aliquis lapis est corporeus,*
i. *Ergo aliquis lapis est corruptibilis.*
4. EIO Fe- *Nullum vitium est amandum,*
ri- *Avaritia est vitium,*
o. *Ergo avaritia non est amanda.*

Hæc autem figura huic principio innititur. *Quidquid universaliter affirmatur, vel negatur de aliquo, negari etiam debet, vel affirmari de omni, quod continetur sub illo; adeoque si prædicatum affirmatur de medio, affirmari etiam debet de subiecto, quod continetur in ipso medio; vel, si de medio negatur, negari etiam poterit de subiecto.*

III. Duas

III. Duas itidem regulas habet secunda figura, hoc versu contentas:

Una negans esto, nec major sit specialis.

1. Debet una ex præmissis esse negativa, quia cum medium in utràque præmissarum sit attributum, vel prædicatum, si ambæ forent affirmantes, bis medium particulariter sumeretur.

2. Et si major esset particularis, majus extremum, quod est illius subjectum, sumeretur in ipsâ particulariter, in conclusione verò negante universaliter. Itaque ex decem modis vitiosi sunt isti

A A A

A I I cum utraque præmissa sit affirmativa

I A I contra regulam primam

A A I

O A O quia major est particularis contra regulam secundam.

E A O quia universalis fieri potest, ut E A E. Igitur quatuor tantum modi utiles supersunt in secundâ figurâ.

1. E A E Ce- Nulla virtus est contemnenda,
sa- Sed omnis injustitia est contemnenda,

re. Ergo nulla injustitia est virtus.

2. A E E Ca- Omne corpus est figuratum,
me- Nullus spiritus est figuratus,
stres. Ergo nullus spiritus est corpus.

3. E I O Fe- Nulla substantia corporea est Angelus,

sti- Aliquis spiritus est Angelus,

no. Ergo aliquis spiritus non est substantia corporea.

4. A O O

4. A O O Ba. *Omnis homo est animal,*
 ro- *Aliquis lapis non est animal,*
 cō. *Ergo aliquis lapis non est homo.*

Secunda figura huic alteri principio innititur:
Ea, quorum unum convenit cum aliquo tertio, al-
terum verò non convenit, non sunt unum & idem
inter se; ut in superioribus exemplis apparet.

IV. Tertia figura has habet regulas:

Sit minor affirmans, conclusio particularis.

quemadmodum enim in primâ figurâ minor affir-
 mativa esse debet, eâdem quoque ratione affirma-
 tiva esse debet in tertiâ. Conclusio verò parti-
 cularis debet esse, quia cùm minor affirmans sit,
 minus extremum, quod in illâ est prædicatum,
 particulariter sumitur, adeoque ut sumatur etiam
 particulariter in conclusione, cujus est subje-
 ctum, debet esse conclusio particularis: unde
 colligitur quatuor ex decem modis in hac figu-
 râ inutiles esse, nimirum

A E E quia minorem negativam habent con-
 A O O tra regulam primam

A A A quia conclusionem universalem ha-
 E A E bent contra regulam secundam.

Utiles verò sex sequentes.

1. A A I Da. *Omne animal est sensitivum,*
 ra- *Omne animal est substantia,*
 pti. *Ergo aliqua substantia est sensitiva.*
2. E A O Fe. *Nullum animal est arbor,*
 la- *Omne animal est corpus,*
 pton. *Ergo aliquod corpus non est arbor.*
3. I A I Di. *Aliquis homo est justus,*
 fa. *Omnis homo est animal,*
 mis. *Ergo aliquod animal est justum.*

4. A I I

4. A I I Da- Omnis planta est vivens,
 ti- Aliqua planta est fructifera,
 fi. Ergo aliquod fructiferum est vi-
 vens.
5. O A O Bro- Aliquis flos non est albus,
 car- Omnis flos est vivens,
 do. Ergo aliquod vivens non est album.
6. E I O Fe- Nulla gemma est immortalis,
 fi- Aliqua gemma est pretiosa,
 son. Ergo aliquod pretiosum non est
 immortale.

Duobus principiis syllogismi tertiæ figuræ innituntur.

1. Si affirmativi sunt huic: *Attributa*, quæ eadem subiecto conveniunt, inter se quoque aliquando conveniunt, ut constat in *Darapti*.

2. Si verò negativi sint, huic alteri, *Attributa*, quorum unum alicui subiecto convenit, cui non convenit aliud, inter se aliquando non convenire possunt, ut apparet in *Felapton*.

V. Quartâ figurâ demum tres regulas habet, quæ his versibus exprimuntur:

*Major ubi affirmat generalem sume minorem;
 Si minor affirmat; conclusio sit specialis;
 Cùmque negans modus est, tunc major sit generalis.*

1. Ratio primæ regulæ est, quòd cùm medium in majori affirmativâ, cuius est prædicatum, sumatur particulariter, ne in minori quoque, cuius est subiectum, particulariter sumatur, minor esse debet universalis.

2. Secundæ, quòd majus extremum, cùm sumatur particulariter in minori affirmativâ, cuius est prædicatum, particulariter etiam in con-

conclusionem, cuius est subiectum, sumi debet, si-
ve conclusio debet esse particularis.

3. Tertiæ verò, quod si modus est negati-
vus, hoc est, si sumatur majus extremum, seu
prædicatum universaliter in conclusione negan-
te, debet etiam sumi universaliter in majori,
cujus est subiectum, adeoque illam reddere
universalem.

Quamobrem ex decem modis quinque sequen-
tes in quartâ figurâ, ut vitiosi, expungi debent

A I I quia minor est particularis

A O O contra reg. 1.

A A A quia conclusio est generalis.

E A E contra reg. 2.

O A O quia major est particularis

contra reg. 3.

Utiles verò sunt quinque sequentes.

1. A A I Ba- *Omnis homo est animal,*
ma- *Omne animal est sensitivum,*
lipton. *Ergo aliquod sensitivum est homo.*

2. A E E Ca- *Omnis Avaritia est vitium,*
men- *Nullum vitium est amandum.*
tes. *Ergo nullum amandum est*
Avaritia.

3. I A I Di- *Aliquis homo est sapiens,*
ma- *Omnis sapiens est Dei amicus,*
tis. *Ergo aliquis Dei amicus est*
homo.

4. E A O Fe- *Nullum corpus est leve,*
sa- *Sed omne leve tendit sursum,*
pno. *Ergo aliquid tendens sursum*
non est corpus.

5. E I O

5. E I O Fre- *Nullus lapis est vivens,*
 si- *Sed aliquid vivere est plāta.*
 fomorum. *Ergo aliqua planta non est*
 lapis.

VI. Aristoteles tamen, aliique complures, cum quartam hanc figuram, veluti inutilem, rejecissent, loco quinque superiorum modorum, qui in illā concludunt, quinque modos indirectos primæ figuræ reposuerant, in quibus nempe invertitur subiectum conclusionis propositæ, ut fiat illius prædicatum, ut ex his vocibus, & exemplis apparet:

..... *Bavalipton*
Celantes Dabitis Fapesmo; Frisefomorum.

Ba- *Omne animal est sensitivum,*

ra- *Omnis homo est animal,*

lipton. *Ergo aliquid sensitivum est homo.*

Quod in ceteris etiam exemplis superius expositis intelligi facile potest.

Sed quemadmodum in primā figurā oriuntur modi indirecti ex inversione conclusionis modorum directorum, ut in exemplis istis apparet

Bar- *Omne animal est vivens.*

ba- *Omnis homo est animal,*

ra. *Ergo omnis homo est vivens.*

per inversionem conclusionis fit

Ba- *Omne animal est vivens,*

ra- *Omnis homo est animal,*

lipton. *Ergo aliquod vivens est homo.*

ita prorsus in secundā quoque figurā syllogismus converti potest, ut

Ce- *Nulla arbor est homo,*

sa- *Omne risibile est homo,*

re. *Ergo nullum risibile est arbor.*

Ce-

Ce- *Nulla arbor est homo*
lan- *Omne visibile est homo,*
tes. *Ergo nulla arbor est visibilis.*

Adeoque non satis apparet, cur quinque modos indirectos in primâ solum, non in aliis figuris adjecerint, atque utiles quartæ modos expunxerint. Verum non est cur de re per quàm tenui tandiu solliciti simus.

VII. Ut omnia verbo complectar ex XIX. modis in figuris omnibus concludentibus repellantur:

V. Universales.

XIV. Particulares.

VII. Affirmativi.

XII. Negativi.

I. Concludens in A.

IV. Concludentes in E.

VI. Concludentes in I.

VIII. Concludentes in O.

III. Concludentes singuli in unâ solum figurâ.


IV. Quorum singuli in duabus figuris concludunt.

I. Concludens in omnibus quatuor figuris.



C A P. VII.

*De Reductione, & Probatione
Syllogismi.*

I.  I cui fortasse mirum videbitur, quod ex pluribus syllogismorum modis, quos hactenus recensuimus, exiguus adeo sit illorum numerus, qui utiles sint, ac rite concludant; magis adhuc mirari poterit, cum plures etiam ex istis imperfectos esse intelliget, atque indirectè solùm concludere; ut proinde ad alios, qui directi, perfectique fuerint, reduci debeant.

II. Id autem cùm duobus modis fieri possit, duplex est etiam syllogismi *Reductio*, alia scilicet *ostensiva*, alia *per impossibile*. *Reductio ostensiva* est *Revocatio syllogismi imperfecti ad perfectum*. Imperfectus autem dicitur ille, qui aut indirectè concludit, nimirum per conversionem Propositionis, ut quinque modi primæ figuræ, quos a Peripateticis enumerari jam diximus; aut si directè concludat, id efficit obscurè, ut omnes modi aliarum figurarum. Debent igitur isti omnes reduci ad quatuor modos primæ figuræ, *Barbara Celarent Darii Ferio*, qui soli sunt perfecti, cùm in ipsis conclusio perspicuè, distinctè inferatur.

III. Quà verò ratione syllogismus imperfectus ad perfectum reducatur, ex vocibus ipsis, quibus designantur, apparet.

1. Primò siquidem reduci debet ad illum, qui eadem literâ incipit, ut *Cesare* ad *Celarent*.

Q

2. Dein-

2. Deinde, ut Propositio per aliquam ex quatuor vocalibus significata rite convertatur, notanda est consonans illa, quæ immediatè sequitur eandem vocalem, & facienda est conversio juxta leges hoc versiculo expressas:

S. *vult simpliciter verti*; P *verò per accid.*

M. *vult transponi*; C *per impossibile duci*.

hoc est propositio significata per vocalem illam, quæ præcedit consonantem S, converti debet simpliciter; quæ præcedit P, per accidens; quæ præcedit M, transponi debet, idest fieri major si est minor, minor si est major, &c. Cum denique vocalis præcedit C, syllogismus reduci non potest ostensivè, sed solum ad impossibile, quod subjectis etiam exemplis illustrius fiet.

Fe- *Nullus homo est lapis,*

fi- *Aliquis adamans est lapis,*

no. *Aliquis adamans non est homo.*

Fe- *Nullus lapis est homo,*

ri- *Aliquis adamans est lapis,*

o. *Aliquis adamans non est homo.*

sic reducitur Cesare ad Celarent; Datisi, Dimatis, ad Darii, &c.

IV. Reductio ad impossibile fit, cum negatæ propositionis contradictoriam assumimus, ut illa combinata cum unâ præmissarum jam concessâ concludat contradictoriam alterius præmissæ negatæ, ut adversarius proinde duas contradictorias concedere compellatur. Quamvis autem hæc Reductio in singulis figuris, & modis adhiberi possit, maximè tamen necessaria est in Baroco, & Brocardo, qui ostensivè reduci nequeunt.

1. Nam si ostensivè reduceretur Baroco, aut major illius per accidens converteretur, adeoque

que utraque præmissa foret particularis; aut transponderetur, ideoque major esset particularis, quod est contra regulas primæ figuræ.

2. Similiter etiam si Brocardo ostensivè reduceretur, vel minor per accidens converteretur, sicque utraque præmissa foret particularis; aut transponderetur, sicque minor esset affirmativa contra aliam regulam primæ figuræ. Itaque solum ad impossibile reduci possunt. Subjectis autem versiculis ostenditur quænam præmissarum in modis illis retinenda sit, atque combinanda cum assumptâ contradictoriâ propositionis negatæ.

Majorem servat, variatque Baroco minorem,

Majorem variat, servatque Brocardo minorem.

Ceterum ejusmodi regulæ vix ullius sunt usûs, aut utilitatis, nam quispiam ferrei oris, aut præfixtæ frontis, qui primam conclusionem negavit in syllogismo rite disposito, etiam secundam conclusionem negaret in syllogismo quomodocumque reducto.

V. Reliquum est, ut de Probatione, quæ est altera syllogismi proprietas dicamus; hæc autem fieri solet, cum quis concessâ utrâque præmissâ conclusionem negat; tunc enim bonitas syllogismi per principia clarissima probari debet. Si fuerit affirmativus, principia affirmativa sunt adhibenda: *Qua conveniunt cum uno tertia conveniunt inter se. Quidquid affirmatur universaliter de aliquo, affirmari debet de omni, quod continetur sub illo.* Ut si quis concessis præmissis negaret conclusionem hujus syllogismi:

Omne bonum est amandum,

Deus est bonus,

Ergo Deus est amandus.

Q 2


sic

fic argumentarer : *Qua conveniunt uni tertio conveniunt inter se ; Tu concedendo utramque premissam concessisti Deum , & amandum convenire cum bono , ergo debes etiam concedere illa convenire inter se ; adeoque Deum esse amandum .*

Sive *Quidquid affirmatur universaliter de aliquo affirmari debet de omni , quod continetur sub illo , sed tu concessisti de bono universaliter quod sit amandum , ergo concedere id etiam debes de Deo , quem concessisti contineri sub bono .* Eâdem ratione syllogismo negativo hæc principia negativa applicantur : *Quidquid negatur universaliter de aliquo , negari etiam debet de omni , quod continetur sub illo .* Ea , quorum unum convenit cum uno tertio , & aliud non convenit , non sunt unum , & idem inter se , sive inter se non conveniunt . &c.

C A P. VIII.

De Syllogismis Simplicibus , Complexis , & Conjunctivis .

I.  Eges illæ , quas hætenus explicavimus , de structurâ , Probatione , ac Reductione syllogismorum , de solis syllogismis simplicibus intelligi debent , in quibus pertractandis , rectèque efformandis adhiberi facillè possunt . Paulo nunc operosior est cognitio syllogismorum , quos complexos dicimus ; cùm vix unquam , aut egrè saltèm ad regulas generales superiùs traditas reduci possint .

II. Syllogismus autem simplex dicitur ille , in quo medium cum utroque extremo , vel termi-

mino propositionis integro conjungitur in præmissis, ut in exemplis omnibus superius exhibitis apparet, atque etiam in hoc syllogismo

Omne animal est vivens,

Omnis homo est animal,

Omnis homo est vivens.

Quod si pars aliqua solum subjecti, vel prædicati conclusionis complexæ cum medio conjungatur in majori, & altera pars in minori, tunc syllogismus complexus dicitur, ut

Sol est res insensata,

Persa adorabant solem,

Ergo Persa adorabant rem insensatam,

constat enim, quod *adorabant rem insensatam* &c. partim continetur, & exprimitur in majori, partim in minori.

III. Hinc verò tota illa obscuritas oritur, ac difficultas, quam in syllogismis ejusmodi explicandis experimur. Ex. gr. si dicerem

Divina Lex jubet Patrem esse honorandum,

Sed Petrus est Pater,

Ergo Lex divina jubet Petrum esse honorandum.

syllogismus iste, qui certè complexus est, plerisque vitiosus videri poterit, quòd sit in secundâ figurâ, & præmissas affirmativas habeat, contra leges ejusdem figuræ. Verùm quis non videat syllogismum hunc, aliosque similes invicem concludere?

Ratio autem est, quod in majori *Pater* non est prædicatum, sed est subjectum alterius propositionis implicitæ, vel incidentis; unde major hunc sensum efficit, *Lex divina jubet, quod Pater sit honorandus*. Sicuti conclusio hunc alium sensum similiter facit: *Lex divina jubet, quod*

Q 3

Pe-

Petrus sit honorandus, unde sic clariùs institui potest syllogismus

*Lex divina jubet quod Pater sit honorandus ,
Sed Petrus est Pater ,
Ergo Lex Divina jubet , quod Petrus sit honorandus .*

quarum propositionum vis, ut alibi diximus, cum de propositionibus incidentibus ageremus, in his aliis continetur, & clariùs etiam exprimitur :

*Pater est honorandus ,
Sed Petrus est Pater ,
Ergo Petrus est honorandus .*

Sic iste in secundâ figurâ

*Omnis sapiens est gratus hominibus ,
Sed pauci sunt grati hominibus ,
Ergo pauci sunt sapientes .*

vitiosus est, sed huic alteri concludenti æquivalet,

*Omnis sapiens est gratus hominibus ,
Sed multi non sunt grati hominibus ,
Ergo multi non sunt sapientes .*

Postremò plures syllogismi optimi sunt, licèt ex puris negativis componantur, ut

*Quod non est corporeum non est corruptibile ,
Anima rationalis non est corporea ,
Ergo anima rationalis non est corruptibilis .*

quia nimirum minor, quæ videtur negans, revera affirmativa est, atque huic alteri æquivalet: *Anima rationalis, est aliquid, quod non est corporeum, &c.* Complexos itaque syllogismos istâ ratione ad simplices revocabimus, ut illorum vim, ac bonitatem probare possimus. Quia tamen hoc etiam longum nimis, atque prolixum est, rem universam ex alto repetentes regulam quam-

quandam, ac principium universale hic adiungemus, quo bonitas syllogismorum omnium, tam simplicium; quam complexorum examinari, detegi, ostendique possit.

IV. Ex syllogismi naturâ semel, atque iterum in superioribus explicatâ, & ex principiis illis, quibus innititur ars syllogistica, manifestissimè apparet, syllogismum duabus præmissis componi oportere; quarum una conclusionem, vel propositionem probandam continere debet, altera verò debet explicare, quod conclusio ipsa in aliâ præmissâ revera continetur; unde in syllogismo distingui posset præmissa *continens*, & præmissa *indicans*, vel *explicans*. Quoties igitur in syllogismo, vel simplex ille sit, vel compositus, conclusio in alterâ præmissarum continetur, & in alterâ declaratur, vel indicatur esse *contenta*, syllogismus ille concludet, licet illius figura, & modus obscurus, implexus, perturbatus, ac vitiosus etiam appareat: sicuti contra syllogismus ille vitiosus haberi debet, qui legem ejusmodi non servat, maximam licet veri speciem, figuræ, modique ordinem præferat.

V. In syllogismis quidem affirmantibus perinde est majorem, vel potius minorem *Continentem* vocari, cum revera conclusio in utrâque præmissarum contineatur; major tamen, quæ universalior est, *continens* verisimilius dicitur, & minor *indicans*. In negativis verò præmissa negans est *continens*; nam conclusio negativa in præmissâ affirmativâ contineri non potest; atque præmissa affirmativa est *indicans*, ut in exemplis istis apparet:

Omne bonum est amandum ,

Virtus est bona ,

Ergo virtus est amanda .

Nullum vitium est bonum ,

Avaritia est vitium ,

Ergo Avaritia non est bona .

VI. Atque hujus principii lumine longè accuratiùs, clariùs, securiùs, quàm per innumeras regularum ambages syllogismi omnes etiam intricatiores expendi possunt; sic iste:

Lex Divina jubet colendos esse Patres ,

Petrus est Pater ,

Ergo Lex Divina jubet Petrum colendum esse .

optimus est, quia conclusio in majori continetur, idque in minori explicatur, seu declaratur. Quod si dixerim

Lex Divina jubet Regibus parendum esse ,

Parentes non sunt Reges ,

Ergo Lex Divina non jubet Parentibus parendum esse .

vitiosa est conclusio, cùm in neutrâ præmissarum contineatur; decretum enim de obedientiâ Regibus exhibendâ non continet aliud præceptum de obedientiâ Parentibus non exhibendâ, sive non excludit præceptum aliud de obedientiâ præstandâ Parentibus. Rursus eâdem ratione hic esset vitiosus:

Credendum est Scriptura ,

Traditiones non sunt Scriptura ,

Ergo non est credendum Traditionibus .

sic statim apparet falsitas hujus syllogismi.

Deus promissit salutem Christianis ,

Sed Ethnici non sunt Christiani ,

Ergo Deus non promissit salutem Ethnicis .

quia

quia Conclusio in præmissis non continetur. Sic & in celebri syllogismo, qui a D. Augustino memoratur: *Quod ego sum tu non es; ego sum homo, ergo tu non es homo*, conclusio in neutrâ præmissarum continetur; nam *homo*, qui in conclusione negante sumitur universaliter, contineri non potest in illâ voce *homo*, quæ est prædicatum minoris affirmativæ, in quâ particulariter accipitur.

Idem postremò dici potest de syllogismo ex tribus negativis, aut particularibus composito.

VII. Ex iis autem, quæ diximus, facilè intelligi potest, quid sit syllogismus *Conjunctivus*, & in quo differat a simplici, & a complexo. Ille nimirum syllogismus conjunctivus dicitur, cujus major propositio est conjunctiva, sive quomodocumque composita, & integram conclusionem complectitur. Ex pluribus tamen speciebus propositionum compositarum tres solùm syllogismos conjunctivos efficiunt, ac denominant, nempe conditionalis, copulativa, & disjunctiva.

1. Syllogismus conditionalis est ille, qui habet pro majori compositam conditionalem, vel affirmativam, ut

Si Petrus sapientiam habet, est felix,

Sed Petrus sapientiam habet,

Ergo Petrus est felix.

vel negativam, ut

Si dies non est non lucet sol,

Non est dies,

Ergo non lucet sol.

Innititur autem syllogismus ille prior affirmativus huic principio: *Posito antecedente ponitur consequens; sive verum est antecedens, ergo etiam con-*

consequens; sicuti hic posterior negativus alteri principio negativo: *Sublato antecedente tollitur consequens*; sive *falsum est consequens*, ergo & *antecedens*, &c. Atque in utroque tota vis syllogismi posita est in connexionione antecedentis cum consequente: unde, si nulla foret talis connectio, ex consequente non posset inferri antecedens; unde vitiosus esset hic

Si canis cogitat cognoscit,

Sed canis cognoscit,

Ergo canis cogitat.

Similiter si *currit movetur*, non *currit*, ergo non *movetur*, vitiosus est, nam ex negatione antecedentis inferitur negatio consequentis, quod fieri non potest.

2. Copulativus est ille, cujus major est propositio copulativa negans; atque ita disponitur, ut una pars illius in minori assumatur, & affirmetur, ut altera in conclusione negetur, sic *Non bene conveniunt, nec in unâ sede morantur majestas, & amor, sed hic est majestas, ergo hic non est amor.*

3. Syllogismus denique disjunctivus majorem habet disjunctivam, ut: *Falleris, aut fallor; non fallor, falleris ergo.* Ubi apparet alteram partem majoris assumi, & negari in minori, ut alia affirmetur in conclusione.

Vitiosus est syllogismus iste si partes non sint verè disjunctivæ, & oppositæ, sed aliquid medium admittant, vel utraque vera esse possit; ut

Aut currit, aut sedet,


Non sedet, ergo currit.

nam inter *sedere*, & *currere* datur medium, hoc est *lentè moveri*, &c. Verùm de his satis.

C A P.

C A P. IX.

De Inventione Medii, & Locis Topicis.

I.  Rustra, ut opinor, atque inutiliter haecenus leges illæ præscriptæ forent, quibus extrema propositionis cum medio conjungi debeant, nisi methodus illa, vel artificiosus ordo demonstraretur, quibus investigari ille possit, ostendique quibus ex fontibus, quibusque locis desumi debeat *. Quam quidem Logicæ, sive Dialecticæ partem cum oratoriâ communem veteres omnes egregiis adeo laudibus, ac studiis persecuti sunt, ut plerique mysteria quædam illi inesse suspicarentur. Hinc Cicero Stoicorum Logicam reprehendit, quòd apud ipsos altum foret de locis silentium. Aristoteles VIII. Libris Topicorum partem hanc uberrimè pertraxavit. Rhetores omnes, atque Philosophi hac in parte mirificè consentiunt, seque intellectui nostro præclarè consuluisse arbitrantur, cum plurima ostenderint loca, ex quibus argumenta, vel media desumantur.

II. Verùm, ut ingenuè loquar, hanc de argumentorum inventionem doctrinam inutilem esse ma-

* Cùm omnis ratio diligens differendi duas habeat partes, unam inveniendi, alteram judicandi, utriusque princeps, ut mihi videtur, Aristoteles fuit; Stoici autem in alterâ elaboraverunt. Judicandi enim viam diligenter persecuti sunt, eamque scientiam, quam Dialecticam appellant. Inveniendi verò artem, quæ Topicæ dicitur, quæ ad usum potior erat, & ordine naturæ certè prior, totam reliquerunt. *Cic. init. Topic.*

manifestè demonstrat exiguus illius per tot secula, quibus & inventa fuit, & in scholis tradita, usus. Si enim Caussidici, Rhetores, Concionatores, Poëtæ, illique omnes consulantur, qui perorant, scriptitant, quibusque semper aliquid superest, quod dicatur, vereor, ut vel unus inveniatur, qui vel somniaverit de locis a causâ, ab effectibus adeundis, ad ea inveniendâ, quibus dicendo uti posset; unde rectè monuit Quintilianus: *Illud quoque studiosi eloquentia cogitent non esse, cum proposita fuerit materia dicendâ, scrutandâ singula, & veluti ostiatim pulsandâ loca, ut sciatur an ad id probandum, quod intendimus, fortè respondeant* (a); quod pluribus etiam in locis egregiè demonstravit Augustinus: atque Orator, idemque Philosophus summus Cicero antea dixerat: *Non omnia quacumque loquimur mihi videntur ad artem, & ad præcepta esse revocandâ. At isti quidem, qui docent, cum causâs in plura secuerunt, singulis generibus argumentorum copiam suggerunt; quod etiam si ad instituendos adolescentulos magis aptum est, ut simul ac posita sit causâs habeant quod se referant, unde statim expedita possint argumenta depromere; tamen & tardi ingenii est rivulos consectari, fontes rerum non videre, & jam atatis est, usûsque nostri a capite, quod velimus, arcessere, & unde omnia manant videre* (b). *Quis enim unquam orator magnus, & gravis cum iratum adversario judicem facere vellet, basitavit ob eam causâs, quod nesciret quid esset iracundia, fervorne mentis,*

(a) Vid. Art. Cogit, Par. 3. c. 17. (b) Cic. ad Herenn. lib. 2.

tis, an cupiditas puniendi doloris? Quis cum ceteros animorum motus aut iudicibus, aut populo miscere, atque agitare vellet, ea dixit, quæ a Philosophis dici solent (a)?

Ne tamen a receptâ Scholarum consuetudine omnino recedere videamur, aut creptam sibi differendi artem fortasse quis suspicetur, loca omnia hîc exponemus, atque principia, seu leges, quibus innituntur: rationem insuper ostendemus, quâ adhiberi illa possint. Loca itaque, vel Grammatica sunt, vel Logica, vel Metaphysica.

Loca Grammatica.

Grammatica dicuntur illa, quæ ab Ethymologiâ, vel a Conjugatis ducuntur; hoc est ab iis legibus, sive præceptis, quæ de Conjugatis, ac Ethymologiâ traduntur a Grammaticis. Ejusmodi verò principia, vel leges sunt:

Ab Ethymologiâ, sive notatione nominis.

DE quo affirmatur Ethymologia, sive definitio nominis, affirmari etiam potest nomen ipsum. Ut ex. gr. *Consul est, ergo consulere debet reipublica; Philosophus fuit Pythagoras, ergo amator sapientia. Si Consul est, qui consulit patria, quid aliud fecit Optimus (b)?*

De quo negatur Ethymologia, nomen ipsum negari potest. Non est amator sapientia, igitur neque Philosophus.

A Con-

(a) Cic. ad Herenn. lib. 2. (b) Cic. de Orat. lib. 2.

A Conjugatis.

DE quo verificatur unum ex conjugatis, alterum quoque verificatur: Ut *Socrates justitiam habuit, ergo fuit justus. Dii boni sunt, eorum igitur bonitate est utendum* (a).

*Sive de quo negatur unum ex conjugatis, negatur, & aliud; *Porphyrus fidem non habuit, ergo fuit infidelis.*

Loca Logica.

Logica verò dicuntur illa, quæ desumuntur a legibus, atque principiis illis, quæ in variis Logicæ partibus sunt demonstrata; unde principia solum, & leges ejusmodi simpliciter hic exponemus, exempla verò, & rationes, quibus eadem principia innituntur, faciliè ex iis deduci poterunt, quæ suis in locis opportunè jam diximus.

A Genere.

Quidquid affirmatur, sive negatur de genere, affirmari quoque, vel negari debet de specie.

Posito genere, non semper ponitur species.

Remoto tamen genere semper destruitur, sive removetur & species.

A Specie.

Positâ specie, ponitur quidem genus; non tamen destructâ, sive remotâ aliquâ specie tollitur etiam genus. De-

(a) *Cic. de Nat, 3.*

Destructis, sive sublatiſ omnibus ſpeciebus,
ipſum quoque genus deſtruitur.

A Differentiâ.

Cui convenit, ſive repugnat differentia,
ſpecies quoque convenit, aut repugnat; &
è converſo cui ſpecies repugnat, aut convenit,
ipſa quoque differentia repugnat, aut convenit.

Quidquid ſpeciei convenit, ſive repugnat,
differentiæ quoque convenire, vel repugnare
debet; & è converſo, quidquid repugnat, aut
convenit differentiæ; convenire etiam debet,
vel repugnare ſpeciei.

A Proprio, ſive Adjunctis.

Ubi reperitur proprietas, ſive adjunctum,
inſpectiſ naturæ viribus, reperitur etiam
ſubſtantia; atque ubi reperitur ſubſtantia, pro-
prietas etiam inefſe debet.

Ubi proprietates, aut adjuncta eadem, vel ſi-
milis ſunt, eadem quoque, vel ſimilis ſubſtantia
eſſe debet; & è converſo ſubſtantias ſimiles, ſi-
miles quoque proprietates, & adjuncta comitantur.

A Definitione.

Quidquid exprimitur in Definitione, rei
definitæ convenire debet.

Quidquid convenit, ſive repugnat definitio-
ni, rei quoque definitæ convenit, ſive repugnat;
& è converſo.

A Divisione, sive a Toto, & a Partibus.

PArs semper minor est toto, sed totum est æquale partibus omnibus simul sumptis.

Quidquid de partibus omnibus simul sumptis verificatur, etiam de toto diviso verificari debet, & è converso.

Quidquid de aliquâ parte verificatur, verificari quoque debet de toto; sed non è converso.

Posito toto ponuntur partes omnes; & è converso partibus omnibus simul positis, ponitur etiâ totum.

Cui nulla pars divisionis convenit, nec etiam totum divisum convenire potest.

Quod convenit toti diviso, neque convenit omnibus illius partibus, unâ exceptâ, enumeratis, eidem ipsi parti, quæ excepta fuerat, convenire debet.

Loca Metaphysica.

Metaphysica denique loca sunt illa, quæ deducuntur ex principiis, sive proprietatibus illis, quæ in Metaphysicâ exponi plerumque solent, quamvis etiam in Physicâ commodè pertractentur. Ejusmodi verò loca, sive principia Ens ipsum in genere, ejusque proprietates, & affectiones respiciunt; ut clariùs ex præceptis ipsis apparebit.

Ab ideâ entis.

Quodlibet est, vel non est.

Nihil potest simul esse, & non esse.

Quidquid in ideâ alicujus rei clarè, distinctè, que concipitur est verum, sive convenit eidem rei.

Quid-

Quidquid repugnat idæ claræ, distinctæque alicujus rei, illi convenire non poterit.

A Veritate, vel Falsitate.

Verum non potest sequi nisi ex vero; & vicissim ex vero nisi verum sequi potest. *Hæc mirabilia videri intelligo; sed cum cerè superiora firma, ac vera sint, his autem ea consentanea, & consequentia, ne de eorum quidem veritate est dubitandum (a).*

Falsum oriri, vel sequi non potest nisi ex falso; & ex falso oriri, vel sequi non potest nisi falsum. *Necesse est enim esse falsa, quæ rebus falsis congruunt (b); & a falsis initiis profecta vera esse non possunt (c). Teneamus itaque illud necesse est: cum consequens aliquod falsum sit, illud, cujus id consequens sit, non posse esse verum (d).*

A Causâ, & Effectu.

Operari sequitur ad esse, & ipsi proportionatur.

Causa, quæ dat esse rei, sive producit effectum, semper est prior eâdem re, sive semper præcedit effectum; effectus autem semper posterior est causâ.

Causa nobilior nobiliorem, ceteris paribus, effectum producit.

Nobilior, sive perfectior effectus a nobiliori causâ produci debet.

R

Caus-

(a) Cic. de Fin. 3. (b) Lactant. Instit. 3. cap. 24.
(c) Cic. 1. de Fin. (d) Idem 4. de Fin.

Causa causæ est etiam causa causati, vel effectus, qui ab istâ causâ producitur.

Nihil producere potest seipsum, sive dare sibi esse, vel esse causa sui ipsius.

Nemo dat quod non habet.

Effectus propriâ causâ nobilior esse non potest.

Effectus in causâ, aliquâ ratione, contineri debet.

Propter quod unumquodque est tale, & illud est magis tale, si tamen ejusdem qualitatis, aut perfectionis capax sit.

Posito effectu, poni, vel assignari debet & causa.

A Pari, sive Simili, aut Dissimili.

Similibus similia, paribus paria conveniunt, & è converso dissimilia dissimilibus. *Quemadmodum gubernatores optimi vim tempestatis, sic sapientissimi Viri fortuna impetum persæpe superare non possunt (a). Cum fateantur in vitiis satis magnam vim esse ad miseram vitam, nonne fatendum est eandem vim in virtute esse ad beatam vitam (b)?*

A Relatis.

Posito, sive sublato alterutro relativorum, ponitur, sive aufertur etiam aliud.



A Con-

(a) Cic. ad Q. Fratr. 1. (b) Cic. Tuscul. 5.

*A Contrariis , & Privantibus , &
Contradicientibus .*

Cui convenit unum ex contrariis , five privativis , aliud etiam diverso tamen tempore convenire potest .

Contraria , five Privativa , five Contradictoria simul esse non possunt .

A majori ad minus , vel ad minori ad majus .

Qui facere potest , aut cui convenit majus , facere etiam poterit , five illi conveniet etiam minus ; & è contra cui minus repugnat , repugnabit etiam majus .

*Ut corpus redimas ferrum patieris , & ignes ,
Arida nec sitiens ora levabis aqua :*

*Ut valeas animo quicquam tolerare negabis ?
At pretium pars hac corpore majus habet (a) .*

Ab Auctoritate , Testimonio , seu Tabulis .

Quidquid a Deo revelatur , est certum , ac infallibile .

Quidquid soli testimonio , vel opinioni hominum innititur , est incertum .

Quidquid ab omnibus hominibus sapientibus , peritis , probis , nullo affectu , nullâ utilitate incensis affirmatur , est verum .

Quidquid ab antiquis , probatis , sinceris , genuinis historiis , lapidibus , nummis , monumentis deducitur , est certum .

R 2

VI. Hæc

(a) Ovid. de Remed. 1.

VI. Hæc, aliaque id genus plurima sunt principia, quorum ope, seu lumine ex aliquo aliquid aliud inferri poterit; sive ex quibus veluti fontibus immensa ferè cognitionum nostrarum seges oriri solet. Atque uberes adeo, felices, ingeniti, copiosique sunt, ut illorum vis, & utilitas ipsa per se nobis effulgeat, quamvis illi anxie non inquirantur: quemadmodum, ut antea dicebamus, ex illis ipsis argumenta, cognitionesque deducimus, etsi nihil de ipsis, illorumque vi cogitemus. Qui tamen hæc ipsa fusiùs, aut alia plurima fortasse desideret, eos adire poterit, qui longâ de his oratione disserunt. Vereor tamen ne ipsum aliquando pœniteat, aut pudeat certè in re non utili, neque plurimùm necessariâ longiorem operam collocasse *.

Finis Tertiæ Partis Logicæ.



LOGI-

* Audi quantum mali faciat nimia subtilitas. Illi non præferunt lumen, per quod acies dirigatur ad verum, isti oculos mihi effodiunt. *Seneca epist. 88.*



LOGICÆ

PARS QUARTA.



De Methodo.




Um in inquirendæ Veritatis studio ,
 cujus amore universam ferè Diale-
 cticam institutam esse jam diximus,
 objecta plurima concipi , vel ab in-
 tellectu nostro apprehendi debeant;
 plurima de rebus judicia , propositiones , & ar-
 gumenta plurima formari debeant , ne ingens
 adeo idearum varietas , judiciorum , propositio-
 numque numerus , tanta denique argumentorum
 series confusionem , obscuritatenique pareret ,
 quâ tenue mentis nostræ lumen obrui fortasse;
 vel extinguere etiam posset , optimo , sapientissi-
 moque consilio plurimi ex veteribus , recentio-
 ribusque Philosophis ceteris Logicæ partibus ,
 quibus Idearum , Judiciorum , Argumentationum-
 que leges , natura , & origo , uberrimè demon-

strantur, aliam quoque, veluti coronidis loco, addiderunt, quæ clariùs ostenderet, quâ methodo, quo rerum ordine hæc omnia disponi debeant, ut occulta veritas aliqua investigetur, aut certè jam inventa ceteris ostendatur; vitia denique, vel errores, qui aut in inquirendæ, aut in demonstrandæ veritatis studio irreperent, cautissimè declinentur. Cujus quidem partis, quam postremo loco nunc explicandam aggredimur, præstantia, & utilitas, si pro rei dignitate laudanda foret, vereor, ne superioribus Logicæ Partibus, quas hætenus longâ, gravi-que operâ profecuti sumus, nimium detrudere videamur. Quamvis enim sæpius, atque opportunè fuerit observatum, subtiles idearum, propositionum, argumentationumque leges ad veritatem aliquam detegendam, & comprobendam plurimùm conferre, illud tamen ingenuè fatendum est, longè uberiores in disciplinis omnibus comparandis, illustrandisque fructus ex regulis istis haberi, quas in hac quartâ Logicæ Parte tradituri nunc sumus, quàm ex ceteris ejusdem partibus, quarum præcepta vix, aut ægrè saltem adhiberi feliciter solent, nisi illis ex hac ipsâ methodo perspicuus ordo, ac plurimus splendor accesserit. Itaque primò de Methodi naturâ, necessitate, ejusque generibus differemus; tum leges ipsius, aut vitia complectemur; illius postremò finem, aut fructum, Scientiam nimirum, Veritatemque exponemus.



CAPUT PRIMUM.

De Methodi Naturâ, ac Divisione.

I.  Ethodus, ut ipsa vox exprimit, nihil est aliud, quàm *via brevis, aut ordinata ratio inveniendi veri, ipsiusve, cùm inventum fuerit, exponendi* *. Quemadmodum enim antea dicebamus, câ de causâ Methodus est instituta, ut mens nostra varias ideas, judicia, argumentationesque ita disponeret, ut illarum ope, quibusdam veluti gradibus, ad Veritatem ipsa contenderet, aut alios certè feliciter, facem quasi præferens, deduceret.

II. Hinc celebris exoritur quæstio: Utrum Methodus quarta quædam a ceteris distincta cogitationis species haberi debeat, an verò potiùs Methodus ipsa ad Perceptionem, sive ad Judicium, tanquam illarum perfectio, referri possit. Plurimi certè existimant, novam hanc esse cogitationis speciem a ceteris omnino distinctam, cùm neque aliquid percipiat, neque judicet, neque unum inferat ex alio, sed perceptiones, judicia, discursus antea formatos dirigat, ordinet, inter se conferat, illorumque vitia, si quæ fortasse fuerint, detegat. Quemadmodum itaque Judicium a Perceptione, Discursus a Judicio distinguitur; quamvis in discursu judicium, atque in judicio perceptio contineatur, ita quoque Methodus a ceteris cogitationis speciebus, optimè distinguetur; quamvis illa ceteras cogita-

R 4

tio-

* Non solum scire aliquid artis est, sed quædam ars etiam docendi. *Cic. de Leg. 2.*

tiones ante formatas supponat, ac quodammodo complectatur.

III. Verisimilius est tamen Methodum a ceteris cogitationis speciebus distingui non oportere, cum ad Judicium possit, ac Perceptionem ipsam commodè revocari. Ac certè dum intellectui mira quædam, & incredibilis percipiendi vis, & facultas inesse dicitur, non solum simplices rerum imagines intueri, resque ipsas, & objecta contemplari illum posse intelligimus, verum etiam asserimus, & experimur, quod ordinem, seriem, nexum, aut repugnantiam, quæ inter ideas ipsas, atque judicia, & discursus reperitur apprehendere, ac intueri potest; adeoque mens nostra, Methodum adhibere dicitur, ubi varios rerum ordines, illarum seriem, & nexum accuratè perpendit, quod solâ Perceptione, sive primâ cogitationis specie veluti reflexâ, ac perfectiori præstare poterit. Similiter etiam ad secundam mentis operationem, sive ad Judicium non tantum pertinet, ideam aliquam cum aliâ sibi conveniente conjungere, aut ab aliâ repugnante sejungere; verum etiam Judicium aliquod cum alio conveniens conjungere, aut si contraria, vel repugnantia illa fuerint, sejungere; ex pluribus etiam ideis, judiciis, argumentationibus, quæ melior, & opportunior fuerit, seligere; errores denique, qui in vitiosa judiciorum, argumentationumque unione, vel serie reperiuntur, ostendere; quæ singula ad Methodum pertinere, atque ab illâ præstari debere jam diximus. Quemadmodum itaque discursus ipse, quo plura judicia simul conjungimus, atque ad propositionem aliquam rite demonstrandam

dam componimus, veluti perfectior quædam Judicii species censerî posse putavimus, ita Methodus ipsa, quâ ideâs, judicia, argumentationesque disponimus; tanquam nobilior, ac reflexa magis, sive composita judicii species haberi commodè poterit.

IV. Ceterùm sive distincta cogitationis species, sive nova quædam illarum proprietas, atque perfectio dicenda sit Methodus, perinde est: maximè siquidem ad accuratam rerum cognitionem ipsam conferre, adeoque post cetera illam tradi, vel explicari oportere manifestissimè demonstratur. Quid enim prodesset varias idearum, terminorum, propositionumque genera, atque proprietates cognoscere, quibus obscuritas aliqua, sive confusio ex ipso illarum numero, ac varietate inesset? quâ ingenii laude plurimos aliquis syllogismos effunderet, quos nullus ordo, nulla connexio ad propositam veritatem dirigeret? quo denique fructu de variis, subtilibusque syllogismorum legibus, atque figuris quispiam sollicitus foret, qui se deinde fallaciâ quadam, sive sophismate decipi, inani- busque verborum, aut sententiarum cavillis, irretiri facilè pateretur?

V. Quandoquidem verò res omnes eodem ordine, vel Methodo pertractari non possunt, neque iisdem plerumque gradibus veritatem aliquam a nobis inventam ceteris demonstramus, quibus illam nos antea deprehendimus, hinc Methodus ipsa in *Analyticam*, sive *Resolutivam*, & *Syntheticam*, sive *Compositivam* distingui solet.

1. Methodus Analytica est illa, in quâ a cognitione totius descendimus ad singularum partium

tium cognitionem, ex cognitione effectûs ad cognitionem plurium caussarum, a quibus ille producitur; ex cognitione rei singularis, atque compositæ ad cognitionem simplicium, ac universalium, ut ex. gr. ex cognitione totius hominis ad cognitionem animæ, vel corporis; ex cognitione febris ad cognitionem caussarum, unde febris exoritur, ex cognitione solis ad omnium siderum cognitionem, &c.

Hanc verò Methodum, in scientiis præsertim, aut cognitionibus investigandis frequentius adhibere consuevimus, quòd plerumque nobis effectus ipsi, composita, singularia cognita, ac perspectissima sint; illorum verò causæ longè obscuriores, occultioresque sint; adeoque ex cognitione rei singularis, effectûs, aut compositi cognitio universalium, caussarum, partiumque sit inquirenda. Sic magnetis vim non aliâ ratione scrutari, vel invenire, vel explicare possumus, quàm si sensibiles illius proprietates, & effectus omnes observemus, tum ad inquirendas illorum causas accedamus. Sic Medici, Casuistæ ex particularibus, sensibilibusque circumstantiis universale quiddam, & occultum conjiciunt, atque scrutantur.

2. Synthetica verò Methodus, sive compositiva est illa, in quâ a simplicibus ad composita, a partibus ad totum, a causis ad effectus cognitio nostra gradatim ascendit; atque eâ de causâ Analyticæ præferri debet, & cum inventa jam veritas aliqua doceri, vel ostendi debeat, adhibetur; quòd facilior sit, atque a facilioribus semper incipiat, ut ad difficiliora paullatim progrediatur.

VI. Quàm

VI. Quàm verò Scientiis omnibus rite, ac feliciter pertractandis hæc Methodus conferat, omnes norunt, qui Mathematicæ disciplinæ dignitatem, atque præstantiam intelligant: non aliâ siquidem de causâ illa primum certitudinis gradum obtinet, atque inter ceteras omnes Scientias sola finè Logicâ addisci potest, quàm quia a partibus ad totum, a simplicioribus ad composita, hoc est a facilioribus ad difficiliora, a clarioribus ad obscuriora gradatim ascendat; ut omnis proinde Methodus, quâ in ceteris disciplinis utimur, ad hanc Geometricam Methodum, veluti ad exemplar, reduci, conferri, disponique debeat. Tunc autem id opportunè assequemur; si, ut solent Geometræ.

I. *Nihil ambiguum in terminis relinquatur.*

II. *Rationes omnes ex principiis certis, & evidentibus deducantur.*

III. *Propositiones, vel conclusiones omnes demonstrativè, & invictè probentur.*


Quæ tria principia, ac veluti Methodi Geometricæ fontes, ac lumina, ut clariùs intelligi, atque faciliùs adhiberi possint, in plures leges, atque axiomata satis commodè disponi possunt; ut illorum ope errores omnes, qui possent irrepere, detegantur, ac faciliùs vitentur, quod in sequenti Capite præstabimus.



CAP.

C A P. II.

De Methodi legibus.

- I.  Eges illæ, vel Regulæ, quas in Methodo observari posse jam diximus, aut voces, aut axiomata, aut demonstrationem ipsam respiciunt. Singula nos hîc ordine, additis etiam exemplis, subjiciemus.

Regula pro Vocibus.

- I. **N**ihil in terminis obscurum, & æquivocum relinquatur, quod prius accuratè non explicetur.

II. Termini usurpentur, aut omnibus per se noti, aut prius explicati.

Incredibile est enim quàm graves controversiæ, ac dissidia, ob ejusmodi vocum obscuritatem, Philosophorum ingenia exercuerint, quod de Stoicis, atque Academicis egregiè probavit Cicero, qui plerumque de vocibus non de rebus differebant. Ne itaque huic dissidio ulla detur occasio, voces notissimæ adhiberi debent; Quod non præstitit Aristoteles cum ait: *Motus est actus entis in potentiâ prout in potentiâ*. *Tempus est numerus, & mensura motus secundum prius & posterius*. *Anima est entelechia*: cujus quidem vocis sensum, & cognitionem cum Hermolaus Barbarus assequi non posset, Dæmonis opem implorasse fertur, ut illius vim intelligeret.

Pro

Pro Axiomate.

I. **N**ullum adhibeatur Axioma, quod non sit evidentissimum.

II. Illud autem evidens habeatur, quod mediocri attentione verum esse cognoscatur.

In hoc enim sapientes omnes mirè consentiunt, quasdam esse propositiones adeo claras, & evidentes, ut illarum veritas, quadam veluti luce, sinè alio discursu, menti statim affulgeat. Ea tamen humanæ mentis miserrima conditio est, ut in his etiam cognitionis nostræ principiis assignandis plerique dissentiant; ut ex. gr. de istis *Nihil est in intellectu, quin prius fuerit in sensu*. *Quidquid apparet in Ideâ clarâ rei verum est: A privatione ad habitum non datur regressus*, &c. quâ verò ratione verâ principia ab incertis agnosci possint, fusiùs ostendetur cum de Criterio Veritatis sermo erit.

Pro Demonstrationibus.

I. **P**ropositiones omnes, quæ perfectè clara, & evidentes non sunt, explicari, probari, & illustrari debent, vel ope definitionum, vel axiomatum, vel aliarum propositionum, quæ vel sint evidentes, vel probata jam fuerint.

II. Quia verò communior obscuritatis fons, & origo est ambiguitas terminorum, ut antea diximus, hac maximè vitari debet, & adhibendi sunt termini per se noti, vel jam explicati.

III. Cavendum est etiam, ne magis solliciti simus de convincendo, quàm de illuminando Intel-

telleſtu, ut plerumque fieri ſolet per demonſtrationes ad impoſſibile; quando nimirum oſtendimus, quod ſi aliqua propoſitio eſſet falſa, aliquid etiam falſum, & abſurdum ex illâ ſequeretur, adeoque neceſſarium eſt illam eſſe veram.

IV. Nihil etiam demonſtrari debet, quod probatione, ſive demonſtratione non egeat, ut quod in triangulo duo quælibet latera ſimul ſumpta tertium excedant, id enim ex ideâ linearum rectarum ſtatim apparet; exiſtere corpora, &c.

V. Demonſtrationes inſuper a remotis, & alienis principiis, aut propoſitionibus peti non debent, ſed proximè, & immediatè ſuis ex fontibus, hoc eſt ex principiis, ſive definitionibus, ſive denique ex aliis propoſitionibus antea demonſtratis ſunt deducendæ.

Pro Methodo.


I. **Q**uaſtiones omnes tractari debent ordine naturali, quoad fieri poterit, ut a ſimplicioribus ad compoſita; ad difficiliora a facilioribus aſcendatur.

II. Curandum eſt inſuper, ut definitiones omnes, & diſiſiones rite, ac ſecundum leges traditas premittantur, ut Genus aliquod in ſuas Species, & totum in ſuas partes diſiſum facilius cognoscatur.

III. Debent inſuper caſus omnes poſſibiles aliqujus propoſitionis ſeorſim demonſtrari, niſi aliunde clariffimi, & certiffimi ſint; aut ex aliis jam demonſtratis ſua veluti ſponte prodeant, ut cuilibet ſtatim appareant.

C A P. III.

*De Fallaciis, quæ contra Methodi leges
committi solent.*

- I.  Ptandum maximè foret, ut mens nostra propositâ semel superiori Methodo, iisque legibus, quibus in inquirendâ veritate pro variis, aut rerum, aut docentis conditionibus uti posset, veritatem ipsam certissimè assequeretur; eorumque præceptorum lumine ab illius studio, & amore numquam, vel leviter, declinaret. Verùm diuturno rerum experimento compertum est, mentem nostram facillimè labi, atque a propositâ veritate sæpiùs deflectere; ut iidem ipsi, qui Logicæ præcepta mirificè callent, graviter plerumque, turpiterque in errores inciderint? Quod cum Aristoteles, alique Philosophi animadverterent, e re futurum existimarunt plurima quoque de vitiis, quæ aut in Methodo, aut in singulis cogitationum speciebus, præsertim verò Discursu committi solent, opportunè differere; nec aliam fortasse Logicæ partem, quod alibi quoque nos ipsi probavimus, hac utiliore esse putarunt. Eandem igitur nos hîc viam insistimus: pressius tamen, ac brevius, quàm olim hæc Logicæ pars pertractata fuerit, omnia complectamur, cùm plurima Sophismatum genera, quæ solùm Sophistis, otiosis nimirum, ineptisque hominibus in pretio fuerant, ab illis impudentissimè, atque ingenuis etiam viris ob-
cie.

ciebantur; nunc ubique ferè a scholis exul-
lent.

II. Neque id levioris operæ, ut plurimi for-
tasse conjiciunt, putari debet; nihil est enim,
ut Aristoteles, aliique plurimi ingenuè testan-
tur, tam homini vulgari, quàm falli; quod ut
illustriùs adhuc appareat singulis legibus, quas
tradituri nunc sumus, exemplum aliquod con-
sultò adjecimus, in quo sapientissimos etiam
viros; qui artis syllogisticæ præcepta optimè
calluerant, aliisque tradiderant, subinde cesp-
tasse demonstratur. Ex optimis verò, melioris-
que notæ Philosophis hæc exempla selegimus,
quòd magnorum virorum famâ, & æstimatione
plurimum commoveamur, ut nihil proinde va-
lentiùs nos a vitiis cohibeat, cautiorefque in
evitandis illis efficiat, quàm si compertum no-
bis, exploratumque sit principes etiam viros in
illa subinde impegisse.

III. Duplex est autem Fallaciæ genus, quod
hoc in loco explicandum superest; illæ nimi-
rum Fallaciæ, quæ dicuntur Fallaciæ *formæ*, hoc
est errores illi, qui contra formam syllogisti-
cam committuntur, in III. Logicæ Parte oppor-
tuniùs expositi sunt, ubi de variis legibus, quæ
in syllogismo rite conficiendo servari debent,
disseruimus; quemadmodum etiam errores illi,
qui a sensibus, sive præjudicatâ; vel præcon-
ceptâ opinione oriuntur, in Primo Capite Secun-
dæ Partis expositi sunt, atque remedia simul
ostensa, quibus ipsi facilè corrigi, deprehendi-
que possunt: quo etiam loco Fallacias illas de-
monstravimus, quæ cùm ex pravo, vitiosoque
usu vocum oriantur, *Fallacia vocum* dici solent.

Da-

Duplex est, inquam, Fallaciæ genus, quod hîc a nobis exponitur: vel enim dum fallimur, aut in errorem inducimur, error ille dependet, & oritur ab intellectu, eritque *Fallacia Intellectûs*; vel intellectus ipse a voluntate variis affectibus perturbatâ in errorem trahitur, ut error ille, seu vitium intellectûs a voluntate præsertim oriatur, atque dependeat, tumque *Fallacia Voluntatis* dicetur.

Primum Fallaciæ genus hoc tertio Capite complectemur; alterum verò in sequenti commodiùs explicabitur. Varii itaque modi sunt, quibus intellectus in inquirendâ, vel demonstrandâ veritate decipitur, quos additis exemplis hîc ordine enumerabimus.

I.

Aliud probare, quàm id, quod est in questione.

Ejusmodi Fallacia ab Aristotele dicitur *ignoratio Elenchi*, illius nimirum, quod contra adversarium probandum est, sive quod in adversario improbari, vel reprehendi debet. Plerumque enim aut ex ignorantia, aut ex animi perturbatione, aut etiam fortasse ex fraude, & dolo id adversariis affingimus, quod ab illorum sensu prorsus abhorret, ut majori cum laude illorum sententiam arguere, atque evertere videamur, sive certè oppositarum rationum vim eludere, & effugere liceat.

Hoc in vitium Aristoteles ipse, *vir* alioquin, ut verè inquit Cicero, *singulari ingenio, ac pen-*

nè divino (a), sæpiùs impegit; ut cum Platonem acriter reprehendit, atque indecorè vituperat, quòd ideas a substantiis omnibus separatas admiserit; cùm revera Plato non alias ideas agnovit, quàm existentes in mente Dei. Parmenidem quoque, ac Melissum impugnat Aristoteles, quòd unicum rerum omnium principium posuerint; cùm tamen ipsi non de principio compositionis, sed de causâ, & principio efficiente, vel de solâ materiâ loquerentur. Quis etiam Pythagoram sapientissimum virum adeo desipuisse arbitretur, ut res omnes numeris componi crediderit, quod illi tamen ab Aristotele, aliisque pluribus affingitur, non verò potius hæc omnia allegoricè ab ipso fuisse usurpata? Quis denique ferat Aristotelem ipsum veteribus omnibus vitio vertere, quod Privationem non agnovissent, cùm tamen certissimum sit, non modò Philosophos omnes, sed rudiores etiam homines hanc agnovisse; non enumerasse tamen inter generationis principia, cùm nullius utilitatis in explicandâ rerum origine videretur?

II.

Id supponere, quod est in questione.

Fallaciam hanc Aristoteles vocat *petitionem principii*, sed aliquoties illam admisit; ut cum ex. gr. Tellurem in medio Universi positam probat, quòd gravia ad centrum Universi fe-

(a) *De Divin.* 1.

ferantur, ferantur autem simul ad centrum terræ, adeoque centrum terræ, & Universi sint unum, & idem. Non enim aliunde Aristoteles probare poterat gravia ad centrum Universi descendere, quàm ex eo, quod centrum terræ, ad quod revera feruntur, ut experientia demonstrat, supponatur esse unum, & idem cum centro Universi, quod tamen est in quæstione.

III.

Causam assignare, qua non est causa.

Frequentissimum est hoc Fallaciæ genus, quod etiam dicitur *Non causa ut causa*; nec aliâ fortasse ratione nobis frequenter imponit, nosque abripit, quàm quia causæ rerum plerumque obscuræ sunt, ut meritò dixerit Poëta, *felix, qui potuit rerum cognoscere causas*, id tamen fateri ingenue veremur *, & causas aliquas potius comminiscimur, licet alienas, & imaginarias; aut etiam ad causam primam, Deum nempe, confugimus * *.

Quid enim est aliud horrorem vacui in naturâ, vim attractricem in electro, vim magneti-

S 2

cam

* Nec me pudet, ut istos, fateri nescire, quod nesciam. *Cic. Tusc.* 1.

* * Sed omnium talium rerum ratio reddenda est: quod vos cum facere non potestis, tanquam ad aram confugitis ad Deum. *Cic. de Nat.* 3.

Anaxagoras tanquam machinâ utitur *Mente* ad Mundi generationem; & cum dubitatur propter quam causam necessariò est, tunc eam attrahit. *Aristot. Metaphys.* 1. c. 4.

cam in magnete, pulsificam in corde, soporificam in papavere, purgativam in senâ constitutere, quàm verbis ludere, idque veluti arcanum, ac mysterium depromere, quod apertissimum est quidem, nullâ tamen ratione effectui clariùs explicando conferre potest? Inesse naturæ vacui horrorem, vim pulsificam cordi omnes norunt, fatentur omnes; sed causâ physica illorum effectuum reddenda est; aut, si ignoratur, commentitia obtrudi non debet, quo nihilò doctiores evadamus *.

Huc etiam referas sympathiam, antipathiam, influxus siderum, ceteraque id genus illustria, sed vana nomina ab Astrologis præsertim usurpata, quibus rerum omnium rationem, & causas explicare, quin etiam prævidere se possogloriantur.

Non multò felicior Aristoteles dum plures Mundos eâ de causâ possibiles esse negavit, quòd hic Mundus *Omne*, vel *Universum* dicatur, adeoque omnia complectatur, ut nihil extra ipsum reperiri possit; similiter etiam cum probat cœlos esse incorruptibiles, quòd sint sedes Deorum, quòd illorum motus circularis sit, & nullum proinde contrarium habeat; tres motus simplices reperiri, quòd tres sint dimensiones, &c. cùm tamen ægrè concipiatur, quid Cœlorum

* Cùm explicare nihil posses, pugnas commentitiorum exemplorum mirificâ copiâ. Hoc ego Philosophi non arbitror: argumentis, & rationibus oportet quare quidque sit ita docere, non eventis; iis præsertim, quibus mihi liceat non credere. *Cic. de Divin. 2.*

rum incorruptibilitas cum circulari motu, quid motûs simplicitas cum trinâ dimensione commune habeat.

IV.

Pronunciare de re ex eo, quod illi convenit per accidens.

Fallacia *accidentis* hæc dici consuevit, atque ex illâ vituperationes omnes oriuntur, quibus egregiæ disciplinæ traducuntur, quòd illis aliquis abutatur. Hac etiam Fallaciâ decepti Deo humanam formam tribuebant Epicurei, quòd Deus sit beatissimus, beatitudo autem sinè virtute non detur, neque virtus sinè ratione, neque ratio, nisi cum humanâ formâ reperiatur: quasi nimirum rationem conjunctam habere solùm per accidens humanæ formæ non conveniret, neque illi contingenter solùm adjuncta foret.

V.

Argumentari a sensu diviso ad compositum, vel è contra.

Hoc alibi explicavimus, cum de veritate propositionum ageremus. Utraque hæc Fallacia *compositionis*, vel *divisionis* dicitur: Ut *caci vident, claudi ambulant, peccatores salvari possunt, &c.* in sensu composito verificari certè non possunt, sed solùm in sensu diviso. E contra *avarari non intrabunt in regnum cælorum, lignum calidum habet calorem, &c.* solùm in sensu composito sunt veræ, non in diviso.

VI.

*Argumentari ab eo, quod est verum secundum
quid ad simpliciter.*

Sic Epicurei humanam formam Deo tribuebant, quòd hæc omnium pulcherrima sit; licèt enim forma hominis esset pulcherrima, non id tamen haberet simpliciter, & absolutè, ut alia longè perfectior dari non possit, sed tantummodo secundum quid, hoc est, si cum aliis jam productis comparetur. Sic Aristoteles Mundum alium impossibilem censuit, quòd hic sit perfectus, cùm tamen alius longè perfectior produci possit.

VII.

Imperfecta enumeratio, vel inductio.

Quemadmodum omnis ferè cognitio per inductionem acquiritur, hoc est intellectus noster ex singularibus cognitionem omnem rerum universalium, & abstractarum consequitur, ita sæpiissime in hac inductione decipimur, quòd partibus leviter, aut imperfectè enumeratis, conclusionem aliquam generalem inferamus. Sic malè inferremus liquores omnes frigore condensari, quòd hoc in oleo, vino, &c. deprehendatur; aqua enim frigore rarefit, dum congelatur. Sic in celebri dilemmate de motu, *Si corpus moveri posset, aut moveretur in loco, in quo est, aut in loco, in quo non est*, pars aliqua, sive corpori status committitur; moveri siquidem po-

potest, & debet in loco, in quo est, simul & in loco, in quo non est; quia nimirum, ut detur motus, duo loca concipi debent, quorum unus relinquatur, alter verò acquiratur.

VIII.

Transitio de Genere in Genus.

Vitium ejusmodi frequenter illis imponit, qui cū plures Scientias didicerint, illarum præcepta, ac lumina promiscuè usurpant: ut qui res philosophicas explicaturus Geometricas demonstrationes afferret; quasi nimirum, quidquid a Geometris demonstratur, in re physicâ absolutè, ac simpliciter adhiberi possit. Sæpius a Cartesio in hoc erratum esse pluribus in locis opportunè ostendemus, ut cū de divisione continui, de constitutivo corporis, de infinitâ Mundi extensione differemus. Hinc Plato, qui Geometriæ studium constanter adeo, ac magnificè coluit, ut inscripto foribus epigraphæ ageometras ab Academiâ arceret; & egregiis semper laudibus Geometriam exornavit, Architam tamen, & Eudoxum, aliosque reprehendit, quòd speculationes Mathematicas ad sensibilia transferrent, & illis ista comprobarent, quo Geometriæ bonum corrumpi asseribat.



IX.

Circulus vitiosus.

HOc Fallaciæ genus ad Petitionem principii facile revocari posset, sed majoris claritatis gratiâ seorsim, ac distinctè illud notavimus. Committitur autem cum probatur idem per idem, ut fecit Aristoteles cum probare voluit stellas scintillare, quòd nimium distent a nobis; nimium autem distare illa probat, quòd scintillent. Sicetiam Cartesius dum probat Deum existere, quòd in Ideâ clarâ, & distinctâ, adeoque certissimâ Dei, illius existentiam contineatur, ac veluti effulgeat; Ideas verò claras, & distinctas esse certissimas; hoc est illa, quæ clarè, distinctèque percipiuntur, esse vera deducit ex Dei bonitate, cui repugnat mentem condidisse, quæ in rebus etiam evidentissimis decipiatur.

X.

Fallacia Contradictionis.

HOc in genere peccatur, cum ibi supponitur contradictio ubi nulla est; ut ex. gr. si dicerem: *Æthiops est albus secundum dentes, non est albus secundum reliqua membra, ergo est albus, & non albus*, apparet enim, quod ibi nulla contradictio reperitur, cum non affirmetur idem de eodem secundum idem, albedo nimirum de eadem corporis parte.

Fal-

XI.

Fallacia Interrogationis.

IN hunc errorem, sive Fallaciæ genus, quo *captiosissimo genere interrogationis* uti solebant Megarici (a), inducimur cum de pluribus, diversisque rebus simul interrogamur, ut unicâ responsione utentes decipiamur; ut si quis interrogatus, *vitium, & virtus sunt ne bona, vel mala?* statim respondeat alterutrum, hoc est mala, vel bona esse; adversarius enim inferre posset, virtutem esse malam, aut vitium esse bonum; distingui itaque debet, ac duplici responsione duplici interrogationi satisfieri.

XII.

Fallacia Conversionis, sive Consequentis.

Committitur hæc Fallacia, cum illa Propositio convertitur simpliciter, quæ converti non potest; quando nimirum ex eo quod prædicatum conveniat, & affirmari possit de subiecto inferimus etiam subiectum reciprocè convenire, vel affirmari posse de prædicato: ut ex. gr. cum vera sit hæc propositio *cogitat ergo cognoscit*, inferimus hanc quoque veram esse *cognoscit ergo cogitat*.



Fal-

(a) Cic, Acad. 2.

XIII.

Fallacia falsa suppositionis.


Ultimum denique Fallaciæ genus, est *falsa suppositionis*; quando nimirum aliquid tanquam verum supponimus, quod revera falsum est, & exinde tanquam ex principio aliquid aliud inferimus; adeoque committitur cum propositio nostra, vel conclusio non absolute verificatur, sed in aliquâ solùm hypothesi, seu conditione, quam nos quidem certam, ac veram esse supponimus, reipsa tamen non est. Sic Alexinus ille Sophistarum celeberrimus Menedemum interrogasse fertur, *quandonam patrem verberare desisset* (a)? tacite, vel implicite supponens Menedemum aliquando id sceleris attentasse. Optime verò Fallaciam elusit Menedemus negando id, quod in interrogatione falsò, vel temere supposebatur, *neque incipi, inquit, neque desii*. Sic etiam celebre Sophisma, quo Diodorus Diogeni probare conabatur illum habere cornua: *Quod non perdidisti*, inquit; *habes, sed cornua non perdidisti, ergo habes*; apparet enim quod, ut vera sit illa propositio, *quod non perdidisti habes*, supponi debet, quod aliquando id habuerit, quod nondum perdidit. Facile itaque hæc Fallacia diluitur, negando id, quod ab adversario falsò supponitur; nisi fortasse præstet ejusmodi sophismata, & argutias irridere, nihilque ab illarum præstigiis com-

(a) *Laërt.* 2.

commoveri; quemadmodum certè Diogenes ipse, ut propositum sibi sophisma dilueret, manum capiti admovisse fertur, si quæ forent ibi cornua deprehensurus; lepidè, & sapienter innuens, quod ubi de perspicuis rebus agitur, non syllogismi potiùs acumen, sed evidentia ipsa, & manifesta veritas attendi debet.

C A P. IV.

De Fallaciis, quæ oriuntur a Voluntate.

- I.  Tsi errores omnes ad Intellectum, tanquam ad verum cognitionis principium, rerumque omnium iudicem referri debeant, plurimi tamen sunt, qui a Voluntate ipsâ pendere videntur, cum a perturbatis illius affectibus intellectus ipse plerumque abripiatur, ac in errorem veluti invitus trahatur. Insitus est enim cuilibet hominum amor sui, qui veluti arcana cordis penetralia vi obsidens, altas ibi plerumque, & obscuras adeo radices agit, ut facilè detegi, extirparique non possit. Vix autem credi possit quantum nobis hic amor imponat, quàm gravem menti nostræ caliginem offundat, quàm denique temere, & inconsultò, hoc duce, de rebus judicia ferre consueverimus. Graviora nos vitia breviter hîc complectemur, ut cetera ex ipsis deprehendi, æstimarique possint.

I.

Primum, ac veluti aliorum omnium fons est, quod cum in rebus omnibus nos ipsos amemus, non aliter de rebus judicare consuevimus, quam ut illæ nos afficiunt, ac veluti affectus nostros in ipsa affectuum objecta transferimus: sic ex. gr. si quem amamus, justum illum, sapientem, prudentem statim existimamus; si quem verò fortè oderimus, impium, imprudentem credimus *. Quidquid optamus, ac petimus, facile, & æquum, & opportunum nobis videtur, quidquid respuimus, & adversamur, indecorum, iniquum arbitramur. *Qua volumus & credimus libenter; & qua sentimus, reliquos sentire speramus.* (a).

II.

Huc revocari etiam potest maximus error quorundam; qui, cum de se nimis honorificè sentiant, seipsos sapissime nominant, laudant.

(a) *Cæsar. de Bello Gall. 2. c. 27.*

* Naturæ authoritas in virtute inest maxime; in tempore autem multa sunt, quæ afferant authoritatem; ingenium, opes, ætas, fortuna, ars, usus, necessitas, concursio etiam nonnumquam rerum fortuitarum. Nam & ingeniosos, & opulentos, & ætatis spatio probatos dignos, quibus credatur, putant: non rectè fortasse; sed vulgi opinio mutari vix potest, ad eamque omnia dirigunt, & qui judicant, & qui existimant. Qui enim in his rebus, quas dixi excellunt, ipsâ virtute videntur excellere. *Cic. Top. c. 19.*

desque suas importunis, vel loco, & tempore, invitis auribus obtrudunt, ac mirificè extolunt *; opiniones omnes, quas adamaverint, optimas, & evidentes esse arbitrantur, ut illis nonnisi temere, & impudenter ab aliquo contradici possit; cùmque se veritatem assequutos esse glorientur, ceteros omnes erroris insimulant, eorumque opiniones indecorè traducunt.

III.

INde etiam fieri solet, ut quam sententiam inconsulti aliquando elegerimus, eam deinde constantissimè, & pertinaciter tueamur; licèt illa imprudens, atque etiam falsa fortasse nobis appareat; veremur siquidem erroris, aut inconstantiae notam subire, ac dedecori ducimus aliquando errasse **. *Qua quidem indoles pessima est, & menti benè disposita prorsus indigna: quamvis verum sit eam in scholis Philosophorum ut plurimum contrahi, in quibus mos viget de omni re contentiorè altercandi, gloriaque ducitur nunquam cedere, nunquam manus dare; cùm illic ceteris praeferre ingenio is videatur, qui est ad subterfugia detegenda, per qua pressus evadat, oculatissimus; cùm tamen candidi, cordatique hominis indicium sit,*
vel

* Suum cuique pulchrum est: adhuc neminem cognovi Poëtam, qui sibi non optimus videretur, sic se res habet, te tua, me delectant mea. *Cic. Tusc. 5.*

Judicis cujusque in sua causâ judicium est suspectum. Non vides, quàm blanda conciliatrix, & quasi sui lena sit natura? *Cic. de Nat. 1.*

** Sed verentur, ne si audierint damnare non possint. *Lactant. 5. 6. 1.*

vel eminus conspectâ veritate, quam etiam in hoste venerabitur, arma deponere (a).

IV.

Quin etiam perditus amor sui eò quosdam adegit, ut ad aliorum opiniones evertendas hac planè lepidâ ratione usi fuerint: Si hoc esset verum, ego in errore versarer, non essem vir doctus, &c. Sic enim inquirunt, si nervi non a corde, sed a cerebro oriantur, si Cœli sint fluidi, & corruptibiles, quot ego res physicas, & medicas ignorassem? Atque isti quidem ab amplectendâ veritate maximè dissident:

Vel quia nil rectum, nisi quod placuit sibi, ducit;

Vel quia turpe putant parere minoribus; & quia

Imberbes didicere, senes perdenda fateri (b).

verum quàm facilè hac verecundiâ illorum animi liberantur, si animadvertant nihil in homine majorem veniam mereri, nihil facilius esse, quàm decipi; nihilque proinde majori ingenii laude fieri, quàm errorem corrigere. Neque enim est levitas a cognito, & damnato errore discedere, & ingenuè fatendum est: aliud putavi; deceptus sum. Hac verò superba stultitia perseverantia est, quod semel dixi, qualecumque est, fixum, ratumque sit. Non est turpe cum re mutare consilium (c); sed, ut præclare inquit Plato, beatus est, cui etiam in senectute contigerit, ut sapientiam, verasque opiniones assequi possit (d).

Quod

(a) *Art. Cogit. Par. 4. cap. 4.* (b) *Horat. Epist. 1. lib. 2. v. 23.* (c) *Sen. de Benefic. lib. 4. cap. 38.* (d) *Cic. Tusc. 5.*

*Quod si tam Gracis novitas invisâ fuisset,
Quàm nobis, quid nunc esset vetus (a)?*

*Quapropter stultitia nobis visâ est aut a bene
inventis alicujus recedere, si quo in vitio ejus of-
fenderemur; aut ad vitia quoque ejus accedere,
cujus aliquo bono praecepto doceremur (b).*

V.

Quemadmodum verò, naturâ duce, nos ipsos diligimus, ac nostra admiramur, ita in ceteros invidi, & paullo iniquiores sumus. Hinc aliorum scripta, vel nunquam, vel perfunctoriè legimus, aut non alio plerumque consilio, quàm ut illa impugnemus *. Hinc gloriæ ducimus de rebus minimis altercari, & ex aliorum contemptu aliquam ingenii laudem aucupare. Hinc pertinax ille contradicendi spiritus, dissentiendi studium, & inexplebilis quædam differendi cupiditas; quæ certè singula a Philosophiâ abesse plurimum debent; non quòd disputandi exercitatio honesta non sit, atque ad veritatis inquisitionem non conferat maximè, sed quia

(a) *Horat. Epist. 1. v. 90.* (b) *Cic. de Invent. 2.*

* Discit enim citius, meminitque libentius illud,
Quod quis deridet, quàm quod probat, & veneratur.

Horat. Epist. 1. lib. 2. vers. 90.

* Vobis Epicureis minùs notum est quemadmodum quidque dicatur. Vestra enim sola legitis, vestra amatis, ceteros causâ incognitâ condemnatis. . . salem istum in irridendis nobis nolite consumere; & mehercle, si me audiat, ne experiamini quidem. Non decet, non datum est, non potestis. *Cic. de Nat. 2.*

quia ferè semper indecorè, iracundè, atque impudenter ab aliquibus adhibetur.

VI.

NUllum est tamen, siue Fallaciæ genus, siue impudentis animi vitium, quod frequentius, atque iniquius adhiberi consueverit, quàm argumentum illud, quod ab invidiâ ducitur, quo nimirum auditorum odium, irrisiōnem, invidiam in Adversarios concitamus; tum ut illorum sententiam, velut inanem, ridiculam, perniciosam contemnere, vel indecorè traducere possimus, tum etiam ut illius vim, auctoritatemque eludamus. Plura de hoc Argumenti genere, ejusque vitiis, ac partibus, additis etiam exemplis, scripsit Clericus. Varios itaque modos, quibus Adversariis invidia creari solet, breviter enumerabimus; exempla verò minimè subjiciemus, non solum quòd innumera, clarissima, ac frequentissima nobis occurrant; verùm etiam ne in Auctores illos, qui hoc Fallaciæ genere peccarunt, invidiam, quamvis meritò, concitare videamur.

Creatur itaque, vel in sententiam, aut Scriptorem aliquem excitatur Invidia

1. Cum eandem sententiam non ingenuè, suisque veluti coloribus, ac nativâ facie; sed perperam, & iniquè exponitur, & explicatur.

2. Cum invidiosis, exosis titulis, atque nominibus infamatur.

3. Cum eadem sententia damnatis aliorum hominum sententiis comparatur, atque cum illis confertur.

4. Cum

4. Cum quæstionis illius, de quâ differitur, pondus augetur; aut, cùm tenuis illa sit, maximi tamen momenti eam esse fingimus.

5. Quemadmodum etiam cum de solo nomine differatur, quòd aliqua nimirum vox a nobis adhibita, ab Adversario quoque non adhibeatur, gravissimum tamen crimen, aut errorem ibi subesse fingimus.

6. Cum oppositæ sententiæ argumenta, vel Adversarii rationes occultantur, minuuntur, aut impropriâ veluti facie, & adspectu proponuntur.

7. Incommoda verò, sive difficultates, quibus sententiam nostram premi conspiciamus, occultamus, aut studiosè dissimulamus.

8. Cum invidiosa confectaria ex Adversarii sententiâ deducuntur, quæ nullâ ratione ex illâ deduci, vel inferri possunt.

9. Cum in deteriorem partem illa accipiuntur, quæ leniter, & commodè explicari, defendique possent; aut certè omittuntur illa, quæ sententiam facilè, ejusque auctorem excusare possent.

10. Cum in differendo plura miscemus, quæ a controversiâ plurimum distant, creandæ tamen invidiæ conferunt.

11. Cum a peritis, æquis, bonisque judicibus ad imperitos, & iniquos, atque ad multitudinem provocamus *.

12. Cum denique Adversarii mores infamantur, malignis suspicionibus exponuntur; cùm ta-

T

men

* Est turba semper argumentum pessimi. *Senec. de Vit. beat. c. 2.*

men mores nihil ad sententiæ veritatem, seu falsitatem conferre possint *.

II. Quamvis autem hæc omnia non nisi temere, & impudenter adhiberi possint, ut antea dicebamus, ingenuè tamen fatendum est, quædam ex illis aliquando contra Adversarium usurpari posse; quemadmodum certè ab ingenuis etiam, sapientissimisque viris factum conspiciamus. Diligenter tamen, & accuratissimè cavendum est, ne in controversiâ, sive materiâ, quæ paullo majoris momenti sit, præsertim verò cùm de religione differitur, hæc venia adhibeatur; sed quò gravior est illa quæstio, de quâ differitur, aut quò dignior, & illustrior est auctor ille, quem impugnandum suscipimus, eò modestior, & ab omni, vel tenuissimo dicacitatis, zeli, irrisiōis, invidiæque crimine remotior esse debet oratio nostra **. Id enim sibi persuadere maximè juverit, aliorum opiniones irridere, festivè, iniquè, invidiosèque traducere, & infamare, insipientibus etiam, otiosis, malignis, scurrilibus hominibus licere: certis verò, gravi-

vissi-

* Quo loco sanè arguendi sunt Scholastici nonnulli, qui ex opinionum, quas in scholâ acceperunt, præjudiciis viros aliàs Catholicos notis gravioribus inurant; idque tantâ facilitate, ut meritò rideantur. *Melch. Canus lib. 8. loc. Theol. c. 4.*

De ingenio ejus (*Epicuri*) in his disputationibus; non de moribus quæritur: sit ista in Græcorum levitate perversitas, qui maledictis insectantur eos, a quibus de veritate dissentiant. *Cic. de Fin. 2.*

** Si ego tibi vellem pro maledictis maledicta respondere, quid aliud, quàm duo maledici essemus? *Aug. contra Pétilian.*

vissimisque rationibus illas impugnare, ac evertere nonnisi optimis, sapientissimisque viris concedi *.

III. Habet hoc tamen cum ceteris vitiis omnibus commune Philantia, sive *amor sui*, ut in aliud extremum quandoque degeneret **. Quosdam nimirum impendio diligimus, illis demissè obsequimur, & quidquid ab ipsis pendet, vel ad ipsos refertur, ingenii nostri prorsus immemores, amplectimur. Quod quidem vitium, assentandique studium, non aulas solum, sed & scholas ipsas miserè occupavit; ut in illis quidam amplissimis, effusisque laudibus honorentur, illorum sententiæ, & conjecturæ velut oracula ex tripode excipiantur, illisque ingenia nostra vili servitio subjiciantur ***. *Nihil ergo magis præstandum est, quàm ne pecorum ritu sequamur antecedentium gregem, pergentes non quâ eundum est, sed quâ itur* (a).

T 2

Cum

(a) *Senec. de Vitâ beat. cap. 1.*

* Temporis ratio, & ipsius dicacitatis moderatio, & temperantia, & raritas dictorum distinguet Oratorem a scurrâ: & quod nos cum causâ dicimus, non ut ridiculi videamur, sed ut proficiamus aliquid, illi totum diem, & sine causâ. *Cicer. de Orat. 2.*

** In vitium ducit culpæ fuga, si caret arte. *Horat. Art. Poët. vers. 31.*

... nam frustra vitium vitaveris illud,
Si te aliò pravum derorsiseris.


Horat. lib. 2. Satyr. 2. vers. 55.

*** O imitatores, servum pecus, ut mihi sæpe
Bilem, sæpe jocum vestri movere tumultus?
Horat. Epist. 19. lib. 1. vers. 19.

Cum enim sapere, idest Veritatem quærere, omnibus sit innatum, sapientiam sibi adimunt, qui sine ullo judicio inventa majorum probant; Et ab aliis pecudum more ducuntur, nec putant fieri posse, ut aut ipsi plus sapiant, quia minores vocantur, aut illi desipuerint, quia majores nominantur (a). Quod sanè vitium Pythagoræ auditoribus mirificè imposuit, qui cæco quodam velut impetu singula illius dogmata amplectebantur; tantumque in ipsis opinio præjudicata poterat, ut sine ratione valeret auctoritas (b).

C A P. V.

De Methodo circa Auctoritatem.

- I.  Jo sunt lumina, ut egregiè inquit Augustinus, ac veluti fontes uberissimi, ex quibus omnis cognitio nostra dimanat, Ratio nimirum, & Auctoritas. Quidquid enim cognoscimus, aut ab aliis per fidem accepimus, aut ex evidentibus principiis per rationem ipsi deduximus; unde, inquit ille, quod intelligimus, debemus Rationi; quod credimus, Auctoritati *.

II. Quem-

(a) *Lactant. Instit. 2. c. 8.* (b) *Cic. de Nat. 1.*

* Nemini dubium est gemino pondere nos impelli ad discendum; auctoritatis, atque rationis. *Aug. 3. contra Academ. c. 20.*

Duplex est via, quam sequimur, cum rerum nos obscuritas movet, aut rationem, aut certè auctoritatem. *Idem lib. 2. de Ord. c. 3.*

Tria

II. Quemadmodum igitur in superioribus Capitibus plura tradidimus, quibus ratio nostra dirigi posset, ac detegi vitia, quæ facillimè in judicia, discursusque nostros irreperent, ita hîc nonnulla adjicienda sunt, quibus mens nostra in iis dirigatur, quæ ad Auctoritatem pertinent, fidemque in nobis producunt. Comperitum est siquidem sæpius hac etiam in parte nos decipi, nobisque facilè imponi, dum majorem alicui, quàm par est, fidem adhibemus; alteri verò plus æquo detrahimus, ut plurimum inter sit utrâque ex parte limites constituere, quos egredi nefas sit.

III. Quod ut faciliùs, & clariùs fiat, illud initio observandum est, aliam esse Auctoritatem, & fidem humanam, aliam fidem, Auctoritatemque divinam. Hæc innititur testimonio Dei revelantis, qui nec falli non potest, nec fallere, adeoque certissima est, atque ab omni errore quàm longissimè recedit; alia verò cum soli Auctoritati hominum innixa sit, obnoxia errori esse potest, cum is facile falli possit, aut fallere, qui nobis aliquid affirmat. Utraque tamen certitudinem habet; maximam quidem, ut antea dicebamus, & infallibilem, si sit divina; majorem verò, vel minorem si sit humana, pro majori, vel minori illius Au-

T 3

cto-

Tria sunt velut finitima sibi in animis hominum distinctione dignissima, intelligere, credere, & opinari. Quæ si per se considerentur, primum semper sine vitio est; secundum aliquando cum vitio; tertium nunquam sine vitio. Quod intelligimus, debemus rationi; quod credimus auctoritati, quod opinamur errori. *Ang. lib. de utilit. cred. cap. 2.*

cloritate cognitione, probitate, veracitate, qui nobis aliquid manifestat. Hinc facilè apparet utramque fidem in aliquâ ratione fundari: ut enim egregiè docuit Augustinus (a), nunquam mens nostra induci posset ad credendum Deo Myſteria illa revelanti, quæ mentis noſtræ vim ſuperant, niſi ratio ipſa nobis oſtenderet plurima in Deo reperiri, aut ab ipſo plurima fieri poſſe, quæ nos mente conſequi non valemus, & tamen æquiſſimum eſſe, ut illi revelanti hæc eadem credamus, cùm perfectus adeo ſapiens, & bonus, & verax ſit, ut nec falli velit, nec fallere *. Ejuſmodi verò principia, vel axiomata, quibus utraque fides innititur breviter hîc ordine proſequemur, adjectis etiam auctoritatibus, & exemplis, quibus illuſtrior, & certior res fiat.

I.

Plurima ſunt, quæ eſſe nos certè cognoviſcimus, qualia tamen, vel quomodo ſint ignoramus.

Nihil eſt ferè, quod hominum ingeniis ſuperbientibus modeſtiam ingerat, mentemque ipſam, quæ liberè omnia ſcrutari vellet, coërceat, quàm obſcuritas illa, quæ in pluribus naturæ effectibus explicandis offenditur. Quis enim Philoſophus magnetis vim, gravitatis originem, luminis naturam, æſtum
ma-

(a) *Epist. 120. n. 3. aliàs 122. cap. 1.*

* Nullus credit aliquid, niſi priùs cogitaverit eſſe credendum. *Aug. de Præd. Sanct. c. 2.*

maris, siderum ordinem, atque periodum, ar-
 ctissimam animi, & corporis unionem, mutuam-
 que operationum dependentiam, aliaque id ge-
 nus innumera, quæ certissima sunt, & nostris
 oculis obversantur, clarè adeo, distinctèque
 explicare possit, ut scrupulum omnem, omnem-
 que dubitationem amoveat? Sed Mathematicæ
 disciplinæ, quæ omnium certissimæ sunt, quàm
 præclarè intellectui nostro hac etiam in parte
 consulunt? Quid enim magis ab intellectu lu-
 mine abhorreat, atque a principiis illis, quorum
 notitiam natura ipsa nobis impressit, quàm ma-
 gnitudinem aliquam absolutè, ac simpliciter,
 infinitam cuidam determinatæ, ac finitæ magni-
 tudini æqualem fore; finitam superficiem, vel
 tantillum circa se rotatam infinitam magnitu-
 dinem producere; circuli peripheriam puncto
 æquari; inæquales lineas æquales esse; infi-
 nitas nullitates numerum aliquem constituere;
 duas lineas ad mutuum contactum semper pro-
 piùs accedere, nunquam tamen conjungi posse,
 etsi in infinitum protrahantur; quadrati latus
 esse diametro incommensurabile; quantitatem
 minimam in infinitum dividi posse, aliaque
 ejusmodi, quæ tamen vel invictè, evidentissi-
 mèque ab Apollonio, Galileo, Torricellio, Ro-
 bervallio, Grandio, aliisque Geometris demon-
 strata sunt, vel maximam certè vim intellectui
 nostro efficiunt?

Hæc sunt, ut doctissimi Viri ingenuè testan-
 tur, mysteria quædam, quibus intellectus ed;
 vel invitatus adigitur, ut tenuitatem suam, exi-
 lesque suas vires liberè agnoscat, & fateatur;
 sibi que persuadeat, non omnia a se comprehen-

di posse, atque etiam ubi clariùs intueri se quidpiam existimat, caligines sibi, nubesque offundi patiatur.

II.

Non ideo quadam neganda sunt, quòd animo comprehendi non possint.

Sequitur id evidenter ex dictis: iterum tamen hoc idem monere par fuit, cùm maximum, & frequens vitium sit, quòd Intellectus noster propriæ tenuitatis immemor, meliùs atque honorificentius existimat ea negare, quæ nescit, quàm ignorantiam propriam fateri. Sic quoniam difficilè percipitur quâ ratione Brutorum anima, cùm corporea, & materialis sit, cognoscat, cognitionem omnem, atque animam ipsam a Brutis complures adimunt; quia plerique veterum Antipodas capite inverso incedentes concipere non poterant, illos negarunt, &c.

III.

Plura potest Deus efficere, quàm nos mente concipere.

VIm etenim agendi habet Deus infinitam, quæ proinde a nobis comprehendi, vel cognitione nostrâ circumscribi non potest, quæ semper finita, ac limitata esse debet. Demus itaque Deum aliquid posse, quod nos fateamur investigare non posse. In talibus rebus tota ratio fa-
cti

illi est potentia facientis (a); & cum Deus operatur, non quæramus quomodo, sed operis sui viam, atque scientiam illi soli concedamus (b): Nihil etenim in divinis effectibus humana mentis opinione tractandum est, neque de Creatore suo Opificii sui materia decernat (c). Nam nihil deterius esse potest, quàm velle divinas res humanâ ratione discernere, atque metiri (d).

IV.

*Deus aliquid revelando, nec falli potest,
nec fallere.*

CUM enim summa veritas sit, summa perfectio, summa sapientia, ut in Metaphysicâ demonstrabitur, nec falli unquam poterit, neque alios fallere; hæc omnia siquidem cum summâ veritate, summâque sapientiâ conciliari non possunt.

V.

*In rebus, quæ nobis à Deo revelata fuerint,
quævis rationem humanam superent, ratio
ipsa docet Intellectum nostrum Divina
auctoritati subjici oportere.*

HOC est, quod Apostolus vocat *captivare Intellectum in obsequium Christi* (e), & facillimè ex superioribus inferri potest. Si etenim ratio

(a) Aug. Epist. 157. aliàs 3. (b) Cyrill. Alex. lib. 4. in Joann. Ev. 6. (c) Hil. 3. de Trin. n. 20. (d) Ephrem. Tract. de Nat. Dei non scrutanda. (e) 2. Cor. 10. v. 5.

ratio nos docet plurima esse, quæ Deus efficere potest, nos tamen illa mente complecti non possumus, quin etiam repugnantia arbitramur; quemadmodum etiam plura clarè, distinctèque percipimus esse, quæ prorsus impossibilia videntur, Deus verò hæc eadem revelando, nec falli potest, nec fallere, manifestissimè sequitur mentem nostram dubitare non posse de illorum veritate, ac certitudinè, quæ a Deo revelantur, licèt illorum vim, ac rationem non comprehendat.

VI.

*Illud autem a Deo revelatum credi debet, quod
a Scripturâ, Traditionibus, Ecclesiâ, Con-
ciliis, Romano Pontifice definitum est.*

ID fusè probant Theologi, quorum præsertim id interest; de Scripturâ quidem, quòd Deo inspirante, & dictante conscripta fuerit: de Traditione, quia id, cujus nulla origo reperitur, ad Apostolos, eorumque Magistrum Christum Dominum referri debeat; *quod enim universa tenet Ecclesia, nec Conciliis institutum, sed semper retentum est, nonnisi auctoritate Apostolicâ traditum rectissimè creditur* (a): de Ecclesiâ quòd sit columna, & fundamentum veritatis (b); atque inferi porta adversus eam prævalere non possint (c): de Conciliis, quòd ab ipsis Universa Ecclesiâ, quæ deficere, vel errare non potest, repræsentetur; atque dixerit Christus, *ubi fuerint duo,*

(a) *Aug. lib. 4. de Bapt. contra Donat. n. 31. c. 4.*
 (b) *Epist. 1. ad Tim. c. 3. v. 15.* (c) *Matth. c. 16. v. 28.*

duo, vel tres in nomine meo congregati, ibi sum in medio eorum (a): Ecce ego vobiscum sum usque ad consummationem seculi (b): de Romano Pontifice, cum Petro, ejusque Successoribus promiserit Christus Rogavi pro te, Petre, ut non deficiat fides tua (c): Tu es Petrus, & super hanc petram edificabo Ecclesiam meam (d).

VII.

Articulus fidei non aliâ auctoritate, constitui potest, quàm Scriptura, Traditionum, universalis Ecclesia, Conciliorum, Romanorumque Pontificum; unde hominum quorumcumque auctoritas divina esse non potest.

OPortet enim, ut optimè a Scoto observatum est, *habere majorem auctoritatem ad hoc ut aliquid teneatur esse de fide, quàm quidd Sanctus aliquis sic arguat (e). Solis Scripturarum libris, ait D. Aug., qui Canonici appellantur, didici hunc honorem deferre, ut nullum Auctorem eorum in scribendo errasse aliquid firmissimè credam. Alios autem ita lego, ut quantûlibet sanctitate, doctrinâque polleant, non ideo verum putem; quia ipsi ita senserunt, vel scripserunt (f). Quod si in disciplinis omnibus, quæ a Sanctis Ecclesiæ Patribus usurpatæ, vel illustratæ fuerint, illorum autoritas divina, certissima, vel infallibilis esse non potest, certè par est, ut:*

(a) *Matth. c. 18. v. 20.* (b) *Matth. c. 28. v. 20.*
 (c) *Luc. c. 22. v. 32.* (d) *Matth. 16.* (e) *In lib. 1. Sentent. distinct. 26 quæst. 1.* (f) *Aug. Epist. 19. ad Hier.*

ut in Philosophicis etiam eadem cautio, vel diligentia adhibeatur; eodemque ferè loco Patris autoritas habeatur, quo nobis habenda fuerit autoritas, & ingenium illius Philosophi, quem ille probaverit, ac amplectatur: quemadmodum sanè Albertus ille Magnus, quem Angelicus Doctor Præceptorem habuit, quem illustriores orbis Academiae mirificè suspexere; quem denique sapientia divinitus inspirata celeberrimum reddidit, ingenuè de se, suisque in Aristotelem Commentariis fatebatur: *In his, inquit, nihil dixi secundum opinionem meam propriam, sed juxta rationes Peripateticorum; & ideo illos laudet, vel reprehendat non me (a).*

VIII.

Plurimus tamen honor Ecclesiae Patribus, eorumque dictis haberi debet.

NEque etenim solum plerique ex illis Philosophiae, omniumque scientiarum gloriâ mirificè floruerunt; ut meritò proinde possint eruditione, sapientiâ, veritatis amore cum illustrioribus Græciæ Philosophis comparari; verum etiam, quòd illos Deus in iis, quæ ad fidem illustrandam, moresque nostros rite componendos pertinent, duces, interpretes, & Ecclesiae lumina destinaverit; unde verecundè, modestissimèque ab illorum sententiâ, in iis etiam, quæ ad mores, fidemque non pertinent, recedere, vel dissentiri debemus, ut pluribus
in

(a) *Coment. in Arist. circa fin.*

in locis conceptis verbis, & etiam exemplo docuit D. Thomas. Porro de usu Patrum, & Sacrarum Scripturarum auctoritate egregiè scripsit Melchior Canus de loc. Theol. & Huetius, Abrincensis Episcopus in Concordiâ Rationis, & Fidei, ut Theologos omnes omittam.

V. Atque ista quidem principia divinam auctoritatem, divinamque Fidem, quæ exinde oritur, respiciant: quæ verò sequuntur humanæ fidei vim, auctoritatemque, & usum definiunt.

I.

Fides humana dubia, & incerta esse debet.

Innititur enim, ut antea diximus, soli hominum auctoritati; quilibet autem ex his hominibus, aut falli potest, aut fallere; falli quidem ex imbecillitate intellectûs; fallere verò ex malitiâ, aut pravo affectu voluntatis, quemadmodum superius ostendimus; quo fit ut optimè verificetur illud Prophetæ, *omnis homo mendax*.

II.

Nullius hominis tanta auctoritas esse debet, qua intellectum captivet.

Vitium ejusmodi omnes norunt, vituperant omnes, non omnes fugiunt. Nescio enim quomodo plerique errare malunt, & eam sententiam, quam adamarunt, pervicacissimè defendere, quàm sinè pertinaciâ quid constantissimè dicatur exquirere; a quibus si persuasionis rationem exquiras, nul-

nullam possunt reddere, sed ad majorum judicia confugiunt, quod illi sapientes fuerint, illi probaverint, illi scierint quid esset optimum; seque ipsos, sensibus spoliant, ratione abdicant dum alienis erroribus credunt. Atque utinam soli errarent, soli decipere vellent; alios etiam in consortium sui mali trahunt, quasi habituri solatium de perditione multorum (a). Ego verò multum magnorum Virorum iudicio credo, sed non me cuiquam emancipavi (b).

III.

Auctoritas tamen, & fides humana aliquando certissima est; si omnes nimirum, aut plurimi in aliquâ re consentiant.

Quis enim cognitionem illam, ac evidentiam, quam de Antipodum, Romæ, Nili &c. existentia habemus, Geometricis ferè demonstrationibus non comparet? aut quis insanientis esse non videat asserere Virgilium, Tullium, Homerum nunquam fuisse, cum id ab omnibus hominibus, omnibus retrò temporibus, constantissimè proditum fuerit? Si igitur homines plurimi diversarum nationum, religionum, temporum &c., in quibus profecto affectuum vim, & partium amorem suspicari non possumus; idem constanter asserant, id certum esse omnino debet; nam ut egregiè ait Tullius *neminem omnes, & nemo omnes unquam fefellit* (c),
omni-

(a) *Lactant. Instit. lib. 5. c. 20.* (b) *Sen. Epist. 45.*
(c) *De Nat. 1.*

omnique in re omnium gentium consensus lex natura putanda est (a).

IV.

HInc autem facilè apparet quomodo veræ a falsis historiis distingui possint. Si etenim plures cordati viri id unanimiter asserant, pro certo haberi debet; unde ex. gr. verum putari debet *Miraculum illud, quod Mediolani factum est*, ait Augustinus, *cum illic essemus, quando illuminatus est cæcus, quia ad multorum notitiam potuit pervenire, quia & grandis est Civitas, & ibi erat tunc Imperator, & immenso populo teste res gesta est* (b). Impossibile est enim, quod egregius vir mendacii hostis acerrimus falsum impudenter prodiderit, de quo a plurimis facilè revinci poterat.

V.

HAc etiam Methodo, & lege uti possumus, cum de genuino alicujus libri auctore differitur; non enim aliâ de causâ, ut est ab Augustino observatum, Ciceronis opera Ciceroni tribuimus, quàm quia omnes illa semper Ciceroni adscripserunt. Sic argui debent Salmasius, & Blondellus, qui D. Ignatii epistolas supposititias existimant; cum enim Epistolas easdem nos habeamus, quæ ab Irenæo, Eusebio, aliisque antiquissimis Patribus citantur, atque impossibile sit veras Ignatii Epistolas Irenæi temporibus

(a) *Cic. Tuscul.* 1. (b) *Conf. libr. 2. cap. 4.*

ribus non extitisse, impossibile est etiam, ut illæ, quæ ad nos pervenerunt, genuinæ non sint.

VI.

Cautissimè tamen ejusmodi ratio adhiberi debet: nonnullæ siquidem circumstantiæ evidentes adeo, & invictæ sunt, ut diuturnam hanc famam, populorumque consensionem elevare, vel infringere possint; quod in operibus Mercurii Trismegisti, Sybillarum, Zoroastris carminibus, aliisque pluribus factum est; quæ, licet olim semper in pretio fuerint, supposititiæ tamen sapientioribus viris nunc habentur; quodd præsertim plura contineant, quæ illis temporibus convenire non possunt, quo scripta feruntur; aut quodd a nullo ejusdem temporis certæ fidei scriptore memorentur.

VI. Quandoquidem verò, vel historiæ veritatem, vel libri alicujus genuinam originem. Scriptorum silentio improbari posse diximus; plura nunc addi possent de illo Argumenti genere, quod *Negativum* vocatur, de quo præclare Launojus disseruit. Tunc itaque Argumento negativo uti dicimur, cum aliquid certo quodam tempore factum esse, vel contigisse negamus, quodd illud idem a Scriptoribus, qui tunc temporis florere, eorumque temporum res gestas edidere, non memoretur. Sic plurimi existimant Symbolum, quod D. Athanasii nomine, circumfertur, apocriphum esse, vel alterius auctoris, quodd in nullis manuscriptis codicibus inter cetera illius opera reperiatur; quodd ab antiquis, coævisque Athanasio Patribus, qui
ipsum

ipsius auctoritates contra hæreticos frequenter usurpant, non memoretur, sive adhibeatur; quòd Nestorii, & Eutychetis hæreses, quæ nondum eruperant, ibi damnentur, &c. Sic Accursii celeberrimi Juris-Conf. filias Jurisprudentiam Bononiæ publicè docuisse negant accuratiores Historici, quòd a nullo certæ fidei Scriptore id memoretur, &c.

VII. Plurimum tamen vitii in hoc Argumenti, vel Testimonii genere inesse solet, ut innumeris ferè exemplis ostendi posset; cùm plurima verè fieri, vel contigisse potuerint, & a nullo Scriptore describi, vel memorari; sive, etiamsi fortasse descripta illa fuerint, libri interire: unde ex Scriptorum silentio semper historiæ falsitas inferri non poterit. Scriptoris itaque probitas *, fides, diligentia, affectus, ceteræque circumstantiæ accuratissimè sunt observandæ; *quæ si singula nos fortè non movent, universa certè inter se connexa, atque conjuncta movere debent* (a); atque ex iis omnibus rite collatis, atque perpenſis facilè intelligi poterit, an illius silentium veluti certa falsitatis nota assumi possit. Conferri quoque debent stylus, rerumque gestarum series, quæ si aliis probatis historiis

V

affi-

(a) *Cic. de Nat. 2.*

* Boni nullo emolumento impelluntur in fraudem, improbi sæpe parvo. *Cic. pro Milone.*

Sic vita hominum est, ut ad maleficiū nemo conetur sinè spe, atque emolumento accedere. *Idem pro Rosc. Amerino.*

Quis enim unquam conatus est jura omnia, & consuetudinem omnium commutare, cum vituperatione sinè quæstu. *Act. 5. in Verr.*

affinia fuerint, aliaque veritatis indicia habuerint, tunc Scriptorum silentio præponderant, adeoque constanter admitti poterunt.

VIII. Hæc eadem regula ad investigandam auctoris alicujus mentem, cum alicubi dubia, & obscura sit, adhiberi potest. Adeunda siquidem sunt loca illa, in quibus hanc opinionem, aut accuratiùs, aut ex professo, aut posteriori tempore pertractavit *, ut ex Operibus D. Aug. constat, præsertim in libris *Retractionum*. Quod si obscuritas ex variis lectionibus, vel interpretationibus oritur, correctiores, & antiquiores codices, & interpretes sunt consulendi, & ex meliorum, aut plurium sensu res est definienda, ut præclarè docuit idem Augustinus (a).

Verùm hæc hætenus de vario divinæ, humanæque authoritatis pondere fusiùs fortasse; quàm par erat, dicta sint. Uberior enim, atque accuratior legum ejusmodi pertractatio ad Criticam artem pertinet, cujus fontes, ac veluti principia sunt. Nos obiter hæc delibavimus, quæ certè plurimam lucem iis, quæ in singulis Philosophiæ partibus opportunè dicturi sumus, afferre poterunt.



C A P.


(a) *Aug. lib. 2. contra Faust. c. 2.*

* Quâ in sententiâ scriptor fuerit, ex ceteris ejus scriptis, ex factis, ex dictis, animo, atque vitâ ejus sumi oportebit. *Cic. de Invent. 2.*

Deinde ex superiore, & inferiore scripturâ docendum id, quod quærat, fieri perspicuum, *Ibidem*.

CAP. VI.

De Veritate, & Scientiâ.

I.  Um animus noster anteaclis laboribus jucundissimè delectari, & ad alios alacriùs subeundos excitari soleat dum aliquem ingenii sui, studiiq; fructum conspexerit, plurimùm certè nunc deceat gravem, atque operosam hanc totius Logicæ disciplinam, quam hætenus complexi fuimus, suaviorem, utilioremque nobis efficere, ubi sincerum Veritatis, & Sapientiæ splendorem, ad quem nos illa feliciter, faustèque deduxit, ob oculos ponamus.

His etiam accedit, quod graviter adeo, frequenterque in hac postremâ Logicæ Parte humanæ mentis imbecillitatem exposuimus, ut faciliè suspicari quis possit nos in illam sententiam delabi, in quam Scepticos, Pyrrhonicos, Acatalepticos insolens quædam dissentienti cupido, aut humani ingenii contemptus abripuit, ut nimirum de Veritatis acquisitione desperandum esse arbitremur. Alacri tamen, serenoque vultu esse nos decet, quòd licèt veritas ita plerumque *lateat crassis involuta, & circumfusa tenebris* (a), ut non solum ex profundo Democriti puteo (b) eruenda videatur; sed etiam, ubi fortasse aliquà ex parte repente nobis affulserit, caligine statim offusâ nos deserat; plurima ta-

V 2

men

(a) *Cic. Acad. 4.* (b) *Vid. Senec. Epist. 88.*

men evidenter adeo, certòque nobis perspecta sunt, ut magnâ ex parte nos Veritatem, aut Scientiam, certam nimirum, atque evidentem rerum cognitionem, assequutos esse gloriemur. Quod si adhuc plurima supersunt, quæ nondum cognovimus, sperandum est tamen fore, ut hæc eadem aliquando comperta nobis, & perspectissima sint; quorum utrumque breviter hîc ostendemus, ut fortiùs adhuc ingenuo Veritatis amore excitemur.

II. 1. Atque ut a primo incipiamus, quis dubitare unquam possit se existere, vivere, cogitare, vigilare; audire dum audit, videre dum videt, aut de aliis hujusmodi sexcentis ambi- gere, quæ quotidie nobis occurrunt? *Neque enim, ut egregiè monuit Augustinus, quisquam finitur nescire se vivere; quandoquidem si non vivit, non potest aliquid vel nescire; quoniam non solum scire, sed nescire etiam viventis est. Sicut ergo nos vivere non solum verum, sed etiam certum est, ita verà, & certa sunt multa, quibus non assentiri absit; ut sapientia potiùs, quàm dementia nominanda sit (a) **.

2. Ejusmodi certè sunt prima cognitionis principia, quæ adeo certa, & indubia sunt, ut illis vel inviti assentiri cogamur, ut ex. gr. *totum esse majus sua parte: quodlibet esse, vel non esse, &c.*

(a) *Aug. in Ench. n. 7. aliàs c. 10.*

* Empedocles interdum mihi furere videtur, abstrusa esse omnia, nihil nos sentire, nihil cernere, nihil omnino quale sit posse reperire. Majorem autem partem mihi quidem omnes isti (*Dogmatici*) videntur nimis etiam quædam affirmare, plusque profiteri se scire, quàm sciant. *Cic. Acad. 4.*

&c. quemadmodum etiam certissima sunt omnia, quæ ex talibus principiis proximè, & immediatè inferuntur; ut Italiam esse minorem Europâ, Oceanum toto globo terraqueo, &c.

3. Hoc etiam in numero haberi debent propositiones illæ, quæ in Geometriâ demonstrantur; adeo enim invictè, & evidenter ex illis primis principiis inferuntur, ut de illorum veritate, & evidentiâ dubitari non possit. Quin etiam facultates omnes, omnes Scientiæ, omnesque artes aliquid certum, ac verum præfesserunt, a quo mens nostra dissentiri non possit; unde egregiè ait Tullius: *Quod si nihil veritatis relinquitur, si omnis assensus est cobibenda, ne falsa, aut incognita res approbatur, omnis quoque actio vita, omnis animorum motus tollatur necesse est* (a) *.

V 3

4. Et

(a) Cicer. Acad. 4.

* Pyrrhonicos Dogmatici vitam etiam tollere assentunt, dum omnia, ex quibus vita constat, evertunt: At contra eos illi mentiri asseverant, non enim vitam se auferre, sed quomodo se habeat vis videndi ignorare se dicunt. . . . Etiam quod urit ignis sentimus, verum an habeat urendi naturam non pronuntiamus. Quodque moveatur quispiam, & quod pereat, videmus; verum ista quo pacto fiant, ignoramus. Eis igitur solùm reluctantes, quæ in conspicuis rebus proximè assistunt incerta. *Laërt. 9. seg. 105.*

Etsi causæ non reperiantur istarum rerum, res tamen ipsæ observari, animadvertique possunt. *Cicer. de Divin. 2.*

Hoc sum contentus, quod etiam si quomodo quidque fiat, ignorem, quid fiat intelligo. *Cic. 1. Div.*

4. Et sanè si Veritatem assequi nunquam nobis liceret, quid cœlestis, ac divina propemodum cognoscendi vis, & facultas; quid insatiabilis quædam veri videndi cupiditas, quid incredibilis cognitionis amor, & scientiæ, quo naturâ ipsâ duce impellimur, nobis inesset? Certè quidquid Natura, vel auctor naturæ Deus nobis impressit, inutile, inefficax esse non potest, cum *Deus, & natura*, ut fert commune principium, *nihil frustra operentur*; Si ergo natura ipsa ad Veritatis, & Scientiæ amorem nos fortiter adeo, ac vehementer impellit, fatendum est possibilem esse veri cognitionem; nosque illam adeptos esse, cum mens ipsa se illius amoris, ac desiderii compotem sentiat.

III. Quod enim Cratylus, & Herillus obijciunt, res omnes incertas, variabiles, contingentes esse; instar fluvii continuò labi, adeoque nullam de ipsis certam, & infallibilem cognitionem haberi posse, facilè solvitur, ubi quis animadverterit Scientias omnes non de rebus singularibus, secundùm quod in rerum naturâ reperiuntur, sive quoad existentiam, differere; verùm potiùs de universalibus, & abstractis, sive quoad essentiam; adeoque, licèt singulares illæ naturæ, ac sensibiles corruptibiles, incertæ sint, & consequenter nulla de ipsis Scientia, vel certa cognitio dari possit; istæ tamen universales, &c. incorruptibiles, æternæque sunt, ut neque a Deo variari possint, aut destrui, ac proinde de ipsis certa, ac infallibilis cognitio acquiri potest.

IV. At, inquiunt, omnis cognitio Intellectûs nostri pendet a sensibus, & ab ipsis oritur, cum *nihil sit in intellectu quin priùs fuerit in sen-*

sensu, sed isti sæpius falluntur *, ut in Physi-
câ demonstrabitur, ergo nulla cognitio nostra
erit certa, & indubia, adeoque absolutè vera,
& scientifica.

Verùm, sicut alibi ostendimus, hujus argu-
mentationis, sive syllogismi majorem plerique
negant, quibus verisimilius videtur rerum spi-
ritualium ideas animæ ipsi a Deo impressas es-
se, per quas illa res incorporeas independentè
a sensibus contempletur; neque aliâ ratione
mens nostra de rebus corporeis, ac sensibilibus
certa videtur, quàm quia corporeas imagines a
sensibus acceptas innatis illis imaginibus con-
formes, & cohærentes deprehendit. Alii verò
respondent singulos quidem sensus, & separa-
tim sumptos falli posse; non tamen omnes si-
mul: quin etiam asserunt errorem unius sensûs
ab alio detegi semper, & corrigi posse; quod si
demum sensus omnes tum interiores, tum exte-
riores fallantur, inesse tamen existimant vim
intellectui nobiliorem, quâ sensuum errores cor-
rigere possit.

V. Quia verò rerum naturæ obscuræ sunt,
& intellectus ipse facillimè labitur, atque fal-
laciis sæpissimè illudi solet, hinc rarò de rebus
Veritatem assequimur; ut ingenuè proinde fa-
tendum sit, longè plura nos ignorare quàm
scire. Perperam tamen quis suspicabitur hæc

V 4

ea-

* Fallunt nos oculi, vagique sensus

Oppressâ ratione mentiuntur;

Nam turris, prope quæ quadrata surgit,

Attritis procul angulis rotatur, &c.

Petron. Arb.

dem cognosci nunquam a nobis posse, quemadmodum enim plurima superioribus seculis, atque etiam nostris hisce temporibus in dies deteguntur, quæ olim dubia prorsus, & incerta, & ignota fuerant, & posteris quoque ætatibus futura credebantur; ita etiam sperandum est, ut posteris nostris illa perspectissima sint futura, quæ sapientum omnium ingenia nunc torquent, atque mirificè eludunt; *Veniet tempus, quo ista, quæ nunc latent, in lucem dies extrahat, & longioris ævi diligentia; ad inquisitionem enim tantorum atar una non sufficit* (a): *Plurimum autem ad inveniendum contulit, qui speravit posse reperiri* (b).


VI. Atque ista quidem Dogmaticis, atque Pyrrhonicis satis feliciter, ut opinor, opponi solent, quibus ostendatur, neque Veritatem omnem repertam esse, de quo illi superbiusculè gloriari solent, neque illius inveniendæ spem hominibus ademptam esse, quod impudenter isti contendunt. Quæ, licèt Philosophiæ dignitati consulere, atque ad illius amorem, Veritatis acquisitione propositâ, animos excitare videantur, etiamsi tamen egregio hoc lumine Sapientia spoliaretur, plurima adhuc illi suppetere putandum est, quibus hominum studium, & amorem mereri possit; tanta siquidem est in his studiis jucundissima voluptas, ut nisi Veritatis acquirendæ spes, & cupiditas nos incenderet, ipsa nos certè Philosophiæ jucunditas ad hæc studia compelleret; ac licèt *ad Sapientiam pervenire* dif-

(a) *Sen. Quæst. Nat. lib. 7. c. 25. & 26.* (b) *Idem lib. 6. cap. 5.*

difficile sit, tamen nec modus esse debet ullus investigandi veri; & quarendi defatigatio turpis foret, cum id, quod quaritur, sit pulcherrimum (a); oculorum certè, ut inquit Plato, est in nobis sensus acerrimus, quibus Sapientiam non cernimus, quàm illa ardentes amores excitaret si videretur! (b)

C A P. VII.

De Veritatis Criterio.

I.  D unum postremò explicandum superest, quæ nota, sive *Criterium*, vel, ut Cicero (c) interpretatur, *Judicium*, aut *Judicatorium* veritatis constitui debeat, lex illa nimirum, quâ verum a falso distingui, atque propositionum veritas certò deprehendi possit. Ut enim *Judicium* aliquod certum, & indubium sit, atque *Intellectus* noster certò, ac infallibiliter se quidpiam cognoscere certò sciat, necessarium est, ut cognitionem omnem ad aliquam regulam certam, atque infallibilem, veluti ad *lydium lapidem*, referat; ac proinde quædam veritatis, & certitudinis nota in omni propositione verâ reperiri, ac veluti fulgere debet. Quâ quidem in re illustriores etiam Philosophi plurimùm inter se dissident. Plures etenim ex illis, aut nihil in rebus verum esse; aut nullum certè Veritatis indicium reperiri arbitrantur; quos inter *Empe-*

(a) *Cic. 1. de Fin.* (b) *Idem de Fin. 2.* (c) *1. de Finib. & Acad. 4.*

pedocles, Zeno Eleates, Democritus *, & ipse Plato cum Socrate **, ut Pyrrhonicos, & Acatalepticos omnes omittam, enumerantur. Qui verò Veritatem aliquam, ejusque Criterium admittunt, etsi maximè inter se differant, ut mox ostendemus, faciliè tamen conciliari fortasse poterunt, cùm omnes in hoc mirificè conveniant, omnem demum Veritatis notam, sive Criterium in Evidentiâ positum esse; ut illa nimirum propositio certa cense-ri debeat, in quâ prædicatum evidenter cum subjecto conjungitur, sive convenit; cum nempe illorum nexus, aut unio intellectui cogitanti nitidè apparet ***.

II. Nonnulli tamen existimant evidentiam, & certitudinem hanc a sensibus oriri, deprehendique debere; atque inter hos Epicurus, qui existimat omnem

. . . . a sensibus esse creatam.

Notitiam veri, neque sensu posse refelli (a).

Omnia

(a) *Lucr. lib. v.*

* Aut nihil est verum; aut illud nobis est incompertum. *Apud Arist. Metaph. lib. 4. c. 5.*

** Dubitari non potest quin Socrati nihil sit visum sciri posse. Excepit unum tantum scire se, nihil se scire, nihil ampliùs. Quid dicam de Platone, qui certè tam multis libris hæc persequutus non esset, nisi probavisset. *Cic. Acad. 4.*

Metrodorus autem dicebat nego scire nos sciamus, ne aliquid, an nihil sciamus, ne idipsum quidem nescire, aut scire, scire nos; nec omnino sine aliquid, an nihil sit. *Cic. ibi.*

*** Ut necesse est lancem in librâ ponderibus impositis deprimi, sic animum perspicuis cedere. *Cic. Ac. 4.*

Omnia nimirum Judicia rerum in sensibus ponit ; quibus si semel aliquid falsum pro vero probatum sit, sublatum esse omne Judicium veri, & falsi putat (a). Hoc idem senserat Asclepiades, qui persuasum habebat sensus quidem re ipsa, ac verè esse apprehensiones, ratione autem nihil nos omnino comprehendere (b).

III. Sed illustriores Philosophi, Thales, Parmenides, Xenophanes, Democritus ipse, Heraclitus, atque Anaxagoras *solam rationem esse Criterium dixerunt ; sensus autem, propter illorum imbecillitatem, non posse vera judicare : atque inter ceteros Plato, qui omne judicium veritatis, veritatemque ipsam abductam ab opinionibus, & a sensibus cogitationis ipsius, & mentis esse voluit (c), quem sequutus est etiam cum antiquis Ecclesiæ Patribus Augustinus (d).*

IV. Platonici verò post Speusippum Platonis successorem utramque opinionem ita conjunxerunt, ut Veritatis notam, sive judicium partim in sensibus, partim in ratione, seu mente constituerent ; quod etiam de Aristotele, ac Theophrasto refert Empyricus. *Peripatetici, inquit, communiter cùm sit duplex in summâ rerum natura, quoniam alia quidem sunt sensibilia, alia autem intelligibilia, ipsi quoque duplex relinquunt Criterium ; sensum quidem, qui sit sensibilibus, intelligentiam deinde, qua intelligibilibus : ambo- rum autem commune est, ut dicebat Theophrastus, id quod est evidens (e) ; quemadmodum.*
etiam

(a) Cic. 1. de Fin. (b) Apud Empyr. 1. advers. Logicos. (c) Cic. ibidem. (d) Lib. 8. Civit. c. 7. &c. (e) Empyr. loc. cit.

etiam Potamon ipse Eclecticæ Sectæ institutor expresse docuit, *partem anima principem, & exquisitissimam phantasiam* de rerum veritate judicare (a).

V. Quæ quidem opinio ceteris omnibus longè verisimilior videri poterit, cum plurima, quæ a sensibus oriuntur, certa, atque evidentia sint, ut longâ, ac facili inductione probari posset, atque etiam nos superius ostendimus; alioquin cum intellectûs cognitio a sensuum cognitione dependeat, ut alibi demonstravimus, nisi per sensus evidentiam, & certitudinem aliquando assequeremur, nulla in nobis scientia, ac veritas esse posset, quod maximè falsum est; hic enim error in Deum ipsum referri deberet, qui sensus fallaces nobis tribuisset, quod certè veritatis omnis, & perfectionis fonti, & Patri luminum omnino repugnat.

VI. Quia vero plerumque a sensibus ipsis decipimur, quia sensus intimas rerum essentias penetrare, scrutarique nequeunt *; quia rerum similitudine abripiuntur, nec illarum discrimina rite percipiunt, quia illorum cognitio nos faciliè in obscurioribus deserit, ac in omnibus spiritualibus, & incorporeis rebus nulla esse potest, quia denique saltèm de certitudine sensuum nonnisi per cognitionem aliquam spiritualia-

(a) *Apud Laërt. in Proëm.*

* Mentem volebant rerum esse judicem, solam censebant idoneam, cui crederetur; quia sola cerne-
ret id, quod semper esset, simplex, uniusmodi, &
tale quale esset. Hanc illi ideam appellabant, jam
a Platone ita nominatam; nos rectè speciem possu-
mus dicere. *Cic. Acad. 1.*

tualem, & reflexam certi esse possumus *, hinc præter sensus nobilius adhuc, & certius aliquod evidentiae principium, & veritatis nota constitui debet, quam *rationem* dicimus; hoc est evidentiam illam, quæ in rebus ipsis, sive propositionibus, quæ de rebus efformantur, ab intellectu, sive ratione, sive mente concipitur. Hinc celebre illud effatum: *Quidquid in ideâ alicujus rei clarè, distinctèque percipitur, est verum*; hoc est, si perceptis terminis, inter eos nexus, aut unio manifestissimè contineatur, ita ut prædicatum ipsum in ideâ subjecti quodammodo esfulgeat, tunc absolutè prædicatum de subjecto affirmari poterit; quemadmodum ex adverso, si terminis clarè, distinctèque perceptis, inter illos aut connexio, aut repugnantia evidenter non percipitur, cohibendus est assensus, donec illa connexio, aut repugnantia dilucidè nobis innotescat. Si etenim propositio ex terminis non evidens evidenter ex aliis notis sequatur, & ipsa quoque certa, & evidens judicanda est. Quarum omnium ratio certissima est, quod omnium propositionum veritas in solâ connexion-

ne

* Quamquam oriretur a sensibus, tamen non esse judicium Veritatis in sensibus inquit Peripatetici apud Cic. *Quæst. Acad. 4.*

Si quando satis cognita habebuntur, tunc sensui magis erit, quàm rationi credendum. Rationi enim fides adhibenda est, si quæ demonstrantur conveniant cum iis, quæ sensu percipiuntur, rebus. *Arist. de Gener. Anim. 3. c. 10.*

Judicium rationem esse dixit *Parmenides*, sensulque minus esse exactos, & idoneos ad judicandum. *Laërt. 9. seg. 22.*

ne prædicati, & subjecti posita est; hæc autem connexio nunquam clariùs, & certius a nobis cognosci possit, quàm si unum in alterius ideâ contineatur, aut unius idea cum alterius ideâ arctissimè conjungatur.

VII. Hinc autem facilè inferri potest, & observari plurimum debet principium ejusmodi converti non posse, ut illa solùm putanda sint vera, quorum ideam claram, & distinctam habemus: ut enim alibi ostendimus, plurima sunt in rebus naturalibus, ac divinis, quæ vera, ac certa esse fide, & ratione certissimè scimus, licet connexionem illam inter prædicatum, & subjectum minimè cognoscamus. Quo certè loco reprehendi, vel improbari maximè debet Protagoræ opinio, qui *rerum omnium mensuram hominem esse putavit* (a), *putavitque id cuique verum esse, quod cuique videatur* (b): quemadmodum etiam Democritus, ex eo, quod plurima, vel omnia a nobis percipi non possint, temere deduxit, illa vera esse non posse; in quo a Cicerone *, aliisque pluribus meritò reprehenditur.

VIII. Sed, ut illustriùs adhuc appareat hujus principii vis, aut Criterii usus, tria rerum genera distingui solent, quæ a nobis inquiri, & apprehendi possunt. Aliæ certissimæ sunt, de quibus evidentiam, & veritatem, & scien-

(a) *Apud Arist. lib. 2. Metaph. c. 5. & lib. 4. c. 5. vid. etiam Plato in Theat.* (b) *Cic. Acad. 4.*

* Nam is non hoc dicit, quod nos, qui veri esse aliquid non negamus, percipi posse negamus; ille verum esse planè negat. *Cic. Acad. 4.*

scientiam affecuti jam sumus, ut prima cognitionis principia, aliæque propositiones cum illis intimè, atque arctissimè connexæ. Aliæ sunt dubiæ, vel solum probabiles, quarum veritatem, & evidentiam nondum quidem affecuti sumus, sed illam consequi nos posse speramus, ut ætus maris, vis magnetica. Plurimæ denique aliæ sunt, quæ cognitionem nostram prorsus excedunt, atque humanæ mentis vim effugiunt, ut quæstiones illæ nimium vagæ, & abstractæ, quales de infinitâ Dei potentiâ, possibili creaturarum numero, atque illarum omnium perfectissimâ, aliæque sexcentæ, quæ tanto apparatu, & ingenii pompâ non magis inutiliter, quàm subtiliter disputari solent. Quæstiones illæ, quæ primi generis optimè dici possunt, liberiori quodam modo, plenoque fiduciæ sunt pertractandæ, cum illarum veritas faciliè appareat, atque ipsa sese mentibus, oculisque nostris objiciat, gestiens quodammodo ab humanæ mentis ingenio cognosci, & illustrari. Reliquæ verò, sicuti acriorem mentis nostræ vim exigunt, ut in lucem occulta veritas educatur, ita ancipitem ferè, sibi que diffidentem * animum requirunt, ne incerta pro certis, & adhuc ambigua pro cognitis amplectantur, hoc est rebus adhuc incognitis assentiatur; sed illas potius inquireat, ut inquit Seneca, *nec cum fiduciâ inveniendi, nec sine spe* (a). Illæ deni-

(a) *Sen. Quæst. Nat. lib. c.*

* Dicendum est mihi igitur ad ea, quæ sunt a te dicta, sed ita, nihil ut affirmem; quæram omnia dubitans, plerumque & mihi ipsi diffidens. *Cicer. de Divin. 2.*

nique, quæ circa res versantur, quæ omnem prorsus ingenii nostri vim superant, ac effugiunt, meliori certè consilio omitti, vel præteriri faciliè poterunt, quàm studiosius, atque curiosius inquiri; non quòd accurata rerum illarum investigatio, aut inutilis, aut injucunda putari debeat, cùm nihil potiùs divinam humanæ mentis vim meliùs, atque nobiliùs exerceat, quàm rerum occultissimarum cognitio; sed quòd intellectus noster suæ tenuitatis immemor illa quoque liberiùs, atque audaciùs scrutari desideret, quæ Deus ipse nobis occulta esse voluit. Plurimus itaque honor, & gratiæ plurimæ, ac immortales Deo haberi debent, quòd homini ad imaginem sui formato infiniti perscrutandi capacem mentem dederit, ac sui ipsius in æterno beatitudinis lumine facie ad faciem aliquando contemplandi spem fecerit; quandiu tamen mens nostra corporeis hisce sensibus illigata cognitionem omnem ab illis mutuatur, tenuem solùm illius Veritatis splendorem, quem in rebus omnibus divina Veritas olim impressit, intueri debet; atque omnes caligines, & vitia, quæ irrepere, & offundi solent, legum illarum ope, quas in hac primâ Philosophiæ Parte complexi sumus, dissipare.

FINIS LOGICÆ.





INDEX RERUM.



A

- A** *Batis Hyperboreus Philosophus.* 14.
Abraham Arithmetica, & Astrologia studiosus. 13.
Absolutus modus qui. 110.
Abstractio quid. 122.
Acataleptici Philosophi. 35. *Scientiam negant.* 307.
Vituperantur. 36.
Academia methodus. 37.
Accidens quid. 131.
Actio quid. 140.
Adam habuit Philosophiam. 6.
Quam fortasse docuit. 7.
Alienatio quid. 153.
Amor sui errorum causa. 284.
Amphibologia quid. 160.
Ampliatio quid. 153.

- Anacharsis Scythæ* . 14.
Analytica methodus quæ . 265.
Analogæ naturæ quæ . 125.
Apologus quid . 216.
Apparens modus qui 112.
Appellatio quid ; & quotuplex . 154.
Apprehensio quid . 88. 91.
Arabes Peripateticam Sectam propagarunt . 32.
Argumentatio quid . 214. *Ejus species* . 215.
Argumenti negativi vis . 304.
Aristoteles Logicam illustravit . 23. & 78.
Aristotelis opera corrupta : 24. & 32.
A SS. Patribus impugnata . Ihi.
Assyrii Philosophi ; & Astronomi antiquissimi . 15.
Atlas Astronomus apud Lybicos . 14.
Auctoritas quæ , & quotuplex . 292.
Ejus Leger . 294.
Axioma quid . 135.
Axiomatum leges . 269.

B

- B** *aco de Verulamio Philosophia restaurator* . 33.
Belus Assyriorum Rex Astronomia studiosus . 15.
*Berosus Astronomia studia ex Chaldaea in Græciam
transtulit* . 15.
Quo tempore vixerit . 79.
Brachmanes Indorum Philosophi . 14.

C

- C** *admus Phœniciorum Philosophus* . 14.
Cartesius novam Philosophiam invenit . 33.
Categoria quid . 138.

Categoria Peripateticorum decem. Ibi.

Categoria Recentiorum. 141.

Chaldaei Philosophi, & Astronomi antiquissimi. 15.

Illorum secta. 16.

Circulus vitiosus. 280.

Circumstantia individuales quæ. 123.

Conciliorum Auctoritas. 198.

Confusio Idearum unde. 135.

Confusus Socrænsis Philosophus. 14.

Quo tempore vixerit. 70.

Conversio Propositionum quid, & quotuplex. 199.

Criterii usus. 318.

Cynica secta instituta ab Antisthene. 30. Ejus series. Ibi.

Cynici Logicam rejecerunt. 19.

Cyrenaica secta ab Aristippo inventa. 30. Ejus series. Ibi.

D

Definitio nominis quid. 201. Definitio Rei quid, & quotuplex. 203. Ejus Leges. 204.

Demonstrationum Leges. 269.

Denominatio extrinseca quid. 111. prima; vel secunda intentionis. Ibid.

Deus Auctor, & prima Causa Philosophia. 6.

Dialectica nomina, & divisio. 80.

Differentia quid. 129. Ejus proprietates. 130.

Dilemma quid. 217.

Diogenes Laërtius Historia Philosophica scriptor. 48. Ejus atar. Ibi.

Discursus quid. 89. & 213.

Divisio quid, & quotuplex. 207.

Ejus regula. 208.

Dogmatici Philosophi. 35. vituperantur. 36.

E

- E**cclesia Auctoritas. [299.](#)
 Ecclesiici Philosophi qui. [35.](#)
 Egyptii Geometria, Astronomia, & Philosophia
 parentes. [16.](#)
 Egyptus mater artium. [16.](#)
 Eleatica Secta a Xenophane instituta. [28.](#) Ejus
 series. [Ibi.](#)
 Eloquentia Philosophia conjungenda est. [42.](#)
 Ens rationis quid. [111.](#)
 Enthymema quid. [221.](#)
 Ephectici Philosophi. [35.](#)
 Epicherema quid. [222.](#)
 Epicurus Sectam Atomistarum instituit. [28.](#) Ejus
 laudes. [Ibi.](#)
 Epicurea Secta origo, & series; a Gassendo reno-
 vata. [29.](#)
 Epicurei duas Philosophia partes agnoverunt. [19.](#)
 Logicam rejecerunt. [Ibi.](#)
 Epocha varia. [49.](#) Earum usus in Historiâ Phi-
 losophicâ. [Ibi.](#)
 Equipollentia quid. [201.](#)
 Equivocatio quid. [160.](#)
 Etrusci antiqui Philosophi. [14.](#)
 Evidentia Criterium veritatis. [314.](#) Unde oria-
 tur. [Ibi.](#)
 Exemplum quid. [215.](#)
 Extrinsecus modus qui. [111.](#)

F

- F**abula quid. [216.](#)
 Fabula Poëtarum Philosophia precepta con-
 tinent. [22.](#) Fal-

- Fallacia vocum quid, & quotuplex.* 160.
Fallacia forma qua. 272.
Fallacia intellectus. 273.
Fallacia voluntatis. 283.
Fides humana unde oriatur. 301. *Ejus leges.* Ibi.
Fides Divina. 297. *Ejus leges.* Ibi.
Figura quid. 140.
Figura Syllogistica quid, & quotuplex. 216.
Figura Syllogistica leges. 233.

G

- G** *Alileus Philosophia restitutor.* 33.
Gassendus Epicuri sectam restituit. 29.
Genus quid. 129.
Geometria sine Logica acquiri potest. 81.
Geometria methodus, ejusque leges. 167.
Gracia Philosophi ex Aegypto, & Phanicia Philosophiam acceperunt. 17.
Gymnosophista. Vide Brachmanes.

H

- H** *Abere quid.* 144.
Habitus quid. 139. & 140.
Hebrai antiquissimi Philosophi. 8.
Historiarum certitudo quomodo cognoscatur. 303.
Hominum consensus veritatis indicium. 302.
Hypotheses adhibenda in Philosophia. 37.
Hystaspes Persarum Philosophus. 15.

I

- I** *Dearum origo.* 98.
Idea adventitia qua. 108.
Corporea. 94. & 96.

- Spiritualis qua.* [99.](#)
Adequata. [116.](#)
Composita qua. [113.](#)
Confusa, & clara. [133.](#)
Distincta. [Ibi.](#)
Factitia. [108.](#)
Inadequata. [116.](#)
Obscura. [133.](#)
Simplex. [113.](#)
Singularis. [118.](#)
Particularis. [118.](#)
Universalis. [119.](#)
Idea juxta Cartesium innata. [102.](#)
Idea juxta Platonem innata. [99. & 103.](#)
Idea spirituales innata. [106.](#)
Inductio quid. [115.](#)
Intellectio quid. [94. & 95.](#)
Intellectus an distinctus ab imaginatione. [94.](#)
Intellectus agens, & patiens. [104.](#)
Intellectus an tabula rasa. [103.](#)
Intrinssecus modus qui. [111.](#)
Invidia quomodo in adversarios concitetur. [188.](#)
Job apud Arabes Philosophiam, & Astronomiam coluit. [13. Quo tempore floruerit.](#) [68.](#)
Isagoge Porphyrii. [126.](#)
Judicium quid. [89. & 156.](#)
Judicii regula. [167.](#)
Judicii defectus, & remedia. [157.](#)

L

- L** *Oca topica.* [251.](#)
Logica an scientia practica, vel speculativa. [85.](#)

- Logica ante alias scientias addisci debet. 84.
 Logica antiquis temporibus floruit. 75.
 Ejus origo. Ibi. Laudes. 74.
 Ejus præcepta a Zenone Eleate primum
 scripta. 78.
 Logica docitur etiam ars. 87.
 Logica divisio. 89.
 Logica decens, & utens. 86.
 Logica est scientia. 86.
 Logica inventa a Platone. 23.
 Logica naturalis, & artificialis. 80.
 Logica necessitas ad acquirendas scientias. 80.
 Logica nomina. 79.
 Logica objectum. 84.
 Logica studium antiquissimum. 23.

M

- M**agi Persarum Philosophi. 14. & 27.
 Mathematica sine Logica acquiri possunt.
 82. Ante Philosophiam docebantur. 83.
 Mathematica utilitas in Philosophia. 83.
 Materia. 142.
 Medius. 220.
 Medius quomodo inventatur. 251.
 Mens humana an mensura veritatis. 318.
 Mens quid. 142.
 Mensura quid. 142.
 Mercurius Trismegistus Aegyptiorum Philosophus.
 16. Quo tempore vixerit. 68.
 Mercurii columna. 16. Ejus opera apocrypha.
 Ibi.
 Metaphysica ab Interpretibus Aristotelis inven-
 ta. 23.

- Methodi leges.* [268.](#)
Methodus quid. [263.](#) & [89.](#) *Quotuplex.* [268.](#)
Mochus Phœnicus atomorum inventor. [14.](#)
Modus quid. [110.](#) *Ejus species.* [110.](#)
Modus Syllogisticus, quid, & quotuplex. [229.](#)
Ejus regula. [230.](#)
Moralis inventa a Socrate. [22.](#)
Motus. [142.](#)
Moyſes Egyptiorum ſapientiâ eruditus. [13.](#) *Quo tempore vixerit.* [68.](#) *cum Mocho Phœnicio Atomorum inventore confunditur.* [14.](#)
Mulieres quoque ſapientiana coluerunt. [17.](#) *Illarum numerus, & laudes.* [18.](#)

N

- N** *Natura ſingularis quomodo fit univerſalis.* [120.](#) & [122.](#)
Natura univoca, analoga, æquivoca quæ. [124.](#)
Negativus modus qui. [111.](#)
Nomen quid. [150.](#)
Nominalium ſecta. [32.](#)
Numa Pompilius an Pythagora Auditor. [27.](#)
O *Obscuritas Idearum unde.* [136.](#)
Oculus, vide Mochus. [14.](#)
Operationes intellectûs quot. [88.](#)
Operationes intellectûs ſunt objectum Logica. [88.](#)
Oppoſitio propoſitionum quid, & quotuplex. [196.](#)
Ejus Leges. [197.](#)
Oppoſitio quid, & quotuplex. [143.](#)
Orationis partes quot. [149.](#)

Or-

Orpheus an verè extiterit. [22.](#) *Quo tempore flo-*
ruerit. [68.](#) *Ejus carmina apocrypha.* [22.](#)
Osthanes Persarum Philosophus. [15.](#) *Quo tempore*
vixerit. [70.](#)

P

P *Arabola quid.* [216.](#)
Participium. [150.](#)
Passio, & patibilis qualitas. [240.](#)
Patrum Auctoritas, & usus. [300.](#)
Perceptionis species. [92.](#) *corporea, & spiritualis.*
Ibi.
Percipiendi modi. [93.](#)
Peripatetica Secta ab Aristotele inventa. [31.](#) *Ejus*
successio. *Ibi.* *Ab Arabibus in Europam*
translata. [32.](#) *In tres partes divisa.* *Ibi.*
Peripatetici quatuor Philosophia partes enum-
rant. [19.](#)
Petitio principii quid. [274.](#)
Phantasia quid. [94.](#)
Philosophia a Græcis in plures partes divisa fuit. [19.](#)
Philosophia apud singulas gentes floruit. [13.](#)
Philosophia eleganter tractanda est. [42.](#)
Philosophia nata ex admiratione, & contemplati-
one siderum. [21.](#)
Philosophi Ethnici an propria dogmata ex sacris
litteris desumpserint. [8.](#)
Philosophia etymologia, & natura. [2.](#)
Philosophia finis. [45.](#)
Philosophia libertas. [37.](#)
Philosophia origo. [5.](#)
Philosophia partes sunt quatuor. [19.](#)
Hujus divisionis ratio. [10.](#)

Pbi-

- Philosophia studium a Logicâ incipiendum.* [84.](#)
Philosophorum opiniones aliquâ ratione conciliari possunt. [41.](#)
Philosophorum Patria, & ætas 30. & sequentibus.
Physica ab antiquis Poëtis illustrata. [21.](#) & [22.](#)
Physica antiquior pars Philosophia. [21.](#)
Platonici Philosophiam in tres partes dividebant. [19.](#)
Platonis Præceptores. [31.](#)
Pontificis Auctoritas. [299.](#)
Porphyrus Auctor Isagoge. [126.](#)
Positivus modus qui. [111.](#)
Positura quid. [142.](#)
Post-Prædicamenta quid. [143.](#)
Potamo Alexandrinus Ecclesiæ Sectæ Auctor. [40.](#)
Potentia, & impotentia. [140.](#)
Præcisio quid. [115.](#) *Ejus species.* [116.](#)
Prædicamenta quid. [138.](#) *Quot.* *Ibi.*
Prædicatum quid. [169.](#)
Premissa quæ. [220.](#)
Præjudicium quid. [163.](#) *Quotuplex.* [164.](#) *Remedia.* [166.](#)
Prima cognitionis principia quid. [133.](#)
Prioritas quid, & quotuplex. [143.](#)
Probatio Syllogismi quid. [243.](#)
Ejus principia. *Ibi.*
Pronunciata quid. [135.](#)
Propositio quid. [168.](#) *Ejus materia, forma, quantitas, & qualitas.* [172.](#)
Absoluta. [174.](#)
Affirmativa. *Ibi.* & [175.](#)
Causalis. [178.](#)
Comparativa. [179.](#)
Complexa. [181.](#)
Composita. [171.](#)

Con-

- Conditionalis* . 178.
Conjunctiva . 177.
Contingens . 173.
Copulativa . 177.
Desitiva . 180.
Discretiva . 178.
Disjunctiva . 177.
Exceptiva . 179.
Exclusiva . Ibi.
Explicativa . 184.
Explicita . 179.
Exponens . Ibi.
Exponibilis . Ibi.
Falsa . 189.
Implicita . 179.
Impossibilis . 173.
Incaptiva . 180.
Incidens . 181.
Indefinita . 187.
Modalis . 174.
Necessaria . 173.
Negativa . 175.
Particularis . 186.
Possibilis . 173.
Reduplicativa . 180.
Relativa . 178.
Restrictiva . 184.
Simplex . 171.
Singularis . 186.
Vera . 189. *Quot modis* . 190.
Universalis . 186.
Proprium quid, & quoduplex . 130.
Pro-Syllogismus quid . 122.
Pyrrho Sestam instituit . 28.

- Pyrrhonica Secta origo, & series. Ibi.*
Pyrrhonicæ Philosophi. 35. Scientiam negant. 307.
Pythagora carmina a quo conscripta. 27.
Pythagora itinera, & Præceptores. Ibi.
Pythagoras Italicam sectam instituit. 27.
Pythagoras Philosophi nomen invenit. 3.

Q

- Q**ualitas quid. 139. Ejus species. *Ibi.*
 Quando quid. 140.
 Quantitas quid, & quotuplex. 139.
 Ejus proprietates. *Ibi.*
 Quæstio quid. 221.
 Quæstiones quæ fieri possunt triplicis generis. 318.
 Quies quid. 142.

R

- R**ealis modus qui. 111.
 Reductio Syllogismi quid, & quotuplex. 241.
 Relatio quid. 139.
 Relativus modus qui. 110.
 Reminiscencia quid. 101.
 Res quid. 109.
 Res modificata. *Ibi.*
 Restrictio quid. 153.

S

- S**anchoniaton Phœniciorum Philosophus. 14.
 Sapientia soli Deo convenit. 4.
 Sapientia definitio. 2.
 Sceptici Philosophi. 35.

Scien-

Scientia datur. [38.](#) & [308.](#)

Scientia quid. [87.](#) & [308.](#) *An oriatur a sensibus.* [310.](#)

Scientia in statu perfecto, vel imperfecto. [81.](#)

Scientia practica qua. [85.](#)

Scientia considerant res quoad essentiam. [310.](#)

Scriptorum mens quomodo investiganda. [306.](#)

Scriptura ab antiquis Philosophis legi non potuit. [92.](#)
quo primum tempore in græcum conversa. *Ibi.*

Scriptura Auctoritas. [298.](#)

Secta Academica inventa a Platone, ejus successio,
& divisio. [31.](#)

Cynica inventa ab Antisthene, ejusque series. [30.](#)

Cyrenaica ab Aristippo inventa, ejusque series. [30.](#)

Eclectica. [40.](#) *Origo, & series ipsius.* *Ibi,*
Laudes, & utilitas. [41.](#)

Eleatica instituta a Xenophane, ejus series. [28.](#)

Epicurea, ejusque series. [28.](#)

Ionica a Thalete instituta, & ejus series. [29.](#)

Megarica ab Euclide inventa, & ejus series. [30.](#)

Peripatetica ab Aristotele inventa, ejus series. [31.](#)

Pyrrhonica origo, & series. [28.](#)

Pythagorica, ejusque series. [27.](#)

Scotistarum. [32.](#)

Stoica inventa a Zenone ejus laudes, & successio. [30.](#)

Thomistarum. [32.](#)

Nominalium. [32.](#)

Sectarum origo, & illarum numerus. [26.](#)

Sectarum nomina unde derivata. [33.](#)

Se-

- Secta nomen unde.* [262.](#)
Sensus falluntur. [310. 8.](#)
Sensus Scriptura. [191.](#)
Sethi nepotes scientias coluere. 8. Illorum columna fabulosa. *Ibi.*
Septem Gracia sapientes. [17.](#)
Signum quid, & quotuplex. [145.](#)
Simultas quid, & quotuplex. [143.](#)
Situm quid. [140.](#)
Socrates Moralem instituit. [21.](#)
Socrates parens Philosophia. [23.](#)
Socratis epistola apocripba. [34.](#)
Socratis in docendo methodus. [36.](#)
Socratis modestia. *Ibi.*
Sophistarum fallacia. [123.](#)
Sorites. [216.](#)
Species expressa qua. [204.](#)
Species impressa. *Ibi.*
Species quid. [128.](#)
Stoici tres Philosophia partes agnoverunt. [19.](#)
Subiectum quid. [169.](#)
Substantia quid. [109.](#)
Suppositio quid, & quotuplex. [152.](#)
Sybillarum carmina apocrypha. [18.](#)
Syllogismus quid. [219.](#)
Syllogismi lex universalis. [247.](#)
Syllogismus complexus. [244.](#)
 Conditionalis qui. [249.](#)
 Coniunctivus. [244.](#)
 Copulativus. [250.](#)
 Disiunctivus. *Ibi.*
 Simplex. [244.](#)
Syllogistica ars in quo consistat. *Ibi.*
Synthetica methodus qua. [266.](#)

Ter-

T

- T**Erminorum regula. 227.
 Terminus quid, & quotuplex. 151. & 169.
 Thales Milesius Secta Ionica auctor. 29.
 Thaletis Milesii inventa, & laudes. 29.
 Theses in Philosophiâ admitti nequeunt. 37.
 Traditionum Auctoritas. 298.
 Turdetani Hispanorum Philosophi. 14.

V

- U**Bi quid. 140.
 Verbum quid. 150.
 Veritas an possit cognosci. 307.
 Veritas consistit in iudicio. 158.
 Veritas inveniri potest. 39. Sparsa est per singulas
 sectas. Ibi.
 Veritatis Criterium an detur. 313. Quodnam
 sit. 314.
 Verus modus qui. 112.
 Universale quotuplex. 127.
 Quomodo fiat ab intellectu. 120.
 Universale quid. 123. Ejus species. 124.
 Universalium doctrina inutilis. 131.
 Voces signa idearum. 146.
 Vocum leges. 268.
 Vocum significatio multiplex. 148.
 Vox quid. 149.

X

- X**Enophanes Eleatica Secta Auctor. 28.
 Xenophon Socratis auditor. 23.

Z

Zabratus idem ac Zoroastres. 15.

Zamolxis Thracum Philosophus. 14.

Quo tempore vixerit. 59.

Zeno Eleates primus Logicam scripsit. 23. & 78.

Hunc imitatus est Plato. Ibi.

Zoroastres Chaldaus. 15. Quo tempore vixerit. 68.

Ejus poemata apocrypha. 15.

Zoroastres plures. Ibi.

•••••

Pag. 39. v. 31. lege qui præcessit annum. p. 106. v.

12. l. nolle. p. 128. v. 5. l. exponi p. 165. v. 29.

l. accuratè cognita. p. 197. v. 12. l. quantita-

tem. p. 224. v. 8. l. certæ, ac legitimæ. v. 18.

l. is p. 232. v. 13. l. expressi. p. 291. v. 5.

l. Philautia. p. 293. v. 18. l. falli potest. p. 314.

v. 31. l. sive.

Pag. 99. v. 3. post contineri addatur Cic. Orat. &

v. 10. post imponere add. Arist. XIII. Meta. c. 4.

quod si leviores alii irreperint, negligat, aut

facile corrigat benevolus lector.



A 1 1453211

11066

